






12 16 C. - 28







SCRIPTORES  
REI RUSTICÆ

VETERES LATINI  
*EX RECENSIONE*

JO. MATTHIÆ GESNERI  
*Cum Notis selectioribus.*

TOMUS II.




VENETIIS MDCCLXXXIII.  
Apud Thomam Bettinelli

*Cum Facultate ac Privilegio.*



LIBRERIA  
ROMA







LECTORI DOCTO AC BENEVOLO SAL.

**N**E tibi fastidio sim, Candide Lector, breviter, ut soleo, te alloquar. Post Catonem & Varronem, Columellæ Pars Prior paullo serius quam vellem ad manus tuas traditur: plura siquidem fuerunt, quæ moram injecere; nec tamen (vel mea longe me fallit opinio) te admodum expectationis tuæ pœnitebit. De isto Gaditano præclarissimo lumine, ejusque eloquentiæ laude, poeticam jucunditatem prope referentis, in aliud tempus, ubi nempe hujus Operis Pars Altera lucem aspexerit, nonnihil agere differam. Impræsentiarum, quam in his Rei Rusticæ Scriptoribus edendis operam navare pergo, scias oportet. Manhemiensium Editorum vestigia & in partientis voluminibus derelinquere cœpi; nam id quoque temere atque inconsiderate ab iis factum esse patet. Quinque libris totum hunc primum constare ipsi voluerunt, septem reliquis cum libro *de Arboribus*, nulla probabili ducti ratione, in alterum tomum reservatis, cujus plus æquo moles excrevit. Præterea in libro III a c. I ad XII lem-

nata ex eodem *de Arboribus* iterata sunt, quod deinde veluti somno experrecti animadvertentes, lectore nequaquam admonito, quem æque somnulosum fore confidebant, in viam redierunt. Neque cum Manhemiensibus tantum, sed & cum Lipsiensi rem habui. Nonnulla enim, quæ in hujus Editionem irreperant, menda sustuli; &, quod sane mireris, uno loco vocolam pernecessariam(\*), & altero integrum versiculum(\*\*) restituere opus fuit. Hæc operis excidisse intelligo; at claudicantem utramque sententiam quomodo Editor non deprehenderit, equidem intelligere nequeo. Verum alia de Ernesto gravior mihi est conquestio. Collationem Codicis Sangermanensis cum Editione Gesneriana ad calcem subjecit: pi-gratus namque est illius lectiones ab hac diversas Varietati immiscere; quare non parum nos tæduit earum plurimas excerpere ac suis locis annotare. Ex hoc nimirum antiquissimo & celeberrimo MS., cujus utendi, quamvis optanti & roganti, potestas Gesnero data non fuit, & ex Goesiano præsertim, quem *summæ fidei librum* Cl. Pontedera Epist. LVIII pag. 514 appellat, Varietatem no-

(\*) Pag. 96 lin. 19 non. (\*\*) Pag. 197 lin. ult. *nam ubi calum frigidum est, ea sine dubio eligenda est.*


stram locupletavimus, in eo liberaliores, quod erudito cuique de contextu recte constituendo summopere laborandum esse existimamus. Hujus itaque diligentiae obtrectatores despiciamus, qui tempori ac labori parcere studentes, dummodo lucrifaciant, literas parvipendunt. Cæterum notas in Columellam dedimus strictiores quam in Catonem & Varronem, ne scribendi cacoethe capti videamur. In eas tamen omnes usque ad unam doctissimi Pontederæ castigationes interpretationesque transtulimus. Quis enim non videt Grammaticorum & Criticorum vires ad hos libros emaculandos suppetere non posse, ac diu vel æternum misere truncatos inquinatosque remanuros, nisi hunc universæ rei herbariæ & agrariæ peritissimum emendatorem atque sospitatorem iavenissent? Nemo alius tam fortiter dicam Aldo impegisset, cujus donec vigeat auctoritas, de Rei Rusticæ Scriptoribus actum est. Pontederæ igitur gratiam potissimum, Candide Lector, habeto, ejusque lucubrationum fructu frui mecum & vale.

L. JUNII MODERATI  
COLUMELLÆ  
DE  
RERUSTICA  
LIBRI XII.  
ET  
LIBER DE ARBORIBUS &c.


---

*PARS PRIMA.*

---







L. JUNII MODERATI  
COLUMELLÆ  
DE  
RERUSTICA  
LIBER PRIMUS.

---

BREVIARIUM  
EX RHEGIENSI EDITIONE  
ANNI MCDLXXXII.

I. *Præcepta quæ sequantur qui rusticari velint.*  
II. *Qualiter dispositus fundus maxime probetur.*  
III. *Quæ præcipue inspiciendo agro, antequam ematur, notanda sint.* IV. *De salubritate regionum.*  
V. *De aqua.* VI. *De positione villæ.* VII. *De officiis patrisfamilias.* VIII. *De pecore & pecorum magistris.* IX. *Qualis corporaturæ mancipia cuique operi contribuenda sint.*

## AD PUB. SILVINUM PRÆFATIO.

SÆPENUMERO civitatis nostræ principes audio culpantes modo agrorum infœcunditatem, modo cæli per multa jam tempora noxiam frugibus intemperiem: quosdam etiam prædictas querimonias velut ratione certa mitigantes, quod existiment, ubertate nimia prioris ævi defatigatum & effœtum solum nequire pristina benignitate præbere mortalibus aliment<sup>a</sup>. Quas ego causas, Publi Silvine, procul a veritate abesse certum habeo: quod neque fas existimare, humi<sup>a</sup> naturam, quam primus ille mundi genitor perpetua fœcunditate donavit, quasi quodam morbo sterilitate affectam: neque prudentis<sup>b</sup> credere, tellurem, quæ divinam & æternam juventam sortita, communis omnium parens dicta sit, quia & cuncta peperit semper, & deinceps paritura sit, velut hominem consenuisse. Nec post hæc reor intemperantia<sup>c</sup> cæli nobis ista, sed nostro potius accidere vitio, qui rem rusticam pessimo cuique servorum, velut carnifici, noxæ<sup>d</sup> dedimus, quam majorum nostrorum optimus quisque optime tractaverit. Atqui ego satis mirari non possum, quid ita

a) rerum naturam Goes. I. B. R. Sanger. b) est *add.* L. I. I. - St. c) violentia cæli I. B. R. Goes. Sanger. d) noxiæ I. I. Gr. G. St.

dicendi cupidi seligant oratorem, cujus imitentur eloquentiam; mensurarum & numerorum modum rimantes, placitæ disciplinæ consecantur magistrum; vocis & cantus modulatorem, nec minus corporis gesticulatorem, scrupulosissime requirant saltationis ac musicæ rationis studiosi; jamque qui ædificare velint, fabros & architectos advocent; qui navigia mari concedere, gubernandi peritos; qui bella moliri, armorum & militiæ gnaros; & ne singula persequar, ei studio, quod quis agere velit, consultissimum rectorem adhibeat; denique animi sibi quisque formatorem præceptoremque virtutis e cœtu sapientum arcessat: sola res rustica, quæ sine dubitatione proxima, & quasi consanguinea sapientiæ est, tam discentibus egeat, quam magistris. Adhuc enim scholas rhetorum, &, ut dixi geometrarum, musicorumque, vel quod magis mirandum est, contemptissimorum vitiorum officinas, gulosius condienti cibos, & luxuriosius fercula struendi, capitumque & capillorum concinnatores, non solum esse audiui, sed & ipse vidi: agricolationis neque doctores, qui se profiterentur, neque discipulos cognovi: cum etiam si prædictarum artium professoribus civitas egeret, tamen, sicut apud priscos, florere posset respublica: nam sine ludicris artibus, atque etiam sine causidicis olim satis felices fuere, futuræque sunt urbes: at sine agricultoribus nec consi-

7 stere mortales, nec ali posse manifestum est. Quo magis prodigii<sup>a</sup> simile est, quod accidit, ut res corporibus nostris, vitæque utilitati maxime conveniens, minimam usque in hoc tempus consummationem haberet; idque sperneretur genus amplificandi retinendique<sup>b</sup> patrimonii, quod omni crimine caret. Nam cætera diversa, & quasi repugnantia, dissident a justitia: nisi æquius existimamus cepisse prædam ex militia, quæ nobis nihil sine sanguine  
8 & cladibus alienis affert. An bellum perosis<sup>c</sup>, maris & negotiationis alea sit optabilior, ut rupto naturæ fœdere terrestre animal homo, ventorum & maris objectus iræ, se fluctibus audeat credere<sup>d</sup>, semperque ritu volucrum, longinqui littoris, peregrinus, ignotum pererret orbem? An sceneratio probabilior sit, etiam his invisâ, quibus succurrere  
9 videtur? Sed ne caninum quidem, sicut dixere veteres, studium præstantius, locupletissimum quemque adlatrandi, & contra innocentes, ac pro nocentibus neglectum a majoribus, a nobis etiam concessum intra mœnia & in ipso foro latrocinium? An honestius duxerim<sup>e</sup> mercenarii salutatoris mendacissimum aucupium circumvolitantis limina potentiorum, somniumque<sup>f</sup> regis sui rumoribus inaugurant-

a) prodigio L. b) relinquendique Goes. Sanger. c) per obsessa Goes. Sanger. d) tendere Goes. Sanger. e) dixerim I.B.R. f) somnum P. Gr. G. St.

tis<sup>a</sup>? neque enim roganti, quid agatur intus, respondere servi dignantur. An putem fortunatius a 10 catenato repulsum janitore sæpe nocte sera foribus ingratis adjacere, miserrimoque famulatu per dedecus, fascium decus, & imperium, profuso tamen patrimonio, mercari? nam nec gratuitæ servituti<sup>b</sup>, sed donis rependitur honor. Quæ si & ipsa, & eorum similia bonis fugienda sunt: superest (ut dixi) unum genus liberale & ingenuum rei familiaris augendæ, quod ex agricoltatione contingit. Cujus 11 præcepta si vel temere ab indoctis, dum tamen agrorum possessoribus, antiquo more administrarentur, minus jacturæ paterentur res rusticæ: nam industria dominorum cum ignorantiae detrimentis multa pensaret: nec quorum commodum ageretur, tota vita vellent imprudentes negotii sui conspici; eoque discendi cupidiores agricoltationem pernoscerent. Nunc & ipsi prædia nostra colere dedigna- 12 mur, & nullius momenti ducimus peritissimum quemque villicum facere: vel si nesciunt, certe vigoris experrecti, quo celerius, quod ignoret, addiscat. Sed sive fundum locuples mercatus est, & turba pedissequorum, lecticariorumque defectissimum annis & viribus, in agrum relegat; cum istud opus non solum scientiam, sed & viridem ætatem cum

a) augurantis Goes. L. I. B. R. I. I - A. H. b) gratuita servitute Sanger.

robore corporis ad labores sufferendos desideret: si-  
 ve mediarum facultatum dominus, ex mercenariis  
 aliquem, jam recusantem quotidianum illud tribu-  
 tum, (qui vespigalis esse non possit) ignarum rei,  
 13 cui præfuturus est, magistrum fieri jubet. Quæ  
 cum animadvertam, sæpe mecum retrahens, ac  
 recogitans, quam turpi consensu deserta exoleverit  
 disciplina ruris, vereor, ne flagitiosa & quodam-  
 modo pudenda, aut inhonesta videatur ingenuis.  
 Verum cum pluribus monumentis scriptorum admo-  
 near, apud antiquos nostros fuisse gloriæ curam  
 rusticationis; ex qua Quintius Cincinnatus, obsessi  
 consulis & exercitus liberator, ab aratro vocatus  
 ad Dictaturam venerit, ac rursus fascibus depositis,  
 quos festinantius victor reddiderat, quam sumserat  
 Imperator, ad eosdem juvencos, & quatuor jüge-  
 14 rum avitum herediolum<sup>a</sup> redierit: itemque C. Fa-  
 bricius, & Curius Dentatus<sup>b</sup>, alter Pyrrho finibus  
 Italiæ pulso, domitis alter Sabinis, accepta, quæ  
 viritim dividebantur, captivi agri septem jugera,  
 non minus industrie coluerit, quam fortiter armis  
 quæsierat: & ne singulos intempestive nunc perse-  
 quar, cum tot alios Romani generis intuear me-  
 morabiles duces, hoc semper duplici studio floruis-  
 se, vel defendendi, vel colendi patrios, quæsitosve

a) prædiolum L. b) quorum *ins.* L.

fines: intelligo luxuriæ, & deliciis nostris pristinum  
 morem, virilemque vitam displicuisse. Omnes enim 19  
 (sicut M. Varro jam temporibus avorum conquestus  
 est) patresfamilie, falce & aratro relictis, intra  
 murum correpsimus, & in circis potius ac theatris,  
 quam in segetibus & vinetis<sup>a</sup> manus movemus: at-  
 tonitrique miramur gestus effæminatorum, quod a  
 natura sexum viris denegatum, muliebri motu men-  
 tiantur, decipiantque<sup>b</sup> oculos spectantium. Mox de- 16  
 inde, ut apti veniamus ad ganeas, quotidianam cru-  
 ditatem Laconicis excoquimus, & exsucto<sup>c</sup> sudore  
 sitim quærimus, noctesque libidinibus & ebrietati-  
 bus, dies ludo vel somno consumimus, ac nosmet-  
 ipsos ducimus fortunatos, quod nec orientem solem  
 videmus, nec occidentem. Itaque istam vitam so- 17  
 cordem persequitur valetudo: nam sic juvenum cor-  
 pora fluxa & resoluta sunt, ut nihil mors mutatu-  
 ra videatur. At mehercule vera illa Romuli pro-  
 les assiduis venatibus, nec minus agrestibus operi-  
 bus exercitata, firmissimis prævaluit corporibus, ac  
 militiam belli, cum res postulavit, facile sustinuit,  
 durata pacis laboribus, semperque rusticam plebem  
 præposuit urbanæ. Ut enim, qui in villis intra  
 consepta morarentur, quam qui foris terram moli-  
 rentur, ignaviores habitos; sic eos, qui sub umbra 2

a) ac vineis Goes. Sanger. b) decipientes L. c) exhausto L.  
 exusto I. B. R. Sanger.

civitatis intra mœnia desides cunctarentur, quam  
 qui rura colerent, administrarentve opera colono-  
 18 rum, segniores visos. Nundinarum etiam conventus  
 manifestum est propterea usurpatos, ut nonis tan-  
 tummodo diebus urbanæ res agerentur, reliquis admi-  
 nistrarentur rusticæ: illis enim temporibus, ut ante  
 jam diximus, procures civitatis in agris morabantur:  
 & cum consilium publicum desiderabatur, e villis ar-  
 19 cescebantur in senatum: ex quo, qui eos evocabant,  
 Viatores nominati sunt: isque mos dum servatus est  
 perseverantissimo colendorum agrorum studio, veteres  
 illi Sabini Quirites, atavique Romani, quamquam in-  
 ter ferrum & ignes, hosticisque incursionibus vastatas  
 fruges, largius tamen condidere, quam nos, quibus  
 diuturna permittente pace prolatum licuit rem ru-  
 20 sticam. Itaque in hoc Latio & Saturnia terra, ubi  
 Dii cultus agrorum progeniem suam docuerant, ibi  
 nunc ad hastam locamus, ut nobis ex transmarinis  
 provinciis advehatur frumentum, ne fame laboremus:  
 & vindemias condimus ex insulis Cycladibus, ac re-  
 gionibus Bæticis, Gallicisque. Nec mirum, cum sit  
 publice concepta, & confirmata jam vulgaris existi-  
 matio, rem rusticam sordidum opus, & id esse ne-  
 gotium, quod nullius<sup>a</sup> egeat magisterio præceptoris<sup>b</sup>,  
 21 At ego, cum aut magnitudinem totius rei, quasi

<sup>a</sup>) nullo plur.    b) præceptore plur.



quandam vastitatem corporis, aut partium ejus, velut singulorum membrorum numerum recenseo<sup>a</sup>, vereor, ne supremus ante me dies occupet<sup>b</sup>, quam universam disciplinam ruris possim cognoscere. Nam qui se in hac scientia perfectum volet pro- 22  
feri, sit oportet rerum naturæ sagacissimus, declinationum mundi non ignarus: ut exploratum habeat, quid cuique plagæ conveniat, quid repugnet: siderum ortus & occasus memoria repetat, ne imbris ventisque imminentibus opera inchoet, laboremque frustretur. Cæli & anni præsentis<sup>c</sup> mores intuea- 23  
tur: neque enim semper eundem, velut ex præscripto, habitum gerunt: nec omnibus annis eodem vultu venit æstas aut hiems: nec pluvium semper est ver, aut humidus autumnus, quæ prænosceri sine lumine animi, & sine exquisitissimis disciplinis non quemquam posse crediderim. Jam ipsa terræ varietas, & cujusque soli habitus, quid nobis neget, quid promittat, paucorum est discernere. Contemplatio vero cunctarum in ea disciplina par- 24  
tium, quando<sup>d</sup> cuique contingit, ut & segetum, arationumque perciperet usum, & varias dissimillimasque terrarum species pernosceret? quarum non nullæ colore, non nullæ qualitate fallunt: atque in aliis regionibus nigra terra, quam pullam vocant,

a) subtilitatem despicio Sanger. b) occultet P. c) præsentis  
al. d) quanto Sanger.

ut in Campania, est laudabilis; in aliis pinguis rubrica<sup>a</sup> melius respondet; quibusdam (sicut in Africa Numidia) putres arenæ fœcunditate vel robustissimum<sup>1</sup> solum vincunt: in Asia Mysiaque densa  
 15 & glutinosa terra maxime exuberat. Atque in his ipsis habere cognitum, quid recuset collis, quid campestris positio, quid cultus, quid silvester ager, quid humidus & graminosus, quid siccus & spurcus, ratione quoque dispicere, & in arboribus, vineis<sup>2</sup>que, quorum infinita sunt genera, conserendis, ac tuendis; & in pecoribus parandis, conservandisque: quoniam & hanc adscivimus quasi agriculturæ partem, cum separata sit ab agricolatione pastoralis scientia: nec ea tamen simplex: quippe aliud  
 26 exigit equinum, aliud<sup>b</sup> atque aliud bubulum armentum, aliud pecus ovillum, & in eo ipso dissimilem rationem postulat Tarentinum, atque hirtum; aliud caprinum, & id ipsum aliter curatur mutilum & raripilum, aliter cornutum & setosum, quale est in Cilicia. Porculatoris vero & subulci diversa professio, diversæ pastiones: nec eundem glabræ sues, densæque, cæli statum; nec eandem educationem,  
 27 cultumve quærunt. Et ut a pecoribus recedam, quorum in parte avium cohortalium, & apium cura posita est: quis tanti studii fuit, ut super ista,

a) lubrica I. B. R. Goes. b) aliud *omitt.* L. *recte.*

quæ enumeravimus, tot nosset species insitionum ,  
tot putationum , tot pomorum holerumque cultus  
exercere? tot generibus ficorum, sic ut rosariis im-  
penderet curam, cum a plerisque etiam majora ne-  
gligantur? quamquam & ista jam non minima ve-  
tigalia multis esse cœperunt . Nam prata & sali- 28  
cia, genistæque & arundines , quamvis tenuem ,  
nihilominus aliquam desiderant industriam. Post hanc  
tam multarum, tamque multiplicium rerum prædi-  
cationem non me præterit, si, quem desideramus  
agricolam, quemque describimus, exegero a parti-  
cipibus agrestium operum , tardatum iri studia di-  
scientium, qui tam variæ , tamque vastæ scientiæ  
desperatione conterriti, nolent experiri , quod se  
assequi posse diffident. Verumtamen, quod in ora- 29  
tore jam M. Tullius rectissime dixit, par est eos,  
qui generi humano res utilissimas conquirere , &  
perpensas, exploratasque memoriæ tradere concu-  
piverint, cuncta tentare. Nec si vel illa præstantis  
ingenii vis, vel inclytarum artium defecerit instru-  
mentum, confestim debemus ad otium & inertiam  
devolvi: sed quod sapienter speravimus , perseve-  
ranter consecrari. Summum enim culmen affectan-  
tes, satis honeste vel in secundo fastigio conspicie-  
mur. An Latæ musæ non solos adytis suis Accium 30  
& Virgilium recepere, sed eorum & proximis &  
procul a secundis sacras concessere sedes? Nec Bru-

tum, aut Cælium, Pollionemve cum Messala & Catulo deterruere ab eloquentiæ studio fulmina illa Ciceronis. Nam neque ille ipse Cicero territus cesserat tonantibus Demostheni Platonique: nec parens eloquentiæ, deus ille Mæonius, vastissimis fluminibus facundiæ suæ posteritatis studia restinxerat.

- 31 rat<sup>a</sup>. An ne minoris quidem famæ opifices per tot jam secula videmus laborem suum destituisse, qui Protogenem, Apellemque cum Parrhasio mirati sunt? Nec pulchritudine Jovis Olympii Minervæque Phidiacæ sequentis ætatis attonitos piguit experiri Bryaxim, Lysippum, Praxitelem, Pölycletum, quid efficere, aut quousque progredi possent. Sed in omni genere scientiæ & summis admiratio veneratioque, & inferioribus merita laus contingit.
- 32 Accedit huc, quod ille, quem nos perfectum esse volumus agricolam, si quidem artis consummatæ non sit, nec in universa rerum natura sagacitatem Democriti, vel Pythagoræ (non) fuerit consecutus, & in motibus astrorum ventorumque Metonis providentiam, vel Eudoxi, & in pecoris cultu doctrinam Chironis ac Melampodis, & in agrorum solique molitione Triptolemi aut Aristei prudentiam: multum tamén profecerit, si usu Tremellios, Sarnasque & Stolones nostros æquaverit. Potest

<sup>a</sup>) restrinxerat I. B. G.

enim nec subtilissima, nec rursus, quod ajunt, pingui Minerva res agrestis administrari. Nam illud procul vero est, quod plerique crediderunt, facillimam esse nec ullius acuminis rusticationem. De cujus universitate nihil attinet plura nunc dissere-re: quandoquidem cunctæ partes ejus destinatis aliquot voluminibus explicandæ sunt, quas ordine suo tunc demum persequar, cum præfatus fuero, quæ reor ad universam disciplinam maxime pertinere.

*Præcepta, quæ sequantur, qui rusticari  
velint.*

CAP. I. Qui studium agricolationi dederit, antiquissima sciat hæc sibi advocanda, prudentiam rei, facultatem impendendi, voluntatem agendi. Nam is demum cultissimum rus habebit, ut ait Tremellius, qui & colere sciet, & poterit, & volet. Neque enim scire, aut velle, cuiquam satis fuerit, sine sumptibus, quos exigunt opera: nec rursus faciendi aut impendendi voluntas profuerit, sine arte, quia caput est in omni negotio, nosse quid agendum sit, maximeque in agricultura, in qua voluntas facultasque citra scientiam sæpe magnam dominis afferunt jacturam, cum imprudenter facta opera frustrantur impensas. Itaque diligens paterfamilias, cui cordi est, ex agri cultu certam sequi rationem rei familiaris augendæ, maxime curat.

bit, ut ætatis suæ prudentissimos agricolas de qua-  
 que re consulat, & commentarios antiquorum se-  
 dulo scrutetur, atque æstimet, quid eorum quisque  
 senserit, quid præceperit: an universa, quæ majores  
 prodiderunt, hujus temporis culturæ responde-  
 4 ant, an aliqua dissonent? Multos enim jam memo-  
 rabiles auctores comperi persuasum habere, longo  
 ævi situ qualitatem cæli, statumque mutari; eorum-  
 que consultissimum astrologiæ professorem Hippar-  
 chum prodidisse, tempus fore, quo cardines mundi  
 loco moverentur: idque etiam non spernendus au-  
 5 ctor rei rusticæ Saserna videtur adcredidisse. Nam  
 eo libro, quem de agricultura scriptum reliquit,  
 mutatum cæli statum sic colligit, quod quæ regio-  
 nes antea propter hiemis assiduam violentiam nul-  
 lam stirpem vitis aut oleæ depositam custodire po-  
 tuerint, nunc mitigato jam & intepescente pristi-  
 no frigore largissimis olivitatibus, Liberique vinde-  
 6 miis exuberent. Sed hæc sive falsa, seu vera ratio  
 est, literis astrologiæ concedatur. Cætera non dis-  
 simulanda erunt agrorum cultori præcepta rustica-  
 tionis, quæ cum plurima tradiderint Pœni ex Afri-  
 ca scriptores, multa tamen ab his falso prodita co-  
 arguunt nostri coloni: sicut Tremellius, qui que-  
 rens<sup>a</sup> id ipsum, tamen excusat, quod Italiæ & Afri-

cæ

a) quærens plur.

tæ solum cælumque diversæ naturæ, nequeat eos-  
 dem proventus habere . Quæcunque sunt autem ,  
 quæ propter disciplinam ruris nostrorum temporum  
 cum priscis discrepent, non deterrere debent a le-  
 ctione discentem . Nam multo plura reperiuntur  
 apud veteres, quæ nobis probanda sint, quam quæ  
 repudianda. Magna porro & Græcorum turba est, 7  
 de rusticis rebus præcipiens; cujus princeps celeberrimus  
 vates non minimum professioni nostræ contulit  
 Hesiodus Bæotius. Magis deinde eam juvere  
 fontibus orti sapientiæ Democritus Abderites, So-  
 craticus Xenophon, Tarentinus Architas, Peripa-  
 retici magister ac discipulus, Aristoteles cum Theo-  
 phrasto. Siculi quoque non mediocri cura negotium 8  
 istud prosecuti sunt, Hieron, & Epicharmus disci-  
 pulus, Philometor, & Attalus. Athenæ vero scri-  
 ptorum frequentiam pepererunt, e quæis probatis-  
 simi auctores Chæreas, Aristandros, Amphilochns,  
 Euphron; Chrestus Euphronis, non, ut multi pu-  
 tant, Amphipolites, qui & ipse laudabilis habetur  
 agricola, sed indigena soli Attici. Insulæ quoque 9  
 curam istam celebraverunt, ut testis est Rhodius  
 Epigenes, Chius Agathocles, Evagon, & Anaxipo-  
 lis Thasii. Unius quoque de septem Biantis illius  
 populares Menander & Diodorus in primis sibi vin-  
 dicaverunt agricolationis prudentiam. Nec his ces-  
 sere Milesii, Bacchius & Mnasseas, Antigonus Cy-

mæus, Pergamenus Apollonius, Dion Colophoni-  
 10 Hegesias Maronites. Nam quidem Diophanes Bi-  
 thynius Uticensem totum Dionysium, Pœni Ma-  
 gonis interpretem, per multa diffusum volumina,  
 sex epitomis circumscripsit. Et alii tamen obscurio-  
 res, quorum patrias non accepimus, aliquod stipen-  
 dium nostro studio contulerunt. Hi sunt Andro-  
 tion, Æschrion, Aristomenes, Athenagoras, Cra-  
 11 tes, Dadis, Dionysius, Euphyton, Euphorion. Nec  
 minori fide pro virili parte tributum nobis intule-  
 runt Lysimachus, & Cleobulus, Menestratus,  
 12 Pleutiphanes, Persis, Theophilus. Et ut agricola-  
 tionem Romana tandem civitate donemus, (nam  
 adhuc istis auctoribus Græcæ gentis fuit) jam nunc  
 M. Catonem Censorium illum memoremus, qui  
 eam Latine loqui primus instituit: post hunc duos  
 Sasernas, patrem & filium, qui eam diligentius  
 erudierunt: ac deinde Scrofam Tremellium, qui  
 eam<sup>a</sup> eloquentem reddidit; & M. Terentium, qui  
 expolivit; mox Virgilium, qui carmine quoque po-  
 13 tentem fecit. Nec postremo quasi pædagogi ejus  
 meminisse dedignemur, Julii Hygini: veruntamen  
 ut Carthaginiensem Magonem rusticationis paren-  
 tem maxime veneremur: nam hujus octo & viginti  
 memorabilia illa volumina ex senatusconsulto in

a) .etiam Goes. I. B. R. Sanger.



Latium sermonem conversa sunt . Non minorem 14  
tamen laudem meruerunt nostrorum temporum vi-  
ri, Cornelius Celsus, & Julius Atticus: quippe  
Cornelius totum corpus disciplinæ quinque libris  
complexus est: hic de una specie culturæ perti-  
nentis ad vites, singularem librum edidit. Cujus  
velut discipulus, duo volumina similium præcepto-  
rum de vineis, Julius Græcinus, composita facetius  
& eruditius, posteritati tradenda curavit. Hos igitur 15  
Publi Silvius, prius quam cum agricolatione  
contrahas, advocato in consilium: nec tamen sic  
mente dispositus, velut summam totius rei senten-  
tiis eorum consecuturus: quippe ejusmodi scripto-  
rum monumenta magis instruunt, quam faciunt,  
artificem. Usus & experientia dominantur in arti- 16  
bus: neque est ulla disciplina, in qua non peccan-  
do discatur: nam ubi quid perperam administratum  
cesserit improspere, vitatur quod fefellerat: illumi-  
natque rectam viam docentis magisterium. Quare 17  
nostra præcepta non consummare scientiam, sed  
adjuvare promittunt: nec statim quisquam compos  
agricolationis erit his perfectis rationibus, nisi &  
obire eas voluerit, & per facultates potuerit. Ideo-  
que hæc velut adminicula studiosis promittimus,  
non profutura per se sola, sed cum aliis. Ac ne 18  
ista quidem præsidia, ut diximus, non assiduus la-  
bor, & experientia villici, non facultates, ac vo-

luntas impendendi tantum pollent, quantum vel una præsentia domini: quæ nisi frequens operibus intervenerit, ut in exercitu, cum abest imperator, cuncta cessant officia: maximeque reor hoc significantem Pœnum Magonem, suorum scriptorum primordium talibus auspicatum sententiis: qui agrum parabit<sup>a</sup> domum vendat, ne malit urbanum, quam rusticum larem colere: cui magis cordi fuerit urbanum domicilium, rustico prædio non erit opus.

- 19 Quod ego præceptum, si posset his temporibus observari, non immutarem. Nunc quoniam plerosque nostrum civilis ambitio sæpe evocat, ac sæpius detinet evocatos, sequitur ut suburbanum prædium commodissimum esse putem, quo ut occupato quotidianus excursus facile post negotia fori contingat.
- 20 Nam qui longinqua, ne dicam transmarina rura mercantur, velut hæredibus patrimonio suo, & quod gravius est, vivi cedunt servis suis: quoniam quidem & illi tam longa dominorum distantia corrumpuntur, & corrupti post flagitia, quæ commiserunt, sub expectatione successorum, rapinis magis, quam culturæ student.

*Qualiter dispositus fundus maxime probetur.*

II. Censeo igitur in propinquo agrum mercari, quo & frequenter dominus veniat, & frequentius

a) paravit Goes. Com. Sanger.

re venturum, quam sit venturus, denunciet: sub hoc enim metu eum familia villicus erit in officio. Quicquid vero dabitur occasionis, ruri moretur: quæ non sit mora segnis, nec umbratilis: nam diligentem patremfamilias decet agri sui particulas omnes & omni tempore anni frequentius circumire, quo prudentius naturam soli, sive in frondibus, & herbis, sive jam maturis frugibus contempletur: nec ignoret quidquid in eo recte fieri poterit. Nam illud vetus est, & Catonis, Agrum pessime multari, cujus dominus quid in eo faciendum sit, non docet, sed audit villicum. Quapropter vel a maioribus traditum possidenti, vel emturo fundum præcipua cura sit scire, quod maxime regionis genus probetur: ut vel careat inutili, vel meretur laudabilem. Quod si voto fortuna subscripserit, agrum habebimus salubri cælo, uberi glæba, parte campestri, parte alia collibus vel ad orientem vel ad meridiem molliter devexis; terrenisque aliis cultis, atque aliis sylvestribus & asperis, nec procul a mari, aut navigabili flumine, quo deportari fructus, & per quod merces invehì possint. Campus in præta & arva, salictaque & arundineta digestus, ædificio subiaceat. Colles alii vacui arboribus, ut solis segetibus serviant, quæ tamen modice siccis, ac pinguibus campis melius, quam præcipitibus locis proveniunt. Ideoque etiam celsiores agri frumen-

tarii planicies habere, & quam mollissime devexi, ac simillimi debent esse campestri positioni. Alii deinde colles olivetis, vinetisque & earum futuris pedamentis vestiantur, materiam<sup>a</sup>, lapidemque, si necessitas ædificandi coegerit, nec minus pecudibus pascua, præbere possint. Tum rivos decurrentes in prata, & hortos, & salicta, vivæ<sup>b</sup> aquæ salientes demittant: nec absint greges armentorum, cæterorumque quadrupedum, culta & dumeta pascentium. Sed hæc positio, quam desideramus, difficilis & rara paucis contingit. Proxima est huic, quæ plurima ex his habet: tolerabilis, quæ non paucissima.

*Quæ præcipue inspiciendo agro, antequam  
ematur, notanda sint.*

III. Porcius quidem Cato censebat in emendo inspiciendoque agro præcipue duo esse considerata, salubritatem cæli, & ubertatem loci: quorum si alterum deesset, ac nihilo minus quis vellet incolere, mente esse captum, atque eum ad agnatos & gentiles deducendum. Neminem enim sanum debere facere sumtus in cultura sterilis soli: nec rursus pestilenti quamvis feracissimo pinguique agro<sup>c</sup> do-

<sup>a</sup>) maceriam I. B. R. Sanger. <sup>b</sup>) villæque aquas L. Goes. I. B. R. Sanger. <sup>c</sup>) agro cum incertum sit, an dominum sinat ad fructus pervenire I. I.

minum ad fructus pervenire. Nam ubi sit cum or-  
co ratio ponenda, ibi non modo perceptionem fru-  
ctuum, sed & vitam colonorum esse dubiam, vel po-  
tius mortem quæstu certiorē. Post hæc duo prin- 3  
cipalia subjungebat illa non minus intuenda, viam,  
& aquam, & vicinum. Multum conferre agris iter  
commodum: primum, quod est maximum, ipsam  
præsentiam domini, qui libentius commeaturus sit,  
si vexationem viæ non reformidet: deinde ad in-  
vehenda & exportanda utensilia; quæ res frugibus  
conditis auget pretium, & minuit impensas rerum  
inveſtarum: quia minoris apportentur eo quo facili- 4  
nisu perveniatur. Nec (non) nihil esse etiam par-  
vo vehi, si conductis jumentis iter facias, quod  
magis expedit, quam tueri propria. Servos quoque,  
qui secuturi patremfamilias sint, non ægre iter pe-  
dibus ingredi. De bonitate aquæ ita omnibus cla-  
rum est, ut pluribus non sit disserendum. Quis 5  
enim dubitet, eam maxime probatam haberi, sine  
qua nemo nostrum vel prosperæ, vel adversæ va-  
letudinis vitam proroget? De vicini comodo non  
est quidem certum, quem nonnunquam mors, aliæ-  
que nobiscum diversæ causæ mutant. Et ideo qui-  
dam respuunt Catonis sententiam: qui tamen mul-  
tum videntur errare. Nam quemadmodum sapientis  
est, fortuitos casus magno animo sustinere, ita  
dementis est, ipsum sibi malam facere fortunam:

quod facit, qui nequam vicinum suis numis parat, cum a primis cunabulis, si modo liberis parentibus est oriundus, audisse potuerit, Οὐδ' αὖ βούς ἀπέλοιτ'  
 6 *ἢ μὴ γέτων κακός. ἢ*: quod non solum de bo-  
 ve dicitur, sed etiam de omnibus partibus rei no-  
 stræ familiaris: adeo quidem, ut multi prætulerint  
 carere penatibus, & propter injurias vicinorum se-  
 des suas profugerint: nisi aliter existimamus diver-  
 sum orbem gentes universas petiisse, relicto patrio  
 solo, Achæos dico, & Hiberos, Albanos quoque, nec  
 minus Siculos: & ut primordia nostra contingam,  
 Pelagos, Aborigines, Arcadas, quam quia malos  
 7 vicinos ferre non potuerant. Ac ne tantum de pu-  
 blicis calamitatibus loquar, privatos quoque memo-  
 ria tradidit, & in regionibus Græciæ, & in hac  
 ipsa Hesperia detestabiles fuisse vicinos, nisi Au-  
 tolycus ille cuiquam potuit tolerabilis esse conter-  
 minus; aut Aventini montis incola, Palatinis ullum  
 gaudium finitimis suis, Cacus attulit. Malo enim  
 præteritorum, quam præsentium meminisse, ne vi-  
 cinum meum nominem, qui nec arborem prolixio-  
 rem stare nostræ regionis, nec inviolatum semina-  
 rium, nec pedamenti<sup>a</sup> quidquam adnexum vineæ,  
 nec etiam pecudes negligentius pasci, sinit. Jure  
 igitur, quantum mea fert opinio, M. Porcius talem

a) pedamentum I. B. R. pedamentum ad nexum P. pedamen-  
 ta Sanger.

pestem vitare censuit, & in primis futurum agricolam præmonuit, ne sua sponte ad eam perveniret. Nos ad cætera præcepta illud adjicimus, quod sapiens unus de septem in perpetuum posteritati pronunciavit, ( *μετ' ὅσον ἄριστον*, ) adhibendum modum mensuramque rebus; idque, ut non solum aliud acturis, sed & agrum paraturis dictum intelligatur, ne majorem, quam ratio calculorum patiat, emere velit. Nam huc pertinet præclara nostri poetæ sententia. --- *laudato ingentia rura, Exiguum colito*. Quod vir eruditissimus, ut mea fert opinio, traditum vetus præceptum numeris signavit, quippe acutissimam gentem Pænos dixisse convenit: Imbecillio-rem agrum, quam agricolam esse debere: quoniam, cum sit colluctandum cum eo, si fundus prævaleat, allidi dominum: nec dubium, quin minus reddat, laxus ager non recte cultus, quam angustus eximie. Ideoque post reges exactos Liciniana illa septena jugera, quæ plebis tribunus viritim diviserat, majores quæstus antiquis retulere, quam nunc nobis præbent amplissima vetereta. Tanta quidem Curius Dentatus, quem paullo ante retulimus, prospero ductu parta victoria, ob eximiam virtutem deferente populo, præmii nomine, quinquaginta soli jugera, supra consularem triumphalemque fortunam putavit esse: repudiatoque publico munere, populari, hac plebeja mensura contentus fuit. Mox etiam

cum agrorum vastitatem victoriæ nostræ, & inter-  
 niciones hostium fecissent, criminosum tamen se-  
 2 natori fuit supra quinquaginta jugera possedisse,  
 suæque lege C. Licinius damnatus est, quod agri  
 modum, quem in magistratu rogatione tribunicia  
 promulgaverat, immodica possidendi libidine tran-  
 scendisset: nec magis, quia superbum videbatur tan-  
 tum loci detinere, quem quia flagitiosum, quos ho-  
 stis profugiendo desolasset agros, novo more civem  
 Romanum supra vires patrimonii possidendo desere-  
 11 re. Modus ergo, qui in omnibus rebus, etiam pa-  
 randis agris adhibebitur: tantum enim obtinendum  
 est, quanto est opus, ut emisse videamur quo po-  
 tiremur, non quo oneraremur ipsi, atque aliis fruen-  
 dum eriperemus, more præpotentium, qui possident  
 fines gentium, quos ne circumire equis quidem va-  
 lent, sed præculcandos pecudibus, & vastandos ac  
 12 populandos feris derelinquunt, aut occupatos nexu  
 civium, & ergastulis tenent. Modus autem erit  
 13 sua cuique moderata voluntas, facultasque. Neque  
 enim satis est, ut jam prius dixi, possidere velle,  
 si colere non possis.

*De salubritate regionum.*

IV. Sequitur deinceps Cæsonianum præceptum,  
 quo fertur usus etiam Cato, mercaturis agrum es-

11 a) crurum I. I. H. A. it. marg. Viët.



se revisendum sæpius eum, quem velint mercari. Nam prima inspectione neque vitia neque virtutes abditas ostendit, quæ mox retractantibus facilius apparent. Inspectionis quoque velut formula nobis a majoribus tradita est, agri pinguis, ac læti: de cuius qualitate dicemus suo loco, cum de generibus terræ disseremus. In universum tamen quasi testificandum, atque sæpius prædicandum habeo, quod primo jam Punico bello dux inclutissimus M. Attilius Regulus dixisse memoratur, fundum, sicuti ne fecundissimi quidem soli, cum sit insalubris; ita nec effecti, si vel saluberrimus sit, parandum: quod Attilius ætatis suæ agricolis, majore cum auctoritate suadebat peritus usu: nam Pupiniæ pestilentis simul & exilis agri cultorem fuisse eum, loquuntur historiæ. Quapropter cum sit sapientis, non ubique emere, nec aut ubertatis illecebris, aut deliciarum concinnitate decipi: sic vere industrii patrisfamilias est, quicquid aut emerit aut acceperit, facere fructuosum atque utile: quoniam & gravioris cæli multa remedia priores tradiderunt, quibus mitigetur pestifera lues; & in exili terra cultoris prudentia ac diligentia maciem soli vincere potest. Hæc autem consequemur, si verissimo vati, velut oraculo crediderimus dicenti: *Ventos, & varium*

2) proprium plur. & Sanger.

*celi prædiscere morem Cura sit, ac patrios cultos-  
 que, habitusque locorum. Et quid quæque ferat  
 regio, & quid quæque recuset: nec contenti tamen  
 auctoritate vel priorum vel præsentium colonorum,  
 nostra prætermiserimus exempla, novaque quæ ten-  
 5 taverimus, experimenta. Quod etsi per partes non-  
 nunquam damnosum est; in summa tamen fit com-  
 pendiosum, quod nullus ager sine profectu colitur:  
 simul attentando possessor efficit, ut in id forme-  
 tur, quod maxime præstare possit: ea res etiam  
 feracissimos agros utiliores reddit. Itaque nusquam  
 experimentorum varietas omittenda est; longeque  
 etiam in pingui solo magis audendum, quoniam nec  
 6 laborem nec sumtum frustratur effectus. Sed quum  
 refert, qualis fundus, & quo modo colatur; tum,  
 villa qualiter ædificetur, & quam utiliter dispona-  
 tur. Multos enim deerrasse, memoria prodidit, si-  
 cut præstantissimos viros L. Lucullum, & Q. Scæ-  
 volam, quorum alter majores, alter minus amplas,  
 quam postulavit modus agri, villas extruxit, cum  
 7 utrumque sit contra rem familiarem. Diffusiora enim  
 consepta, non solum pluris ædificamus, sed etiam  
 impensis majoribus tuemur: at minora cum sunt,  
 quam postulat fundus, dilabitur fructus: nam & hu-  
 midæ res, & siccæ, quas terra progenerat, facile  
 vitiantur, si aut non sunt, aut propter angustias  
 8 incommoda sunt tecta, quibus inferantur. Propor-*

tione etiam facultatum, quam optime paterfamilias debet habitare, ut & libentius rus veniat, & degat in eo jucundius. Utique vero, si etiam matrona comitabitur, cujus ut sexus, ita animus est delicatior: quamobrem amœnitate aliqua demerenda erit, quo patientius moretur cum viro: eleganter igitur ædificet agricola: nec sit tamen ædificator, atque aræ idem tantum complectatur, quod ait Cato, quantum ne villa fundum quærat, neve fundus villam: cujus universum situm qualem oporteat esse, nunc explicabimus. Quod inchoatur ædificium, sicut 9 salubri regione, ita saluberrima parte regionis debet constitui. Nam circumfusus aer atque corruptus plurimas affert corporibus nostris causas offensarum. Sunt quædam loca, quæ solstitiis minus concalescunt, sed frigoribus hiemis intolerabiliter horrent, sicut Thiebas ferunt Bœotias. Sunt quæ tepent hieme, sed æstate sævissime candent, ut affirmant Euboicam Chalcidem. Petatur igitur aer calore & fri- 10 gore temperatus, quem<sup>a</sup> fere medius obtinet collis, quod neque depressus hieme pruinis torpet, aut torret<sup>b</sup> æstate vaporibus, neque elatus in summa montium perexiguus ventorum motibus, aut pluviis omni tempore anni sævit. Hæc igitur est mediæ collis optima positio, loco tamen ipso paullulum

a) qui fere medios obtinet colles I.B.R. b) torretur I.B.R.

intumescen<sup>tē</sup>: ne cum a vertice torrens imbribus conceptus effluxerit<sup>a</sup>, fundamenta convellat.

*De aqua.*

V. Sit autem vel intra villam, vel extrinsecus indu<sup>ct</sup>us fons perennis; lignatio, pabulumque vicinum. Si deerit fluens unda, putealis quæ<sup>r</sup>atur in vicino, quæ non sit haustus profundi, non amari<sup>2</sup> saporis aut salsi. Hæc quoque si deficient<sup>b</sup>, & spes ar<sup>di</sup>or aquæ manantis coegerit, vastæ cisternæ hominibus, piscinæque pecoribus<sup>c</sup> instruuntur, colligendæ aquæ tandem pluviali, quæ salubritati corporis est accommodatissima: sed ea sic habetur ex<sup>i</sup>mia, si fidilibus tubis in contactam<sup>d</sup> cisternam deducatur: huic proxima fluens aqua<sup>e</sup> montibus oriunda, si per saxa præceps devolvitur, ut est in Guarcono Campaniæ: tertia putealis, vel collina, vel quæ<sup>3</sup> non infima valle reperitur: deterrima palustris, quæ pigro lapsu repit: pestilens, quæ in palude semper consistit. Hic idem tamen humor, quamvis nocentis naturæ, temporibus tamen hiemis edomitus imbribus mitescit; ex quo cælestis aqua maxime salubris intelligitur, quod etiam venenati liquoris eluit perniciem: sed hanc potui probatissimam diximus.

a) affluxerit P. Goes. Lips. Sanger. b) deficit I. B. R. c) pecori struantur: quæ tamen pluvialis aqua salubritati corporis est &c. L. I. B. R. Sanger. d) contractam L. e) est ins. Lips.

Gæterum ad æstuum<sup>a</sup> temperandos calores, & amœ-  
 nitatem locorum, plurimum conferunt salientes ri-  
 vi, quos, si conditio loci patietur, qualescunque,  
 dummodo<sup>b</sup> dulces, utique<sup>c</sup> perducendos in villam cen-  
 seo. Sin summotus longius a collibus erit amnis,  
 & loci salubritas, editiorque situs ripæ permittet  
 superponere villam profluenti<sup>d</sup>, cavendum tamen  
 erit, ut a tergo potius, quam præ se flumen ha-  
 beat, & ut ædificii frons aversa sit ab infestis ejus  
 regionis ventis, & amicissimis adversa, cum pleri-  
 que amnes æstate vaporatis<sup>e</sup> hieme frigidis nebulis  
 caligent: quæ nisi vi majore inspirantium vento-  
 rum submoventur, pecudibus hominibusque confe-  
 runt pestem. Optime autem salubribus, ut dixi, &  
 locis ad orientem, vel ad meridiem, gravibus ad  
 septentrionem villa convertitur: eademque semper  
 mare recte conspicit, cum pulsatur, ac fluctu res-  
 pergitur; nunquam ex ripa, sed<sup>f</sup> paullum submotam  
 a littore. Nam præstat a mari longo potius inter-  
 vallo, quam brevi refugisse, quia mediâ sunt spa-  
 tia gravioris halitus. Nec paludem quidem vicinam  
 esse oportet ædificiis; nec junctam militarem viam,  
 quod illa caloribus noxium virus eructat, & infestis  
 aculeis armata gignit animalia, quæ in nos densis-

a) æstivos I. B. R. æstarum P. Goes. Sanger. b) dum tamen  
 P. Sanger. c) itaque P. Sanger. d) præfluenti Goes. I. B. R.  
 e) vaporantes Lips. f) baud *ins.* L.

simis examinibus involant ; tum etiam natricum<sup>a</sup> serpentiumque pestes , hiberna destitutas uligine , coeno & fermentata colluvie venenatas , emittit , ex quibus sæpe contrahuntur cæci morbi , quorum causas ne medici quidem perspicere queunt ; sed & anni toto tempore situs atque humor instrumentum rusticum , supellectilemque , & inconditos conditosque fructus corrumpit : hæc autem prætereuntium viatorum populationibus , & assiduïs divertentium hospitiiis infestat rem familiarem : propter quæ cenſeo ejusmodi vitare incommoda , villamque nec in via , nec pestilenti loco , sed procul & editiore situ condere , ut frons ejus ad orientem æquinoctialem directa sit . Nam ejusmodi positio medium temperaturæque libramentum ventorum hiemalium & æstivorum tenet : quantoque fuerit ædificii solum pronius orienti , tanto & æstate liberius capere perflatus , & hiemis procellis minus infestari , & matutino regelari ortu poterit , ut concreti rores liqueſcant : quoniam fere pestilens habetur , quod est remotum ac sinistrum soli , & apricis flatibus ; quibus si caret , nulla alia vis potest nocturnas pruinas , & quodcunque rubiginis aut spurcitæ resedit , siccare atque detergere . Hæc autem cum hominibus afferant perniciem , tum & armentis , & virentibus ,

<sup>a</sup>) nantium P. L. Sanger.

tibus, eorumque fructibus<sup>a</sup>. Sed quisquis ædificia<sup>b</sup> 9  
 volet in declivibus areis extruere, semper ab infe-  
 riore parte auspicetur: quia cum ex depressiore<sup>c</sup>  
 loco fuerint orsa fundamenta, non solum superfi-  
 ciem suam facile sustinebunt, sed & pro fultura &  
 substructione<sup>d</sup> fungentur, adversus ea, quæ mox,  
 si forte villam prolatare libuerit, ad<sup>e</sup> superiorem  
 partem applicabuntur: quippe ab imo præstrucla va-  
 lenter resistent contra ea, quæ postmodum super-  
 posita incumbent: at si summa pars clivi fundata, 10  
 propriam molem susceperit, quidquid ab inferiore  
 mox apposueris, fissum erit, rimosumque. Nam no-  
 vum cum veteri adstruitur, rimosoque recens ædi-  
 ficiū, quasi surgenti reluctans oneri cedit; & quod  
 prius extructum<sup>f</sup> imminebit cedenti, paullatimque  
 degravatum pondere suo præceps attrahetur. Igitur  
 id structuræ vitium, cum primum statim fundamen-  
 ta jaciuntur, evitandum est.

*De positione villæ.*

VI. Modus autem, membrorumque numerus  
 aptetur universo consepito, & dividatur in tres par-  
 tes, urbanam, rusticam, & fructuariam. Urbana rur-

- a) frugibus I. B. R. Sanger. b) ædificare P. Sanger. c) pres-  
 siore P. Sanger. d) *dubium, utrum* Substructione, *an* sub-  
 structione, *an etiam* substructione *legendum sit in vetusto*  
*codice, sed verius* substructione P. substructione I. B. R.  
 e) de (ab) superiore parte Goes. Sanger. f) est *ins.* L.

sus in hiberna<sup>a</sup> & æstiva sic digeratur, ut spectent  
hiemalis temporis cubicula brumalem orientem: cœ-  
2 nationes, æquinoctialem occidentem. Rursus æstiva  
cubicula<sup>b</sup> spectent meridiem æquinoctialem, sed cœ-  
nationes ejusdem temporis prospectent hibernum  
orientem. Balnearia occidenti æstivo advertantur,  
ut sint post meridiem & usque in vesperum illu-  
stria. Ambulationes meridiano æquinoctiali subjectæ  
sint, ut<sup>c</sup> hieme plurimum solis, & æstate minimum  
3 recipiant. At in rustica parte, magna & alta cu-  
lina ponetur<sup>d</sup>, ut & contignatio careat incendii pe-  
riculo, & in ea commode familiares omni tempore  
anni morari queant. Optime solutis servis cellæ  
meridiem æquinoctialem spectantes fient: vinctis  
quam saluberrimum subterraneum ergastulum<sup>e</sup>, plu-  
rimis, idque angustis, illustratum fenestris, atque  
4 a terra sic editis, ne manu contingi possint. Pe-  
cudibus fient stabula, quæ neque frigore neque ca-  
lore infestentur. Domitis armentis duplicia bubilia  
sint, hiberna atque æstiva: cæteris autem pecori-  
bus, quæ intra villam esse convenit, ex parte te-  
cta loca, ex parte sub dio parietibus altis, circum-  
septa, ut illic per hiemem, hic per æstatem sine  
5 violentia ferarum conquiescant. Sed omnia stabula  
sic ordinentur, ne quis humor influere possit: &

a) hibernacula I. B. R. Sanger. b) cubilia I. B. R. c) ut & hi.  
I. B. R. d) ponatur I. e) ergastulum, plurimis sitque. V.



ut quisque, qui ibi conceptus fuerit, quam celerissime dilabatur, ut nec fundamenta parietum corrumpantur, nec ungulæ pecudum. Lata bubilia esse oportebit pedes decem, vel minime novem: quæ mensura & ad procumbendum pecori, & jugario ad circumeundum laxa ministeria præbeat. Non altius edita esse præsepia convenit, quam ut bos aut jumentum sine incommodo stans vesci possit. Villico juxta januam fiat habitatio, ut intrantium exeuntiumque conspectum habeat. Procuratori supra januam ob easdem causas: & is tamen villicum observet ex vicino: sitque utrique proximum horreum, quo conferatur omne rusticum instrumentum; & intra id ipsum clausus locus, quo ferramenta condantur<sup>a</sup>. Bubulcis pastoribusque cellæ ponantur juxta sua pecora, ut ad eorum curam sit opportunus excursus. Omnes tamen quam proxime alter ab altero debent habitare, ne villici diversas partes circumeuntis sedulitas distendatur, & ut inter se diligentiae & negligentiae cujusque testes sint<sup>b</sup>. Pars autem fructuaria dividitur in cellam oleariam, torculariam, cellam vinariam, defrutariam, scœnilia, paleariaque & apothecas, & horrea, ut ex iis, quæ sunt in plano, custodiam recipiant humidarum rerum tanquam vini aut olei venalium; siccæ autem

<sup>a</sup>) recondantur Goes. Sanger. <sup>b</sup>) *De divisione membrorum villa, & primum de granariis* Cap. VII. l. l.

res congerantur tabulatis, ut frumenta, fœnum,  
 10 frondes, paleæ, cæteraque pabula. Sed granaria,  
 ut dixi, scalis adeantur, & modicis fenestellis aqui-  
 lonibus inspirentur: nam ea cæli positio maxime fri-  
 gida & minime humida est; quæ utraque perenni-  
 11 tatem conditis frumentis afferunt. Eadem ratio est  
 in plano sitæ vinariæ cellæ, quæ submota procul  
 esse debet a balneis, furno, sterquilinio, reliquis-  
 que immunditiis tetrum odorem spirantibus: nec  
 minus a cisternis, aquisve salientibus, ex quibus<sup>a</sup>,  
 12 qui extrahitur humor, vinum corrumpit. Neque me-  
 præterit, sedem frumentis optimam quibusdam vi-  
 deri horreum camera contactum, cujus solum ter-  
 renum prius quam consternatur, perfossum, & amur-  
 ca recenti non salsa madefactum, velut Signinum  
 13 opus paviculis<sup>b</sup> condensatur. Tum deinde cum exa-  
 ruit, similimodo pavimenta testaceæ, quæ pro aqua  
 receperint amurcam mistam calci & arenæ, super-  
 sternuntur, & magna vi paviculis inculcantur, at-  
 que expoliuntur, omnesque parietum & soli junctura-  
 rum testaceis pulvinis sibilantur. Nam fere cum his  
 partibus ædificia rimas egerunt, cava præbent &  
 latebras subterraneis animalibus. Sed & lacubus di-  
 stinguuntur granaria, ut separatim quæque legumi-

a) quibus extrahitur humor, qui L. Goes. I. B. R. b) pilis  
 I. B. R. Goes. Lips. Sanger. c) quoniam P. Goes. Sanger.  
 Cum fere in his partibus Lips.

na ponantur. Parietes oblinuntur amurca subactio 14  
luto, cui pro paleis admista sunt arida oleastri, vel  
si ea non sunt, oleæ folia. Deinde, cum prædi-  
ctum tectorium inaruit, rursus amurca respergitur,  
qua siccata frumentum infertur. Ea res ab noxa 15  
curculionum, & similium animalium commodissime  
videtur conditas fruges defendere; quæ nisi diligen-  
ter repositæ sint, celeriter ab eis consumuntur.  
Sed id genus horrei, quod scripsimus<sup>a</sup>, nisi sit in  
sicca positione villæ, quamvis granum robustissi-  
mum corrumpit situ: qui, si nullus adsit, possunt  
etiam defossa frumenta servari, sicut transmarinis  
quibusdam provinciis, ubi puteorum in modum, quos  
appellant siros, exhausta humus, editos a se fructus  
recipit. Sed nos in nostris regionibus, quæ redun- 16  
dant uligine, magis illam positionem pensilis horrei,  
& hanc curam pavimentorum & parietum probamus:  
quoniam, ut retuli, sic emunita sola & latera hor-  
reorum prohibent curculionem: quod genus exitii  
cum incidit, multi opinantur arceri posse, si exesæ  
fruges in horreo ventilentur, & quasi refrigerentur:  
id autem falsissimum est: neque enim hoc facto ex- 17  
pelluntur animalia, sed immiscentur totis acervis:  
qui, si maneant immoti, summis tantum partibus  
infestantur, quoniam infra mensuram palmi non na-

a) descripsimus conj. Broukh.

- scitur curculio : longeque præstat id solum , quod jam vitiatum est , quam totum periculo subicere . Nam cum exiget usus , facile est , eo sublato , quod vitiatum erit , integro inferiore uti : sed hæc , etsi extrinsecus , non tamen intempestive videor hoc loco retulisse<sup>a</sup>. Torcularia præcipue cellæque oleariæ calidæ esse debent , quia commodius omnis liquor vapore solvitur , ac frigoribus magis constringitur<sup>b</sup>: oleum , quod minus provenit , si congelatur , fracescet . Sed ut calore naturali est opus , qui contingit positione cæli , & declinatione , ita non est opus ignibus aut flammis : quoniam fumo & fuligine sapor olei corrumpitur : propter quod torcular debet a meridiana parte illustrari , necesse ne habeamus ignes
- 19 lucernamque adhibere , cum premetur olea<sup>c</sup>. Cortinale ubi defrutum fiat , nec angustum , nec obscurum sit , ut sine incommodo minister , qui saram decoquet , versari possit . Fumarium quoque , quo materia , si non sit jam pridem cæsa , festinato siccetur , in parte rusticæ villæ fieri potest junctum<sup>d</sup> rusticis balneis : nam eas quoque refert esse , in quibus familia , sed tantum feriis , lavetur : neque enim corporis robori convenit frequens usus earum . Apothecæ recte superponentur his locis , unde plerum-

a) *De torcularibus* Cap. VIII. I. I. b) conficitur I. B. R. magnis conficitur Sanger. c) *De cortinalibus & apothecis vini* Cap. IX. I. I. d) vinctum I. B.

que fumus (earum) exoritur: quoniam vina celerius vetustescunt, quæ fumi quodam tenore præcocem<sup>a</sup> maturitatem trahunt: propter quod & aliud tabulatum esse debet, quo admoveantur<sup>b</sup>, ne rursus nimia suffitione<sup>c</sup> medicata sint. Quod ad villæ pertinet situm, partiumque ejus dispositionem, satis dictum est<sup>d</sup>. Circa villam deinceps hæc esse oportebit: furnum & pistrinum quantum futurus numerus colonorum postulaverit: piscinas minimum duas: alteram, quæ anseribus ac pecoribus serviat; alteram, in qua lupinum, vimina, & virgas, atque alia, quæ sunt usibus nostris apta, maceremus. Sterquilinia quoque duo sint; unum, quod nova purgamenta recipiat, & in annum conservet; alterum, ex quo vetera vehantur: sed utrumque more piscinarum devexum leni clivo, & extructum pavitumque<sup>e</sup> solum habeat, ne humorem transmittant: plurimum enim<sup>22</sup> refert, non adsiccato succo fimum vires continere, & assiduo macerari liquore, ut si qua interjecta sint stramentis aut paleis spinarum vel graminum semina, intereant, nec in agrum exportata segetes herbiditas reddant. Ideoque periti rustici, quidquid ovilibus stabulisque conversum progresserunt<sup>f</sup>, superpō-

a) fumi quodam genere præcoquem *plur.* & Sanger. b) amoveantur *restitus* Sanger. c) suffumatione Goes. I. B. R. Sanger. d) *Quæ circa villam facienda* Cap. X. I. I. e) pavimentumque solo, ne I. B. R. Sanger. pavimentumque sola hab. Goes. f) projecserunt L.

sitis virgeis cratibus tegunt, nec arescere ventis<sup>a</sup>  
 23 sinunt, aut solis incursu patiuntur exuri<sup>b</sup>. Area, si  
 competit, ita constituenda<sup>c</sup> est, ut vel a domino,  
 vel certe a procuratore despici possit. Eaque opti-  
 ma est silice constrata<sup>d</sup>, quod & celeriter frumenta  
 deteruntur, non cedente solo pulsibus ungularum  
 tribularumque, & eadem eventilata mundiora sunt,  
 lapillisque carent, & glæbulis, quas per trituram  
 24 fere terrena remittit area. Huic autem nubilarium<sup>e</sup>  
 applicari debet, maximeque in Italia, propter in-  
 constantiam cæli, quo collata semitrita frumenta  
 protegantur, si subitaneus imber incesserit<sup>f</sup>: nam  
 in transmarinis quibusdam regionibus, ubi ætas plu-  
 via caret, supervacuum est. Pomaria quoque &  
 hortos oportet septo circumdari, & esse in propin-  
 quo, atque in ea parte, quo possit omnis sterco-  
 rata colluvies cortis balineorumque<sup>g</sup>, & oleis ex-  
 pressa amurcæ sanies influere<sup>h</sup>: nam ejusmodi quo-  
 que lætatur<sup>i</sup> alimentis & olus & arbor.

*De officiis patrisfamilias.*

VII.<sup>k</sup> His omnibus ita vel acceptis, vel compo-  
 sitis, præcipua cura domini requiritur, cum in cæ-

a) ventis sinunt, aut *deest* L. I. B. R. Sanger. b) exuri *deest*  
 I. B. R. Sanger. c) construenda L. d) est in silice Goes.  
 est in silice constrata I. B. R. Sanger. e) nubilar P. Goes.  
 Sanger. f) ingesserit P. Sanger. g) balneariorumque I. B. R.  
 Sanger. h) refuere I. B. R. i) lætatur B. R. k) Cap. XI. I. I.

teris rebus, tum maxime in hominibus. Atque hi vel coloni, vel servi sunt, soluti, aut vincli. Comiter agat cum colonis, facilemque se præbeat, & avarius opus exigit, quam pensiones: quoniam & minus id offendit, & tamen in universum magis prodest. Nam ubi sedulo colitur ager, plerumque compendium, nunquam (nisi si cæli major vis, aut prædonis incessit) detrimentum affert, eoque remissionem colonus petere non audet. Sed nec do-<sup>2</sup> minus in unaquaque re, cui colonum obligaverit, tenax esse juris sui debet, sicut in diebus pecuniarum, ut lignis & cæteris parvis accessionibus exigendis, quarum cura majorem molestiam, quam impensam rusticis affert. Nec sane est vindicandum nobis quidquid licet. Nam SUMMUM jus antiqui summam putabant crucem. Nec rursus in totum remittendum: quoniam vel OPTIMA nomina non appellando<sup>a</sup> fieri mala, fœnerator Alphius dixisse verissime<sup>b</sup> fertur. Sed & ipse nostra memoria veterem consulem, virumque opulentissimum L. Volusium asseverantem audiui, patrisfamilias felicissimum fundum esse, qui colonos indigenas haberet, & tanquam in paterna possessione natos, jam inde a cunabilis longa familiaritate retineret. Ita certe mea fert opinio, rem malam esse frequentem locationem fundi: pejorem tamen urbanum colonum, qui per<sup>a</sup>) interpellando L. b) severissime I. B. R. Sanger.

4 familiam mavult agrum, quam per se colere. Sarsena dicebat ab ejusmodi homine fere pro mercede litem reddi: propter quod operam dandam esse, ut & rusticos, & eosdem assiduos colonos retineamus, cum aut nobismetipsis non licuerit, aut per domesticos colere non expedierit: quod tamen non evenit, nisi in his regionibus, quæ gravitate cæli, 5 lique sterilitate vastantur. Cæterum cum mediocris adest & salubritas, & terræ bonitas, nunquam non ex agro plus sua cuique cura reddidit quam coloni: nunquam non etiam villici, nisi si maxima vel negligentia servi, vel rapacitas intervenit. Quæ utraque peccata plerumque vitio domini vel committi, vel foveri, nihil dubium est: cum liceat aut cavere, ne talis præficiatur negotio; aut jam præ- 6 positus, ut submoveatur curare. In longinquis tamen fundis, in quos non est facilis excursus patrisfamilias, cum omne genus agri tolerabilius sit sub liberis colonis, quam sub villicis servis habere, tum præcipue frumentarium, quem minime (sicut vineas aut arbustum) colonus evertere potest, & maxime vexant servi, qui boves elocant, eosdemque & cætera pecora male pascunt, nec industrie terram vertunt, longeque plus imputant seminis jacti, quam quod severint: sed nec quod terræ mandaverint sic adjuvant, ut recte proveniat: idque<sup>a</sup> cum in aream a) & id quod in area cont. L.



contulerunt , per trituram quotidie minuunt vel fraude, vel negligentia: nam & ipsi diripiunt, & 7 ab aliis furibus non custodiunt : sed nec conditum cum fide rationibus inferunt. Ita fit, ut & actor , & familia peccent, & ager sæpius infametur: quare talis generis prædium, si, ut dixi, domini præsentia cariturum est, censeo locandum .

*De pecore & pecorum magistris.*

VIII.<sup>a</sup> Proxima est cura de servis, cui quemque officio præponere conveniat , quosque & qualibus operibus destinare . Igitur præmonco ne villicum ex eo genere servorum , qui corpore placuerunt instituiamus : ne ex eo quidem ordine , qui urbanas ac delicatas arteis exercuerit . Socors & somniculosum 2 genus id mancipiorum, otiis, campo, circo , theatris, aleæ , popinæ , lupanaribus consuetum, nunquam non easdem ineptias somniat , quas cum in agriculturam transtulit, non tantum in ipso servo, quantum in universa re detrimenti dominus capit . Eligendus est rusticis operibus ab infante duratus , & inspectus experimentis. Si tamen is non erit, de iis præficiatur, qui servitutem laboriosam toleraverunt . Jamque is transcenderit ætatem primæ ju- 3 ventæ, nec dum senectutis attigerit: illa ne & au-

a) Cap. XII. I. I.

floritatem detrahat ad imperium, cum majores de-  
 dignentur parere adolescentulo: hæc ne laboriosis-  
 simo succumbat operi. Mediæ igitur sit ætatis, &  
 firmi roboris, peritus rerum rusticarum, aut certe  
 maximæ curæ, quo celerius addiscat. Nam non est  
 nostri negotii alterum imperare, & alterum doce-  
 4 re. NEQUE enim recte opus exigere valet, qui,  
 quid aut qualiter faciendum sit, ab subjecto discit.  
 Potest etiam illiteratus, dummodo tenacissimæ sit  
 memoriæ, rem satis commode administrare. Ejus-  
 modi villicum Cornelius Celsus ait, sæpius numos  
 domino, quam librum afferre, quia nescius litera-  
 rum vel ipse minus possit rationes confingere, vel  
 per alium propter conscientiam (fraudis) timeat<sup>a</sup>.  
 5 Sed qualicunque villico contubernalis mulier assignan-  
 da est, quæ contineat eum, & in quibusdam rebus  
 tamen adjuvet. Idemque<sup>b</sup> actori præcipiendum est,  
 ne convictum cum domestico, multoque minus cum  
 extero habeat. Nonnunquam tamen eum, quem as-  
 sidue sedulum, & fortem in operibus administran-  
 dis cognoverit, honoris causa mensæ suæ die festo  
 dignetur adhibere. Sacrificia, nisi ex præcepto do-  
 6 mini, ne fecerit. Aruspices, sagasque, quæ utra-  
 que genera vana superstitione rudeis animos ad im-  
 pensas, ac deinceps ad flagitia compellunt, ne ad-

a) timere omnes perperam præter P. b) Eidemque I. B. R.  
 Sanger.

miserit; neque urbem, neque ullas nundinas noverit; nisi emendæ vendendæve pertinentis ad se rei causa. Villicus enim, quod ait Cato, ambulator esse non debet, nec egredi terminos, nisi ut addiscat aliquam culturam: & hoc si ita in vicino est, ut cito remeare possit. Semitas, novosque limites in agro fieri ne patiatur: neve hospitem, nisi amicū, familiaremque domini necessarium receperit. Ut ab his arcendus, ita exhortandus est ad instrumentorum ferramentorumque curam: ut duplicia, quam numerus servorum exigit, refecta & reposita custodiat, ne quid a vicino petendū sit: quia plus in operis servorum, quam in pretio rerum ejusmodi consumitur. Cultam vestitamque familiam magis utiliter quam delicate habeat, munitamque diligenter a vento, frigore, pluviaque; quæ cuncta prohibentur pellibus manicatis, centonibus confectis, vel sagis cucullis. Id si fiat, nullus dies tam intolerabilis est, quo non sub divo moliri aliquid possit. Nec tantum operis agrestis sit artifex, sed & animi; quantum servile patitur ingenium; virtutibus instructus, ut neque remisse, neque crudeliter imperet. Semperque aliquos ex melioribus foræat, parcat tamen etiam minus bonis: ita ut potius timeant ejus severitatem, quam crudelitatem detestentur. Id contingere poterit, si maluerit custodire subiectos, ne peccent, quam negligentia sua committere, ut

- 11 puniat delinquentes. NULLA est autem major vel  
nequissimi hominis custodia, quam operis exactio :  
ut justa reddantur, ut villicus semper se repræsen-  
tet: sic enim & magistri singulorum officiorum se-  
dulo munia sua exequentur, & cæteri post defati-  
gationem operis quieti ac somno potius, quam de-  
12 liciis operam dabunt. Jam illa vetera, sed optimi  
moris, quæ nunc exoleverunt, utinam possint obti-  
neri: ne conservo ministro quoquam, nisi in re do-  
mini, utatur; ne cibum, nisi in conspectu familiæ  
capiat; neve alium, quam qui cæteris præbetur: sic  
enim curabit, ut & panis diligenter confiat, & re-  
liqua salubriter apparentur. Ne extra fines, nisi a  
se missum, progredi sinat: sed nec ipse mittat,  
13 nisi magna necessitate cogente. Neve negotietur  
sibi, pecuniamque domini, aut animalibus, aut re-  
bus aliis promercalibus occupet. Hæc enim negotia-  
tio curam villici avocat, nec unquam patitur cum  
cum rationibus domini paria facere; sed ubi nume-  
ratio exigitur, rem pro numis ostendit. In univer-  
sum tamen hoc maxime obtinendum ab eo est, NE-  
QUID se putet scire, quod nesciat, quæratque sem-  
14 per addiscere, quod ignorat. Nam cum multum  
prodest, perite<sup>a</sup> quid facere, tum plus obest, per-  
peram fecisse. Unum enim ac solum dominatur in

a) rite I. B. R.

rusticatione, quicquid exigit ratio culturæ, semel facere: quippe cum emendatur vel imprudentia, vel negligentia, jam res ipsa decoxit, nec in tantum postmodum exuberat, ut & se amissam restituat, & quæstum temporum præteritorum resarciat. In cæteris servis hæc fere præcepta servanda 15 sunt, quæ me custodisse non pœnitet, ut rusticos, qui modo non incommode se gessissent, sæpius quam urbanos, familiariusque alloquerer; & cum comitate domini levare perpetuum laborem eorum intelligerem, nonnunquam etiam jocarer, & plus ipsis joci permitterem. Jam illud sæpe facio, ut quasi cum peritioribus de aliquibus operibus novis deliberem, & per hoc cognoscam cujusque ingenium, quale, quamque sit prudens. Tum etiam libentius eos id opus aggredi video, de quo secum deliberatum, & consilio ipsorum susceptum putant: nam illa solennia sunt omnibus circumspectis, ut 16 ergastuli mancipia recognoscant, ut explorent, an diligenter vincta sint, an ipsæ sedes custodiæ satis tutæ, munitæque sint: num villicus aut alligaverit quempiam domino nesciente, aut revinxerit: nam utrumque maxime servare debet, ut &, quem paterfamilias tali pœna multaverit, villicus, nisi ejusdem permissu, compedibus non eximat; & quem ipse sua sponte vinxerit, ante, quam sciat dominus, non resolvat: tantoque curiosior inquisitio patrisfa- 17

miliās debet esse pro tali genere servorum, ne aut in vestiariis, aut in cæteris præbitis injuriose tractentur, quanto & pluribus subjeçti, ut villicis, ut operum magistris, ut ergastulariis, magis obnoxii perpetiendis injuriis, & rursus sævitia atque avaritia læsi magis timendi sunt. Itaque diligens dominus, cum & ab ipsis, tum & ab solutis, quibus major est fides, quærat, an ex sua constitutione justa percipiant. Atque ipse panis potionisque bonitatem<sup>a</sup> gustu suo exploret, vestem, manicas, pedumque tegmina recognoscat. Sæpe etiam querendi potestatem faciat de iis, qui aut crudeliter eos, aut fraudulenter infestent. Nos quidem aliquanto<sup>b</sup> juste dolentes, tam vindicamus, quam animadvertimus in eos, qui seditionibus familiam concitant, qui calumniantur, magistros suos: ac rursus præmio prosequimur eos, qui strenue ac industrie se gerunt. Fœminis quoque fœcundioribus, quarum in sobole certus numerus honorari debet, otium nonnunquam, & libertatem dedimus, cum complures natos educassent: nam cui tres erant filii, vacatio; cui plures, libertas quoque contingebat. Hæc enim justitia & cura patrisfamilias multum confert<sup>20</sup> augendo patrimonio. Sed & illa meminerit, cum e civitate remeaverit, deos penates adorare: dein-

de,

<sup>a</sup>) probitatem Goes. I. B. R. <sup>b</sup>) aliquando Goes.

de, si tempestivum erit, confestim; si minus, postero die fines oculis perlustrare, & omnes partes agri revisere atque æstimare, num quid absentia sua de disciplina & custodia remiserit; num aliqua vitis, num arbor, num fruges absint: tum etiam pecus, & familiam recenseat, fundique instrumentum & supellectilem: quæ cuncta si per plures annos facere instituerit, bene moratam disciplinam, cum senectus advenerit, obtinebit: nec erit ulla ejus ætas annis ita confecta, ut spernatur a servis.

*Qualis corporaturæ mancipia cuique operi  
contribuenda sint.*

IX. Dicendum etiam est, quibus operibus quemque habitum corporis aut animi contribuendum putemus. Magistros operibus oportet præponere sedulos, ac frugalissimos: ea res utraque plus quam corporis statura roburque confert huic negotio: quoniam id ministerium custodiæ diligentis & artis officium est. Bubuleo quamvis necessaria, non tamen satis est indoles mentis, nisi eum vastitas vocis & habitus metuendum pecudibus efficit. Sed temperet vires clementia: quoniam terribilior debet esse, quam sævior, ut & obsequantur ejus imperiis, & diutius perennent boves, non confecti vexatione simul operum, verberumque. Sed quæ sint magistro-

rum munia, quæque bubulcorum, suo loco repetam.

- 3 Nunc admonuisse satis est, nihil in his, in illis plurimum referre vires & proceritatem. Nam longissimum quemque aratorem, sicut dixi, faciemus, & propter id, quod paullo ante retuli, & quod in re rustica nullo minus opere fatigatur prolixior, quia in arando stivæ pene rectus innititur: mediastinus, qualiscunque status potest esse, dummodo perpeti-
- 4 endo labori sit idoneus. Vineæ non sic altos, quemadmodum latos & lacertosos viros exigunt: nam hic habitus fossuris, & putationibus, cæterisque earum culturis magis aptus. Minus in hoc officio, quam in cæteris agricolatio frugalitatem requirit, quia & in turba, & sub monitore vinitor opus facere debet: ac plerumque velocior animus est improborum hominum, quem<sup>a</sup> desiderat hujus operis conditio: non solum enim fortem, sed & acuminis strenui ministrum postulat: ideoque vineta plurimum per alligatos excoluntur. Nihil tamen ejusdem agilitatis homo frugi non melius, quam nequam faciet. Hoc interposui, ne quis existimet in ea me opinione versari, qua malim per noxios, quam per innocentes rura colere. Sed & illud censeo, ne confundantur opera familiæ, sic ut omnes
- 6 omnia exequantur. Nam id minime conducit agricolæ, seu quia nemo suum proprium aliquod esse opus
- a) quam omnes præter P. & Sanger.



credit: seu quia cum enixus est, non suo, sed communi officio proficit, ideoque<sup>a</sup> labori multum se subtrahit; nec tamen viritum malefactum deprehenditur, quod fit a multis: propter quod separandi sunt aratores a vinitoribus, & vinitores ab aratoribus, iique a mediastinis. Classes etiam non majores, 7 quam denum hominum faciundæ, quas decurias appellaverunt antiqui, & maxime probaverunt, quod is numeri modus in opere commodissime custodiretur, nec præeuntis monitoris diligentiam multitudo confunderet. Itaque si latior est ager, in regiones 8 deducendæ sunt cæ classes, dividendumque ita opus, ut neque singuli, binive sint, quoniam dispersi non facile custodiuntur: nec tamen supra decem, ne rursus, ubi nimia turba sit, id opus ad se pertinere singuli non existiment. Hæc ordinatio non solum concitat æmulationem, sed & deprehendit ignavos. Nam cum certamine opus excitetur, tum in cessantes animadversio justa, & sine querela videtur adhiberi. Sed nimirum, dum quæ maxime pro 9 videnda sunt agricolæ futuro præcipimus, de salubritate, de via, de vicino, de aqua, situ villæ, fundi modo, colonorum & servorum generibus, officiorum operumque distributione, tempestive per hæc ad ipsum jam terræ cultum pervenimus, de quo pluribus libro insequente mox disserimus.

a) liberque I. B. R.



L. JUNII MODERATI  
COLUMELLÆ  
DE  
RE RUSTICA  
LIBER SECUNDUS.

---

BREVIARIUM

*I. Terram nec senescere, nec fatigari, si stercoretur. II. Quot sint genera terreni. III. Quæ cura adhibenda sit bubus ab opere disjunctis. IV. Quo anni tempore campi arandi sint, & quomodo. V. Exilis terra quomodo stercoretur. VI. De generibus seminum. VII. De generibus leguminum. VIII. Quod seminandi tempus sit. IX. Quot seminum modios jugerum postulet, & medicinae seminum. X. Quod solum cuique legumini conveniat. XI. De genere pabulorum, & de Medica, vicia, farragine, avena, fenograceo, ervo, & cicera. XII. Quemadmodum*

Et quot operis unumquodque frumentum ac legumen colatur. XIII. Pro modo cujusque agri quot opera designentur. XIV. Quæ legumina arvis noceant, quæque prosint. XV. De generibus stercoris. XVI. Quibus temporibus agri stercorandi sint. XVII. Quemadmodum ex arvo prata fiant. XVIII. Quemadmodum facta prata colantur. XIX. Quemadmodum succisum fœnum tractari & condi debeat. XX. De area constituenda. XXI. De messe facienda, & de tritura. XXII. Quæ per foras liceat agricolæ, & quæ non liceat facere.

*Terram nec senescere, nec fatigari, si stercoretur.*

CAP. I. **Q**UÆRIS ex me, Publi. Silvine, quod ego sine cunctatione non recuso docere, cur priore libro veterum<sup>a</sup> opinionem fere omnium, qui de cultu agrorum locuti sunt, a principio confestim repule-  
rim, falsamque sententiam repudiaverim censentium, longo ævi situ longique jam temporis exercitatione<sup>b</sup> fatigatam & effictam humum consenuisse. Nec te a ignoro, cum & aliorum illustrium scriptorum, tum præcipue Tremellii auctoritatem revereri, qui, cum plurima rusticarum rerum præcepta simul eleganter & scite memoriæ prodiderit, videlicet illeclius nimio

a) veterem Sanger. b) spatium cum signo lacune L.

favore priscorum, de simili materia disserentium, falso credidit parentem omnium terram, sicut muliebrem sexum, ætate anili jam confectam, progenerandis esse fœtibus inhabilem. Quod ipse quoque con-  
 3 fiterer, si in totum nullæ fruges provenirent. Nam & hominis tum demum declaratur sterile senium, non cum desinit mulier trigeminos, aut geminos parere, sed cum omnino nullum conceptum edere valet. Itaque transactis juventæ temporibus, etiam si longa vita superest, partus tamen, annis dene-  
 gatus, non restituitur. At e contrario seu sponte, seu quolibet casu destituta<sup>a</sup> humus, cum est repe-  
 4 titâ cultu, magno scœnore cessationis<sup>b</sup> colono respon-  
 det. Non ergo est exiguarum frugum causa terræ vetustas, si modo, cum semel invasit senectus, regressum non habet, nec revirescere<sup>c</sup>, aut repubes-  
 scere potest; sed ne lassitudo quidem soli minuit agricolæ fructum. Neque enim prudentis est adduci, tanquam in hominibus nimia corporis exercita-  
 5 tionē, aut oneris alicujus pondere, sic cultibus & agitationibus agrorum fatigationem succedere. Quid ergo est, inquis, quod asseverat Tremellius, inta-  
 cta & silvestria loca, cum primum cœperint cultu<sup>d</sup> exuberare, mox deinde non ita respondere labori colonorum? videt sine dubio, quid eveniat, sed cur

a) derelicta Goes. Sanger. b) cessatorum I. B. R. L. Sanger.

c) reviviscere L. d) cultum Sanger.

id<sup>a</sup> accidat, non pervidet: neque enim idcirco rudis, & modo ex silvestri habitu in arvum transducta fecundior haberi terra debet, quod sit requietior & junior; sed quod multorum annorum frondibus, & herbis, quas suapte natura progenerabat, velut saginata largioribus pabulis, facilius edendis educandisque frugibus sufficit. At cum perruptæ 6 rastris & aratris radices herbarum, ferroque succisa nemora frondibus suis desierunt alere matrem, quæque temporibus autumnii frutetis & arboribus delapsa folia superjaciebantur, mox conversa vomeribus, & inferiori solo, quod plerumque est exilius, permista, atque absumta sunt: sequitur, ut destituta pristinis alimentis macrescat humus. Non igitur 7 fatigatione, quemadmodum plurimi crediderunt, nec senio, sed nostra scilicet inertia, minus benigne nobis arva respondent. Licet enim majorem fructum percipere, si frequenti & tempestiva & modica stercoreatione terra refoveatur: de cujus cultu dicturos nos priori volumine polliciti, jam nunc disseremus.

*Quot sint genera terreni.*

II. Callidissimi rusticarum rerum, Silvine, genera terreni tria esse dixerunt, campestre, colli-

a) ita I. B. R.

num, montanum. Campum non æquissima situm planicie, nec perlibrata, sed exigue prona; collem clementer & molliter assurgentem; montem non sublimem & asperum, sed nemorosum & herbidum; 2 maxime probaverunt. His autem generibus singulis senæ species contribuuntur, soli pinguis vel macri, soluti vel spissi; humidi vel sicci: quæ qualitates inter se mistæ vicibus, & alternatæ, plurimas efficiunt agrorum varietates: eas enumerare non est artificis agricolæ. Neque enim artis officium est, per species, quæ sunt innumerabiles, evagari; sed ingredi per genera, quæ possunt <sup>a</sup>cogitatione <sup>b</sup>mentis & ambitu verborum facile copulari. Recurrendum est igitur ad qualitatum inter se dissidentium quasi quasdam conjunctiones, quas Græci συζυγίας 3 ἁπορρίσκειν, nos *discordantium comparationes*, tolerabiliter dixerimus. Atque etiam significandum est, ex omnibus, quæ terra progeneret, plura campo magis, quam colle, plura pingui solo, quam ma- 4 ximo, lætari. De siccaneis & riguis non comperimus, utra numero vincant, cum utique pene infinita sint <sup>c</sup>, quæ siccis, quæque humidis locis gaudent; sed ex his nihil non melius resoluta humo, quam densa provenit. Quod noster quoque Virgilius, cum & alias fœcundi arvi laudes retulisset, adjecit: *Es*

a) possunt & *plur.* b) cognitione I. B. R. c) quoniam utrumque pene infinita sunt P. Sanger.

*enī putre solum : namque hoc imitatur<sup>a</sup> arando .*  
 Neque enim aliud est colere , quam resolvere & fermentare terram : ideoque maximos quæstus ager præbet . Idem pinguis ac putris , quia cum plurimum reddat , minimum poscit : & quod postulat , exiguo labore atque impensa conficitur , præstantissimum igitur tale solum jure dicatur<sup>b</sup> . Proximum deinde huic pinguius densum , quod impensam coloni , laboremque magno foetu remuneratur . Tertia<sup>c</sup> est ratio loci rigui , quia sine impensâ fructum reddere potest . Hanc primam Cato esse dicebat , qui maxime redditum<sup>e</sup> pratorum cæteris anteponebat : sed nos , de agitatione terræ nunc loquimur , non de situ . Nullum deterius habetur genus , quam quod<sup>d</sup> est siccum pariter & densum & macrum ; quia cum difficulter tractetur , tum ne tractatum quidem gratiam refert : nec relictum pratis vel pascuis abunde sufficit . Itaque hic ager sive exercetur , seu cessat , colono est pœnitendus , ac tanquam pestilens refugiendus . Nam ille mortem facit , hic teterrimam comitem mortis famem : si tamen Græcis camœnis habemus fidem clamitantibus : *Λιμὴ δ' οἰκτιροῦ δαυρίαν , καὶ πότμον ἐπισπέν* . Sed nunc potius uberioris & soli meminerimus , cujus demonstranda est duplex ratio<sup>d</sup> , culti & silvestris . De silvestri regione in

<sup>a</sup>) imitantur I. B. R.    <sup>b</sup>) videtur L.    <sup>c</sup>) redditum L. *isa sapiens* .  
<sup>d</sup>) tractatio I. B. R. *ii*. Goes. Sanger.

arborum<sup>a</sup> formam redigenda<sup>b</sup> prius dicemus, quoniam est antiquius facere agrum, quam colere<sup>c</sup>. Incultum igitur locum consideremus, siccus, an humidus; nemorosus arboribus, an lapidibus confragoribus; juncone sit, an gramine vestitus, ac filicibus<sup>d</sup> aliisque frutetis impeditus. Si humidus erit, abundantia uliginis ante siccetur fossis. Earum duo genera cognovimus, cæcarum & patentium: spissis atque cretosis regionibus apertæ relinquuntur: at ubi solutior humus est, aliquæ fiunt patentes, quædam etiam obcæcantur, ita ut in patentes oriantia cæcarum competant: sed & patentes latius, & apertas summa parte declivesque, & ad solum coarctatas, imbricibus supinis similes facere conveniet: nam quarum recta sunt latera, celeriter aquis vitiantur, & superioris soli lapsibus replentur. Opertæ rursus obcæcari debebunt, sulcis in altitudinem tripedaneam depressis: qui, cum parte dimidia lapides minutos, vel nudam glaream receperint, æquentur superjecta terra, quæ fuerat effossa: vel si nec lapis erit, nec glareæ, sarmentis connexus velut funis informabitur in eam crassitudinem, quam solum fossæ possit angustæ, quasi accommodatam coarctatamque capere. Tum per imum

a) agrorum I. B. R. b) dirigenda I. B. R. c) *Hic novum caput orditur L. cujus rubr. Quos species terrenorum.* d) filicibus I. B. R.



contendetur<sup>a</sup>, ut super calcatis cupressinis, vel pineis, aut, si eæ non erunt, aliis frondibus terra contegatur<sup>b</sup>, in principio atque exitu fossæ more ponticulorum binis saxis tantummodo pilarum vice constitutis, & singulis superpositis, ut ejusmodi constructio ripam sustineat, ne præcludatur humoris illapsu atque exitu<sup>c</sup>. Nemorosi frutetosique<sup>d</sup> tractus duplex cura est, vel extirpandis radicitus arboribus & removendis; vel si raræ sint, tantum succidendis, incendendisque, & inarandis. At saxosum facile est expedire lectione lapidum, quorum si magna est abundantia, velut quibusdam substruccionibus partes agri sunt occupandæ, ut reliquæ emundentur: vel in altitudinem sulco depresso lapides obruendi: quod tamen ita faciendum erit, si suadebit operarum vilitas. Junci & graminis perniciosities repastinatio est; filicis, frequens extirpatio: quæ vel aratro fieri potest, quoniam intra biennium sæpius convulsæ moriuntur: celerius etiam, si eodem tempore stercores, & lupino vel faba conseras, ut cum aliquo reditu medearis agri vitio. Namque constat, filicem sationibus & stercoratione facilius interimi. Verum & si subinde nascentem falce decidas, quod vel puerile opus est,

a) contrndetur L. contundetur & conj. Broukh. b) congeratur conj. Broukh. c) illapsus atque exitus I. B. R. G. d) fruticosique conj. Broukh.

intra prædictum tempus vivacitas ejus absumitur.

- 14 Sed jam expediendi rudis agri rationem sequitur  
cultorum novalium cura, de qua mox quid cen-  
seam profitebor; si quæ ante discenda sunt, arvo-  
rum studiosis præcepero<sup>a</sup>. Plurimos antiquorum,  
qui de rusticis rebus scripserunt, memoria repeto,  
quasi confessa, nec dubia signa pinguis ac frumen-  
torum fertilis agri prodidisse, dulcedinem soli pro-  
priam, herbarum & arborum proventum, nigrum  
15 colorem vel cinereum<sup>b</sup>. De cæteris ambigo, de co-  
lore satis admirari non possum, cum alios, tum<sup>c</sup>  
Cornelium Celsum, non solum agricolationis, sed  
universæ naturæ prudentem virum, sic & senten-  
tia<sup>d</sup>, & visu deerrasse, ut oculis ejus tot paludes,  
tot etiam campi salinarum non occurrerent, quibus  
16 fere contribuuntur prædicti colores. Nullum enim  
temere videmus locum, qui modo pigrum contineat  
humorem, non eundem vel nigri, vel cinerei co-  
loris, nisi forte in eo fallor ipse, quod non putem  
aut in solo limosæ paludis, & uliginis amaræ, aut  
in maritimis arcis salinarum gigni posse læta<sup>e</sup> fru-  
menta. Sed est manifestior hic antiquorum error,  
quam ut pluribus argumentis convincendus sit. Non  
ergo color, tanquam certus auctor, testis est boni-

<sup>a</sup>) Caput IV. cum rubr. Quod solum maxime probatur L.

<sup>b</sup>) Nihil insr. Goes. Sanger. <sup>c</sup>) tum etiam P. <sup>d</sup>) scientia  
conj. Broukh. <sup>e</sup>) jacta ah.

tatis arborum: & ideo frumentarius ager, id est 17  
 pinguis, magis aliis qualitatibus æstimandus est.  
 Nam ut fortissimæ pecudes diversos ac pene innu-  
 merabiles, sic etiam robustissimæ terræ plurimos &  
 varios colores sortitæ sunt. Itaque considerandum  
 erit, ut solum, quod ex colore<sup>a</sup> destinamus, pin-  
 gue sit. Per se tamen id parum est, si dulcedine 18  
 caret, quod utrumque<sup>b</sup> satis expedita nobis ratione  
 contingit discere. Nam perexigua conspèrgitur aqua  
 glæba<sup>c</sup>, manuque subigitur, ac si glutinosa est, &  
 quovis<sup>d</sup> levissimo<sup>e</sup> tactu pressa inhærescit. *Et picis*  
*in morem ad digitos lentescit habendo*, ut ait Vir-  
 gilius; eademque illisa humo non dissipatur: ea<sup>f</sup>  
 res admonet<sup>g</sup> nos, inesse tali materiæ naturalem  
 succum, & pinguitudinem. Sed & si velis scrobi- 19  
 bus egestam humum recondere, & recalcare, cum  
 aliquo quasi fermento abundaverit, certum erit, es-  
 se eam pinguem; cum defuerit, exilem; cum æqua-  
 verit, mediocrem: quanquam ista, quæ nunc retu-  
 li, non tam vera possunt videri, quam si sit pul-  
 lula terra, quæ melius proventu frugum approba-  
 tur. Sapore quoque dignoscemus, si ex ea parte 20  
 agri, quæ maxime displicebit, effossæ glebæ, & in  
 fictili vase madefactæ, dulci aqua permisceantur,

a) excolere P. I. I. H. A. Gr. G. St. b) utcumque *conj.* Broukh.  
 c) gleba *plur.* d) quamvis Goes. Sanger. e) lenissimo I. B. R.,  
 f) quæ I. B. R. g) admonent I. B. R.

- ac more fœculenti vini diligenter colatæ gustu explorentur: nam qualem traditum ab eis retulerit humor saporem: talem esse dicemus ejus soli: sed citra hoc experimentum multa sunt, quæ & dulcem terram & frumentis habilem significant, ut juncus, ut calamus, ut gramen, ut trifolium, ebulum, rubi, pruni silvestres, & alia complura, quæ etiam indagatoribus aquarum nota, non nisi dulcibus terræ venis educantur. Nec contentos esse nos oportet. prima specie summi soli, sed diligenter exploranda est inferioris materiæ qualitas, terrena necne sit. Frumentis autem sat erit, si æque bonasuberit bipedanea humus: arboribus altitudo quatuor pedum abunde est. Hæc cum ita exploraverimus, agrum sationibus faciundis, expediemus. Is autem non minimum exuberat, si curiose & scite subigitur: quare antiquissimi <sup>a</sup> fere omnes formam hujus operis conscripsere, quam velut scita <sup>b</sup> legemque in proscindendis agris sequantur <sup>c</sup> agricolæ.
- 22 Igitur in opere boves arte junctos habere convenit, quo speciosius ingrediantur sublimes, & elatis capitibus, ac minus colla eorum labefactentur, jugumque melius aptum cervicibus insadat: hoc enim genus juncturæ maxime probatum est. Nam illud quod in quibusdam provinciis usurpatur, ut

a) antiquissimum est formam hujus operis conscribere I. B. R. Sanger. b) sectam I. B. R. Sanger. c) sectantur I. B. R.

cornibus illigetur jugum , fere repudiatum est ab omnibus, qui præcepta rusticis conscripserant; neque immerito: plus enim queunt pecudes collo & 23 pectore conari, quam cornibus: atque hoc modo tota mole corporis, totoque pondere nituntur: at illo, retractis & resupinis capitibus excruciantur, ægreque terræ summam partem levi admodum vomere sauciant. Et ideo minoribus aratris moliuntur<sup>a</sup>, qui<sup>b</sup> non valent alte perfossam novalium terram rescindere: quod cum fit, omnibus virentibus plurimum confert<sup>c</sup>: nam penitus arvis sulcatis majore incremento segetum arborumque fœtus grandescunt. Et in hoc igitur a Celso dissentio, qui reformidans 24 impensam, quæ scilicet largior est in amplioribus armentis, censet exiguis vomeribus & dentalibus terram subigere, quo minoris formæ bubus administrari id possit; ignorans, plus esse redditus in ubertate frugum, quam stipendii<sup>d</sup>, si majora mercemur armenta, præsertim in Italia, ubi arbustis atque oleis consitus ager altius resolvi ac subigi desiderat, ut & summæ radices vitium olearumque vomeribus rescindantur; quæ si maneant, frugibus ob sint; & inferiores, penitus subactis solo, facilius capiant humoris alimentum. Potest tamen illa Celsi 25

a) molliuntur I. B. R. b) quia — perfossa — terra Goes. terga Sanger. *Bene* V. L. 4, 14. 10, 7. c) confertur Goes. I. B. R. Sanger. d) impendii L.

ratio Numidiæ & Ægypto convenire, ubi plerumque arboribus viduum solum frumentis seminatur. Atque ejusmodi terram pinguibus arenis putrem veluti cinerem solutam, quamvis levissimo dente moveri satis est. Bubulcum autem per proscissum ingredi oportet, alternisque versibus obliquum tenere aratrum, & alternis recto plenoque sulcare: sed ita necubi crudum solum, & immotum relinquat, quod  
 26 agricolæ scamnum vocant. Boves, cum ad arborem venerint, fortiter retinere ac retardare, ne in radicem majore nisu vomis impactus colla commoveat, neve aut cornu bos ad stipitem vehementius offendat, aut extremo jugo truncum delibet ramumque deplantet. Voce potius quam verberibus terreat, ultimaque sint opus recusantibus remedia, plagæ: nunquam stimulo lacessat juvenum<sup>2</sup>, quod retrequantem, calcitrosumque eum reddit: nonnun-  
 27 quam tamen admoneat flagello. Sed nec in media parte versuræ consistat, detque requiem in summa, ut spe cessandi totum spatium bos agilius enitatur. Sulcum autem ducere longiorem, quam pedum centumviginti, contrarium pecori est, quoniam plus  
 28 æquo fatigatur, ubi hunc modum excessit. Cum ventum erit ad versuram, in priorem partem jugum propellat, & boves inhibeat: ut colla eorum refrigerant,  
 2) juvenumque recte tractum calcitrosum eum reddit L. I. R.

gescant, quæ celeriter conflagrant, (nisi assidue refrigerentur<sup>a</sup>) & ex eo tumor, ac deinde ulcera invadunt. Nec minus dolabra, quam vomere bubulcus utatur; & præfractas stirpes, summasque radices, quibus ager arbusto consitus implicatur, omnes refodiat, ac persequatur.

*Quæ cura adhibenda sit bubus ab opere  
disjunctis.*

III.<sup>b</sup> Boves cum ab opere disjunxerit, substrictos confricet, manibusque comprimat dorsum, & pellem revellat, nec patiatur corpori adhærere, quia id genus morbi maxime est armentis noxium. Cola subigat, merumque faucibus, si æstuaverint, infundat. Satis autem est singulis binos sextarios præbere: sed ante ad præsepia boves religari non expedit, quam sudare atque anhelare desierint: cum deinde tempestive potuerint vesci, non multum nec universum cibum, sed partibus, & paullatim præbere convenit. Quem cum absumserint<sup>c</sup>, ad aquam duci oportet, sibiloque allectari, quo libentius bibant: tum demum reductos largiori pabulo satiari. Hæc de officio bubulci dixisse abunde est. Sequitur, ut tempora quoque subigendi arvi præcipiamus.

<sup>a</sup>) stringantur vel restingantur plur. <sup>b</sup>) nulla nota novi capituli in L. <sup>c</sup>) assumpserint I. B. R.

*Quo anni tempore campi arandi sint, & quomodo.*

IV. Pingues campi, qui diutius continent aquam, præscindendi<sup>a</sup> sunt anni tempore jam incalescente, cum omneis herbas ediderint, neque adhuc earum  
 2 semina maturuerint: sed tam frequentibus densisque sulcis arandi sunt, ut vix dignoscatur, in utram partem vomer actus sit: quoniam sic omnes radices herbarum perruptæ necantur. Sed & compluribus iterationibus sic resolvatur verva<sup>3</sup>ctum in pulverem, ut vel nullam vel exiguam desideret occasionem, cum semina verimus. Nam veteres Romani dixerunt male subactum agrum, qui satis frugibus occandus sit. Eum porro an recte aretur, frequenter explo-  
 3 rare debet agricola: nec tantum visu, qui fallitur nonnunquam, superfusa terra latentibus scamnis; verum etiam tactu, qui minus decipitur, cum solidi rigoris admota pertica transversis sulcis inseritur: ea si æqualiter, ac sine offensione<sup>b</sup> penetravit, manifestum est, totum solum deinceps esse motum: sin autem subeunti durior aliqua pars obstitit, cru-  
 4 dum verva<sup>4</sup>ctum esse demonstrat. Hoc cum sæpius bubulci fieri vident, non committunt scamna facere. Igitur uliginosi campi proscindi debent post Idus

<sup>a</sup>) præscindendi Q. L. Goes. I. I. H. A. Gr. G. St. <sup>b</sup>) offensatio-  
 ne L. I. B. R.



mensis Aprilis . Quo tempore cum arati fuerint<sup>a</sup> 4  
 diebus interpositis circa solstitium, quod est nonum  
 vel octavum Calend. Julias, iteratos esse oportebit,  
 ac deinde circa Septembris Calendas tertiatos. Cum  
 id tempus ab æstivo solstitio convenit inter peritos  
 rei rusticæ, non esse arandum, nisi, si magnis, ut  
 fit nonnunquam, ac subitaneis imbribus, quasi hiber-  
 nis pluviis terra permaduerit. Quod cum accidit, 5  
 nihil prohibet, quo minus mense Julio vervacla su-  
 bigantur. Sed quandoque<sup>b</sup> arabitur, observabimus,  
 ne lutosus ager tractetur, neve exiguis nimbis se-  
 mimadidus, quam terram rustici variam cariosamque  
 appellant. Ea est cum post longas siccitates levis  
 pluvia superiorem partem glæbarum madefecit,  
 inferiorem non attigit. Nam quæ limosa versantur  
 arva, toto anno desinunt posse tractari, nec sunt  
 habilia sementi, aut occationi, aut sationi. At rur-  
 sus, quæ varia subacta sunt, continuo triennio ste-  
 rilitate afficiuntur. Medium igitur temperamentum 6  
 maxime sequamur in arandis agris, ut neque succo  
 careant, nec abundant uligine. Quippe nimius hu-  
 mor, ut dixi, limosos lutososque reddit: at quæ sic-  
 citatibus aruerunt, expediri probe non possunt: nam  
 vel respuitur duritia soli dens aratri, vel si qua par-  
 te penetravit, non minute diffundit<sup>c</sup> humum, sed va-

a) viginti *inr.* Goes. b) quandocumque *omnes præter P. & Sanger.* c) diffundit Goes. I. B. R. Sanger. *male.*

stos cæspites convellit; quibus objacentibus impeditum arvum minus recte potest iterari, quia ponderibus glæbarum, sicut aliquibus obstantibus fundamentis, vomis ac sulco repellitur: quo evenit, ut in iteratione quoque scamna fiant, & boves iniquitate operis maxime<sup>a</sup> multentur. Accedit huc, quod omnis humus quamvis lætissima, tamen inferiorem partem jejuniorem habet, eamque attrahunt excitatæ majores glæbæ: quo evenit, ut infœcundior materia mista pinguiori segetem minus uberem reddat, tum etiã ratio rustici<sup>b</sup> aggravatur exiguo profectu operis: justa enim fieri nequeunt, cum induit<sup>s</sup> ruit ager. Itaque siccitatibus censeo, quod jam proscissum est<sup>c</sup>, iterare, pluviamque opperiri, quæ madafacta terra, facilem nobis culturam præbeat. Sed jugerum talis agri quatuor operis expeditur: nam commode proscinditur duabus, una iteratur, tertiatur dodrante, in liram satum<sup>d</sup> redigitur, quadrante opere. Liras autem rustici vocant easdem porcas, cum sic aratum est, ut inter duos latius distantes sulcos medius cumulus siccam sedem frumentis præbeat<sup>9</sup>. Colles pinguis soli peraacta satione trimestri mense Martio, si vero tepor cæli siccitasque regionis suadebit, Februario statim proscindendi sunt. Deinde ab Aprili medio usque in solstitium iteran-

<sup>a</sup>) pessime Goes. Sanger.    <sup>b</sup>) rustica I. B. R.    <sup>c</sup>) non *iter*, *conj.* Ursin.    <sup>d</sup>) statim *omnes præst.* Goes. Sanger.

di, tertiandique Septembri circa æquinoctium : ac totidem operis, quot uliginosi campi, excolitur jugerum talis agri. Sed in arando maxime est obser- 10  
vandam, semper ut transversus mons sulcetur. Nam hac ratione difficultas acclivitatis infringitur, labor-  
que pecudum & hominum commodissime sic minuitur. Paullum tamen quotiescunque iterabitur, modo in elatiora, modo in depressiora clivi obliquum agi sulcum oportebit, ut in utramque partem rescindamus, nec eodem vestigio terram moliamur. Exilis 11  
ager planus, qui aquis abundat, primum aretur, ultima in parte mensis Augusti, subinde Septembri sit iteratus, paratusque sementi circa æquinoctium. Expeditior autem labor ejusmodi solo est, eo quod pauciores impenduntur operæ: nam tres uni jugero sufficiunt. Item graciles clivi non sunt æstate arandi, sed circa Septembres Calendas: quoniam si ante hoc tempus proscinditur, effœta, & sine succo humus æstivo sole peruritur, nullasque virium reliquias habet. Itaque optime inter Calendas & Idus Septembris aratur, ac subinde iteratur, ut primis pluviis æquinoctialibus conseri possit: neque in lira, sed sub sulco talis ager seminandus est<sup>a</sup>.

a) *Nihil divinum* in L.

*Exilis terra quomodo stercoretur.*

V. Prius tamen, quam exilem terram iteremus, stercoreare conveniet: nam eo quasi pabulo gliscit. In campo rarius, in colle spissius, acervi stercoreis, instar quinque modiorum disponentur, atque in plano pedes intervalli quoquo versus octo; in clivo duobus minus relinqui sat erit. Sed id nobis decrescente luna fieri placet; nam ea res herbis liberat segetes. Jugerum autem desiderat, quod spissius stercoreatur, vehes quatuor & viginti; quod<sup>2</sup> rarius, duodeviginti. Disiectum deinde protinus firmum inarari & obrui<sup>a</sup> convenit, ne solis halitu vires amittat, & ut permista humus prædicto alimento pinguescat. Itaque, cum in agro disponentur acervi stercoreis, non debet major modus eorum dissipari, quam quem bubulci eodem die possint obruere.

*De generibus seminum.*

VI.<sup>b</sup> Quoniam sementi terram docuimus præparare, nunc seminum genera persequemur. Prima & utilissima sunt hominibus frumenta, triticum; & semen adereum. Tritici genera complura cognovimus: verum ex his maxime serendum est, quod

a) adruui P. Sanger. b) *Etiam hoc aliter divis. in L.*

robis dicitur: quoniam & pondere, & nitore præstet. Secunda conditio est habenda siliginis, cujus species in pane præcipua pondere deficitur. Tertium erit trimestre, cujus usus agricolis gratissimus: nam ubi propter aquas aliamve causam maturatio est omisa, præsidium ab hoc petitur. (Id<sup>b</sup> genus est siliginis). Reliquæ tritici species, nisi, si quos multiplex varietas frugum, & inanis delectat gloria, supervacuæ sunt. Adorei autem ple-  
rumque vidimus in usu genera quatuor: far, quod appellatur Clusinum candoris nitidi: far, quod vocatur vennuculum, rutilum, atque alterum candidum, sed utrumque majoris ponderis, quam Clusinum; semen trimestre, quod dicitur halicastrum, idque pondere, & bonitate est præcipuum. Sed  
hæc genera tritici, & adorei, propterea custodienda sunt agricolis, quod raro quisquam ager ita situs est, ut uno semine contenti esse possimus, interveniente parte aliqua vel uliginosa, vel arida. Triticum autem sicco loco melius coalescit, Adoreum minus infestatur humore.

*De generibus leguminum.*

VII.<sup>c</sup> Leguminum genera cum sint complura, maxime grata, & in usu hominum videntur, faba,

a) mortua satio est, omne L. b) porro ins. Goes.

c) Nulla nota novi cap. in L.

lenticula, pisum, phaselus, cicer, cannabis, milium, panicum, sesama, lupinum, linum etiam, & ordeum, qui ex eo ptisana est. Item pabulorum optima sunt Medica, & fœnum Græcum, nec minus vicia. Proxima deinde cicera, & ervum, & farrago, quæ est ex ordeo. Sed de his prius dissereamus, quæ nostra causa seminantur, memores antiquissimi præcepti, quo monemur, ut locis frigidis novissime, tepidis celerius, calidis ocissime seramus<sup>a</sup>; nunc autem proinde, ac si temperatæ regioni præcepta dabimus<sup>b</sup>.

*Quod seminandi tempus sit.*

VIII. Placet nostro poetæ adoreum, atque etiam triticum non ante seminare, quam occiderint Vergiliæ: quod ipsum numeris sic edisserit: *At si triticeam in messem, robustaque farra Exercebis humum, solisque instabis aristis, Ante tibi Eoæ Atlantides abscondantur.* Absconduntur autem altero & trigesimo die post autumnale æquinoctium, quod fere conficitur nono Calend. Octobris: propter quod intelligi debet tritici satio dierum sex & quadraginta ab occasu Vergiliarum, qui fit ante diem IX Calend. Novemb. ad brumæ tempora: sic enim servant prudentes agricolæ, ut quindecim die-

a) metamus I. B. R. Sanger. metamur I. I. L. b) *Uno tenore pergit L.*

bus prius, quam conficiatur bruma, totidemque post-  
 eam confectam neque arent, neque vitem aut ar-  
 borem putent. Nos quoque non ambigimus<sup>a</sup> in agro  
 temperato, & minime humido sementem sic fieri  
 debere. Cæterum locis uliginosis, atque exilibus,<sup>3</sup>  
 aut frigidis, aut etiam opacis plerumque citra Ca-  
 lendas Octobris seminare convenire, *dum sicca tel-  
 lure licet, dum nubila pendent*, ut prius convale-  
 scant radices frumentorum, quam hibernis imbri-  
 bus, aut gelicidiis<sup>b</sup>, pruinisve infestentur. Sed  
 quamvis tempestive sementis confecta erit, cavebi-  
 tur tamen, ut patentes liras, crebrosque sulcos aqua-  
 rios, quos non nulli elices vocant, faciamus, &  
 omnem humorem in colliquias, atque inde extra  
 segetes derivemus. Nec ignoro quosdam veteres<sup>4</sup>  
 auctores præcepisse, ne seminarentur agri, nisi cum  
 terra pluviis permaduisset. Quod ego, si tempe-  
 stive competat, magis conducere agricolæ non du-  
 bito. Sed, si quod evenit nonnunquam, seri sunt  
 imbres, quamvis sitienti solo recte semen commit-  
 titur, idque etiam in quibusdam provinciis, ubi sta-  
 tus cæli talis est, usurpatur. Nam quod sicco lo-  
 co ingestum, & inoccatum est, perinde<sup>c</sup> ac si re-  
 positum in horreo non corrumpitur, atque ubi ve-

a) quoque non abnuimus P. Goes. & Sanger. quoque annuimus  
 B. R. b) gelidis P. Sanger. aquis gelidis L. c) proinde P.  
 L. Sanger.

nit imber, multorum dierum sementis uno die sur-  
 5 git. Tremellius quidem asseverat, prius quam im-  
 pluerit, ab avibus, aut formicis sata edi<sup>a</sup>, ubi æsti-  
 vis serenitatibus ager aret: idque etiam sæpius nos  
 experti, verum adhuc esse<sup>b</sup> comperimus. Magis  
 apte tamen in ejusmodi agris adoreum, quam tri-  
 ticum seritur: quoniam folliculum, quo continetur;  
 firmum & durabilem adversus longioris temporis  
 humorem habet.

*Quot seminum modios jugerum postulet,<sup>c</sup>  
 & medicinae seminum.*

IX.<sup>c</sup> Jugerum agri pinguis plerumque modios tri-  
 tici quatuor, mediocris quinque postulat: adorei  
 modios novem, si est lætum solum; si mediocre,  
 decem desiderat. Nam quamvis de mensura minus  
 auctoribus convenit, hanc tamen videri commodissi-  
 mam docuit noster usus; quem si quis sequi recu-  
 sat, utatur præceptis eorum, qui bene uberem  
 campum in singula jugera tritici<sup>d</sup> quinque, & ado-  
 rei octo modiis obserere præcipiunt, atque hac por-  
 tione<sup>e</sup> mediocribus agris semina præbenda censent.  
 2 Nobis ne istam quidem, quam prædiximus, mensu-  
 ram semper placet servari, quod eam variat aut

a) non infestari, dum Sanger. b) non *ins.* L. c) *Nulla nota  
 . novi cap.* in L. d) tritici, quibus & &c. L. I. B. R. Sanger,  
 e) proportionem *conj.* Urs.



loci, aut temporis, aut cæli conditio: loci, cum vel in campis, vel collibus frumentum seritur, atque his vel pinguibus, vel mediocribus, vel macris: temporis, cum autumno, aut etiam ingruentē hie-me frumenta jacimus. Nam prima sementis rarius serere permittit, novissima spissius postulat: cæli, cum aut pluvium, aut siccum est: nam illud idem quod prima sementis, hoc quod<sup>a</sup> ultima desiderat. Omne autem frumentum maxime campo patente, <sup>3</sup> & ad solem prono, apricoque & soluto lætatur. Collis enim quamvis robustius aliquanto, minus tamen tritici reddit. Densa, cretosaque & uliginosa humus, siliginem, & far adorem non incommode alit. Ordeum nisi solutum & siccum locum non patitur. Atque illa vicibus annorum requietum agi- <sup>4</sup> tatumque alternis, & quam lætissimum volunt arvum: hoc nullam mediocritatem postulat: nam vel<sup>b</sup> pinguiissima, vel macerrima humo jacitur<sup>c</sup>. Illa post continuos imbres, si necessitas exigat, quamvis adhuc limoso & madente solo sparseris, injuriam sustinent<sup>d</sup>: hoc si lutoso commiseris, emoritur. Siliginis autem vel tritici, si mediocriter cre- <sup>5</sup> tosus uliginosusve ager est, etiam paullo plus, quam, ut prius jam dixi, quinque modiis ad sationem opus est. At si siccus, & resolutus locus, idemque vel

a) quod I. B. R. Urs. Cæsenas Ponted. quoque *al.* b) ut I. B. R. Goes. Lips. Cæsen. Sanger. c) perit *alii*. d) sustinet Sanger.

pinguis, vel exilis est, quatuor; quoniam & e cond-  
 6 trario macer tantundem seminis<sup>a</sup> poscit: nam nisi  
 rare conseritur, vanam & minutam spicam facit:  
 at ubi ex uno semine pluribus culmis fruticavit<sup>a</sup>,  
 etiam ex rara segete densam facit. Inter cætera  
 quoque non ignorare debemus, quintam<sup>b</sup> partem se-  
 minis amplius occupare<sup>c</sup> agrum consitum arbusto,  
 quam vacuum, & apertum. Atque adhuc de satio-  
 ne autumnali loquimur: hanc enim potissimam duci-  
 7 mus<sup>d</sup>. Sed & est altera, cum cogit necessitas: trime-  
 stre<sup>e</sup> vocant agricolæ: ea locis prægelidis ac nivosis,  
 ubi æstas est humida & sine vaporibus, recte com-  
 mittitur: cæteris admodum raro respondet: quam ta-  
 men ipsam celeriter, & utique ante æquinoctium ver-  
 num conveniet peragere: si vero locorum & cæli con-  
 ditio patietur, quanto maturius severimus, tanto<sup>f</sup>  
 8 commodius proveniet: neque enim est ullum, sicut  
 multi crediderunt, natura trimestre semen: quippe  
 idem jactum autumnno melius respondet. Sed sunt ni-  
 hilo minus quædam aliis potiora, quæ sustinent veris  
 tepores, ut siligo, & ordeum Galaticum, & hali-  
 castrum, granumque fabæ Marsicæ: nam cætera  
 robusta frumenta semper ante hiemem seri debent  
 in regionibus temperatis. Solet autem salsam non-

a) frutificavit plur. b) quantam I. B. R. quinta parte Sanger.  
 c) occupari I. B. R. Sanger. d) dicimus I. B. R. e) semestrem  
 I. B. R. Sanger. triticeum semestre L. f) tanto om. L. I. B.  
 R. Sanger.

nunquam & amaram uliginem vomere terra, quæ quamvis matura jam sata manante noxiò humore corrumpit, & locis glabrentibus sine ulla stirpe seminum areas reddit. Ea glabreta signis adhibitis notari convenit, ut suo tempore vitiis ejusmodi medeamur<sup>b</sup>. Nam ubi vel uligo, vel aliqua pestis segetem enecat<sup>c</sup>, ibi columbinum stercus, vel si id non est, folia cupressi convenit spargi & inarari. Sed antiquissimum est, omnem inde humorem facto sulco deducere: aliter vana erunt prædicta remedia. Nonnulli pelle hyænæ satoriam trimodiam vestiunt, atque ita ex ea, cum paullum imporata sunt semina, jaciunt, non dubitantes proventura, quæ sic sata sint. Quædam etiam subterraneæ pestes adultas segetes radicibus subjectis<sup>d</sup> enecant. Id ne fiat, remedio est aquæ mistus succus herbæ, quam rustici sedum appellant: nam hoc medicamine una nocte semina macerata jaciuntur. Quidam cucumeris anguinei humorem expressum, & ejusdem tritam radicem diluunt aqua, similique ratione madefacta semina terræ mandant. Alii hac eadem aqua vel amurca insulsa<sup>e</sup>, cum cœpit infestari seges, perfundunt sulcos, & ita noxia animalia submovent<sup>f</sup>. Illud deinceps præcipiendum habeo, ut

a) calentibus P. Goes. Sanger. b) medicemur L. c) negat P. Sanger. d) subsectas necant L. e) infusa I. B. R. f) submoventur I. B. R.

- demessis segetibus jam in area futuro semini consu-  
 11 lamus. Nam quod ait Celsus, ubi mediocris est  
 fructus, optimam quamque spicam legere oportet,  
 separatimque ex ea semen reponere; cum  
 rursus amplior messis provenerit, quidquid exte-  
 retur, capisterio expurgandum erit, & semper  
 quod propter magnitudinem ac pondus in imo sub-  
 sederit, ad semen reservandum: nam id plurimum  
 prodest, quia quamvis celerius locis humidis, tamen  
 etiam siccis frumenta degenerant, nisi cura talis  
 12 adhibeatur. Neque enim dubium est, ex robusto se-  
 mine posse fieri non robustum: quod vero protinus  
 exile<sup>a</sup> natum sit, nunquam robur accipere manife-  
 stum est. Ideoque Virgilius cum & alia, tum &  
 hoc de seminibus præclare sic disseruit: *Vidi ego<sup>b</sup>*  
*lecta diu, & multo spectata labore, Degenerare ta-*  
*men, ni vis<sup>c</sup> humana quotannis Maxima quæque*  
*manu legeret, sic omnia satis In pejus rueret, ac*  
 13 *retro sublapsa referri.* Granum autem rutilum<sup>d</sup> si,  
 cum diffissum est, eundem colorem interiorem ha-  
 bet, integrum esse non dubitamus. Quod extrinse-  
 cus albidum, intus etiam conspicitur candidum, le-  
 ve ac vanum intelligi debet. Nec nos tanquam opta-  
 bilis<sup>e</sup> agricolis fallat siligo: nam hoc tritici vitium

a) ex levi P. Sanger. ex vili conj. Broukh. b) ego om. P. Goes.  
 Sanger. & editio Virg. Heins. c) mens I. B. R. d) ruti-  
 lum, siccum & diffissum, si eundem &c. I. B. R. cum eun-  
 dem &c. Lips. e) stabilis P. Sanger.

est, & quamvis candorē præstet, pondere tamen vincitur. Verum in humido statu cæli recte provenit; & ideo locis manantibus magis apta est. Nec tamen ea longe nobis, aut magna difficultate requirenda est: nam omne triticum solo uliginoso post tertiam sationem convertitur in siliginem. Proximus 14 est his frumentis usus ordeï, quod rustici hexastichum, quidam etiam cantherinum appellant: quoniam & alia<sup>a</sup> animalia, quæ ruri sunt, melius quam triticum, & hominem salubrius quam malum triticum pascit. Nec aliud in egenis rebus magis inopiam defendit. Seritur soluta siccaque terra, & vel prævalida vel exili, quia constat arva segetibus ejus macescere: propter quod pinguisimo agro, cujus nimis viribus noceri non possit, aut macro, cui nihil aliud, committitur. Altero sulco seminari de- 15 bet, post æquinoctium, media fere sementi, si læto solo: si gracili, maturius. Jugerum quinque modii<sup>b</sup> occupabunt. Idque, ubi paullum maturuerit, festinantius, quam ullum aliud frumentum demetendum erit. Nam & fragili culmo, & nulla vestitum palea granum ejus celeriter decedit, iisdemque de causis facilius teritur, quam cætera. Sed cum ejus messem sustuleris, optimum est novalia pati anno cessare: si minus, stercore saturare, &

a) omnia anim. P. Sanger. id alit anim. conj. Broukh. ex Isidoro Orig. 17, 1. b) modios occupabit L. I. B. R. Sanger.

omne virus, quod adhuc inest terræ, propulsare.  
 16 Alterum quoque genus ordei est, quod alii distichum, Galaticum nonnulli vocant, ponderis & candoris eximii, adeo ut tritico mistum egregia cibaria familiæ præbeat. Seritur quam pinguissimis, sed  
 4 frigidis locis circa Martium mensem. Melius tamen respondet, si clementia hiemis permittit, cum seminatur circa Idus Januarias. Jugerum sex modios postulat. Inter frumenta etiam panicum & milium ponenda sunt, quamvis jam leguminibus ea contri-  
 17 buerim: nam multis regionibus cibariis eorum coloni sustentantur<sup>a</sup>. Levem solutamque humum desiderant: nec in sabuloso solo, sed in arena quoque proveniunt, modo humido cælo, vel riguo solo:  
 18 nam siccum cretosumque reformidant. Ante ver  
 2 seri<sup>b</sup> non possunt, quoniam teporibus maxime lætantur: ultima tamen parte Martii<sup>c</sup> mensis commodissime terræ committuntur. Nec impensa gravi rationem<sup>d</sup> cultoris onerant; quippe sextariis fere quatuor jugerum implent: frequentem tamen exigunt sarritionem & runcationem, ut herbis liberentur. Ea cum spicas ediderunt, prius quam semina hient æstibus<sup>e</sup>, manu carpuntur, & suspensa in sole cum  
 assic-

a) sustentantur Lips. b) versari L. J. B. R. c) Aprilis L.  
 d) rationem P. sationem *ceteri omnes male*. e) æstibus *abera*  
 P. & Sanger.

assiccata<sup>a</sup> fuerint, reconduntur, atque ita reposita perennant diutius quam cætera. Panis ex milio conficitur, qui antequam refrigescat, sine fastidio potest absumi<sup>b</sup>. Panicum pinsitum, & evolutum fure, sed & milium quoque pultem, quavis<sup>c</sup> inopia, maxime cum lacte, non fastidiendam præbet.

*Quod solum cuique legumini conveniat.*

X. Quoniam de frumentis abunde præcepimus, de leguminibus deinceps disseramus. Lupini, prima ratio est, quod & minimum operarum absumit<sup>d</sup>, & vilissime emitur, & maxime ex iis, quæ seruntur, juvat agrum. Nam vineis jam emaciatis<sup>e</sup> & arvis optimum stercus præbet, ac vel effæcto solo provenit, vel repositum in granario patitur ævum. Boves per hiemem coctum maceratumque probe alit. Famem quoque, si sterilitas annonæ<sup>f</sup> incessit hominibus, commode<sup>g</sup> propulsat. Spargitur statim ex area.<sup>2</sup> Atque id solum omnium leguminum non desiderat requiem in horreo, sive Septembri mense ante æquinoctium, seu protinus a Calendis Octobris crudis novalibus ingeras. Et qualitercunque obruas, sustinet coloni negligentiam. Teporem tamen autumnii desiderat, ut celeriter confirmetur: nam si non an-

a) jam sicca fuerint Lips. adsiccuerunt P. assicuerunt Sanger.

b) assumi L. c) quamvis in copia L. J. B. R. I. I. Sanger.

d) assumit L. I. B. e) emaceratis L. f) annorum L. I. B. R. Sanger. g) commodissime plur.

3 te hiemem convaluerit, frigoribus affligitur. Reliquum quod seminis superest, in tabulatum, quo fumus pervenit, optime reponis<sup>a</sup>: quoniam si humor invasit, vermes gignit; qui simulatque oscilla lupinorum ederunt<sup>b</sup>, reliqua pars enasci non potest. Id ut dixi, exilem amat terram, & rubricam<sup>c</sup> præcipue: nam cretam reformidat, limosoque non exit  
 4 agro. Jugerum decem modii<sup>d</sup> occupant. Ab hoc recte phaselus terræ mandabitur, vel in vervaſto<sup>e</sup>, vel melius pingui & restibili agro. Nec amplius quatuor modiis jugerum obseritur. Similis quoque ratio est pisi, quod tamen facilem & solutam terram desiderat, tepidumque locum & cælum frequentis humoris. Eadem mensura jugerum, vel modio minus quam phaselum, licet obserere primo  
 5 tempore sementis ab æquinoctio autumnali. Fabæ pinguiſſimus locus vel stercoratus destinatur, & si veteretum erit in valle situm, quod a superiore parte succum accipit, prius tamen jaciemus<sup>f</sup> semina, deinde proscindemus terram, proscissamque in liram revocabimus, occabimusque, quo altius largiore humo contegatur. Nam id plurimum refert, ut radices enatorum seminum penitus demersæ sint.  
 6 Sin autem proximæ messis occupandum erit restibi-

a) reponas Goes. I. B. R. b) corroderunt L. adederunt Goes. Heins. *ad Ovid. Am.* I, 15, 41. Sanger. c) lubricam L.

d) modios occupat I. B. R. Sanger. e) veterio P. Sanger. invertato L. f) jactemus I. B. R. alemus P. Sanger.



le, desectis stramentis, quatuor & viginti vehes stercoris in iugerum disponemus, dissipabimusque. Et similiter cum semen crudo solo ingesserimus, inarabimus, imporcatumque occabimus: quamvis sint, qui negent, locis frigidis oportere occari fabam, quia extantes glæbæ a gelicidiis adhuc eam teneram vindicent, & aliquem teporem frigore laboranti præbeant. Sunt etiam, qui putent, in arvis 7 hanc eandem vice stercoris fungi: quod sic ego interpretor, ut existimem, non sationibus ejus pinguescere humum, sed minus hanc, quam cætera semina vim terræ consumere. Nam certum habeo, frumentis utiliore agrum esse, qui nihil, quam qui istam siliquam<sup>a</sup> proximo anno tulerit. Iugerum 8 agri, ut Tremellio, quatuor; ut nobis videtur, fabæ sex occupant modii, si solum pingue sit: si mediocre, paullo amplius: eaque nec macrum, nec nebulosum locum patitur: densa tamen humo sæpe commode respondet. Media sementi pars seri, & pars ultima debet, quæ septimontialis satio dicitur: tempestiva frequentius: nonnunquam tamen sera melior est. Post brumam parum recte seritur, pessime 9 vere: quamvis sit etiam trimestris faba, quæ mense Februario seratur, quinta parte amplius quam matura: sed exiguas paleas, nec multam siliquam facit.

<sup>a</sup>) spicam L. I. B. R. Sanger.

- Veteres itaque rusticos plerumque dicentes audio, malle se matura fabalia, quam fructum trimestrem<sup>a</sup>.
- 10 Sed quocunque tempore anni seretur, opera danda erit, ut quantum destinaverimus in sationem, tantum quintadecima luna, si tamen ea non transcurrat eo die solis radios, quod Græci ἀπόχρυσιν<sup>b</sup> vocant; si minus, quartadecima utique adhuc<sup>c</sup> crescente lumine spargatur, etiam si confestim totum semen operiri non poterit. Nihil enim nocebitur ei nocturnis roribus aliisque ex causis, dum a pecore &
- 11 avibus vindicetur. Priscis autem rusticis, nec minus Virgilio, prius amurca vel nitro macerari eam, & ita seri placuit, *Latior ut fetus siliquis fallacibus esset, Et quamvis igni exiguo properata maderent*. Nos quoque sic medicatam comperimus, cum ad maturitatem perducta sit, minus a curculione infestari. Sed & illud, quod deinceps dicturi sumus, experti præ-
- 12 cipimus. Silente luna fabam vellito ante lucem: deinde cum in area exaruerit, confestim, prius quam luna incrementum capiat, excussam refrigeratamque in granarium conferto: sic condita a curculionibus
- 13 erit innoxia: maximeque ex leguminibus ea, & sine jumentis teri, & sine vento purgari expeditis-
- sime sic poterit. Modicus fasciculorum numerus resolutus in extrema parte arcæ collocetur, quem per

a) trimestris L. P. I. I. Sanger. b) ἀπόχρυσιν G. Sanger. ἀπόχρυσιν I. B. R. ἀπόχρυσιν rel. c) lunæ inq. Coes. Sanger.

longissimum ejus, mediumque spatium tres vel quatuor homines promoveant pedibus, & baculis furcillisve contendant: deinde cum ad alteram partem areæ pervenerint, in acervum culmos regerant. Nam semina excussa in area jacebunt, superque ea 14 paullatim eodem modo reliqui fasciculi excutientur. Ac durissimæ quidem acus resectæ<sup>a</sup> separatæque erunt a cudentibus: minutæ vero, quæ de siliquis cum faba resederunt, aliter secernentur. Nam cum acervus paleis, granisque mistus in unum fuerit congestus<sup>b</sup>, paullatim ex eo ventilabris per longius spatium jactetur: quo facto<sup>c</sup> palea, quæ levior est, citra decidet: faba, quæ longius emittetur, pura eo perveniet, quo ventilator eam jaculabitur. Lentem 15 sementi media, crescenti<sup>d</sup> luna usque in duodecimam, solo tenui & resoluta, vel pingui & sicco maxime loco seri convenit: nam in flore facile luxuria & humore corrumpitur: quæ ut celeriter prodeat, & ingrandescat, antequam seratur, fimo arido permisceri debet, & cum ita quatuor aut quinque diebus<sup>e</sup> requieverit, spargi. Sationes ejus duas servamus, alteram maturam per mediam sementim, 16 serio rem alteram mense Februario. Jugerum agri paullo plus quam modius<sup>f</sup> occupat. Ea ne curculio-

a) resectæ Sanger. b) congestus L. I. B. R. c) facto plur. jactu L. d) crescente plur. e) quattriduo I. B. R. Sanger. f) modium I. B. R. Sanger.

- nibus absumatur (nam etiam, dum est in siliqua, estur<sup>a</sup>) curandum erit, ut cum extrita sit, in aquam demittatur, & ab inani, quæ protinus innatat, separetur solida; tum in sole siccetur, & radice silphii trita cum aceto aspergatur, defriceturque<sup>b</sup>, atque ita rursus in sole siccata, & mox refrigerata recondatur, si major est modus, in horreo; si minor, in vasis oleariis, salsamentariisque: quæ repleta cum confestim gypsata sunt, quandoque in usus promserimus, integram lentem reperiemus: potest tamen etiam citra istam medicationem cineri mista
- 17 commodè servari. Lini semen, nisi magnus est ejus in ea regione, quam colis, proventus, & pretium proritat, serendum non est: agris enim præcipue noxium est: itaque pinguissimum locum & modice humidum poscit. Seritur a Calend. Octob. in ortum Aquilæ, qui est. vii Idus Decemb. Jugerum agri octo modiis obseritur. Nonnullis placet macro solo quam spississimum semen ejus committi, quo tenue linum proveniat. Idem etiam, si læto solo seratur mense Febuario, x modios in jugerum jaci oportere,
- 18 dicunt. Sesama, quæ rigantur, maturius; quæ carent humore, ab æquinoctio autumnali serenda sunt in Idus Octob. Putre solum, quod Campani pullum vocant, plerumque desiderant: non deterius

a) exestur P. Goes. b) defricetur aquæ. Ita &c. I. B. R.

tamen etiam pinguibus harenis, vel congesticia humo  
 proveniunt: tantumque seminis, quantum milium  
 panicumque, interdum etiam duobus sextariis amplius  
 in jugerum spargitur. Sed hoc quidem semen Cilli-  
 ciæ Syriæque regionibus ipse vidi mense Junio Ju-  
 lioque conseri, & per autumnum cum permaturue-  
 rit, tolli. Cicercula<sup>a</sup>, quæ piso est similis, mense 19  
 Januario, aut Februario seri debet læto loco, cælo  
 humido. Quibusdam tamen Italiæ locis ante Calend.  
 Novemb. seritur. Tres modii jugerum implent; nec  
 ullum legumen minus agro nocet: sed raro respon-  
 det: quoniam nec siccitates, nec austros in flore  
 sustinet; quæ utraque incommoda fere eo tempore  
 anni sunt, quo deflorescit. Cicer, quod arietinum 20  
 vocatur, itemque alterius generis, quod Punicum,  
 seri mense Martio toto potest, cælo humido, loco  
 quam lætissimo. Nam etiam id terram lædit: atque  
 ideo improbatur a callidioribus agricolis: quod ta-  
 men si seri debeat, pridie macerandum erit, ut ce-  
 lerius enascatur. Jugero modii tres abunde sunt.  
 Cannabis solum pingue stercoratumque, & riguum, 21  
 vel planum, atque humidum, & alte subactum de-  
 poscit. In quadratum pedem seruntur grana sex  
 ejus seminis Arcturo exoriente, quod est ultimo  
 mense Februario, circa sextum aut quintum Ca-

a) Cicer aut cicercula Goes. I. B. R. Sanger.

- lend. Martias : nec tamen usque in æquinoctium  
 vernum, si sit pluvius cæli status, improbe sere-  
 22 tur. Ab his leguminibus ratio est habenda naporum  
 raporumque: nam utraque rusticos implent. Magis  
 tamen utilia rapa sunt, quia & majore incremen-  
 to proveniunt, & non hominem solum, verum etiam  
 boves pascunt, præcipue in Gallia, ubi hiberna ci-  
 baria prædiis pecudibus id olus præbet. Solum pu-  
 tre & solutum res utraque desiderat, nec densa na-  
 23 scitur humo. Sed rapa campis & locis humidis læ-  
 tantur; napus devexam amat, & siccam tenuique  
 propiorem terram: itaque glareosis sabulosisque ar-  
 vis melior exit<sup>a</sup>, locique proprietas utriusque semen  
 commutat: namque in alio solo rapa biennio sata  
 convertuntur in napum, in alio napus raporum ac-  
 cipit speciem. Riguis locis utrumque recte ab sol-  
 stitio seritur: siccis, ultima parte mensis Augusti,  
 vel prima Septembris: subactum solum pluribus ite-  
 rationibus aratri vel rastri, largoque<sup>b</sup> stercore satia-  
 24 tum postulant. Nam id plurimum refert, non solum  
 quod melius ea proveniunt, sed quod etiam post  
 fructum eorum sic tractatum solum segetes opimas<sup>c</sup>  
 facit. Jugerum agri non amplius quatuor sextariis  
 raporum seminis obserendum est: quarta parte am-  
 plius napi<sup>d</sup> spargendum, quia non in ventrem late-

a) meliorescit I.B.R. melius erit L. b) largeque I.B.R. G.

c) optimas I.B.R. d) napis omnes præter Goes.

scit<sup>a</sup>, sed tenuem radicem deorsum agit<sup>b</sup>. Atque hæc hominum causa serenda censemus, illa deinde pecudum.

*De genere pabulorum, & de Medica, vicia,  
farragine, avena, fæno græco, ervo,  
& cicera.*

XI.<sup>c</sup> Pabulorum genera complura, sicut Medicam, & viciam, farraginem quoque ordeaceam, & avenam, fænum Græcum, nec minus ervum, & cicera. Nam cætera neque enumerare, ac minus serere dignamur: excepta tamen cytiso, de qua dicemus in iis libris, quos de generibus surculorum conscripsimus. Sed ex iis, quæ placent, eximia est<sup>2</sup> herba Medica, quod cum semel seritur, decem annis<sup>d</sup> durat; quod per annum deinde recte quater, interdum etiam sexies, demetitur; quod agrum stercoret; quod omne emaciatum armentum ex ea pinguescit, quod ægrotanti pecori remedium est; quod iugerum ejus toto anno tribus equis abunde sufficit. Seritur, ut deinceps præcipiemus. Locum, in quo<sup>3</sup> Medicam proximo vere saturus es, proscindito circa Calendas Octobris, & eum tota hieme putrescere sinito: deinde Calendis Februariis diligenter ite-

a) latescit P. latescunt *rel.* b) agit P. agunt *rel.* *Hic incipit* Cap. XI. I. B. R. c) *Nilil distinguat* L. d) omnibus *add.* L. I. B. R. Sanger.

rato, & lapides omnes egerito<sup>a</sup>, glæbasque offringito<sup>b</sup>: postea circa Martium mensem tertiato, & occato. Cum sic terram subegeris, in morem horti areas latas pedum denum, longas pedum quinquagenum facito, ut per semitas aqua ministrari possit, 4 aditusque utraque parte runcantibus pateat. Deinde vetus stercus injcito: atque ita mense ultimo Aprilis serito tantum, quantum ut singuli cyathi seminis locum occupent decem pedum longum, & quinque latum: quod ubi feceris, ligneis rastris, id enim multum confert, statim jacta semina obruantur: nam celerrime sole aduruntur. Post sationem ferro tangi locus non debet. Atque, ut dixi, ligneis rastris sarriendus, & identidem runcandus est, ne alterius generis herba invalidam Medicam 5 perimat. Tardius messem primam ejus facere oportebit, cum jam seminum aliquam partem ejecerit. Postea quam voles teneram, cum prosiluerit<sup>c</sup>, deseces licet, & jumentis præbeas; sed inter initia parcius, dum consuescant, ne novitas pabuli noceat: inflat enim, & multum creat sanguinem. Cum secuieris autem, sæpius eam rigato. Paucos deinde post dies, ut cœperit fruticare, omnes alterius generis herbas eruncato. Sic culta sexies in

a) eligito L. I. B. R. b) effringito I. B. R. Gr. G. c) aliquam partem *add.* Lips.



anno demeti poterit, & permanebit annis decem .  
Viciæ autem duæ sationes sunt: prima, qua pabuli 6  
causa circa æquinoctium autumnale serimus septem  
modios ejus in unum jugerum: secunda, qua sex  
modios mense Januatio, vel etiam serius jacimus  
semini prognerando. Utraque satio potest cruda  
terra fieri, sed melius proscissa: idque genus præ-  
cipue non amat rores, cum seritur. Itaque post 7  
secundam diei horam, vel tertiam spargendum est,  
cum jam omnis humor sole ventove detersus est:  
neque amplius projici debet, quam quod eodem die  
possit operiri. Nam si nox incessit, quantulocunque  
humore prius, quam obruatur, corrumpitur. Ob-  
servandum erit, ne ante quintam & vigesimam lu-  
nam terræ mandetur: aliter satæ fere limacem no-  
cere comperimus. Farraginem in restibili stercora- 8  
tissimo loco, & altero sulco serere convenit. Ea  
fit optima, cum cantherini ordeï decem modiis ju-  
gerum obseritur circa æquinoctium autumnale, sed  
impendentibus pluviis, ut consita, rigataque imbri-  
bus, celeriter prodeat, & confirmetur ante hiemis  
violentiam. Nam frigoribus cum alia pabula defe-  
cerunt, ea bubus cæterisque pecudibus optime de-  
secta præbetur, & si depascere sæpius voles, us- 9  
que in mensem Majum sufficit. Quod si etiam se-  
men voles ex ea percipere, a Calend. Martiis pe-  
cora depellenda, ab omni noxa defendenda est, ut

- sit idonea frugibus. Similis satio<sup>a</sup> avenæ, quæ autumno sata, partim cæditur in fœnum, vel pabulum, dum adhuc viret, partim semini custoditur.
- 10 Fœnum Græcum, quod siliquam vocant rustici, duo tempora sationum habet: quorum alterum est Septembris mensis (cum pabuli causa seritur) iisdem diebus, quibus vicia circa æquinoctium: alterum autem mensis Januarii ultimo, vel primo Februarii, cum in messem seminatur: sed hac ratione<sup>b</sup> iugerum sex modiis, illa septem occupamus: utraque cruda terra non incommode fit: daturque opera, ut spisse aretur, nec tamen alte: nam si plus quatuor digitis adobrutum est semen ejus, non facile prodit: propter quod nonnulli prius quam serant, minimis aratris proscindunt, atque ita jaciunt
- 11 semina, & sarculis adobruunt. Ervum autem lætatur loco macro, nec humido, quia luxuria plerumque corrumpitur. Potest & autumno seri, nec minus post brumam, Januarii parte novissima, vel toto Februario, dum ante Calendas Martias: quem mensem universum negant agricolæ huic legumini convenire, quod eo tempore satum pecori sit noxium & præcipue bubus, quos pabulo suo cerebro-
- 12 sos reddat. Quinque modiis iugerum obseritur. Ciceræ bubus ervi loco fresa datur in Hispania Bæti-

a) ratio Goes. Sanger. b) satione Goes. Sanger.

ca : quæ cum suspensa mola divisa est , paullum aqua maceratur , dum lentescat , atque ita mista paleis subtritis pecori præbetur : sed ervi duodecim libræ satisfaciunt <sup>a</sup> uni jugo , ciceræ sexdecim . Eadem hominibus non inutilis , neque injucunda est : sapore certe nihilo differt a cicerula , colore tantum discernitur : nam est obsoletior , & nigro propior . Seritur primo vel altero sulco , mense Martio , ita ut postulat soli lætitia : quod eadem quatuor modiis , nonnunquam & tribus , interdum etiã duobus ac semodio jugerum occupat .

*Quemadmodum & quot operis unumquodque  
frumentum ac legumen colatur .*

XII.<sup>b</sup> Quoniam , quando quidque serendum sit , persecuti sumus , nunc quemadmodum , quotque operis , singula eorum , quæ retulimus , colenda sint , demonstrabimus . Peracta sementi , sequens cura est , sarritionis ; de qua non convenit inter auctores . Quidam negant , eam quidquam proficere , quod frumenti radices sarculo detegantur , aliquæ etiam succidantur , ac , si frigora incesserint post sarritionem , gelu frumenta enecentur : satius autem ea esse tempestive runcari & purgari . Pluribus tamen <sup>a</sup> sarriri placet : sed neque eodem modo , neque iis-

<sup>a</sup>) sufficiunt    <sup>b</sup>) *Nihil distm.* & p.p. C.VIII. incipit L.

dem temporibus usque quaque fieri. Nam in agris siccis & apricis, simulac primum sarritionem patiqueant segetes, debere eas permota terra adobruī, ut fruticare possint: quod ipsum ante hiemem fieri oportere, deinde post hiemem iterari. In locis autem frigidis & palustribus plerumque transacta hieme sarriri, nec adobruī, sed plana sarritione terram permoveri. Multis tamen nos regionibus aptam esse hiemalem sarritionem <sup>a</sup> comperimus, duntaxat ubi & siccitas cæli, & tepores permittunt. Sed nec istud ubique fieri censemus: verum incolarum consuetudine uti<sup>b</sup>: sunt enim regionum propria munera, sicut Ægypti & Africæ, quibus agricola post sementem, ante messem segetem non attingit, quoniam cæli conditio, & terræ bonitas ea est, ut vix ulla herba exeat, nisi ex semine jacto, sive quia rari sunt imbres, seu quia qualitas humi sic se cultoribus præbet. In his autem locis, ubi desideratur sarritio, non ante sunt attingendæ segetes, etiam si cæli status permittit, quam cum sata sulcos contexerint. Triticumque & adonion, cum quatuor fibras habere cœperint, ordeum cum quinque, faba & cætera legumina cum quatuor digitis a terra extiterint, recte sarrientur. Excepto tamen lupino, cujus semini contraria est sarritio, quoniam

a) sarritionem P. L. Sanger. *qui fere nunquam aliter*. b) niti conj. Broukh.

unam radicem habet, quæ sive ferro succisa est, seu vulnerata, totus frutex emoritur. Quod etiam si non fieret, supervacuus tamen esset cultus, cum sola hæc res adeo non infestetur herbis, ut ipsa herbas perimat. At aliæ segetes, quæ vel humidæ moveri possunt, melius tamen siccæ sarriuntur, quoniam sic tractatæ non infestantur rubigine: hordeum vero nisi siccissimum tangi non debet. Fabam multi ne sarriendam quidem 6 putant, quod & manibus, cum maturuerit, ducta secernatur a cætera runcatione, & internatæ herbæ fœno reserventur: cujus opinionis etiam Cornelius Celsus est, qui inter cæteras dotes<sup>a</sup> leguminis hanc quoque enumerat, quod sublata faba fœnum ex eodem loco secari posse dicat. Sed mihi videtur pessimi agricolæ, committere, ut satis herba proveniat: frugibus enim plurimum detrahitur, si relinquitur runcatio<sup>b</sup>. Neque enim est rustici pru- 7 dentis, magis pabulis studere pecudum, quam cibis hominum, cum præsertim liceat illa quoque cultu pratorum consequi: adeoque fabam sarriendam censeo, ut existimem debere<sup>c</sup> ter sarri. Nam sic cultam comperimus non solum multiplicare fructum, sed exiguam portionem in valvulis habere, fresæque ejus & expurgatæ modium pene tam plenum esse,

a) ejus *ins.* P. Goes. Sanger. b) runca P. Goes. Sang. *quisic* & *alibi*. c) etiam *ins.* Goes. Sanger.

quam integræ, cum vix minuatur mensura detractis  
 3 putaminibus. Atque in totum, sicut ante jam diximus, hiberna sarritio plurimum juvat diebus serenis ac siccis post brumam confectam mense Januario, si gelicidia non sint. Ea porro sic debet fieri, ne radices satorum lædantur, & ut potius adobruantur, cumulisque exaggerentur, ut latius se frutex humi diffundat. Id prima sarritione fecisse proderit, secunda oberit, quia cum pullulare desiit frumentum,  
 9 putrescit, si adobrutum est. Nihil itaque amplius in iteratione, quam remoliri terra debet æqualiter: eamque transacto æquinoctio verno statim peragi oportet intra dies viginti, ante quam seges in articulum eat, quoniam serius sarrita corrumpitur insequentibus æstivis siccitatibus & caloribus. Subjungenda deinde est sarritioni runcatio, curandumque, ne florentem segetem tangamus: sed aut ante  
 10 tea, aut mox cum defloruerit. Omne autem frumentum & hordeum, quicquid denique non duplici semine est, spicam a tertio ad quartum nodum emittit, & cum totam edidit, octo diebus deflorescit, ac deinde grandescit diebus quadraginta, quibus post florem ad maturitatem devenit. Rursus quæ duplici semine sunt, ut faba, pisum, lenticula, diebus XL florent, simulque grandescunt.

*Pro modo cujusque agri quot operæ designentur.*

XIII.<sup>a</sup> Et ut jam percenseamus, quot operis in aream perducantur ea, quæ terræ credidimus: tritici modii quatuor, vel quinque, bubulcorum operas occupant quatuor, occatoris unam, sarritoris duas primum, & unam cum iterum sarriuntur, runcatoris unam: messoris unam & dimidiam, in totum summa operarum decem & dimidia. Siliginis modii quinque totidem operas desiderant. Sesami modii novem, vel decem, totidem operas, quot tritici modii quinque, postulant. Hordei modii quinque bubulci operas tres exigunt, occatoriam unam, sarritoriam unam & dimidiam, messoriam unam. Summa operarum sex & dimidia. Fabæ modii quatuor vel sex in vetereto duas operas bubulcorum detinent, ac in restibili unam. Occantur sesquiopera, sarriuntur sesquiopera, iterum sarriuntur una opera, & tertio una, metuntur una. Summa fit operarum octo vel septem. Viciæ modii sex vel septem, in vetereto bubulcorum duas operas volunt, in restibili unam: item, occantur una opera, metuntur una. Summa fit operarum quatuor vel trium<sup>b</sup>. Ervi modii quinque totidem operis conserruntur, occantur una: item singulis sarriuntur, run-

a) *Nilil dist.* L. b) vel trium *omitt.* I. B. R. Sanger.  
Columella Pars I.

cantur, metunturque: cuncta sex operas occupant. Siliquæ modii sex, vel septem, totidem operis ob-  
 ruuntur, metuntur una. Phaseoli modii quatuor ob-  
 ruuntur totidem operis, occantur una, metuntur  
 4 una. Ciceræ vel cicerculæ modii quatuor operas  
 bubulcorum tres postulant, occantur opera una,  
 runcantur una, velluntur una. Summa fit sex ope-  
 rarum. Lentis sesquimodius totidem operas deside-  
 rat, occatur una, sarritur duabus, runcatur una,  
 vellitur una. Summa fit operarum octo. Lupini mo-  
 dii decem obruuntur una, occantur una, metuntur  
 una. Milii sextarii quatuor, totidemque panici, bu-  
 bulcorum operas occupant quatuor, occantur operis  
 tribus, sarriuntur tribus: quot operis carpantur, in-  
 5 certum est. Ciceris modii tres operis totidem se-  
 minantur, occantur duabus, sarriuntur una, runcan-  
 tur una, velluntur tribus. Summa fit decem<sup>a</sup> ope-  
 rarum. Lini decem modii, vel octo, quatuor jugis  
 conseruntur, occantur operis tribus, runcantur una,  
 6 velluntur tribus. Summa fit undecim operarum.  
 Sesami sextarii sex, tribus jugis a proscissione, co-  
 luntur, occantur operis quatuor, sarriuntur quatuor,  
 & sarriuntur iterum duabus, metuntur duabus. Sum-  
 ma fit operarum quindecim. Cannabis seritur, ut  
 supra docuimus<sup>b</sup>: sed incertum est, quantam impen-

a) undecim Goes. I. B. R. Sanger. b) diximus I. B. R.



sam curamque desideret. At Medica obruitur non aratro, sed, ut dixi, ligneis rastellis. Jugerum agri ejus occatur<sup>a</sup> duabus, sarritur<sup>b</sup> una, metitur una. Hac consummatione operarum colligitur posse agrum 7 ducentorum jugerum subigi duobus jugis boum, totidemque bubulcis, & sex mediastinis: si tamen vacet arboribus: at si<sup>c</sup> sit arbustum, eundem modum Saserna tribus hominibus adjectis asseverat probe satis excoli: quæ nos ratio docet, sufficere posse jugum boum tritici centum viginti quinque modis, totidemque leguminum, ut sit in assem autumnalis satio modiorum ducentorum quinquaginta: & post hanc nihilo minus conserat trimestrium modios quinque & septuaginta. Hoc deinde sic probatur. Semina, quæ quarto sulco seruntur in jugeribus viginti quinque, desiderant bubulcorum operas cxv. Nam proscinditur is agri modus, quamvis durissimi, quinquaginta operis, iteratur quinque & viginti, tertiat<sup>r</sup> & conseritur xl. Cætera legumina occupant 9 operas lx, id est menses duos. Pluviales quoque & feriarum computantur, quibus non aratur, dies quinque & xl. item peracta sementi, quibus requiescunt, dies xxx. Sic in asse fiunt octo menses, & dies x. Supersunt tamen de anno tres reliqui menses, & dies v & xx, quos absumamus aut in satio-

a) occant duo P. Sanger. b) sarrit unus; metit unus I. B. R. P. Sanger. c) aut si Sanger. ubi I. B. R.

ne trimestrium, aut in velturis fœni, & pabulorum, & stercore<sup>a</sup>, aliorumque utensilium.

*Quæ legumina arvis noceant, quæ prosint.*

XIV. Sed ex iis, quæ retuli, seminibus, idem Saserna putat aliis stercoreari & juvari agros, aliis rursus peruri, & emaciari: stercoreari lupino, faba, vicia, ervo<sup>b</sup>, lente, cicercula, piso. De lupino nihil dubito, atque etiam de pabulari vicia, si tamen eam viridem desectam confestim aratrum subsequatur, & quod falx reliquerit, priusquam inarescat, vomis rescindat, atque obruat: id enim cedit pro stercore: nam si radices ejus desecto pabulo relicte inaruerint, succum omnem solo auferent, vimque terræ absument, quod etiam in faba, cæterisque leguminibus, quibus terra gliscere videtur, verisimile est accidere: ut nisi protinus sublata messe eorum proscindatur, nihil iis segetibus, quæ deinceps in eo loco seminari debent, profuturum sit. Ac de iis quoque leguminibus, quæ velluntur, Tremellius obesse maxime ait solo virus ciceris, & lini; alterum quia sit salsæ<sup>c</sup>, alterum quia sit fervidæ naturæ: quod etiam Virgilius significat dicendo: *Urit enim lini campum seges, urit avena, Urunt lethæo perfusa papavera somno*. Neque enim dubium, quin

a) stercoreis I. B. R. Sanger. b) ervilia I. B. R. Sanger. c) densæ Goetz, Sanger.

& iis seminibus infestetur ager, sicut etiam milio, & panico. Sed omni solo, quod prædictorum leguminum segetibus fatiscit, una præsens medicina est, ut stercore adjuves, & absumas vires hoc velut pabulo refoveas<sup>a</sup>. Nec tantum propter semina, quæ <sup>4</sup> sulcis aratri committuntur, verum etiam propter arbores, ac virgulta, quæ maiorem in modum lætantur ejusmodi alimento. Quare si est, ut videtur, agricolis utilissimum, diligentius de eo dicendum existimo, cum priscis auctoribus, quamvis non omissa res, levi tamen admodum cura sit prodita.

*De generibus stercoreis.*

XV. Tria igitur stercorei genera sunt præcipua<sup>b</sup>, quod ex avibus, quod ex hominibus, quod ex pecudibus confit. Avium primum habetur, quod ex columbariis egeritur: deinde, quod gallinæ cæterique volucres edunt: exceptis tamen palustribus, aut nantibus, ut anatis & anseris: nam id noxium quoque est: maxime tamen<sup>c</sup> columbinum probamus, quod modice sparsum terram fermentare comperimus. Secundum deinde, quod homines faciunt, si <sup>2</sup> & aliis villæ purgamentis immisceatur, quoniam per se naturæ est ferventioris<sup>d</sup>, & ideo terram perurit. Aptior est tamen surculis hominis urina,

a) rebeas P. Sanger. b) præcipue L. I. B. R. Sanger. c) maxime autem Sanger. d) ferventius naturæ est Sanger.

quam sex mensibus passus fueris veterascere: si vitibus aut pomorum arboribus adhibeas, nullo alio magis fructus exuberat: nec solum ea res majorem facit proventum, sed etiam saporem & odorem vini  
 3 pomorumque reddit meliorem. Potest & vetus amurca, quæ salem non habet, permista huic commode, frugiferas arbores, & præcipue oleas rigare: nam per se quoque adhibita multum juvat. Sed usus utriusque maxime per hiemem est, & adhuc vere, ante astivos vapores, dum etiam vites & arbores  
 4 oblaqueatæ<sup>a</sup> sunt. Tertium locum obtinet præcudum stercus, atque in eo quoque discrimen est: nam optimum existimatur, quod asinus facit, quoniam id animal lentissime mandit, ideoque facilius concoquit, & bene confectum atque idoneum protinus arvo firmum reddit. Post hæc, quæ diximus, ovillum, & ab hoc caprinum est, mox cæterorum jumentorum armentorumque. Deterrimum ex omnibus  
 5 suillum habetur. Quin etiam satis profuit cineris usus & favillæ. Frutex vero lupini succis optimi stercoreis vim præbet. Nec ignoro quoddam esse ruris genus, in quo neque pecora neque aves haberi possint: attamen inertis est rustici, eo quoque loco  
 6 defici stercore. Licet enim quamlibet frondem, licet e vepribus compitisque<sup>b</sup> congesta colligere; li-

a) ablaqueatæ *res*. b) cespitibusque B. R. & e viis Goes. Sanger.

cet filicem sine injuria vicini etiam cum officio decidere, & permiscere cum purgamentis cortis<sup>a</sup>; licet depressa fossa, qualem stercorei reponendo primo volumine fieri præcipimus, cinerem cœnumque cloacarum & culmos, cæteraque, quæ everruntur, in unum congerere<sup>b</sup>: sed eodem medio loco robustam materiam<sup>c</sup> defigere convenit: namque ea res serpentum noxam<sup>d</sup> latere in stercore prohibet. Hæc 7 ubi viduus pecudibus ager. Nam ubi greges quadripedum versantur, quædam quotidie, ut culina & caseale, quædam pluviis diebus, & bubilia & ovilia debent emundari. At si tantum frumentarius ager est: nihil refert genera stercoreis separari: sin autem surculo & segetibus, atque etiam pratis fundus est dispositus, generatim quoque reponendum est, sicut caprarum & avium. Reliqua deinde in prædictum locum concavum congerenda, & assiduo humore satianda sunt, ut herbarum semina culmis cæterisque rebus immista putrescant. Æstivis de- 8 inde mensibus non aliter, ac si repastines, totum sterquilinum rastris permisceri oportet, quo facilius putrescat, & sit arvis idoneum. Parum autem diligentes existimo esse agricolas, apud quos minores singulæ pecudes tricenis diebus minus quam singulas, itemque majores denas vehes stercoreis efficiunt,

a) cohortis I. B. R. Sanger. *Et alibi semper.* b) congregare L.

c) materiem plur. d) serpentem noxiam I. B. R. Sanger.

totidemque singuli homines, qui non solum ea purgamenta, quæ ipsi corporibus edunt, sed & quæ colluvies cortis & ædificii quotidie gignit, contrahere & congerere possunt. Illud quoque præcipiendum habeo, stercus omne, quod tempestive repositum anno requieverit, segetibus esse maxime utile; nam & vires adhuc solidas habet, & herbas non creat: quanto autem vetustius sit, minus prodesse; quoniam minus valeat: itaque pratis quam recentissimum debere injici<sup>a</sup>, quod plus herbarum progerneret: idque mense Februario luna crescente fieri oportere: nam ea quoque res aliquantum fœni fructum adjuvat. De cætero usus stercoris, qualis in quaque re debeat esse, tum dicemus, cum singula persequemur.

*Quibus temporibus agri stercorandi sint.*

XVI. Interim qui frumentis arva præparare velit, si autumnò sementem facturus est, mense Septembri: si vere, qualibet parte hiemis modicos acervos luna decrescente disponat, ita ut plani loci jugerum duodecim, clivosi quatuor & viginti vehes stercoris teneant: &, ut paullo prius dixi, non antea dissipet cumulos, quam erit saturus. Si tamen aliqua causa tempestivam stercorationem fa-

<sup>a</sup>) devehere inique debere L.

cere prohibuerit, secunda ratio est, antequam sarras, more seminantis ex aviariis pulverem stercoris per segetem spargere. Si & is non erit, caprinum manu jacere, atque ita terram sarculis permiscere: ea res lætas segetes reddit. Nec ignorare colonos oportet<sup>a</sup>, sicuti refrigerescere agrum, qui non stercoretur, ita peruri, si nimium stercoretur: magisque conducere agricolæ, frequenter id potius, quam immodice facere. Nec dubium, quin aquosus<sup>3</sup> ager majorem ejus copiam, siccus minorem desideret: alter, quod assiduus humoribus rigens hoc adhibito regelatur: alter, quod per se tepens, siccitatibus, hoc assumpto largiore torretur<sup>b</sup>; propter quod nec deesse ei talem materiam, nec superesse oportet. Si tamen nullum genus stercoris suppetet,<sup>4</sup> ei multum proderit fecisse, quod M. Columellam, patrum meum doctissimum & diligentissimum agricolam sæpenumero usurpasse, memoriam repeto, ut sabulosis locis cretam ingereret: cretosis ac nimium densis, sabulum: atque ita non solum segetes lætas excitaret, verum etiam pulcherrimas vineas efficeret. Nam idem negabat stercus vitibus<sup>5</sup> ingerendum, quod saporem vini corrumpere: melioremque censebat esse materiam vindemiis exuberandis, congesticiam, vel de vepribus, vel denique

a) oportere reor Sanger. b) largioribus tolletetur P. Sanger.

aliam quamlibet arcessitam & advectam humum .  
 Jam vero & ego reor, si deficiatur omnibus rebus  
 agricola, lupini certe expeditissimum præsidium non  
 deesse: quod cum exili loco circa Idus Septembris  
 sparserit & inaraverit, idque tempestive vomere  
 vel ligone succiderit, vim optimæ stercorationis  
 6 exhibebit. Succidi autem lupinum sabulosis locis  
 oportet, cum secundum florem; rubricosis, cum ter-  
 tium egerit. Illic dum tenerum est, convertitur,  
 ut celeriter ipsum putrescat, permisceaturque gra-  
 cili solo: hic jam robustius, quod solidiores glæbas  
 diutius sustineat & suspendat, ut eæ solibus æstivis  
 vaporatæ resolvantur.

*Quemadmodum ex arvo prata fiant.*

XVII. Atque hæc arator exequi poterit, si non  
 solum, quæ retuli genera pabulorum providerit,  
 verum etiam copiam fœni, quo melius armenta  
 tueatur, sine quibus terram commode moliri diffi-  
 cile est: & ideo necessarius ei cultus est etiam  
 prati, cui veteres Romani primas in agricolatione  
 2 tribuerunt. Nomen quoque indiderunt ab eo, quod  
 protinus esset paratum, nec magnum laborem de-  
 sideraret. M. quidem Porcius & illa commemora-  
 vit, quod nec tempestatibus affligeretur, ut aliæ  
 partes ruris, minimique sumtus egens, per omnes  
 annos præberet redditum, neque eum simplicem,



cum etiam in pabulo non minus redderet, quam in  
fœno. Ejus igitur animadvertimus duo genera, 3  
quorum alterum est siccaneum, alterum riguum.  
Læto pinguique campo non desideratur influens ri-  
vus, meliusque habetur fœnum, quod suapte natu-  
ra succoso gignitur solo, quam quod irrigatum aquis  
elicitur, quæ tamen sunt necessariae, si macies ter-  
ræ postulat. Nam & in densa & resoluta humo,  
quamvis exili, pratum fieri potest, cum facultas ir-  
rigandi datur. Ac nec campus concavæ positionis 4  
esse, neque collis præruptæ debet: ille ne colle-  
ctam diutius contineat aquam; hic ne statim præ-  
cipitem fundat. Potest tamen mediocriter acclivis,  
si aut pinguis est aut riguus ager, pratum fieri.  
At planities maxime talis probatur, quæ exigue 5  
prona non patitur diutius imbres, aut influentes ri-  
vos immorari? aut si quis eam supervenit humor,  
lente prorepat. Itaque si palus in aliqua parte sub-  
sicens restagnat, sulcis derivanda est. Quippe aqua-  
rum abundantia atque penuria graminibus æque est  
exitio.

*Quemadmodum facta prata colantur.*

XVIII. Cultus autem pratorum magis curæ, quam  
laboris est. Primum, ne stirpes aut spinas validio-  
risque incrementi herbas inesse patiamur: atque alias  
ante hiemem & per autumnum extirpemus, ut rubos,

virgulta, juncos: alias per ver evellamus, ut intuba  
 ac solstitiales spinas: ac neque suem velimus impa-  
 sci, quoniam rostro suffodiat & cespites excitet, ne-  
 que pecora majora, nisi cum siccissimum solum est,  
 quoniam<sup>a</sup> demergunt ungulas & atterunt, scindunt-  
<sup>2</sup> que radices herbarum. Tum deinde macriora<sup>b</sup> &  
 pendula loca mense Februario, luna crescente, fimo  
 juvanda sunt: omnesque lapides, & siqua objacent  
 falcibus obnoxia<sup>c</sup>, colligi debent, ac longius expor-  
 tari submittique pro natura locorum, aut tempo-  
 rius, aut serius. Sunt etiam quædam prata situ ve-  
 tustatis obducta<sup>d</sup>, veteri vel crasso musco: quibus  
 mederi solent agricolæ seminibus de tabulato super-  
 jectis, vel ingesto stercore: quorum neutrum tan-  
 tum prodest, quantum si cinerem sæpius ingeras:  
<sup>3</sup> ea res muscum enecat. Attamen pigriora sunt ista  
 remedia, cum sit efficacissimum de integro locum  
 exarare. Sed hoc, si prata accepimus, facere debe-  
 mus: sin autem nova fuerint instituenda, vel anti-  
 qua renovanda ( nam multa sunt, ut dixi, quæ ne-  
 gligentia exolescant, & fiant sterilia ) ea expedie  
 interdum etiam frumenti causa exarare, quia talis  
<sup>4</sup> ager post longam desidiam lætas segetes affert. Igi-

a) quia udo demergunt ungulas P. quia udo demerguntur un-  
 gulæ Goes. Sanger. b) asperiora L. Sanger. c) falcibus  
 asperiora L. Goes. falcibus noxia Sanger. bene. d) obdu-  
 cta: quibus mederi solent agricolæ veteri vel crasso (eraso  
 Sanger.) musco seminibusque I. B. K. L.

tur cum locum, quem prato destinaverimus, æstate proscissum subactumque sæpius per autumnum rapis, vel naps, vel etiam faba conseremus; insequente deinde anno, frumento: tertio diligenter arabimus, omnesque validiores herbas, & rubos, & arbores, quæ interveniunt, radicitus<sup>a</sup> extirpabimus, nisi, si fructus arbusti id facere nos prohibuerit: deinde viciam permistam seminibus fœni seremus: tum glæbas sarculis resolvemus, & inducta crate coæquabimus, grumosque, quos ad versuram plerumque tractæ faciunt crates, dissipabimus ita, ut necubi ferramentum fœniseçæ possit offendere. Sed eam viciam non convenit ante desecare, quam permaturerit & aliqua semina subjacenti solo jecerit. Tum fœniseçam messorum oportet inducere<sup>b</sup> & desectam herbam religare & exportare: deinde locum rigare, si fuerit facultas aquæ: si tamen terra densior est: nam in resoluta humo non expedit inducere majorem vim rivorum, prius quam conspissatum & herbis colligatum sit solum: quoniam impetus aquarum proluit terram, nudatisque radicibus gramina non patitur coalescere: propter quod nec pecora quidem oportet teneris adhuc & subsidentibus pratis immittere, sed quoties herba prosiluerit, falcibus desecare. Nam pecudes, ut ante

a) radicibus Singer, b) inducere ac recidere P. Sanger.

jam dixi, molli solo infigunt ungulas, atque interruptas non sinunt herbarum radices serpere & condensare. Altero tamen anno minora pecora post fœniscia permittemus admitti, si modo siccitas & 7 conditio loci patietur. Tertio deinde cum pratum solidius ac durius erit, poterit etiam majores recipere pecudes. Sed in totum curandum est, ut secundum Favonii exortum, mense Febuario, circa Idus immistis seminibus fœni, macriora loca, & utique celsiora, stercorentur: nam editior clivus præbet etiam subjectis alimentum, cum superveniens imber, aut manu rivus perductus, succum stercoreis in inferiorem partem secum trahit: atque ideo fere prudentes agricolæ etiam in aratis collem magis, quam vallem stercoreant: quoniam, ut dixi, pluvix semper omnem pinguiorem materiam in ima deducunt.

*Quemadmodum succisum fœnum tractari  
& condi debeat.*

XIX. Fœnum autem demetitur optime antequam inarescat; nam & largius percipitur, & jucundior cibum pecudibus præbet. Est autem modus in siccando, ut neque peraridum, neque rursus viride colligatur<sup>a</sup>; alterum, quod omnem succum

<sup>a</sup>) condatur L.

si amisit, stramenti vicem obtinet; alterum, quod, si nimium retinuerit, in tabulato putrescit; ac sæpe cum concaluit, ignem creat & incendium. Non nunquam etiam cum fœnum cecidimus<sup>a</sup>, imber oppressit: quod si permaduit, inutile est udum movere; meliusque patiemur superiorem partem sole siccari: tunc demum convertemus, & utrumque siccatum coartabimus in strigam<sup>b</sup>, atque ita manipulos vinciemus: nec omnino cunctabimur, quo minus sub tectum congeratur, vel si non competit, ut aut in villam fœnum portetur, aut in manipulos colligatur, certe quicquid ad eum modum, quo debet, siccatum erit, in metas exstrui conveniet, easque ipsas in angustissimos vertices exacui. Sic enim commodissime fœnum defenditur a pluviis, quæ etiam si non sint, non alienum tamen est, prædictas metas facere; ut si quis humor herbis inest, exudet, atque excoquatur in acervis: propter quod prudentes agricolæ, quamvis jam illatum tecto, non ante componunt, quam per paucos<sup>c</sup> dies temere congestum, in se concoqui & defervescere patiantur. Sed & jam fœnisiçia<sup>d</sup> sequitur<sup>e</sup> cura messis, quam, ut recte possimus percipere, prius instrumenta præparanda sunt, quibus fruges coguntur.

a) cædimus I. B. R. Sanger. b) struem *al.* c) aliquos Sanger.  
d) fœniseas L. e) insequitur Sanger.

*De area constituenda.*

XX. Area quoque si terrena erit, ut sit ad trituram satis habilis, primum radatur, deinde confodiatur<sup>a</sup>, permistisque paleis cum amurca, quæ salem non accepit, extergatur<sup>b</sup>: nam ea res a populatione murium formicarumque frumenta defendit: tum æquata paviculis, vel molari lapide condense-  
 2 tur, & rursus subjectis<sup>c</sup> paleis inculcetur, atque ita solibus siccanda relinquitur. Sunt tamen, qui potius adjacentium fabalium partem<sup>d</sup> trituræ destinant, areamque demessa faba & lecta expoliunt: nam dum a pecudibus legumina proculcantur, herbæ etiam ungulis atteruntur, atque ita glabrescit, & fit idonea trituris<sup>e</sup> area.

*De messe facienda, & de tritura.*

XXI. Sed cum matura fuerit seges, ante, quam torreatur vaporibus æstivi sideris, qui sunt vastissimi per ortum Caniculæ, celeriter demetatur: nam dispendiosa est cunctatio: primum, quod avibus prædam, cæterisque animalibus præbet: deinde quod grana, & ipsæ spicæ culmis arentibus & aristis ce-  
 2 leriter decidunt: si vero procellæ ventorum, aut  
 turbi-

a) conficiatur P. Sanger. b) strigetur Sanger. c) superjectis  
 Goes. I. B. R. Sanger. d) adjacentem favonio partem Goes.  
 e) frumentis plur. Sanger.

turbines incesserint, major pars ad terram defluit: propter quæ recrastinari non debet, sed æqualiter flaventibus jam satis, ante, quam ex toto grana indurescant, cum rubicundum colorem traxerunt, messis facienda est, ut potius in area<sup>a</sup> & in acervo, quam in agro grandescant frumenta: constat enim, si tempestive decisa sint, postea capere incrementum. Sunt autem metendi genera complura: multi<sup>3</sup> falcibus vericulatis<sup>b</sup>, atque lis vel rostratis, vel denticulatis, medium culmum secant: multi mergis, alii pectinibus spicam ipsam legunt, idque in rara segete facillimum, in densa difficillimum est. Quod si falcibus seges cum parte culmi demessa sit, protinus in acervum, vel in nubilarium congeritur, & subinde opportunis solibus torrefacta proteritur. Sin<sup>4</sup> autem spicæ tantummodo recisæ sunt, possunt in horreum conferri, & deinde per hiemem vel baculis excuti, vel exteri pecudibus. At si competit, ut in area teratur frumentum, nihil dubium est, quin equis melius, quam bubus ea res conficiatur; & si pauca juga sunt, adjicere tribulam & traham<sup>c</sup> possis; quæ res utraque culmos facillime comminuit. Ipsæ autem spicæ melius fustibus tunduntur<sup>d</sup>, vanisque expurgantur. At ubi paleis immista sunt fru-

a) area & in horreo, quam in acervo & in agro &c. I. B. R.

b) verriculatis, verticulatis; vermiculatis, serriculatis, verusculatis *conject. an varie lect. in foro Romano proposita*.

c) tribulare & trahere P. Sanger. d) cuduntur P. Goes. Sanger.

menta, vento separentur: ad eam rem Favonius habetur eximius, qui lenis æqualisque æstivis mensibus perflat: quem tamen opperiri lenti est agricolæ: quia<sup>a</sup> dum expectatur, sæva nos hiems deprehendit. Itaque in atea detrita frumenta sic sunt aggerenda<sup>b</sup>, ut omni flatu possint excerni. At si compluribus diebus undique silebit aura, vannis<sup>c</sup> expurgentur, ne post nimiam ventorum segnitiam vasta tempestas irritum faciat totius anni laborem.

6 Pura deinde frumenta, si in annos reconduntur, repurgari<sup>d</sup> debent: nam quanto sunt expolitiora, minus a curculionibus exeduntur. Sin protinus usui destinantur, nihil attinet repoliri, satisque est in umbra refrigerari, & ita granario inferri. Leguminum quoque non alia cura est, quam reliquorum frumentorum: nam ea quoque vel statim absumuntur, vel reconduntur: atque hoc supremum est aratoris emolumentum percipiendorum seminum, quæ terræ crediderat.

*Quæ per ferias liceat agricolæ, & quæ non liceat facere.*

XXII. Sed cum tam otii, quam negotii rationem reddere majores nostri censuerint; nos quoque

a) quia sæpe dum P. Sanger. b) aggeranda *plur.* c) manibus P. Sanger. manibus: id quod fieri in Hispania intelligo Goes. d) reteri L. I. B. R.



monendos esse agricolas existimamus, quæ feriis facere, quæque non facere debeant. Sunt enim, ut ait poeta, quæ *festis<sup>a</sup> exercere diebus Fas, & jura sinunt: rivos deducere nulla Relligio vetuit, segeti prætere sepe, Insidias avibus moliri, incendere vepres, Balantumque gregem fluvio mersare salubri*. Quamquam Pontifices negent segetem feriis se-<sup>2</sup> piri debere. Vetant quoque lanarum causa lavari<sup>b</sup> oves, nisi propter medicinam. Virgilius, qui liceat feriis flumine abluere gregem, præcepit, & idcirco adjecit, *fluvio mersare salubri*: sunt enim vitia, quorum causa pecus utile sit lavare. Feriis autem<sup>3</sup> ritus majorum etiam illa permittit, far pinsere: facies incidere, candelas sebare, vineam conductam colere; piscinas, lacus, fossas veteres tergere & purgare, prata sicilire, stercora æquare, scænum in tabulata componere, fructus oliveti conductos cogere, mala, pira, ficos pandere, caseum facere, arbores serendi causa collo vel mulo clitellario afferre: sed juncto<sup>c</sup> advehere non permittitur, nec apportata serere, neque terram aperire, neque arborem collucare<sup>d</sup>: sed ne sementem quidem administrare, nisi<sup>4</sup> prius catulo feceris: nec scænum secare, aut vincire, aut vehere: ac ne vindemiam quidem cogi per religiones Pontificum feriis licet: nec oves tondere,

a) feriis P. b) lavare P. Sanger. c) jumento L. d) collocare L. Sanger.

nisi prius catulo feceris . De frutum quoque facere  
 & defrutare vinum licet . Uvas , itemque olivas con-  
 ditui<sup>a</sup> legere licet . Pellibus oves vestiri non licet .  
 In horto quicquid olerum causa facias , omne licet .  
 Feriis publicis hominem mortuum sepelire non li-  
 5 cet . M. Porcius Cato mulis , equis , asinis , nullas  
 esse ferias dixit<sup>b</sup> : idemque boves permittit con-  
 jungere lignorum & frumentorum advehendorum cau-  
 sa . Nos apud Pontifices legimus , feriis tantum de-  
 nicalibus mulos jungere non licere , cæteris licere .  
 Hoc loco certum habeo , quosdam cum solennia fe-  
 10 storum percensuerim , desideraturos lustrationum ,  
 cæterorumque sacrificiorum , quæ pro frugibus fiunt ;  
 6 morem priscis usurpatum : nec ego abnuo docendi  
 curam : sed differo in eum librum , quem componere  
 in animo est , cum agricolationis totam disciplinam  
 præscripsero . Finem interim præsentis disputationis  
 faciam , dicturus exordio sequente , quæ de vineis ,  
 arbustisque prodidere veteres auctores , quæque ipse  
 mox comperi .



a) conditum plur. b) ait Sanger.



L. JUNII MODERATI  
COLUMELLÆ  
DE  
RERUSTICA  
LIBER TERTIUS.

---

BREVIARIUM

I. Quod genus vitis conveniat cuique solo & stationi celi. II. Quæ vites suburbanis regionibus ad escam conserendæ sint. III. Nihil magis rusticis convenire quam vitem colere. IV. Quæ observare debeat qui vineas instituit. V. Quali solo & quomodo vitiarium faciundum sit. VI. Qualis & ex quibus partibus vitis maleolus legendus sit. VII. Quomodo fecunditatem vitis explores. VIII. Quæ spectanda sit qualitas in eo solo, quod vineis destinaveris. IX. Quomodo Amineas feraces facias. X. Ex qua vitis parte semina eligenda sint. XI. Quæ spe-

*flandæ qualitates in eo solo quod vineæ destinaveris. XII. Quæ Julius Græcinus tradiderit de terra vineali. XIII. Quomodo terra pastinetur. XIV. Quot modis vitis ponatur aut in provinciis aut in Italia. XV. Meliorem esse positionem pastinato solo quam novali. XVI. Quæ mensura pastinandi soli abunde sit vineis. XVII. Quemadmodum & quo tempore vitis serenda sit. XVIII. Quæ observare debeat qui vitem ponit. XIX. Quam longus esse debeat maleolus. XX. Quot genera vitium ponenda sint. XXI. Utrum distinctis generibus vitium horti consecranda sint.*

*Quod genus vitis conveniat cuique solo & statui celi.*

CAP. I. **H**ACTENUS arborum cultus, ut ait præstantissimus poeta. Nihil enim prohibet nos, P. Silvine, de iisdem rebus dicturos celeberrimi carminis auspicari principia<sup>a</sup>. Sequitur arborum cura, quæ pars rei rusticæ vel maxima est. Earum species diversæ & multiformes sunt: quippe varii generis (sicut auctor idem refert) nullis hominum cogentibus ipsæ sponte sua veniunt: multæ etiam nostræ manu satæ procedunt. Sed quæ non ope humana

a) principio L. ab Ursino probatur.

gignuntur, silvestres, ac feræ, sui cujusque ingenii poma vel semina gerunt: at quibus labor adhibetur, magis aptæ sunt frugibus. De eo igitur prius genere dicendum est, quod nobis alimenta præbet: idque tripartito dividitur. Nam ex surculo vel arbor procedit, ut olea: vel frutex, ut palma<sup>a</sup> campestris: vel tertium quiddam, quod nec arborem nec fruticem proprie dixerim, ut est vitis. Hanc<sup>3</sup> nos cæteris stirpibus jure præponimus, non tantum fructus dulcedine, sed etiam facilitate, per quam omni pene regione & omni declinatione mundi, nisi tamen glacialis, vel præfervida, curæ mortalium respondet, tamque felix campis, quam collibus provenit, & in densa non minus, quam in resoluta, sæpe etiam gracili atque pingui terra, siccaque & uliginosa. Tum sola maxime utramque<sup>b</sup> patitur in<sup>4</sup> temperiem cæli, vel sub axe frigido, æstuoso, procellosoque. Refert tamen, cujus generis, aut quo habitu vitem pro regionis statu colere censeas: neque enim omni cælo solove cultus idem; neque est idem<sup>c</sup> stirpis ejus genus; quodque præcipuum est ex omnibus, non facile dictum est, cum suum cuique regioni magis aut minus aptum esse, doceat usus. Exploratum tamen habebit prudens agricola genus<sup>5</sup> vitis habile campo, quod nebulas pruinamque sine

a) canna camp. *conf.* Guiland. de pap. c. 9. b) utrunque Sanger. c) unum P.

noxā perfert; colli, quod siccitatem ventosque par-  
 titur. Pingui & uberi dabit agro gracilem vitem,  
 nec natura nimis fœcundam; macro feracem; terræ  
 densæ vehementem, multaque materia frondentem;  
 resolutō & læto solo, rari sarmenti: humido loco  
 sciet non recte mandari fructus teneri & amplioris  
 acini, sed callosi & angusti, frequentisque vinaci;  
 sicco recte contribui diversæ quoque naturæ semi-  
 6 na. Sed & post hæc non ignorabit dominus loci,  
 plus<sup>b</sup> posse qualitatem cæli frigidam vel calidam,  
 siccā vel rosidam<sup>c</sup>, grandinosam ventosamque vel  
 7 placidam; serenam vel nebulosam: frigidæque aut  
 nebulosæ duorum generum vites aptabit, seu præ-  
 coques, quarum maturitas frugum præcurrit hiemem;  
 seu firmi durique acini, quarum inter caligines uvæ  
 + deflorescunt, & mox gelicidiis ac pruinis, ut aliæ<sup>d</sup>  
 caloribus, mitescunt: ventoso quoque & tumultuoso  
 statu cæli fidenter<sup>e</sup> easdem tenaces, ac durī acinī  
 committet: rursus calido teneriores uberioresque  
 concredet: sicco destinabit eas, quæ pluviis aut con-  
 tinuis roribus putrescunt; rosido, quæ siccitatibus la-  
 borant; grandinoso, quæ foliis duris latisque sunt,  
 quo melius protegant fructum: nam placida & se-  
 8 rena regio nullam non recipit: commodissime tamen

a) spondentem P. L. Vid. 3, 2, 4, m. b) esse *interser.* I. B. R.  
 c) rosidam plur. *ubique*. d) aliarum I. B. R. Sanger. e) fi-  
 dentes plur. *male*.

eam, cujus vel uvæ vel acini celeriter decidunt. At si voto est eligendus vineis locus & status cæ-  
 li, sicut censet verissime Celsus, optimum est so-  
 lum, nec densum nimis, nec resolutum; soluto ta-  
 men propius: nec exile, nec lætissimum; proximum  
 tamen uberi: nec campestre, nec præceps; simile  
 tamen edito campo: nec siccum, nec uliginosum;  
 modice tamen rosidum: quod fontibus non in sum-  
 mo, non in profundo terræ scaturiat; sed ut vici-  
 num radicibus humorem subministret: eumque nec  
 amarum, nec salsum, ne saporem vini corrumpat,  
 & incrementa virentium veluti quadam scabra rubi-  
 gine coerceat: si modo credimus Virgilio dicenti:  
*Salsa autem tellus, quæ perhibetur amara, Fru-  
 gibus infelix, ea nec mansuescit arando, Nec Bac-  
 cho genus, aut pomis sua nomina servat.* Cælum po-  
 porro neque glaciale<sup>b</sup> vinea, sicut prædixi, nec rur-  
 sus æstuosum desiderat: calido tamen potius quam  
 frigido lætatur; imbribus magis quam serenitatibus  
 offenditur; & solo sicco quam nimis pluvio<sup>c</sup> est ami-  
 cior; perflatu modico lenique gaudet, procellis ob-  
 noxia est: atque hæc maxime probabilis est cæli &  
 soli qualitas.

a) arduo L. b) nivale plur. c) pluvioso Sanger.

*Quæ vites suburbanis regionibus ad escam  
conserendæ sint.*

II. Vitis autem vel ad escam, vel ad effusionem  
deponitur. Ad escam non expedit instituere vine-  
ta, nisi cum tam suburbanus est ager, ut ratio po-  
stulet inconditum fructum mercantibus velut pro-  
rium<sup>a</sup> vendere: quæ cum talis est conditio, maxi-  
me præcoques & duraciæ, tam denique purpureæ  
& bumasti, dactylique & Rhodiæ, Libycæ quoque  
<sup>2</sup> & cerauniæ. Nec solum, quæ jucunditate saporis,  
verum etiam, quæ specie commendari possint, con-  
seri debent: ut stephanitæ, ut tripedaneæ, ut un-  
ciaræ, ut cydonitæ: item quarum uvæ temporibus  
hiemis durabiles vasis conduntur, ut veniculæ, ut  
<sup>3</sup> super in hos usus exploratæ Numisianæ. At ubi  
vino consulimus, vitis eligitur, quæ & in fructu  
valet, & in materia: quod alterum ad redditus co-  
loni, alterum ad diuturnitatem stirpis plurimum  
<sup>4</sup> confert. Sed ea tum<sup>b</sup> præcipua est, si nec nimis<sup>c</sup>  
celeriter spondet<sup>d</sup>, & primo quoque tempore de-  
florescit, nec nimis tarde mitescit: quin etiam prui-  
nas, & caliginem, & carbunculum facile propulsat,  
eademque nec imbris putrescit, nec siccitatibus

a) pomum I. I. H. A. G. b) tamen I. B. R. c) minus I. B. R.  
Goes. d) frondet Lips. I. B. R. Sanger. Vid. 3, 4, 5, 6, 7.



abolescit<sup>a</sup>. Talis nobis eligatur vel mediocriter secunda, si modo is locus habetur, in quo gustus nobilis pretiosusque fuit: nam si sordidus aut vilis est, feracissimam quamque serere conducit, ut multiplicatione frugum reditus augeatur. Fere autem omni statu locorum campestria largius vinum, sed jucundius afferunt collina: quæ tamen ipsa modico statu cæli magis exuberant Aquiloni prona; sed sunt generosiora sub Austro. Nec dubium, quin sit ea nonnullarum vitium natura, ut pro locorum situ bonitate vini modo vincat<sup>b</sup>, modo superetur<sup>c</sup>. Solæ traduntur Amineæ, excepto cæli statu nimis frigido, ubicunque sint, etiam si degenerent<sup>d</sup>, sibi comparatæ<sup>e</sup>, magis aut minus probi gustus vina præbere, & cæteras omneis sapore præcedere. Eæ, cum sint unius nominis, non unam speciem gerunt. Duas germanas cognovimus, quarum minor ocius & melius deflorescit, habilis arbori, nec non jugo: illic pinguem terram, hic mediocrem desiderat, longeque præcedit majorem, quia & imbres & ventos fortius patitur: nam major celeriter in flore corripitur, & magis in jugis, quam in arboribus: ideoque non est vineis apta, vix etiam arbusto, nisi præpingui & uvida<sup>f</sup> terra: nam nec mediocri va-

a) obcalescit Lips. b) vincant I. B. R. c) superetur I. B. R.

d) & sibi... præbeant; cæteras conj. Broukh. e) contemperate. f) humida I. B. R.

- let, multoque minus in exili: prolixarum frequen-  
tia materiarum foliorumque & uvarum & acinorum  
magnitudine dignoscitur: internodiis quoque rarior,  
largis fructibus a minore superatur, gustu non vin-  
10 citur: & hæc quidem utræque Amineæ. Verum &  
aliæ duæ geminæ<sup>a</sup>, quæ ab eo, quod duplices uvas  
exigunt, gemellæ<sup>b</sup> vocantur, austerioris vini, sed  
æque perennis. Earum minor vulgo notissima: quip-  
pe Campaniæ celeberrimos Vesuvii colles, Surren-  
tinosque vestit: hilaris inter æstivos Favonii flatus,  
11 Austris affligitur: cæteris itaque partibus Italiæ non  
tam vineis, quam arbusto est idonea, cum prædi-  
ctis regionibus commodissime jugum sustineat ma-  
teriam fructumque; nisi, quod duplicem, non absi-  
mitem minori germanæ egerit, sicut major gemi-  
na<sup>c</sup> minori germanæ: quæ tamen minor hoc melior  
est, quod<sup>d</sup> fecundior etiam mediocri solo: nam il-  
lam, nisi præpingui, non respondere jam dictum est.  
12 Lanatam quoque Amineam quidam maxime probant,  
quæ hoc vocabulum non ideo usurpat, quod sola  
ex omnibus Amineis, verum quod præcipue canes-  
cit lanugine. Sane boni vini, sed levioris<sup>e</sup>, quam

a) gemmæ ab eo, quod duplicis uvæ exigunt, gemellæ vo-  
cantur, austerioris &c. P. gemellæ vocantur ab eo, quod  
duplices uvas exigunt. Cognomen trahunt austeri vini &c.  
I. B. R. b) cognomen trahunt Sanger. c) gemma I. B. R.  
d) quo I. B. R. *quod præfert Arnzen*. Plin. P. 21. e) lenio-  
ris I. B. R. Goes.

superiores: crebram quoque materiam fundit, atque ideo propter pampini densitatem sæpe parum recte deflorescit, eademque maturo fructu celeriter putrescit. Super hunc numerum, quem retulimus, 13 singularis habetur Aminea majori geminæ non dissimilis, primum specie pampini, & trunci, sed vini sapore aliquanto inferior, quamvis generosissimus sit, proximæ<sup>a</sup> præferenda etiam propriis virtutibus: nam & feracior est, & flore melius exuitur, spissasque & albidas uvas, ac tumidioris acini gerit, gracili arvo non desciscit, atque ideo inter uberimas vites numeratur. Nomentanæ vini nobilitate 14 subsequuntur Amineas, fœcunditate vero etiam præveniunt: quippe cum se frequenter impleant, & id, quod ediderunt, optime tueantur. Sed earum quoque feracior est minor, cujus & folium parcius scinditur, & materia non ita rubet, ut Amineis, a quo colore rubellianæ nuncupantur: eædemque fæcinæ, quod plus quam cæteræ fæcis afferunt. Id tamen 15 incommodum repensant uvarum multitudine, quas & in jugo, sed (&) in arbore, melius exhibent. Ventos & imbres valenter sufferunt, & celeriter deflorescunt, & ideo citius mitescunt, omnis incommodi patientes, præter caloris: nam quia minuti acini, & duræ cutis uvas habent, æstibus con-

a) proximo I. B. R. proxime I. I. H. A.

- 16 trahuntur. Pingui arvo maxime gaudent, quod ubertatem aliquam natura gracilibus & exilibus uvis præbere valet. Frigidum ac rosidum<sup>a</sup> solum & cælum commodissime sustinent eugeniae, cum sunt in Albano colle: nam mutato loco vix nomini suo respondent: nec minus Allobrogicæ, quarum vini iucunditas cum regione mutatur. Magnis etiam dotibus tres apianæ commendantur, omnes feraces iugoque & arboribus satis idoneæ: generosior tamen una<sup>b</sup>, quæ nudis foliis est: nam duæ lanatæ, quamvis frondibus & palmitum pari facie, fluxuræ qualitate sunt dispariles, cum tardius altera recipiat
- 18 cariem vetustatis. Pingui solo feracissimæ, mediocri quoque fœcundæ, præcoquis fructus: ideoque frigidis locis aptissimæ, vini dulcis, sed capiti, nervis, venisque non aptæ: nisi mature<sup>c</sup> lectæ, pluviis, ventisque & apibus afferunt prædam, quarum vocabulo propter hanc expopulationem<sup>d</sup> cognominantur.
- 19 Atque hæ pretiosi gustus celeberrimæ. Possunt tamen etiam secundæ notæ vites proventu & ubertate commendari, qualis est Biturica, qualis basilica<sup>e</sup>, quarum minorem cocolubem vocant Hispani, longe omnium primis utræque proximæ: nam & vetustate vinum earum patitur, & ad bonitatem aliquam per annos venit. Jam vero ipsæ

a) solidum I. B. R. b) uva I. B. R. L. c) maturæ I. B. R.

d) populationem plur. &amp; Sangerm. e) balisca Goes. L. Sanger.

fœcunditate præstant omnibus, quas ante retuli, tum etiam patientia: quippe turbines imbresque fortissime sustinent, & commode fluunt, nec deficiunt macro solo. Frigora melius quam humores sustinent, humores commodius quam siccitates, nec caloribus tamen contristantur. Visula deinde ab his 21 & minor argitis, terræ mediocritate lætantur: nam pingui nimis viribus luxuriant; in macra tenues & vacuæ fructu veniunt: amiciores jugo quam arboribus, sed argitis etiam in sublimibus fertilis vastis materiis & uvis exuberat. Humillimis tabulatis aptior 22 visula brevem materiam<sup>a</sup> & latum folium exigit, cujus amplitudine fructus suos optime adversus grandinem tuetur: qui tamen nisi primo quoque tempore maturi legantur, ad terram decidunt: humoribus etiam prius quam defluant, putrescunt. Sunt 23 & helvolæ, quas nonnulli varias appellant, neque purpureæ, neque nigræ, ab helvo (nisi fallor) colore vocitatæ: melior est nigrior abundantia vini; sed hæc sapore pretiosior: color acinorum in neutra conspicitur æqualis: utraque<sup>b</sup> candidi musti alterna vice annorum plus aut minus afferunt: melius arborem, sed & jugum commode vestiunt: mediocri quoque solo fœcundæ, sicut pretiæ minor & major: sed eæ generositate vini magis commendantur.

a) durum *add.* Goes. & Sangerm. b) æque *ins.* Goes.

tur, & frequentibus materiis frondent & cito matu-  
 24 rescunt. Albuellis utilior, ut ait Celsus, in colle,  
 quam in campo; in arbore, quam in jugo; in sum-  
 ma arbore, quam in ima: ferax & materiæ fre-  
 quentis & uvæ: nam quæ Græculæ vites sunt, ut  
 Mareoticæ, Thasiæ, psithiæ, sophortiæ, sicut ha-  
 bent probabilem gustum, ita nostris regionibus &  
 raritate uvarum & acinorum exiguitate minus fluunt.  
 Inerticula tamen nigra, quam quidam Græci ame-  
 thyston appellant, potest in secunda quasi tribu es-  
 se, quod & boni vini est & innoxia, unde etiam no-  
 men traxit, quod iners habetur in tentandis nervis,  
 25 quamvis<sup>a</sup> gustu non sit hebes. Tertium gradum fa-  
 cit earum Celsus, quæ fœcunditate sola commen-  
 dantur: ut tres Helvenaciæ, quarum duæ majores  
 nequaquam minori bonitate & abundantia musti pa-  
 res habentur: earum altera, quam Galliarum incolæ  
 emarcum vocant, mediocris vini<sup>b</sup>: & altera, quam  
 longam appellant, eandemque avaram, sordidi, nec  
 tam largi, quam ex numero uvarum, quas prima  
 26 spes promittit. Minima & optima e tribus facilli-  
 me folio dignoscitur, nam rotundissimum omnium  
 id gerit: atque est laudabilis<sup>c</sup>, quod siccitates ma-  
 xime perfert; quod frigora sustinet, dum tamen  
 sine

a) quamvis gustus non sit habilis Goes. Sangern. quamvis in  
 gustu non sit habilis L. I. B. R. b) vini est I. B. R.  
 c) laudabile I. B. R.

sine imbris sit; quod nonnullis locis etiam vinum  
 ejus in vetustatem diffunditur; quod præcipue sola  
 macerrimum quoque solum fertilitate sua commen-  
 dat. At spionia dapsilis musto & amplitudine ma- 27  
 gis uvarum, quam numero fertilis, ut oleagina,  
 ut Murgentina, eademque Pompejana, ut Numisia-  
 na, ut venucula eademque scirpula, atque sticula,  
 ut nigra Fregellana, ut merica, ut Rhætica,  
 ut omnium, quas cognovimus, copiosissima arcelaca  
 major, a multis argitis falso existimata. Nam has 28  
 nuper mihi cognitæ, pergulanam dico & irtiolam,  
 fereolamque, non facile asseverem, quo gradu ha-  
 bendæ sint: quod etsi satis fœcundas scio, non ta-  
 men de bonitate vini, quod afferunt, judicare po-  
 tui: unam etiam præcocem vitem nobis ante hoc  
 tempus incognitam in Græca consuetudine dracon-  
 tion vocitari comperimus, quæ fœcunditate jucun-  
 ditatēve arcelacæ basilicæque & Bituricæ comparari  
 possit, generositate vini Amineæ. Multa præterea 29  
 sunt genera vitium, quarum nec numerum nec ap-  
 pellationes cum certa fide referre possumus. *Neque  
 enim, ut ait poeta, numero comprehendere refert.  
 Quem qui scire velit, Libyci velit æquoris idem  
 Discere quam multæ zephyro versentur<sup>a</sup> harenæ.*  
 Quippe universæ regiones, regionumque pene sin- 30

a) turbentur Goes. Sangerm. & Heins. *ad Virg. Geo. 2, 106.*  
*Columella Pars I.* I

gulæ partes habent propria vitium genera, quæ consuetudine sua<sup>a</sup> nominant; quædam etiam stirpes cum locis vocabula mutaverunt; quædam propter mutationes locorum, sicut supra diximus, etiam a qualitate sua discesserunt, ita ut dignosci non possint: ideoque in hac ipsa Italia, ne dicam in tam diffuso terrarum orbe, vicinæ etiam nationes nominibus earum discrepant, variantque vocabula. Quare prudentis magistri est ejusmodi nomenclationis aucupio, quo potiri nequeant, studiosos non demorari; sed illud in totum præcipere, quod & Celsus ait, & ante eum M. Cato, Nullum genus vitium conserendum esse nisi fama, nullum diutius conserandum nisi experimento probatum: atque ubi multa invitabunt regionis commoda, ut nobilem vitem conseramus, generosam<sup>b</sup> requiremus, inquit Julius Græcinus: ubi nihil erit, aut non multum, quod proritet, feracitatem potius sequemur, quæ non eadem portione vincitur pretio, quam vincit abundantia. Sed de hac sententia, quamquam & ipse paulo ante id censuerim, quid tamen arcanius judicem, suo loco mox dicam. Propositum est enim docere, qua ratione vineæ pariter feraces & pretiosæ fluxuræ, possint constitui.

a) denominant P. Sangerm. b) regionem *conj.* Broukh.



*Nil magis rusticis convenire quam vitem colere.*

III. Nunc prius quam de satione vitium disseram, non alienum puto, velut quoddam fundamentum jacere disputationi futuræ, ut ante perpensum & exploratum habeamus, an locupletet patrefamilias vinearum cultus: est enim pene adhuc supervacuum de his conserendis præcipere, dum quod prius est, nondum concedatur, an omnino sint habendæ? idque adeo plurimi dubitent, ut multi refugiant & reformident talem positionem ruris; atque optabiliorem pratorum possessionem pascurorumque vel silvæ cæduæ judicent: nam de arbusto etiam inter auctores non exigua pugna fuit, abnuente Saserna genus id ruris, Tremellio maxime probante: sed & hanc sententiam suo loco æstimabimus. Interim studiosi agricolationis hoc primum docendi sunt, uberrimum esse redditum vinearum. Atque, ut omittam veterem illam felicitatem arborum, quibus & ante jam M. Cato, & mox Terentius Varro prodidit, singula jugera vinearum sexcenæ urnas vini præbuisse, id enim maxime asseverat in primo libro rerum rusticarum Varro; nec una regione provenire solitum, verum & in Faventino agro & in Gallico, qui nunc Piceno contribuitur: hæc iis certe temporibus. Sed No-<sup>3</sup> montana regio nunc celeberrima fama est illustris,

& præcipue quam possidet Seneca, vir excellentis ingenii atque doctrinæ, cujus in prædiis vinearum jugera singula culleos octonos reddidisse plerumque, compertum est: nam illa videntur prodigialiter in nostris Ceretanis accidisse, ut aliqua vitis apud te excederet uvarum numerum duorum millium, & apud me octogenæ stirpes insitæ intra biennium septenos culleos peræquarent, ut primæ vineæ centenas amphoras jugeratim præberent, cum prata & pascua & silvæ, si centenos sestertios in singula jugera efficiant, optime domino consulere videantur:

4 nam frumenta majore quidem parte Italiæ quando cum quarto responderint, vix meminisse possumus. Cur ergo res infamis est? non quidem suo, sed hominum inquit vitio Græcinus. Primum, quod in explorandis seminibus nemo adhibet diligentiam, & ideo pessimi generis plerique vineta conserunt: deinde sata non ita enutriunt, ut ante convalescant, ac prosiliant, quam retorrescant: sed & si forte ad-

5 leverint, negligenter colunt. Jam illud a principio nihil referre censeant, quem locum conserant; immo etiam seliguunt deterrimam partem agrorum, tanquam sola sit huic stirpi maxime terra idonea, quæ nihil aliud ferre possit. Sed ne ponendi quidem rationem aut perspiciunt, aut perspectam exequuntur: tum etiam dotem, id est instrumentum, raro vineis præparant; cum ea res si omissa sit,

plurimas operas, nec minus arcam patrisfamilias semper exhauriat. Fructum vero plerique quam uber-<sup>6</sup> rimum præsentem consecantur, nec provident futuro tempori, sed quasi plane in diem vivant, sic imperant vitibus, & eas multis palmitibus onerant, ut posteritati non consulant. Hæc omnia vel certe plurima ex his cum commiserint, quidvis malunt quam suam culpam confiteri; querunturque non respondere sibi vineta, quæ vel per avaritiam, vel inscitiam<sup>a</sup>, vel per negligentiam perdiderunt. At si<sup>7</sup> qui cum scientia sociaverint diligentiam, non (ut ego existimo) quadragenas vel tricenascerte, sed ut Græcinus minimum computans licet, inquit, amphoras vicens percipient ex singulis jugeribus: omneis istos, qui scænum suum & olera amplexantur, incremento patrimonii facile superabunt. Nec in hoc errat, quippe, ut diligens ratiocinator, calculo posito videt, id genus agricolationis maxime rei familiari conducere. Nam ut amplissimas impensas vineæ poscant, non tamen excedunt septem jugera unius operam vinitoris, quem vulgus quidem parvi æris, vel de lapide noxium posse comparari putat, sed ego<sup>c</sup> plurimorum opinioni dissentiens, pretiosum vinitorem in primis esse censeo: isque licet sit emtus (sex, vel potius) sestertiis octo mil-

a) inscitiam L. I. B. R. b) certe ducenas Goes. Sanger.

c) a *ins.* Goes.

libus, cum ipsum solum septem jugerum totidem millibus numerum partum, vineasque cum sua dote, id est, cum pedamentis & viminibus, binis millibus in singula jugera positas duco: fit tum in assem consummatum pretium sestertiorum xxix millium. Huc accedunt semisses usurarum sestertia tria millia & quadringenti octoginta numi biennii temporis, quo velut infantia vinearum cessat a fructu. Fit in assem summa sortis & usurarum, xxxii millium quadringentorum lxxx numerum: quod quasi nomen, si, ut fœnerator cum debitore, ita rusticus cum vineis suis fecerit ejus summæ, ut in perpetuum prædictam usuram semissium dominus constituat, percipere debet in annos singulos mille non-gentos<sup>a</sup> quinquaginta<sup>b</sup> sestertios numos, qua computatione vincit tamen redditus vii jugerum, secundum opinionem Græcini usuram triginta duorum millium  
 10 quadringentorum octoginta numerum. Quippe, ut deterrimi generis sint vineæ, tamen, si cultæ, singulos utique culleos vini, singula earum jugera peræquabunt: utque trecentis numis quadragenæ urnæ veneant, quod minimum pretium est annonæ; consummant tamen septem cullei sestertia duo millia, & centum numos: ea porro summa excedit usuram  
 11 semissium. Atque hic calculus quem posuimus, Græ-

a) septingentos *alii præter* L. I. B. R.    b) quadraginta *alii præter* L. I. B. R.

cini rationem continet. Sed nos extirpanda vineta censemus, quorum singula jugera minus, quam ternos culleos præbent: & adhuc tamen sic computavimus, quasi nullæ sint viviradices, quæ de pastinato eximantur: cum sola ea res omnem impensam terreni pretio suo liberet, si modo non provincialis, sed Italicus ager est, neque id cuiquam dubium esse debet, cum & nostram, & Julii Attici rationem dispexerit. Nos jam enim vicena millia malleolorum 12 per vineæ jugerum inter ordines pangimus: ille minus quatuor millibus deponit: cujus ut vincat ratio, nullus tamen vel iniquissimus locus non majorem quæstum reddet, quam acceperit impensam. Sit 13 quidem, ut cultoris negligentia sex millia seminum intereant, reliqua tamen decem millia tribus millibus numorum libenter, & cum lucro redemptor emerit: quæ summa tertia parte superat duo millia sestertia, quanti constare jugerum vinearum prædiximus: quamquam nostra cura in tantum jam processit, ut non inviti sestertiis sexcentis numis, singula millia viviradicis a me rustici mercentur. Sed 14 vix istud alius præstiterit: nam nec quisquam nobis facile crediderit, tantam in agellis esse nostris abundantiam vini, quantam tu Silvine novisti. Mediocre itaque vulgatumque pretium viviradicis posui,

a) redemptorum erunt Goes.

quo celerius nullo dissentiente perducī possent in  
 nostram sententiam, qui propter ignorantiam genus  
 15 hoc agricolationis reformidant. Sive ergo pastina-  
 tionis redditus, seu futurarum spes vindemiarum cō-  
 hortari nos debet ad positionem vinearum: quas cum  
 docuimus rationis esse conserere, nunc institutionis  
 earum præcepta dabimus.

*Quæ observare debeat qui vineas instituit.*

IV. Cui vineta facere cordi est, præcipue ca-  
 veat, ne alienæ potius curæ, quam suæ credere  
 velit, neve mercetur viviradicem. Sed genus sur-  
 culi probatissimum domi conserat, faciatque vitia-  
 rium, ex quo possit agrum vineis vestire: nam quæ  
 peregrina ex diversa regione semina transferuntur,  
 minus sunt familiaria nostro solo, quam vernacula:  
 eoque velut alienigena reformidant mutatam cæli  
 2 locique positionem. Sed nec certam generositatis  
 fidem pollicentur, cum sit incertum, an is, qui  
 conseruerit ea, diligenter exploratum probatumque  
 genus surculi deposuerit. Quamobrem biennii spa-  
 tium longum esse minime existimandum est, intra  
 quod utique tempestivitas seminum respondet, cum  
 semper, ut dixi, plurimum retulerit, exquisiti ge-  
 3 neris stirpem deposuisse. Post hæc deinde memine-  
 rit accurate locum vineis eligere: de quo cum ju-  
 dicaverit, maximam diligentiam sciat adhibendam

pastinationi<sup>a</sup>: quam cum peregerit, non minore cura vitem conserat: & cum seruerit<sup>b</sup>, summa sedulitate culturæ serviat: id enim quasi caput & columen est impensarum, quoniam in eo consistit, melius an sequius terræ mandaverit paterfamilias pecuniam, quam<sup>c</sup> in otio tractare. Igitur unumquodque eorum, quæ præposui, suo jam prosequar ordine.

*Quali solo & quomodo vitiarium faciendum sit.*

V. Vitiarium neque jejuna terra, neque uliginosa faciendum est: succosa tamen & mediocri potius, quam pingui: tametsi fere omnes auctores huic rei lætissimum locum destinaverunt: quod ego minime reor esse pro agricola: nam depositæ stirpes<sup>d</sup> valido solo, quamvis celeriter comprehendant, atque prosiliant, tamen cum sint viviradices<sup>e</sup> factæ, si in pejus<sup>f</sup> transferantur, retorrescunt, nec adlescere queunt. Prudentis autem coloni est ex deteriori terra potius in meliorem, quam ex meliore in deteriorem transferre. Propter quod mediocritas in electione loci maxime probatur, quoniam in confinio boni malique posita est. Sive enim postmodum necessitas postulaverit<sup>g</sup> tempestiva semina je-

a) paginationi G. L. qui & subjicit pastinationi. b) posuerit Sanger. c) an otio tractare L. d) spinæ Sanger.

e) viviradices, & fractæ sint I. B. R. f) si imperus Goes. Sanger. priusquam transfer. reliqui. g) postulat Sanger.

juno solo committere, non magnam sentient<sup>a</sup> differentiam, cum ex mediocri terra<sup>b</sup> in exilem translata sunt: sive lætior ager conserendus est, longe<sup>3</sup> ge celerius in ubertate coalescunt<sup>c</sup>. Rursus tenuissimo solo vitiarium facere minime rationis est, quoniam<sup>d</sup> malleolorum pars major deperit, & quæ superest, tarde fit idonea translationi. Ergo mediocris & modice siccus ager vitiario<sup>e</sup> est aptissimus, isque<sup>f</sup> bipalio prius subigi debet, ( quæ est altitudo pastinationis, cum in duos pedes & semissem convertitur humus ) ac deinde tripedaneis relictis spatiis, quæ per<sup>g</sup> semina excolantur, in singulis ordinibus, qui ducenos quadragenos pedes obtinent, 4 sexcenteni malleoli pangendi sunt: is numerus consummat per totum jugerum seminum millia quatuor & viginti. Verum hanc curam prævenit inquisitio & electio malleolorum: nam, ut sæpe jam retuli, quasi fundamentum est prædictæ rei, probatissimum genus stirpis deponere.

*Qualis & quibus partibus vitis maleolus  
legendus sit.*

VI. Sed electio dupliciter facienda est: non enim solum fecundam esse matrem satis est, ex

a) sentiunt I. B. R. Sanger. b) materia L. I. B. R. Sanger.  
c) convalescunt L. d) cum I. B. R. Sanger. e) seminario  
Goes. Sanger. f) isque *abest* I. B. R. g) per quæ a. V.



qua semina petuntur, sed adhibenda ratio est subtilior, ut ex his partibus trunci sumantur, quæ & genitales sunt, & maxime fertiles. Vitis autem 2 sæcunda, cujus progeniem studemus submittere, non tantum debet eo æstimari, quod uvas complures exigit: potest enim trunci vastitate id accidere & frequentia palmitum: nec tamen eam feracem dixerim, cujus singulæ uvæ in singulis sarmentis conspiciuntur. Sed si per unumquemque pampinum major numerus uvarum dependet; si ex singulis gemmis compluribus materiis cum fructu germinat; si denique etiam e duro 2 virgam cum aliquibus racemis citat; si etiam nepotum fructu grvida est: ea sine dubitatione ferax destinari debet legendo malleolo. Malleolus autem novellus est palmes; 3 innatus prioris anni flagello, cognominatusque a similitudine rei, quod in ea parte, quæ deceditur ex vetere sarmento prominens utrinque, malleoli speciem præbet. Hunc ex sæcundissima stirpe 1 legendum censemus omni tempore, quo vineæ putantur, ac super terram gemmis tribus vel quatuor extantibus, diligenter obruendum loco modice humido; non uliginoso; dum tamen antiquissimum 1 sit considerare, ne vitis, ex qua is sumitur, ancipitem

a) e medulla virgo cum aliquis Goes. dura virga . . . aliquis Sanger. b) statione Goes. P. Sanger. c) antiquissimus non sit L.

floris habeat eventum, ne difficulter acinus<sup>a</sup> ingrandescat, ne aut præcoquem<sup>b</sup>, aut seræ maturitatis fructum afferat: nam illa volucris, hæc etiam  
 4 tempestatibus hiemis infestatur. Tale porro genus non una<sup>c</sup> comprobatur vindemia: potest enim vel anni proventu, vel aliis de causis, etiam naturaliter infœcunda vitis semel exuberare. Sed ubi plurimis<sup>d</sup> velut emeritis annorum stipendiis fides surculo constitit, nihil dubitandum est de fœcunditate: nec tamen ultra quadriennium talis extenditur inquisitio: id enim tempus fere virentium generositatem declarat, quo sol in eandem partem signiferi per eosdem numeros redit, per quos cursus sui principium cœperat: quem circuitum meatus dierum integrorum mille quadringentorum sexaginta unius ἀποκατάσει<sup>e</sup> vocant studiosi rerum cælestium.

*Quomodo fœcunditatem vitis explores.*

VII. Sed certum habeo, P. Silvine, jamdudum te tacitum requirere, cujus generis sit ista fœcunda vitis, quam nos tam accurate describimus, ac ne<sup>e</sup> de iis aliqua significetur, quæ vulgo non<sup>f</sup> habentur feracissimæ: plurimi namque Bituricam, multi spioniam, quidam basilicam, nonnulli arcelacam lau-

a) acinis plur. *edd.* Goes. Sanger. b) præcoquis L. P. I. I. Sanger. c) naturæ Goes. Sanger. d) plurium I. I. - Gr. e) anne L. Goes. f) nunc Goes.

dibus efferunt. Nos quoque hæc genera non frau-<sup>2</sup>  
damus testimonio nostro: sunt enim largissimi vi-  
ni. Sed proposuimus docere vineas ejusmodi con-  
serere, quæ nec minus uberes fructus prædictis ge-  
neribus afferant, & sint pretiosi saporis, velut Ami-  
nei, vel certe non procul ab eo gustu: cui nostræ  
sententiæ scio pene omnium agricolarum diversam  
esse opinionem, quæ de Amineis inveterata longo  
jam tempore convaluit, tanquam natali<sup>2</sup> & ingeni-  
ta sterilitate laborantibus: quo magis nobis ex alto<sup>3</sup>  
repetita compluribus exemplis firmanda ratio est,  
quæ desidia, nec minus imprudentia colonorum dam-  
nata, & velut ignorantiae tenebris obscæcata luce  
veritatis caruit. Quare non intempestivum est, nos  
ad ea præverti, quæ videntur hunc publicum erro-  
rem corrigere posse.

*Quæ spectanda sit qualitas in eo solo, quod vineis  
destinaveris.*

VIII. Igitur si rerum naturam, P. Silvine, ve-  
lut acrioribus mentis oculis intueri velimus, repe-  
riemus parem legem fœcunditatis eam dixisse viren-  
tibus, atque hominibus cæterisque animalibus: nec  
sic aliis nationibus regionibusve proprias tribuisse  
dotes, ut aliis in totum similia munera denegaret.

a) naturali plur.

Quibusdam gentibus numerosam prognerandi sobolem dedit, ut Ægyptiis & Afris, quibus gemini partus familiares ac pene solennes sunt: sed & Italici generis esse voluit eximiæ fœcunditatis Albanas  
 2 Curiatiæ familiæ trigeminorum matres. Germaniam decoravit altissimorum hominum exercitibus; sed & alias gentes non in totum fraudavit præcipuæ staturæ viris: nam & M. Tullius Cicero testis est, Romanum fuisse civem Nævium Pollionem pede longiorem quam quemquam longissimum: & nuper ipsi videre potuimus in apparatu pompæ Circensium ludorum Judææ gentis hominem proceriorem celsis-  
 3 simo Germano. Transeo ad pecudes. Armentis sublimibus insignis Mevania est, Liguria parvis: sed & Mevaniæ bos humilis, & Liguriæ nonnunquam taurus eminentis staturæ conspicitur. India perhibetur molibus ferarum mirabilis: pari tamen in hac terra vastitate belvas prognerari, quis neget? cum intra mœnia nostrā natos animadvertamus elephan-  
 4 tos.<sup>a</sup> Ad genera frugum redeo. Mysiam Libyamque largis ajunt abundare frumentis; nec tamen Appulos, Campanosque agros opimis<sup>b</sup> defici segetibus. Tmolon & Corycon<sup>c</sup> flore croceo; Judæam & Arabiam pretiosis odoribus illustrem haberi: sed nec nostram civitatem prædictis egere stirpibus: quippe

a) Sed ad Goes. Sanger. b) optimis I. B. R. c) Coryciorum  
 florere croco editt. præter I. B. R.

cum<sup>a</sup> pluribus locis urbis, jam casiam frondentem  
conspicimus, jam tuream plantam, florentesque hor-  
tos myrrha & croco. His tamen exemplis nimirum<sup>5</sup>  
admonemur, curæ mortalium obsequentissimam esse  
Italiam, quæ pene totius orbis fruges, adhibito stu-  
dio colonorum, ferre didicerit: quo minus addubi-  
tamus de eo fructu, qui velut indigena, peculia-  
risque & vernaculus est hujus soli. Neque enim du-  
bium est, Massici, Surrentinique & Albani atque  
Cæcubi agri vites omnium, quas terra sustinet, in  
nobilitate vini principes esse.

*Quomodo Aminæas feraces facias.*

IX. Fœcunditas ab his forsitan desideratur<sup>b</sup>: sed  
& hæc adjuvari potest cultoris industria: nam si,  
ut paullo ante retuli, benignissima rerum omnium  
parens natura quasque genteis atque terras ita mu-  
neribus propriis ditavit, ut tamen cæteras non in  
universum similibus dotibus fraudaret: cur eam du-  
bitemus etiam in vitibus prædictam legem servasse?  
ut quamvis earum genus aliquod præcipue fœcun-  
dum esse voluerit, tanquam Bituricum, aut basili-  
cum; non tamen sic Amineum sterile reddiderit,  
ut ex multis millibus ejus ne paucissimæ quidem  
vites fœcundæ, tanquam in Italicis<sup>c</sup> hominibus Al-

a) compluribus P. b) forsitan desideretur L. Sanger. c) locis  
inters. P.

- 2 banæ illæ sorores reperiri possint. Id autem cum sit verisimile, tum etiam verum esse nos docuit experimentum, cum & in Ardeatino agro, quem multis temporibus ipsi ante possedimus, & in Carseolano, itemque in Albano, generis Aminei vites hujusmodi notæ<sup>a</sup> habuerimus, numero quidem perpaucas, verum ita fertiles, ut in jugo singulæ ternas urnas præberent, in pergulis autem singulæ denas
- 3 amphoras peræquarent. Nec incredibilis debet in Amineis hæc fœcunditas videri: nam quemadmodum Terentius Varro, & ante eum M. Cato possent affirmare, sexcentenas urnas priscis cultoribus singula vinearum jugera fudisse, si fœcunditas Amineis defuisset, quas plerumque solas antiqui nove-  
rant? nisi<sup>b</sup> putamus ea, quæ nuper ac modo plane longinquis regionibus arcessita notitiæ nostræ sunt tradita, Biturici generis, aut basilici vineta eos coluisse, cum vetustissimas quasque vineas adhuc exi-
- 4 stimemus Amineas. Si quis ergo tales, quales paulo ante possedissem retuli, Amineas pluribus vindemiis exploratas notet, ut ex his malleolos feracissimos eligat, posset is pariter generosas vineas & uberes efficere. Nihil enim dubium est, quin ipsa natura sobolem matri similem esse voluerit:
- 5 unde etiam pastor ille in Bucolicis ait, *Sic canibus*

catu-

a) vites notatas L. Sanger.  
Goes. & Sanger.

b) nisi si P. & MS. Heins. iſ.

*catulos similes, si matribus hœdos Noram:* unde sacrorum certaminum studiosi perniciousarum quadrigarum semina, diligenti observatione custodiunt, & spem futurarum victoriarum concipiunt propagata sobole generosi armenti. Nos quoque pari ratione velut olympionicarum equarum, ita feracissimarum Aminearum seminibus electis largæ vindemiæ spem capiamus. Neque est, quod temporis tarditas<sup>a</sup> quemquam deterreat: nam quidquid moræ est, in exploratione surculi absumitur. Cæterum cum 6  
 fœcunditas vitis comprobata est, celerrime insitionibus ad maximum numerum perducitur. Ejus rei testimonium tu præcipue, Publi Silvine, perhibere nobis potes, cum pulchre memineris, a me duo jugera vinearum intra tempus biennii ex una præcoque vite, quam in Ceretano tuo possides, insitione facta consummata. Quemnam igitur existimas 7  
 vitium numerum intra tantundem temporis inserri posse duorum jugerum malleolis, cum sint ipsa duo jugera unius vitis progenies? Quare si, ut dixi, laborem & curam velimus adhibere, facile prædicta ratione tam feraces Aminei generis vineas constituemus, quam Biturici, aut basilici: tantum retulerit, ut in transferendis seminibus similem statum cæli, locique & ipsius vitis habitum obser-

a) tempus tardum L.

vemus: quoniam plerumque degenerat surculus, si aut situs<sup>a</sup> agri, aut aeris qualitas repugnent, aut etiam, si ex arbore in jugum defertur. Itaque de frigidis in frigida, de calidis in similia, de vineis<sup>b</sup> in vineas transferemus: magis tamen ex frigido statu stirps Aminea potest calidum sustinere, quam ex calido frigidum: quoniam omne vitis genus, tum maxime prædictum, naturaliter lætatur tepore potius, quam frigore. Sed & qualitas soli plurimum juvat, ut ex macro aut mediocri transducatur in melius: nam quod assuetum est pingui, nullo modo maciem terræ patitur, nisi sæpius stercores. Atque hæc de cura eligendi malleoli generatim præcepimus: nunc illud proprie<sup>c</sup> (specialiter) ut non solum ex sæcundissima vite, sed etiam<sup>d</sup> e vitis parte feracissima semina eligantur.

*Ex qua vitis parte semina eligenda sint.*

X. Feracissima autem semina sunt, non ut veteres auctores tradiderunt<sup>e</sup>, extrema pars ejus, quod caput vitis appellant, id est, ultimum & productissimum flagellum: nam in eo quoque falluntur agricolæ. Sed erroris est causa prima species & numerus uvarum, qui plerumque conspicitur<sup>f</sup>

a) situs plaga vett. edd. b) vinetis P. Goes. c) provide conj. Broukh. d) & vitis I. B. R. Saugerm. e) crediderunt L. Sanger. f) prospicitur I. B. R.



in productissimo sarmento : quæ res nos decipere non debet : id enim accidit non palmitis ingenua fertilitate, sed loci opportunitate, quia reliquas trunci partes humor omnis & alimentum, quod a solo ministratur, transcurrit, dum ad ultimum perveniat: naturali enim spiritu omne alimentum vi-<sup>2</sup> rentis, quasi quædam anima, per medullam trunci, veluti per siphonem, quem diabeten vocant mechanici, trahitur in summum: quo cum pervenerit, ibi consistit, atque consumitur. Unde etiam materiæ vehementissimæ reperiuntur aut in capite vitis, aut in crure vicino radicibus. Sed & hæ stirpes,<sup>3</sup> quæ e duro citantur, duplici ex causa probatæ sunt: quod a fœtu vacant, quodque ex proximo terræ integro atque illibato succo aluntur: & illæ fertiles ac firmæ, quia e tenero prorepunt, & quidquid, ut supra dixi, ad eas alimenti pervenit, individuum est. Mediæ sunt macerrimæ, quia<sup>a</sup> transcurrit hinc parte aliqua interceptus, illinc a se<sup>b</sup> tractus humor. Non debet igitur ultimum flagellum<sup>4</sup> quasi fœcundum observari, etiam si plurimum afferat; siquidem loci ubertate in fructum cogitur: sed id sarmentum, quod media vite situm, nec importuna quidem parte deficit, ac numeroso fœtu benignitatem suam ostendit. Hic surculus translatus

a) quas Goes. Sanger. b) ad se P. Goes. Sang.

rarius<sup>a</sup> degenerat, cum ex deteriore statu meliorem  
 sortitur: sive enim pastinato deponitur, sive trunco  
 inseritur, largioribus satiatur alimentis, quam prius,  
 5 cum esset in egeno. Itaque custodiemus, ut a præ-  
 dictis locis, quod humerosos rustici vocant, semina  
 legamus: tamen quæ attulisse fructum antea ani-  
 madverterimus: nam si foetu vacua sint, quamvis  
 laudabilem partem vitis nihil censemus ad feracita-  
 tem conferre malleolo: quare vitiosissima est eorum  
 agricolarum opinio, qui minimum referre credunt,  
 quot uvas sarmentum habuerit, dum ex vite fertili  
 legatur & non ex duro trunco enatum, quod pam-  
 6 pinarium vocant. Hæc autem opinio, quæ orta est  
 ex inscitia seminum eligendorum, primum parum  
 fecundas vineas, deinde etiam nimis steriles red-  
 dit. Quis enim omnino jam per tam longam seriem  
 annorum agricolæ malleolum legenti præcepit ea,  
 quæ paullo ante retulimus? Immo quis non impru-  
 dentissimum quemque & eum, qui nihil aliud ope-  
 ris facere valeat, huic negotio delegat? Itaque ex  
 hac consuetudine veniunt imprudentissimi ad rem  
 maxime necessariam, deinde etiam infirmissimi: nam  
 & inutilissimus quisque, ut dixi, qui nullum alium  
 7 laborem ferre queat, huic officio applicatur. Is por-  
 ro etiam, si quam scientiam eligendi malleoli hæ-

a) minus P. L.

bet, eam propter infirmitatem dissimulat, aut seponit<sup>a</sup>: & ut numerum, quem villicus imperavit, explere possit, nihil curiose, nihil religiose administrat: unumque est ei propositum, peragere operis<sup>b</sup> sui pensum: cum tamen, ut & sciat<sup>c</sup>, & quod scit exequatur, hoc solum præceptum a magistris accepit, ne pampinariam virgam deplantet, cætera omnia ut seminibus contribuat<sup>d</sup>. Nos autem primum<sup>3</sup> rationem secuti, nunc etiam longi temporis experimentum, non aliud semen eligimus, nec frugiferum esse ducimus, nisi quod in parte genitali fructum attulerit. Nam illud quidem, quod loco sterili lætum, robustumque sine fœtu processit<sup>e</sup>, fallacem fœcunditatis imaginem præfert<sup>f</sup>, nec ullam generandi vim possidet. Id procul dubio verum esse, 9 ratio nos admonet, si modo, ut in corporibus nostris propria sunt officia cujusque membri, sic & frugiferarum stirpium partibus propria munia. Videmus hominibus inspiratam velut aurigam reſtrictamque membrorum animam, sensusque injectos ad ea discernenda, quæ tactu, naribus, auribusque & oculis indagantur; pedes ad gressum compositos, brachia ad complexum: ac ne per omnes vices ministeriorum vagetur insolenter oratio, nihil aures

a) ac superponit Goes. L. I. B. R. Sangerm. b) laboris Goes. L. I. B. R. Sangerm. c) sciat quod exequatur I. B. R. Sanger. & quod sciat sequatur & Goes. d) tribuat I. B. R. e) cessit Sanger. f) præbet I. B. R.

- agere valent, quod est oculorum, nihil oculi, quod  
 10 aurium nec generandi quidem data est facultas mani-  
 bus aut plantis: sed quod hominibus ignotum voluit  
 esse genitor universi, ventre protexit; ut divina præ-  
 ditus<sup>a</sup> ratione rerum æternus opifex, quasi quibusdam  
 secretis corporis in arcano atque operto, sacra illa  
 spiritus elementa cum terrenis primordiis misceret<sup>b</sup>,  
 atque hanc<sup>c</sup> animantis machinæ speciem effingeret,  
 11 Hac lege pecudes ac virgulta progenuit, hac vi-  
 tium genera figuravit, quibus eadem ipsa mater ac  
 parens primum radices velut fundamenta quædam  
 jecit, ut iis quasi pedibus insisterent; truncum de-  
 inde superposuit, velut quandam staturam corporis  
 & habitus: mox ramis diffudit quasi brachiis: tum  
 caules & pampinos elicit, velut palmas; eorumque  
 alios fructu donavit, alios fronde sola vestivit ad  
 12 protegendos tutandosque partus. Ex his igitur, ut  
 supra diximus, si non ipsa membra genitalia con-  
 ceptu atque foetu gravida, sed tanquam tegmina &  
 umbracula eorum, quæ fructibus vidua sunt, lege-  
 rimus, umbræ scilicet, non vindemiæ, laborabimus.  
 13 Quid ergo est? cur quamvis non sit e duro pampi-  
 nus, sed e tenero natus, si tamen orbus est, etiam  
 in futurum, quasi sterilis damnatur a nobis? Modo  
 enim disputatio nostra colligebat, unicuique corpo-

a) prædita L. b) ministret L. c) hoc animantis imagine  
 specie Goes. L. Sanger.

ris parti proprium esse attributum officium , quod scilicet ei convenit; ut malleolo quoque , qui opportuno loco natus est , fecunditatis vis adsit , etiam si interim cesset a partu . Nec ego abnuerim in hoc 14 me instituisse<sup>a</sup> argumentari: sed & illud maxime profiteor , palmitem , quamvis frugifera parte enatum , si fructum non attulerit , ne vim quidem fecunditatis habere . Nec hoc illi sententiæ repugnat: nam & homines quosdam non posse generare , quamvis omnium membrorum numero constante , manifestum est , ne sit incredibile , si genitali loco virga nata fructu careat , carituram quoque esse foetu . Itaque 15 ut ad consuetudinem agricolarum revertar , ejusmodi surculos , qui nihil attulerint , spadones appellant: quod non facerent , nisi eos suspicarentur inhabiles frugibus: quæ & ipsa appellatio rationem mihi subjecit non eligendi malleolos , quamvis probabili parte vitis enatos , si fructum non tulissent: quanquam & hos<sup>b</sup> sciam non in totum sterilitate affectos: nam confiteor , pampinarios quoque , cum e duro proreperint , tempore anni sequentis<sup>c</sup> acquirere fecunditatem , & ideo in resecem submitti , ut progenerare possit . Verum ejusmodi partum comperimus , non 16 tam ipsius resecis , quam materni esse muneris . Nam quia inhæret stirpi suæ , quæ est natura fe-

a) instituisse I. B. R. Goes. L. Sanger. b) ipsos *ins.* Goes.  
c) sementis L. Sanger.

rax, mistus adhuc parentis alimentis<sup>a</sup>, & fœcundi partus<sup>b</sup> seminibus, ac velut altricis uberibus eductus, paullatim fructum ferre condiscit. At quæ<sup>c</sup> citra naturæ quandam pubertatem, immatura atque intempestiva planta direpta trunco, vel terræ, vel etiam stirpi recisæ inseritur, quasi puerilis ætas, ne ad coitum quidem, nedum ad conceptum habilis, vim generandi vel in totum perdit, vel certe minuit.

- 17 Quare magnopere censeo in eligendis seminibus adhibere curam, uti fructuosa parte vitis palmites legamus eos, qui futuram fœcunditatem jam toto<sup>d</sup> fructu promittunt. Nec tamen contenti simus singulis uvis, maximeque probemus eos, qui numerosissimis fœtibus conspiciuntur. An non opilionem laudabimus ex ea matre sobolem propagantem, quæ geminos enixa sit; & caprarium submittentem fœtus earum pecudum, quæ trigemino partu commendantur? videlicet quasi<sup>e</sup> semper sit parentum fœcunditati proles responsura. Et nos sequamur in vitibus hanc ipsam rationem, tanto quidem magis, quod compertum habeamus<sup>f</sup>, naturali quadam malignitate desciscere<sup>g</sup> interdum, quamvis diligenter probata semina: idque nobis poeta velut surdis veritatis indulget<sup>h</sup> dicendo: *Vidi lecta diu, & multo spectata la-*

a) elementis L. I. B. R. b) fœcundis pastus. L. I. B. R.  
c) Atque I. B. R. d) in dato Goes. Sanger. e) quia spectet... prolem responsuram Goes. & L. prol. resp. P. f) habeam I. B. R. g) desistere L. h) inculcet Goes. Sanger.

*bore Degenerare tamen, ni vis humana quotannis Maxima quæque manu legeret: sic omnia fati In pejus rueret, ac retro sublapsa referri.* Quod non tantum de seminibus leguminum, sed in totam agricolationis rationem<sup>a</sup> dictum esse intelligendum est. Si modo longi temporis observatione comperimus, 19 quod certe comperimus, eum malleolum, qui quatuor uvas tulerit, deputatum & in terram depositum, a fœcunditate materna sic degenerare, ut interdum singulis, non nunquam etiam binis uvis minus afferat. In quantum autem censemus defecturos<sup>b</sup> 20 eos, qui binos aut fere singulos fœtus in matre tulerint, cum etiam feracissimi translationem sæpe reformident? Itaque hujus rationis demonstratorem magis esse me, quam inventorem, libenter profiteor: ne quis existimet, fraudari majores nostros laude merita: nam id ipsum censuisse<sup>d</sup> eos non dubium est, quamvis nullo alio sit scripto proditum, exceptis, quæ retulimus metris Virgillii; & hic tamen, ut de seminibus leguminum præcipiatur. Cur enim aut 21 e duro natam virgam, aut etiam ex fœcundo malleolo, quem ipsi probassent, decisam sagittam repudiabant, si nihil interesse ducebant<sup>e</sup>, ex quo loco semina legerentur? Nunc quia vim fœcunditatis

a) tota agricolatione Goes. sationem *conji.* Broukh- b) de-  
sciturus P. despecturos I. B. R. destitutos L. c) formident  
I. B. R. d) sensisse I. B. R. Goes. L. Sanger. e) dice-  
bant *al. prater* Goes. L. I. B. R.

certis quasi membris inesse non dubitabant, idcirco pampinarium & sagittam velut inutiles ad deponendum prudentissime damnaverunt. Quod si ita est, nihil dubium est, multo magis ab his improbatum esse etiam illum palmitem, qui, frugifero loco natus, fructum non attulisset. Nam, si sagittam, id est superiorem partem malleoli, vituperandam censebant, cum esset eadem pars surculi frugiferi; quanto magis vel ex optima vitis parte natum flagellum, si est sterile, improbatum ab his, ratio ipsa declarat? Nisi tamen (quod est absurdum) crediderunt id translatum & abscissum a sua stirpe, destitutumque materno alimento, frugiferum<sup>a</sup>, quod in ipsa matre nequam fuisset. Atque hæc & forsitan pluribus dicta sunt, quam exigebat ratio veritatis: minus tamen multis, quam postulabat prave detorta & inveterata opinio rusticorum.

*Quæ spectandæ qualitates in eo solo, quod vineæ destinaveris.*

XI. Nunc ad reliquum ordinem propositæ disputationis redeo. Sequitur hanc eligendi malleoli curam pastinationis officium: si tamen ante de qualitate soli constiterit: nam eam quoque plurimum & bonitati & largitati frugum conferre, nihil du-

a) frugifero: quin istam matrem nequam fuisse I. B. R.



bium est: ac prius, quam ipsum<sup>a</sup> perspiciamus, illud antiquissimum censemus, rudem potius eligendum agrum, si sit facultas, quam ubi fuerit seges, aut arbustum: nam de vinetis, quæ longo situ exoleverunt, inter omnes auctores constitit, pessima esse, si reserere velimus: quod & inferius solum pluribus radicibus sit impeditum, ac velut irretitum, & adhuc non amiserit virus, & cariem illam vetustatis, quibus hebetata quasi aliquibus venenis humus torpeat. Quam ob causam silvestris ager præcipue est eligendus, qui etiam, si frutetis aut arboribus obsessus est, facile extricatur, quod suapte natura quæcunque gignuntur, non penitus, nec in profundum radices agunt, sed per summum terræ dispergunt, atque deducunt, quibus ferro recisis, atque extirpatis, parum, quod superest, inferioris soli rastris licet effodere, & in fermentum congerere, atque componere. Si tamen rudis terra non sit, proximum est vacuum arboribus arvum: si nec hoc est, rarissimum arbustum, vel olivetum<sup>b</sup>, quod non fuerit maritum, vineis<sup>c</sup> destinatur. Ultima est, ut dixi, conditio restibilis vineæ: nam<sup>d</sup> si necessitas facere cogit, prius quicquid est residuæ vitis extirpari debet: deinde totum solum sicco fimo,

a) ipsum solum Sangerm. b) Melius tamen vetus olivetum *interpon.* Goes. L. I. B. R. Sanger. c) vineisve destinatum *conj.* Broukh. d) quam *conj.* Broukh.

aut, si id non sit, alterius generis quam recentis-  
 simo stercoreari<sup>a</sup>, atque ita converti<sup>b</sup>, & diligentis-  
 sime refossas omnes radices in summum regeri, at-  
 que comburi: tunc rursus vel stercore vetusto, quia  
 non gignit herbas, vel de vepribus egesta humo  
 5 pastinatum large contegi. At ubi pura novalia<sup>c</sup>  
 arboribus sunt libera, considerandum est ante, quam  
 pastinemus, surcularis necne sit terra: idque facil-  
 lime exploratur per stirpes, quæ sua sponte pro-  
 veniunt. Neque enim est ullum tam (diu) viduum  
 solum virgultis, ut non aliquos surculos progene-  
 ret, tanquam pīros silvestres & prunos, vel ru-  
 bos certe. Nam hæc quamvis genera spinarum sint,  
 solent tamen fortia & læta & grvida fructu con-  
 6 surgere. Igitur si non retorrīda & scabra, sed le-  
 via & nitida, & prolīxa fœcundaque viderimus,  
 eam intelligemus esse terram surcularem. Sed hoc  
 in totum ad illud, quod vineis præcipue est ido-  
 neum, proprie considerandum, ut prius retuli, si  
 facilis est humus & modice resoluta, quam diximus  
 pullam vocitari: nec quia sola ea, sed quia sit ha-  
 7 bilis maxime vinetis. Quis enim vel mediocris agri-  
 cola nesciat, etiam durissimum tophum, vel car-  
 bunculum, simulatque sunt confraçti & in summo

a) stercore L. I. B. R. b) converri I. B. R. c) & ab *inter*.  
 I. B. R. Sanger. & *inser. etiam* Goes. & MS. Heins. ad  
 Ovid. Fast. 3, 582.

regesti, tempestatibus, geluve, nec minus æstivis putrescere caloribus, ac resolvi; eosque pulcherri-me radices vitium per æstatem refrigerare, suc-cumque retinere? quæ res alendo surculo sunt ac-commodatissimæ. Simili quoque de causa probari solutam glaream, calculosumque agrum & mobilem lapidem: si tamen hæc pingui glæbæ permista sunt, nam eadem jejuna maxime culpantur. Est autem 8 (ut mea<sup>a</sup> fert opinio) vineis amicus etiam silex, cui superpositum est modicum terrenum, quia fri-gidus, & tenax humoris per ortum caniculæ non patitur sitire radices. Hyginus quidem, secutus Tremellium, præcipue montium ima, quæ<sup>b</sup> a ver-ticibus defluentem humum receperint, vel etiam valles, quæ fluminum alluvie & inundationibus con-créverint, aptas esse vineis asseverat, me non dis-sentiente. Cretosa humus utilis habetur viti: nam 9 per se ipsa creta, qua utuntur figuli, quamque nonnulli argillam vocant, inimicissima est: nec mi-nus jejuna sabulo, & quicquid, ut ait Julius Atti-cus, retorridum surculum facit, id autem solum vel uliginosum est, vel salsum, vel amarum etiam, vel siticulosum & peraridum: nigrum tamen & ru-cilum sabulonem, qui sit humidæ<sup>c</sup> terræ permistus,

a) quoque *ins.* Goes. I. B. R. Sanger. b) quod verticibus I. B. R. c) vividæ P. Goes. & Heins. ad Ovid. Fast. 3, 238. forte vividæ.

probaverunt antiqui: nam carbunculosum agrum, nisi stercore juves, macras vineas efficere dixerunt.  
 10 Gravis est rubrica, ut idem Atticus ait, & ad comprehendendum radicibus iniqua. Sed alit eadem vitem, cum tenuit, verum est in opere difficilior, quod neque humentem fodere possis, quod sit glutinosissima; nec nimium siccam\*, quia ultra modum prædura.

*Quæ Julius Græcinus tradiderit de terra vineali.*

XII. Sed ne nunc per infinitas terreni species evagemur, non intempestive commemorabimus Julii Græcini conscriptam velut formulam, ad quam posita est limitatio<sup>b</sup> terræ vinealis. Idem enim Græcinus sic ait: Esse aliquam terram calidam vel frigidam, humidam vel siccam, raram vel densam, levem, aut gravem, pinguem aut macram: sed neque nimium calidum solum posse tolerare vitem, quia inurat; neque prægelidum, quoniam velut stupentes & congelatas radices nimio frigore moveri non sinat; neque humidum, quoniam<sup>c</sup> cum se promunt vites, modico tepore evocant humorem terræ justo majorem, qui putrefacit<sup>d</sup> deposita semina.

a) sicca I. B. R. b) imitatio I. B. R. Goes. estimatio P. L. Sanger. c) quæ tum (demum *add. plur.*) se promunt cum modico tempore (tepore L.) evocantur. Sanger. d) putrefacere L. I. B. R. Sanger.

Rursus nimiam siccitatem destituere plantas dicit <sup>2</sup> naturali alimento, aut in totum necare, aut scabras & retorridas facere: perdensam humum cælesteis aquas non sorbere, nec facile perflari, facillime perrumpi & præbere rimas, quibus sol ad radices stirpium penetret: eademque velut conclausa & coarctata semina comprimere atque strangulare: raram supra modum, velut per infundibulum, trans- <sup>3</sup> mittere imbres, & sole ac vento penitus sicari, atque exarescere<sup>a</sup>: gravem terram vix ulla cultura vincibilem<sup>b</sup>; levem vix ulla sustineri: pinguiissimam & lætissimam luxuria; macram ac tenuem jejuniolaborare. Opus est, inquit, inter has tam diversas inæqualitates magno temperamento, quod in corporibus quoque nostris desideratur, quorum bona valetudo calidi & frigidi, humidi & aridi, densi & rari, certo & quasi examinato modo continetur. Nec tamen hoc temperamentum in terra, quæ vi- <sup>4</sup> neis destinetur, pari momento libratum esse debere ait, sed in alteram partem propensius; ut calidior terra sit, quam frigidior, siccior, quam humidior, rarior, quam densior, & si qua sunt his similia, ad quæ contemplationem suam dirigat, qui vineas instituet: quæ cuncta (sicut ego reor) magis pro- <sup>5</sup> sunt, cum suffragatur etiam status cæli: cujus re-

a) exolescere I. B. R. b) vinci Sanger.

gionem, quam spectare debeant vineæ<sup>a</sup>, vetus est dissensio, Saserna maxime probante solis ortum, mox deinde meridiem, tum occasum: Tremellio Scrofa præcipuam positionem meridianam censente: Virgilio de industria occasum sic repudiante, *Neve tibi ad solem vergant vineta cadentem*: Democrito & Magone laudantibus cæli plagam septentrionalem, quia existiment ei subjectas feracissimas fieri vineas, quæ tamen bonitate vini superentur. Nobis in univ<sup>ersum</sup> præcipere optimum visum est, ut in locis frigidis meridiano vineta subjiciantur; tepidis, orienti advertantur, si tamen non infestabuntur Austris Eurisque, velut oræ maritimæ in Bætica. Sin autem regiones prædictis ventis fuerint obnoxie, melius Aquiloni, vel Favonio committentur: nam ferventibus provinciis, ut Ægypto & Numidia, uni septentrioni rectius opponentur. Quibus omnibus diligenter exploratis, tum demum pastinationem suscipiemus.

*Quomodo terra pastinetur.*

XIII. Ejus autem ratio cum Italici generis futuris agricolis, tum etiam provincialibus tradenda est: quoniam in longinquis<sup>b</sup> & remotis<sup>c</sup> regionibus istud genus vertendi & subigendi agri minime usur-

a) unice I. B. R. b) partibus *interserunt* I. B. R. c) fere  
ins. P. Gocs. Sanger.

patur, sed aut scrobibus, aut sulcis vineæ plerumque conseruntur. Scrobibus vineta sic ponuntur<sup>a</sup>. Quibus vitem mos est scrobibus deponere, fere per<sup>2</sup> tres longitudinis pedes, perque duos in altitudinem, cavato solo, quantum latitudo ferramenti patitur, malleolos utrinque juxta latera fossarum consterunt, & adversis scrobium frontibus curvatos erigunt: duabusque gemmis supra terram eminere passi, reposita humo, cætera cœquant: quæ faciunt in eadem linea intermissis totidem pedum scamnis, dum peragrant ordinem. Tum deinde relicto spatio,<sup>3</sup> prout cuique mos est vineas colenti, vel aratro, vel bidente, persequentes ordinem insistent<sup>b</sup>. Et si fossore tantum terra versetur, minimum est quinque pedum interordinium, septem maximum: sin bubus & aratro, minimum est septem pedum, satis amplum decem. Nonnulli tamen omnem vitem per<sup>4</sup> denos pedes in quincuncem disponunt, ut more novalium terra transversis adversisque sulcis proscindatur. Id genus vineti non conducit agricolæ, nisi ubi lætissimo solo vitis amplo incremento consurgit. At qui pastinationis impensam reformidant, sed aliqua tamen parte pastinationem imitari student, paribus alternis omissis spatiis, senum pedum latitudinis sulcos dirigunt, fodiuntque & exaltant in tres

a) vinea sic ponitur I. B. R. Sanger. b) instituunt Gæs. Sanger.

pedes, ac per latera fossarum vitem vel malleolum  
 5 disponunt. Avarius quidam dupondio & dodrante  
 altum sulcum, latum pedum quinque faciunt: de-  
 inde ter tanto amplius spatium crudum relinquunt:  
 atque ita sequentem sulcum infodiunt<sup>a</sup>: quod cum  
 per definitum vinetis locum fecerint in lateribus sul-  
 corum viviradices, vel decisos quam recentissimos  
 palmites novellos erigunt, consitis compluribus in-  
 ter ordinaria semina malleolis, quos postea, quam  
 convaluerint, crudo solo, quod emissum est, transi-  
 versis scrobibus propagent, atque ordinent vineam  
 paribus intervallis. Sed eæ, quas retulimus, vinea-  
 rum sationes<sup>b</sup>, pro natura & benignitate cujusque  
 regionis aut usurpandæ, aut repudiandæ sunt nobis.  
 6 Nunc pastinandi agri propositum est rationem tra-  
 dere. Ac primum ex<sup>c</sup> omni sive arbustivo, sive  
 silvestri loco, quem vineis destinaverimus, omnis  
 frutex atque arbor erui & submoveri debet, ne po-  
 stea fossorem moretur<sup>d</sup>, neve jam pastinatum solum  
 jacentibus molibus imprimatur, & exportantium ra-  
 7 mos atque truncos ingressu proculcetur. Neque  
 enim parum refert, suspensissimum esse pastinatum,  
 &, si fieri possit, vestigio quoque inviolatum: ut  
 mota æqualiter humus novelli seminis radicibus,

a) infundunt I. B. R. infidunt Goes. b) sationes Sanger.

c) ut omnem sive arbustum sive silvestrem locum vineis &c.  
 I. B. R. it. L. silvestrem locum *etiam* Sanger. d) more-  
 tur eos ingressu L.



quamcunque in partem prorepserint<sup>a</sup>, molliter cedat, ne incrementa duritia sua reverberet, sed tenero velut nutritio sinu recipiat, & cælestes admittat imbres, eosque alendis seminibus dispenset, ac suis omnibus partibus ad educandam prolem novam conspiret. Campestris locus alte duos pedes & semissem infodiendus est: acclivis regio treis, præruptior vero collis vel in quatuor pedes vertendus, quoniam cum a superiore parte in inferiorem detrahitur humus, vix justum pastinationi præbet regestum: nisi multo editiorem ripam, quam in plano feceris. Rursus depressis vallibus minus alte duobus pedibus deponi vineam non placet: nam præstat non conserere, quam in summa terra suspendere. Nisi tamen si scaturigo<sup>b</sup> palustris obvia (sicut in agro Ravennate) plus quam sesquipedem prohibeat infodere. Primum autem prædicti operis exordium est, non ut hujus temporis plerique faciunt agricolæ, sulcum paullatim exaltare, & ita secundo, vel tertio gradu pervenire ad destinatam pastinationis altitudinem: sed protinus æqualiter linea posita rectis lateribus perpetuam fossam educere, & post tergum motam humum componere, atque in tantum deprimere, donec altitudinis mensuram datam ceperit: tum per omne spatium gra-

a) processerint L. b) statim uligo L. bene.

1  
 dus æqualiter movenda linea est : obtinendumque ,  
 ut eadem<sup>a</sup> latitudo in imo reddatur , quæ cœpta est  
 in summo . Opus est autem perito ac vigilante exa-  
 ctore , qui ripam erigi jubeat , sulcumque vacuari ,  
 ac totum spatium crudi soli cum emota jam terra  
 committi , sicut præcepi superiore libro , cum aran-  
 di rationem traderem , monendo , necubi scamna  
 omittantur , & quod est durum , summis glæbis ob-  
 11 tegatur . Sed huic operi exigendo quasi quandam  
 machinam commenti majores nostri , regulam fabri-  
 caverunt , in cujus latere virgula<sup>b</sup> prominens ad eam  
 altitudinem , qua deprimi sulcum oportet , contingit  
 summam ripæ partem . Id genus mensuræ ciconiam  
 vocant rustici . Sed ea quoque fraudem recipit ,  
 12 quoniam plurimum interest , utrum eam pronam ,  
 an rectam ponas : nos itaque huic machinæ quasdam  
 partes adjecimus , quæ contententium litem dispu-  
 12 tationemque dirimerent . Nam duas regulas ejus la-  
 titudinis , qua pastinator sulcum facturum est , in  
 speciem Græcæ literæ X decussavimus , atque ita  
 mediæ parti , qua regulæ committuntur , antiquam  
 illam ciconiam infiximus , ut tanquam suppositæ basi  
 ad perpendiculum normata insisteret : deinde trans-  
 versæ , quæ est in latere , virgulæ fabrilem libellam  
 superposuimus<sup>c</sup> . Sic compositum organum , cum in

a) ea altitudo I. B. R. eadem altitudo P. b) virga I. B. R.

c) supposuimus omnes præter Gots...

sulcum demissum est, litem domini & conductoris sine injuria diducit. Nam stella, quam diximus Græ- 13  
cæ literæ faciem obtinere, pariter imæ fossæ so-  
lum metitur, atque perlibrat, quia sive pronum,  
seu resupinum est, positione machinæ deprehendi-  
tur: quippe prædictæ virgulæ superposita libella al-  
terutrum ostendit, nec<sup>a</sup> patitur exactorem operis  
decipi: sic permensum & perlibratum opus in simi-  
litudinem vervaſti semper procedit: tantumque spa-  
tii linea promota occupatur, quantum effossus sul-  
cus longitudinis ac latitudinis obtinet: atque id ge-  
nus præparandi soli probatissimum est.

*Quot modis vitis ponatur aut in provinciis  
aut in Italia.*

XIV. Sequitur opus vineæ conserendæ, quæ vel  
vere, vel autumno tempestive deponitur. Vere me-  
lius, si aut pluvius, aut frigidus status cæli est,  
aut ager pinguis, aut campestris & uliginosa pla-  
nities: rursus autumno, si sicca, si calida est aeris  
qualitas: si exilis atque aridus campus; si macer  
præruptusve collis, vernæque positionis dies fere  
quadraginta sunt ab Idibus Februariis usque in æqui-  
noctium: rursus autumnalis ab Idibus Octob. in Ca-  
lend. Decembres. Sationis autem duo genera, mal- 2

a) pariter *ins.* I. B. R.

leoli, vel viviradicis, quod utrumque ab agricolis usurpatur, & in provinciis magis malleoli; neque enim seminariis student, nec usum habent faciendæ viviradicis, Hanc sationem cultores Italiæ plerique jure improbaverunt, cum plurimis dotibus præstet  
 3 viviradix. Nam minus interit, cum & calorem, & frigus, & cæteras tempestates propter firmitatem facilius sustineat: deinde adolescit maturius; ex quo evenit, ut celerius quoque sit tempestiva edendis fructibus; tum etiam nihil dubium est, sæpius translatum potest tamen malleolus protinus in vicem viviradicis conseri soluta & facili terra: cæterum densa & gravis, utique vitem desiderat.

*Melïorem esse positionem pastinato solo quam  
 novali.*

XV. Seritur ergo prius in emundata, inoccataque & æquata pastinatione, macro solo, quinque pedibus inter ordines omissis; mediocri, senis: in pingui vero septenum pedum spatia danda sunt, quo largiora vacent intervalla, per quæ frequentes prolixæque materiæ diffundantur: hæc in quincuncem vinearum metatio expeditissima ratione conficitur; quippe linea per totidem pedes, quot destinaveris interordiniorum spatiis, purpura, vel quolibet alio conspicuo colore insuitur; eaque sic denotata per repastinatum intenditur, & juxta purpuram calamus

defigitur<sup>a</sup>: atque ita paribus spatiis ordines diriguntur: quod deinde cum est factum, fossor insequitur, <sup>2</sup> scrobemque alternis omissis<sup>b</sup> per ordinem spatiis a calamo ad proximum calamum non minus altum, quam duos pedes & semissem planis locis refodit<sup>c</sup>: acclivibus in dupondium & dodrantem: præcipitibus etiam in tres pedes: in hanc mensuram scrobibus depressis viviradices ita deponuntur, ut a media scrobe singulæ & in diversum sternantur, & contrariis frontibus fossarum ad calamos erigantur. Sa- <sup>3</sup> toris autem officium est primum quam recentissimam, & si fieri possit, eodem momento, quo serere velit, de seminario transferre plantam diligenter exemptam & integram: deinde eam velut veteranam vitem totam exputare, & ad unam materiam firmissimam redigere, nodosque & cicatrices allevare: si quæ etiam radices (quod maxime cavendum est, ne fiat in eximendo) laboraverint, eas amputare; sic deinde curvatam deponere, ne duarum vitium radices implicentur: id enim vitare facile est per imum solum juxta diversa latera fossarum dispositis paucis lapidibus, qui singuli non excedant quinquelibrale pondus. Hi videntur (ut Ma- <sup>4</sup> go prodit) & aquas hiemis, & vapores æstatis propulsare radicibus; quem secutus Virgilius tutari se-

a) infigitur I. B. R. b) omissis ordinum spatiis I. B. R.

c) defodit L.

mina & muniri sic præcipit, *Aut lapidem bibulum, aut squallentes infode conchas*. Et paullo post ; — — *jamque reperti, Qui saxo super, atque ingentis pondere testæ Urgerent: hoc effusos munimen ad imbres, Hoc ubi hiulca siti findit canis æstifer arva*. Idemque Pœnus auctor probat vinacea permista stercori depositis seminibus in scrobem vires movere, quod illa provocent & eliciant novas radículas: hoc per hiemen frigentem & humidam scrobibus inferre calorem tempestivum, ac per æstatem virentibus alimentum & humorem præbere. Si vero solum, cui vitis committitur, videtur exile, longius arcessitam pinguem humum scrobibus inferre censet: quod an expediat, regionis annona, operarumque ratio nos docebit.

*Quæ mensura pastinandi soli abunde sit vineis.*

XVI. Exigue humidum pastinatum sationi convenit: melius tamen vel arido; quam luto semine committitur: idque cum supra summam scrobem compluribus internodiis productum est, quod de cacumine superest, duabus gemmis tantum supra terram relictis amputatur, & ingesta humo scrobis completur. Coæquato deinceps pastinato, malleolus ordinariis vitibus interserendus est: eumque sat erit

a) scrobibus completis coæquato. Deinceps &c. I. B. R.

medio spatio, quod vacat inter vites, per unam<sup>a</sup> lineam depangere: sic enim melius & ipse convalescet, & ordinariis seminibus modice vacuum solum ad culturam præbebitur<sup>b</sup>. In eadem deinde linea in qua viviradix, obtinebit ordinem suum præsidii causa, quorum ex numero propagari<sup>c</sup> possit in locum demortuæ vitis. Quinque<sup>d</sup> malleoli pangendi sunt per spatium<sup>e</sup> pedis: isque pes a medio interodinio sumitur, ut ab utraque parte<sup>f</sup> paribus intervallis distent. Tali consitioni Julius Atticus abunde<sup>g</sup> putat esse malleolorum sexdecim millia. Nos tamen plus quatuor millibus conserimus, quia negligentia cultorum magna pars deperit: & interitus<sup>g</sup> seminum cætera, quæ virent, rarescunt.

*Quemadmodum & quo tempore vitis  
serenda sit.*

XVII. De positione surculi non minima disputatio fuit inter auctores: quidam totum flagellum, sicut erat matri detractum, crediderunt sationi convenire: idque per gemmas quinas, vel etiam senas partiti, complures taleolas terræ mandaverunt: quod

- a) unam MSS. Imam *editi*. b) præbebit iter *editi præter I. B. R., qui nobiscum, ut & MSS.* c) propagare omnes. d) Quippe L. e) spatium taleis quæ possint a medio interodinio sumi, ut &c. I. B. R. spatium pedale, isque pes ita med. Goes. pedale..... ita *etiam* Sanger. f) vite Goes. Sanger. g) interitus L. *forte* intersitur.

ego minime probō; magisque assentior his auctori-  
 bus, qui negaverunt esse idoneam frugibus superio-  
 rem partem materiæ, solamque eam, quæ est jun-  
 cta cum vetere sarmento probaverunt: cæterum om-  
 2 nem sagittam repudiaverunt. Sagittam rustici vo-  
 cant novissimam partem surculi, sive quia longius  
 recessit a matre & quasi emicuit<sup>a</sup>, atque prosiluit:  
 sive quia cacumine attenuata, prædicti teli speciem  
 3 gerit. Hanc ergo prudentissimi agricolæ negaverunt  
 conseri debere: nec tamen sententiæ suæ rationem  
 nobis prodiderunt; videlicet quæ ipsis in re rustica  
 multum callentibus prompta erat, & ante oculos pe-  
 ne exposita: omnis enim fœcundus pampinus intra  
 quintam aut sextam gemmam fructu exuberat, reli-  
 qua parte quamvis longissima vel cessat, vel pere-  
 xiguos ostendit racemos: quam ob causam sterilitas  
 cacuminis jure ab antiquis incusata est. Malleolus  
 autem sic ab iisdem pangebatur, ut novello sarmen-  
 to pars aliqua veteris hæreret. Sed hanc positionem  
 4 damnavit usus. Nam quicquid ex vetere materia re-  
 lictum erat, depressum atque obrutum, celeriter hu-  
 more putrescebat, proximasque radices teneras &  
 vixdum prorumpentes<sup>b</sup> vitio suo enecabat; quod cum  
 acciderat, superior pars seminis retorrescebat. Mox  
 Julius Atticus & Cornelius Celsus ætatis nostræ ce-

a) micuit plur. b) prorumpentes plur.



leberrimi auctores, patrem atque filium Sasernam secuti, quicquid residui fuit ex vetere palma per ipsam commissuram, qua nascitur materia nova, resecuerunt<sup>a</sup>, atque ita cum suo capitulo sarmentum depresserunt.

*Quæ observare debeat, qui vitem ponit.*

XVIII. Sed Julius Atticus prætorto capite & recurvato, ne pastinum<sup>b</sup> effugiat, prædictum semen demersit<sup>c</sup>. Pastinum vocant agricolæ ferramentum bifurcum, quo semina panguntur: unde etiam repastinata<sup>d</sup> dictæ fuere<sup>e</sup> vineæ veteres, quæ refodiebantur: hæc enim propria appellatio restibilis vineti erat; nunc antiquitatis imprudens consuetudo quicquid emoti soli vineis præparatur, repastinatum vocat. Sed redeamus<sup>f</sup> ad propositum. Vitiosa est, ut mea fert opinio, Julii Attici satio, quæ contortis capitibus malleolum recipit, ejusque rei vitandæ non una ratio est: primum, quod nulla stirps, antequam deponatur vexata & infracta, melius provenit, quam quæ integra & inviolata sine injuria deposita<sup>g</sup> est: deinde quicquid recurvum & sursum versus spectans, demersum est, cum tempestivum eximitur, in modum hami repugnat obluclanti fossori,

- a) raserunt L. Goes. I. B. R. Sanger. b) pastinatum I. B. R. Sanger. c) emersit I. B. R. d) repastinari I. B. R. e) sunt I. B. R. f) redeamus *omitt.* Goes. Sanger. & *edd. complures.* g) composita I. B. R. Sanger.

- & , velut uncus infixus solo , ante quam extrahatur , prærumpitur : nam fragilis est ea parte materia , qua torta & recurvata cum deponeretur<sup>a</sup> , ceperat vitium : propter quod perfractam<sup>b</sup> majorem partem  
 3 radicum amittit. Sed ut incommoda ista præteream , certe illud , quod est inimicissimum , dissimulare nequeo : nam paullo ante , cum de summa parte sarmenti disputarem , quam sagittam dixeram vocitari , colligebam fere<sup>c</sup> intra quintam vel sextam gemmam , quæ sint proximæ veteri sarmento , fructus medii .  
 4 Hanc ergo fœcundam partem consumit , qui contorquet malleolum ; quoniam & ea pars , quæ duplicatur , tres gemmas vel quatuor obtinet , & reliqui duo vel tres fructuarii oculi penitus in terram deprimuntur , mersique non materias , sed radices creant : ita evenit , ut quod in salicto conserendo vitaverimus , id sequamur in ejusmodi malleolo , quem necesse est facere longiorem , si volumus detortum depangere : nec dubium , quin gemmæ cacumini proximæ , quæ sunt infœcundæ , in eo relinquuntur , ex quibus pampini pullulant vel steriles , vel certe minus feraces , quos rustici vocant racemarios<sup>d</sup>. Quid ? quod plurimum interest , ut malleolus , qui deponitur , ea parte , qua est a matre de-

a) reponeretur I. B. R. b) præfractam P. Goes. Sanger.

c) fere I. B. R. Goes. L. alii fore. d) racematorios Goes.

cisus, coalescat & celeriter cicatricem ducat? Nam si id factum non est, velut per fistulam, ita per apertam vitis medullam nimius humor trahitur, idemque truncum cavat: unde formicis, aliisque animalibus, quæ putrefaciunt crura vitium, latebræ præbentur: hoc autem evenit retortis seminibus. Cum enim per excisionem imæ partes eorum perforatæ sunt, apertæ medullæ deponuntur: atque irreparentibus aquis, prædictisque animalibus, celeriter senescunt. Quare pangendi optima est ratio recti malleoli, cujus imum caput, cum consertum est bifureo pastini, angustis faucibus ferramenti facile continetur ac deprimitur: idque sarmentum sic depressum citius coalescit. Nam & radices e capite, qua recisum est, æque mittit: quæ cum excreverunt, cicatricem obducunt, & ratioquin plaga ipsa deorsum spectans non tantum recipit humorem, quantum illa, quæ reflexa & resupina, more infundibuli per medullam transmittit quicquid aquarum cælestium superfluit.

*Quam longus esse debeat malleolus.*

XIX. Longitudo, quæ debeat esse malleoli, parum certa est, quoniam sive crebras gemmas ha-

a) præfr. Goes. Sanger: putrefactæ I. B. R. b) demersum Goes. L. c) creverunt I. B. R. accreverunt Goes. d) superfluit I. B. R. Sanger.

bet, brevior faciendus est: seu raras, longior: at-  
tamen nec major pede, nec dodrante minor esse  
debet: hic ne per summa terræ sitiatur æstatibus; il-  
le ne depressus altius, cum adoleverit, exemptionem  
difficilem præbeat: sed hæc in plano: nam in cli-  
vosis, ubi terra decurrit, potest palmipedalis depo-  
2 ni. Vallis & uliginosi campi situ serimus<sup>a</sup> etiam tri-  
gemmem, qui est paullo minor dodrante, longior  
utique semipede: isque non ab eo trigemmis dictus  
est, quod omnino trium oculorum est, cum fere  
circa plagam, qua matri abscissus est, plenus sit  
gemmarum<sup>b</sup>; sed quod his exceptis, quibus est fre-  
quens in ipso capite, tres deinceps articulos, toti-  
demque gemmas habet. Super cætera illud quoque  
sive malleolum, sive viviradicem serentem præmo-  
neo, ne semina exarescant, immodicum ventum,  
solemque vitare, qui uterque non incommode arce-  
tur objectu vestis, aut cujuslibet densi tegminis<sup>c</sup>.  
3 Veruntamen præstat eligere sationi silentis vel cer-  
te placidi spiritus diem. Nam sol umbraculis facile  
depellitur. Sed illud etiam, quod nondum tradidi-  
mus, ante quam disputationi clausulam imponamus,  
dicendum est; an<sup>d</sup> plurium generum vites haben-  
dæ sint, cæque<sup>e</sup> separatæ & distinctæ specialiter,

a) situs patitur Goez. Sanger. situ sternitur L. b) germi-  
num P. L. Sanger. c) teguminis Goez. I. B. R. tegimi-  
nis L. d) uniusne an Goez. Sanger. e) æque I. B. R. Sanger.

an confusæ & mistæ catervatim. Prius disseremus de eo, quod primum proposuimus.

*Quot genera vitium ponenda sint.*

XX. Prudentis igitur agricolæ est vitem, quam præcipue probaverit, nulla interveniente alterius notæ stirpe conserere, numerumque quam maximum ejus semper augere. Sed providentis est, diversa quoque genera deponere: neque enim unquam sic mitis ac temperatus est annus, ut nullo incommodo vexet aliquod vitis genus: sive enim siccus est; id quod humore proficit<sup>a</sup>, contristatur: seu pluvius; quod siccitatibus gaudet: seu frigidus & pruinosus; quod non est patiens uredinis: seu fervens<sup>b</sup>; quod vaporem non sustinet. Ac ne nunc mille tempestatum injurias persequar, semper est aliquid, quod vineas offendat. Igitur si unum genus severimus, cum id acciderit, quod ei noxium est, tota vindemia privabimur: neque enim ullum erit subsidium, cui<sup>c</sup> diversarum notarum stirpes non fuerint. At si<sup>3</sup> variis<sup>d</sup> generis vineta fecerimus, aliquid ex iis inviolatum erit, quod fructum perferat. Nec tamen ea causa nos debet compellere ad multas vitium varietates: sed quod indicaverimus eximium genus, id

a) id quod humore proficit *omitt.* I. B. R. Sanger. b) perurens Goes. c) cui diversarum notarum stirpes non fuerint *omitt.* L. I. B. R. Sanger. d) varia vineta I. B. R.

quantæ multitudinis possumus, efficiamus; deinde quod proximum a primo; tum quod est tertiæ notæ vel quartæ quoque: eatenus velut lectarum quodam contenti simus tetradio<sup>a</sup>: satis est enim per quatuor vel summum quinque genera vindemiæ fortunam opperiri. De altero, quod mox proposueram, nihil dubito, quin per species digerendæ vites disponendæque sint in proprios hortos, semitis ac decumanis distinguendæ: nec quod<sup>b</sup>ipse potueram a meis familiaribus obtinere, ut<sup>c</sup>ante me quisquam eorum, qui quam maxime id probaverit, effecerit: est enim omnium rusticorum operum difficillimum, quia & summam diligentiam legendis desiderat seminibus & nonnihil<sup>d</sup>discernendis: in quo maxima plerumque felicitate & prudentia opus est, sed interdum (quod ait divinus auctor Plato) rei nos pulchritudo trahit, vel ea consecrandi, quæ propter infirmitatem commortalis naturæ consequi nequeamus.

5 Istud tamen, si ætas suppetat, & scientia facultasque cum voluntate congruant, non ægerrime perficiemus: quamvis non omnino minimo ætatis spatium perseverandum sit, ut magnus numerus per aliquot annos discernatur<sup>e</sup>: neque enim omne tempus permittit ejus rei judicium: nam vites, quæ propter

a) tetradeo P. tetartæo *al.* tetradeo *etiam* Goes. b) quod nec *conj.* Broukh. c) aut P. Sanger. d) & in his Goes. Sanger. e) digeratur Goes. Sanger.

pter similitudinem coloris, aut trunci, flagellorum-  
ve dignosci nequeunt, maturo fructu foliisque de-  
clarantur: quam tamen diligentiam, nisi per ipsum  
patrem familias, exhiberi posse, non affirmaverim:  
nam credidisse villico, vel etiam vinitori, secordis 6  
est, cum quod longe sit facilius, adhuc perpaucis-  
simis agricolis contigerit, ut nigri vini stirpe care-  
ant, quamvis color uvæ possit vel ab imprudentis-  
simo deprehendi.

*Utrum distinctis generibus vitium horti con-  
serendi sint.*

XXI. Illa tamen una mihi ratio suppetit, celer-  
rime, quod proposuimus, efficiendi, si sint vetera-  
næ vineæ, ut separatorum<sup>a</sup> surculorum cujusque ge-  
neris singulos hortos inseramus: sic paucis annis  
multa nos millia malleolorum ex insitis perceptu-  
ros, atque ita discreta semina per regiones consi-  
turos, nihil dubito. Ejus porro faciendæ rei nos uti-<sup>2</sup>  
litas multis de causis compellere potest: & ut a  
levioribus incipiam, primum, quod ad omnem ra-  
tionem vitæ, non solum agricolationis, sed cujus-  
que disciplinæ, prudentem delectant impensius ea,  
quæ propriis generibus distinguuntur, quam quæ  
passim velut abjecta, & quodam acervo confusa sunt.

<sup>a</sup>) separatim L.

- 3 Deinde quod vel alienissimus rusticæ vitæ , si in agrum tempestive <sup>a</sup> consitum veniat , summa cum voluptate naturæ benignitatem miretur , cum istinc Bituricæ fructibus opimæ<sup>b</sup>, hinc pares iis helvolæ respondeant : illinc arcellæ , rursus illinc spioniæ , basilicæve conveniant , quibus alma tellus annua vice (velut æterno quodam puerperio) læta , mortalibus distenta musto demittit ubera. Inter quæ<sup>c</sup> favente Libero fœtis palmitibus , vel generis albi , vel flaventis ac rutuli<sup>d</sup>, vel purpureo nitore micantis , undique versicoloribus pomis gravidus collucet
- 4 autumnus. Sed hæc quamvis plurimum delectent , utilitas tamen vincit voluptatem. Nam & paterfamilias libentius ad spectaculum rei suæ , quanto est ea luculentior , descendit ; & , quod de sacro numine poeta dicit : *Et quocunque deus circum caput egit honestum* : verum quocunque domini præsentis oculi frequenter accessere , in ea parte majorem in modum fructus exuberat. Sed omitto illud , quod indescriptis etiam vitibus contingere potest : illa , quæ sunt
- 5 maxime spectanda , persequar. Diversæ notæ stirpes nec pariter deflorescunt , nec ad maturitatem simul perveniunt. Quam ob causam , qui separata generibus vineta non habet , patiaturs alterum incommodum necesse est , ut aut serum fructum cum præcoque

a) tam festive conj. Broukh. *festiva sane*. b) opimis Goes.  
c) patre ins. Goes. & Sanger. d) rutili a St. C. omnes.



elevet, quæ res mox acorem facit: aut si maturitatem serotini expectet, amittat vindemiam præcoquem, quæ plerumque populationibus volucrum, pluvisque aut ventis lacessita dilabitur. Si vero interjectionibus<sup>a</sup> capere cujusque generis fructum aveat, primum necesse est, ut vindemiatorum aleam subeat: neque enim singulis totidem antistites dare potest, qui observent<sup>b</sup>, quique præcipiant, ne acerbæ uvæ cum maturis demetantur: deinde etiam quarum vitium maturitas competit, cum diversæ notæ sint, melioris gustus ab deteriore corrumpitur, confususque in unum multarum sapor, vetustatis impatiens fit: atque ideo necessitas cogit agricolam musti annonam expedire<sup>c</sup>: cum plurimum pretio accedat, si venditio vel in annum, vel in æstatem certe differri possit. Jam illa generum separatio<sup>d</sup> summam commoditatem habet, quod vinitor suam cuique facilius putationem reddet, cum scit, cujus notæ sit hortus, quem deputet, idque in vineis<sup>d</sup> consemineis observari difficile est; quia major pars putationis per id tempus administratur, quo vitis neque folium notabile gerit. At multum interest,

- a) interjectionibus fructum carpere genus vetat, primum negligentie vindemiatoris aleam I. B. R. interjectionibus etiam Goes. & L. carpere I. I. interjectionibus fructum capere primum negligentie vindemiatoris Sanger. b) observent precipiantque I. B. R. c) experiri I. B. R. Goes. L. Sanger. d) non *adjiciunt post* I. B. R.

pluresne an pauciores materias pro natura cujusque stirpis vinitor summittat, prolixisve flagellis incitet, an angusta putatione vitem coerceat. Quin etiam, quam cæli partem spectat genus quodque vineti, plurimum refert: neque enim omne<sup>a</sup> calido statu, nec rursus frigido lætatur, sed est proprietas in surculis, ut alii meridiano axe convalescant, quia rigore vitiantur<sup>b</sup>; alii Septentrionem desiderant; quia contristentur æstu; quidam temperamento lætentur Orientis vel Occidentis. Has differentias servat pro situ & positione locorum, qui genera per hortos separat. Illam quoque non exiguum sequitur utilitatem, quod & laborem vindemiæ minorem patitur & sumtum: nam & quæ maturescere<sup>c</sup> incipiunt, tempestive leguntur, & quæ nondum maturitatem ceperunt uvæ, sine dispendio differuntur: nec pariter vetus atque tempestivus fructus præcipitat vindemiam, cogitque plureis operas quantumque pretio conducere. Jam & illud magnæ dotis est, posse gustum cujusque generis non mistum, sed vere merum condere, ac separatim reponere, sive est ille Bituricus, seu basilicus, seu spionicus: quæ genera cum sic diffusa<sup>d</sup> sunt, quia nihil intervenit diversæ naturæ, quod repugnet,

a) omni omnes. b) sunt calidiores plur. c) putrescere P. putrescere etiam Rob. St. jussu Victorii in emendandis. d) divisa post I. B. R.

per<sup>a</sup> potus tamen nobilitantur: neque enim post annos quindecim, vel paullo plures deprehendi potest ignobilitas in gustu: quoniam fere omne vinum (post<sup>b</sup> id tempus) eam qualitatem sortitur<sup>c</sup>, ut v<sup>o</sup>-rustate acquirat bonitatem. Quare, ut dicere in-  
stituimus, utilissima est generum dispositio, quam  
si tamen obtinere non possis, secunda est ratio,  
ut diversæ notæ non alias conseras vites, quam  
quæ saporem consimilem, fructumque maturitatis  
ejusdem præbeant. Potes jam (si te cura pomorum  
tangit) ultimis ordinibus in ea vineti fine, qua sub-  
jacet septentrionibus, ne cum iacreverint obum-  
brent, cacumina ficorum, pirorumve & malorum,  
depangere, quæ vel inseras interposito biennii spa-  
tio, vel si generosa sint, adulta transferas. Hæc  
de positione vinearum. Superest pars antiquissima,  
ut præcipiamus etiam cultus earum, de quibus se-  
quenti volumine pluribus disseremus.



a) per potus famam conj. Broukh. b) p. i. t. omit. L. I. B. R.  
Sanger. recte. c) sortitum est I. B. R.



L. JUNII MODERATI  
COLUMELLÆ  
DE  
RE RUSTICA  
LIBER QUARTUS.

---

BREVIARIUM.

*I. Contra opinionem Attici & Celsi, non esse satis altos scrobes bipedaneos vineaticis seminibus. II. Non oportere viviradicis duos palos vestire, sed singula semina vel singulis adminiculis esse contribuenda. III. Novam consitionem vineæ, nisi magna & assidua cultura adjuvetur, celeriter interire. IV. Prosterni vitem in scrobem & recurvatam usque ab imo solo rectam calamo applicari oportere. V. A consitione omnibus mensibus fodiendum, & curandum ne herbæ nascantur, & viviradices ad unam ma-*

teriam redigendas. VI. Pampinationem maleolis adhibendam. VII. Tempestivam esse pampinationem qua palmites digito dejiciuntur. VIII. Non oportere per æstatem pampinos abnodare. IX. Per autumnum ablaqueandam esse vineam. X. Quemadmodum ablaqueata vinea putetur. XI. Quod sit optimum tempus putandi. XII. Quomodo maleolus reseccandus sit. XIII. Quemadmodum pedanda sit vinea, & de canterio. XIV. Quomodo vitis alliganda sit. XV. Maleolis jugum imponendum, & quam alte canterius allevandus sit. XVI. Quemadmodum novella vinea frequentanda, & propagines faciendæ sint. XVII. Quo tempore viviradix transferenda sit. XVIII. Quomodo ex arundinibus jugum faciendum. XIX. Quomodo in hortulos vineæ dividendæ sint. XX. De positione jugi, & quatenus a terra levandum. XXI. Novella vinea quomodo putanda sit. XXII. Quemadmodum veteranæ vineæ restituantur. XXIII. Quemadmodum eadem putentur. XXIV. Quæ bonus vinitor in constituta jam vinea vitare aut sequi debeat. XXV. Figura falcis. XXVI. De cura administrandæ jugandæque vineæ. XXVII. Quæ bonus vinitor in constituta jam vinea vitare aut sequi debeat. XXVIII. Quomodo pampinari & quot fossuris excoli vinea debeat. XXIX. De inserendis vitibus, & insitione tuenda. XXX. De ratione pedaminum & viminum, & de salicis. XXXI. De

*genesta. XXXII. De arundinetis. XXXIII. De castaneis & castanetis.*

*Contra opinionem Attici & Celsi, non esse satis  
altos scrobes bipedaneos vineaticis  
seminibus.*

CAP. I. CUM de vineis conserendis librum a me scriptum, Publi Silvini, compluribus agricolationis studiosis relegisses<sup>a</sup>, quosdam repertos esse ais, qui cætera quidem nostra præcepta laudassent, unum tamen atque alterum reprehendissent: quippe seminibus vineaticis nimium me profundos censuisse fieri scrobes adjecto dodrante super altitudinem bipedaneam, quam Celsus & Atticus prodiderant; singulasque viviradices singulis adminiculis parum prudenter contribuisse, cum permiserint iidem illi auctores minore sumtu geminis<sup>b</sup> diductis duo continua per ordinem vestire pedamenta: quæ utraque<sup>c</sup> ambiguum magis habent æstimationem, quam veram.

<sup>2</sup> Etenim (ut quod prius proposui, prius refellam) si contenti bipedanea scrobe futuri sumus, quid ita censemus altius pastinare tam humili<sup>d</sup> mensura vitem

- a) prælegisses *conj.* Broukh. b) geminis materiis ductis Goes. gemmis diductis *al.* geminis materiis unius seminis Sanger. c) reprehensio ..... habet Goes. Sanger. nisi antiquitus ita dicere solitus erat *ins.* L. d) humilis mensura vite imponitur L.

posituri? Dicit aliquis, ut sit inferior tenera subjaccens terra, quæ non arceat, nec duricie<sup>a</sup> sua repellat novas irrepentes radículas<sup>b</sup>. Istud quidem contingere potest etiam, si ager bipalio<sup>c</sup> moveatur & deprimantur semina<sup>d</sup> in regesto, quod est fermentatum, plus dupondio semisse: nam semper in plano refusius egesta humus tumidior<sup>e</sup> est, quam gradus soli crudi. Nec sane positio seminum sibi altum cubile substerni desiderat: verum abunde est semipedaneam consitis resolutam vitibus terram subjicere, quæ velut hospitali atque etiam materno sinu recipiat incrementa virentium. Exemplum ejus rei capiamus in arbusto, ubi cum scrobes defodimus, admodum exigui pulveris viviradici subjicimus. Verior igitur causa est, depressius pastinandi, quoniam jugata vineta melius consurgunt altioribus demissa scrobibus: nam bipedanei vix etiam provincialibus agricolis approbari possunt, apud quos humili statu vitis plerumque juxta terram coerchetur, cum quæ jugo destinatur, altiore fundamento stabilienda sit: &, si modo<sup>f</sup> scandit excelsius, plus adjumenti<sup>g</sup> terræque desiderat. Et ideo in maritandis arboribus nemo minorem bipedanea<sup>h</sup> scrobem vitibus comparat.

a) duritia H. A. b) At istud Ursin. ex V. C. c) bipedalio P.  
d) scrobis *plur.* deprimatur scrobis Sanger. e) humidior I. B. R.  
f) quando *ins.* I. B. R. Sanger. g) alimenti I. B. R. I. I. H. A.  
Gr. G. *reële*. h) tripedanea Sanger.

Cæterum illa parum prosunt <sup>a</sup>agricolarum studio præcipua<sup>b</sup>commoda humilis positionis, quod & celeriter adulescant semina, quæ non fatigantur multo soli pressa pondere, fiantque uberiora, quæ leviter<sup>c</sup>suspensa sunt. Nam utraque ista Julii Attici ratio convincitur exemplo arbustivæ positionis, quæ scilicet multo validiorem fertilioremque stirpem reddit; quod non facerent, si (non<sup>d</sup>) laborarent altius  
 7 demersa semina. Quid, quod repastinata humus, dum est recens soluta laxaque<sup>e</sup>, velut fermento quodam intumescit? cum deinde<sup>f</sup>non longissimam cepit vetustatem, condensata subsidit, ac velut innatantes radices vitium summo solo destituit? Hoc autem minus accidit nostræ sationi, in qua majore mensura vitis demittitur. Nam quod in profundo semina frigore laborare dicuntur, nos quoque non  
 8 diffitemur. Sed non est dupondii & dodrantis altitudo, quæ istud efficere possit; cum præsertim, quod paullo ante retulimus, depressior arbustivæ vitis satio tamen effugiat prædictum incommodum.

a) prudens L. I. B. R. Sanger. b) esse *ins.* L. I. B. R. Sanger.  
 c) leniter Goes. Gr. d) non *omitt. conj.* Broukh. e) laxa-  
 toque Goes. I. B. R. Sanger. f) dein denuo Goes. *conj.*  
 Broukh.



*Non oportere viviradicis duos palos vestire, sed singula semina singulis adminiculis esse contribuenda.*

II. Alterum illud, quod minori impensa duos palos unius seminis flagellis censent maritari, falsum<sup>a</sup> est. Sive enim caput ipsum demortuum est, duo viduantur statumina, & mox viviradices totidem substituendæ sunt, quæ numero suo rationem cultoris onerant: sive vivit<sup>b</sup>, & ut sæpe venit<sup>c</sup>, vel nigri est generis, vel parum fertilis, non in uno, sed in pluribus pedamentis fructus claudicat: quanquam etiam generosæ stirpis vitem sic in duos palos divisam rerum rusticarum prudentiores existimant minus fertilem fore; quia cratem factura sit. Et idcirco veteres vineas mergis propagare potius,<sup>2</sup> quam totas sternere, idem ipse Atticus præcipit: quod mergi mox facile radican- tur, ita ut quæque vitis suis radicibus tanquam propriis fundamentis innitatur. Hæc autem, quæ toto prostrata corpore cum inferius solum quasi cancellavit<sup>d</sup>, atque irretivit, cratem facit, & pluribus radicibus inter se connexis angitur, nec aliter, quam si<sup>e</sup> multis palmitibus gravata, deficit. Quare per omnia prætulerim<sup>3</sup>

a) falsissimum L. I. B. R. Sanger. b) tenuit Goes. Sanger.  
c) evenit Goes. d) congelavit I. B. R. e) sit conj. Ursinus.

duobus potius seminibus depositis, quam unico periclitari, nec id velut compendium consecrari, quod in utramque partem longe majus asserre possit dispendium. Sed jam prioris libri disputatio repetit a nobis promissum sequentis exordium.

*Novam consitionem vineæ, nisi magna & assidua cultura adjuvetur, celeriter interire.*

III. In omni genere impensarum, sicut ait Græcinus, plerique nova opera fortius auspicantur, quam tuentur perfecta. Nam quidam, ut inquit, ab inchoato domos extruunt, nec perædificatis cultum adhibent. Nonnulli strenue fabricant navigia, nec consummata perinde instruunt<sup>a</sup> armamentis ministrisque. Quosdam emacitas in armentis, quosdam exercet in comparandis mancipiis: sed<sup>b</sup> iisdem tuendis, <sup>2</sup> nulla cura tangit. Multi etiam beneficia, quæ in amicos contulerunt, levitate destruunt. Ac ne ista, Silvius, miremur, liberos suos nonnulli nuptiis votisque quæsitos avare nutriant, nec disciplinis, aut cæteris corporis excolunt instrumentis. Quid iis colligitur? scilicet plerumque simili genere peccari etiam ab agricolis, qui pulcherrime positas vineas, <sup>2</sup> antequam pubescant, variis ex causis destituunt. <sup>3</sup> Alii sumtum annum refugientes, & hunc primum

a) instruuntur P. b) de tuendis I. B. R. *refert*.

reditum certissimum existimantes; impendere nihil, quasi plane fuerit necesse vineas facere, quas mox avaritia desererent. Nonnulli magna potius, quam culta vineta possidere pulchrum esse ducunt. Cognovi jam plurimos, qui persuasum haberent, agrum bonis ac malis rationibus<sup>a</sup> colendum<sup>b</sup>. At ego, cum 4 omne genus ruris, nisi diligenti cura, sciteque exerceatur, fructuosum esse non posse judicem, tum vel maxime vineas. Res enim est tenera, infirma, injuriæ maxime impatiens, quæ plerumque nimio labore<sup>c</sup> & ubertate consumitur, peritque, si modum non adhibeas, fecunditate sua. Cum tamen aliquatenus se confirmavit & veluti juvenile robur accepit, negligentiam sustinet. Novella vero, dum ado- 5 lescit, nisi omnia justa perceperit, ad ultimam redigitur maciem & sic intabescit, ut nullis deinceps impensis recreari possit. Igitur summa cura ponenda sunt quasi fundamenta, & ut membra infantium a primo statim die consitionis formanda: quod nisi fecerimus, omnis impensa in cassum recidat, nec prætermissa cujusque rei tempestivitas revocari queat. Experto mihi crede, Silvine, bene positam vineam bonique generis & bono cultore, nunquam non cum magno fœnore gratiam reddidisse. Idque non solum 6 ratione, sed etiam exemplo nobis idem Græcinus

a) rationibus Goes. b) esse *adjiciunt* I. B. R. c) nimia laboret ubertate; consumitur enim peritque Goes. *refle.*

declarat eo libro, quem de vineis scripsit, cum refert, ex patre suo sæpe se audire solitum, Paridium quendam Veterensem vicinum suum duas filias, & vineis consitum habuisse fundum; cujus partem tertiam nubenti majori filiæ dedisse in dotem, ac nihilo minus æque magnos fructus ex duabus partibus ejusdem fundi percipere solitum: minorem deinde filiam nuptui<sup>a</sup> collocasse in dimidia parte reliqui agri, nec sic ex pristino reditu detraxisse. Quo quid conjicit<sup>b</sup>? nisi melius scilicet postea cultam esse tertiam illam fundi partem, quam antea universam<sup>c</sup>.

*Prosterni vitem in scrobem & recurvatam usque  
ab imo solo rectam calamo applicari  
oportere.*

IV. Et nos igitur, Publi Silvine, magno animo vineas ponamus, ac majore studio colamus: quarum consitionis sola illa commodissima ratio est, quam priore tradidimus exordio, ut facta in pastinato scrobe, (tota) vitis a media fere parte sulci prosternatur, & ad frontem ejus ab imo usque recta materies erigatur<sup>d</sup>, calamoque applicetur: id enim præcipue observandum est, ne similis sit alveo scrobe, sed ut expressis angulis velut ad perpendiculum

a) nuptum collocasse Sanger. Drak. ad Liv. I, 49. b) Quod quid convincit? Goes. L. Sanger. c) universa sunt I. B. R. Sanger. d) exigatur P. Goes. Sanger.

frontes ejus dirigantur. Nam vitis supina & velut <sup>2</sup> recumbens <sup>a</sup> in alveo deposita, postea quum ablaqueatur, vulneribus obnoxia est. Nam dum exaltare fortius orbem ablaqueationis fossor studet, obliquam vitem plerumque sauciat, & non nunquam præcidit. Meminerimus ergo usque ab imo scrobis solo rectum adminiculo sarmentum applicare, & ita in summum perducere. Tum cætera, ut priore libro præcepimus. Ac deinde duabus gemmis super extantibus terram coæquare. Deinde malleolo inter ordines posito crebris fossionibus pastinatum resolvere, atque in pulverem redigere. Sic enim malleoli<sup>b</sup>, & <sup>3</sup> viviradices, & reliqua semina, quæ deposuerimus, convalescent, si mollis ac tenera humus nullis herbis irrepentibus humorem stirpibus præbuerit: nec duritia soli novellas adhuc plantas velut arcto vinculo compresserit.

*A consitione omnibus mensibus fodiendum, & curandum ne herbæ nascantur, & viviradices ad unam materiam redigendas.*

V. Numerus autem vertendi soli bidentibus (ut verum fatear) definiendus non est, cum quanto crebrior sit, plus prodesse fossionem conveniat. Sed quoniam impensarum ratio modum postulat, satis

a) recubans P. & velut recumbens *derunt* I. B. R. Sanger.

b) optime Goes. Sanger.

plerisque visum est, ex Calendis Martiis usque in Octobres trigesimo quoque die novella vineta confodere, omnesque herbas & præcipue gramina extirpare, quæ nisi manu eliguntur<sup>a</sup> & in summum<sup>b</sup> rejiciuntur, quantulacunque parte adobruta sunt, reviviscunt & vitium semina ita perurunt, ut scabra atque retorrída efficiant.

*Pampinationem maleolis adhibendam.*

VI. Ea porro sive malleolo, seu viviradice deposuimus, optimum est, ab initio sic formare, ut frequenti pampinatione supervacua detrahantur; nec patiamur plus quam in unam materiam vires & omne alimentum conferre: primo tamen bini pampini submituntur, ut sit alter subsidio, si alter forte  
2 deciderit. Cum deinde paullum induruere virgæ, tum deteriores singulæ detrahuntur. Ac ne, quæ relictæ sunt, procellis ventorum decutiantur, molli & laxo vinculo adsurgentes subsequi conveniet, dum claviculis suis quasi quibusdam manibus adminicula  
3 comprehendant. Hoc si operarum penuria facere prohibet in malleolo, quem & ipsum pampinare<sup>c</sup> censemus: at certe in ordinariis vitibus utique obtinendum est, ne pluribus flagellis emacientur; nisi si propaginibus futuris prospiciemus<sup>d</sup>: sed ut singulis  
ma-

a) leguntur conj. Urs. v. & Burm. ad Virg. Geor. I. 407.

b) fundum L. c) pampinari conj. Broukh. d) efficiemus P. Sang.

materiis serviant, quarum incrementa elicere<sup>a</sup> debemus, applicato longiore adminiculo, per quod prorepant in tantum, ut sequentis anni jugum exsuerent & in fructum curvari possint. Ad quam mensuram cum increverint, cacumina infringenda sunt, ut potius crassitudine convalescant, quam supervacua longitudine attenuentur. Idem tamen sarmentum, quod in materiam submittimus, ab imobusque in tres pedes & semissem pampinabimus, & omnes ejus intra id spatium nepotes enatos sæpius decerpemus. Quidquid deinde supra germinaverit, intantum relinqui oportebit. Magis enim convenit proximo autumnno falce deputari superiorem partem, quam æstivo tempore pampinari: quoniam ex eo loco, unde nepotem ademeris, confestim alterum fundit: quo enato, nullus relinquitur oculus in ipsa materia, qui sequenti anno cum fructu germinet.

*Tempestivam esse pampinationem, qua palmites digito dejiciuntur.*

VII. Omnis autem pampinationis ea est tempestivitas, dum adeo teneri palmites sunt, ut levi tactu digiti decutiantur. Nam si vehementius induruerint, aut majore nisu<sup>c</sup> convellendi sunt, aut falce deputandi; quod utrumque vitandum est: alterum,

a) eligere *omn.* b) uno I. B. R. c) nixu I. B. R.

quia lacerat matrem, (si revellere coneris) alterum, quia sauciat, quod in viridi & adhuc stirpe  
 2 immatura fieri noxium est. Neque enim eatenus plagam consistit<sup>a</sup>, qua vestigium fecit acies: sed æstivis  
 3 caloribus falce vulnus penitus impressum latius inarescit ita, ut non minimam partem de ipso matris corpore enecet. Atque ideo, si jam caulibus duris falcem adhibere<sup>b</sup> necesse est, ii paululum ab ipsa matre recidendi & velut reseces relinquendi sunt, qui caloris excipiant injuriam, eatenus, qua nascuntur a latere palmites: ultra enim non serpit vaporis violentia. In malleolo similis ratio est pampinandi, & in longitudinem eliciendi materiam, si eo velimus anniculo<sup>c</sup> uti, quod ego sæpe feci: sed si propositum est utique recidere, ut bimo potius utamur, cum ad unum pampinum jam redegeris, & ipse excesserit pedalem longitudinem, decacuminare conveniet, ut in<sup>d</sup> cervicem potius confirmetur, & sit robustior. Atque hæc positorum seminum prima cultura est.

*Non oportere per æstatem pampinos abnodare.*

VIII. Sequens deinde tempus (ut prodidit Celsus & Atticus, quos in<sup>e</sup> re rustica maxime nostra

a) consistit I. B. R. b) adhiberi I. B. R. c) adminiculo omn. præter L. P. Goes. d) inter vitem P. Goes. conveniet cervicem ut inter vitem Lips. e) jure maxime I. B. R. L. Goes. Sanger.



ætas probavit) ampliorem curam deposcit. Nam post Idūs Octobris, prius quam frigora invadant, vitis ablaqueanda est: quod opus adopertas<sup>a</sup> ostendit æstivas radículas, easque prudens<sup>b</sup> agricola ferro decedit. Nam si passus est convalescere, inferiores deficiunt, atque evenit, ut vinea summa parte terreni radices agat, quæ & frigore infestentur, & caloribus majorem in modum æstuent, ac vehementer sitire matrem in ortu caniculæ cogant. Quare<sup>2</sup> quicquid intra sesquipedem natum est, cum ablaqueaveris, recidendum est. Sed hujus non eadem ratio est<sup>c</sup> amputandi, quæ traditur in superiori parte vitis. Nam minime adlevanda<sup>d</sup> plaga est, minimeque applicandum ferramentum ipsi matri: quoniam si juxta truncum radicem præcideris, aut ex cicatrice plures enascentur, aut hiemalis, quæ<sup>e</sup> ex pluviis consistit, in lacusculis ablaqueationis, aqua, brumæ congelationibus nova vulnera peruret & ad medullam penetrabit, quod ne fiat, recedere<sup>f</sup> ab ipso codice instar<sup>g</sup> unius digiti spatio conveniet, atque ita radículas præcidere; quæ sic ademtæ non amplius pullulant, & a cætera noxa truncum defendunt. Hoc opere consummato, si est hiems in ea<sup>3</sup>

a) adapertas P. Goes. b) frondes L. Sanger. c) quæ *inser. edist* post I. B. R. om. etiam L. & Ursin. d) ablaqueanda Goes. I. B. R. Sanger. e) quæ ex pl. cons. in lacusc. omitt. Goes. I. B. R. Sanger. f) recidere *omnes*. g) codicem statuimus I. B. R.

regione placida, patens vitis relinquenda est : sin violentior id facere prohibet, ante Idus Decembris prædicti lacusculi æquandi<sup>a</sup> sunt. Si vero etiam prægelida frigora regionis ejus suspecta erunt, aliquid fimi, vel, si est commodius, columbini stercoreis, aut in hunc usum præparatæ veteris urinæ senos sestarios, antequam vitem adobruas<sup>b</sup>, radicibus su-  
4 perfundes. Sed ablaqueare omnibus autumnis oportebit, primo quinquennio, dum vitis convalescat : ubi vero truncus adoleverit, fere triennio intermit- tendus est ejus operis labor. Nam & minus ferro crura vitium læduntur, nec tam celeriter radiculae inveterato jam codice enascuntur.

*Per autumnum ablaqueandam esse vineam.*

IX. Ablaqueationem deinde sequitur talis putatio, ut ex præcepto veterum auctorum vitis ad unam virgulam revocetur, eaque recidatur<sup>c</sup> duabus gemmis juxta terram relictis. Quæ putatio non debet secundum articulum fieri, ne reformidet oculus, sed medio fere internodio ea plaga obliqua falce fit; ne si transversa fuerit cicatrix, cælestem superinciden-  
2 tem aquam contineat. Sed nec ad eam partem, qua est gemma, verum ad posteriorem declinatur, ut in terram potius devexa, quam in germen delacru-

a) coæquandi L. Goes. I. B. R. Sanger. b) obruas I. B. R.  
c) eaq. rec. omit. Goes. Sanger.

met. Namque defluens<sup>a</sup> humor cæcat oculum, non patitur frondescere<sup>b</sup>.

*Quemadmodum ablaqueata vinea putetur.*

X. Putandi autem duo sunt tempora: melius autem (ut ait Mago) vernal, antequam surculus progerminet<sup>c</sup>, quoniam humoris plenus facilem plagam, & levem & æqualem accipit, nec falci repugnat. Hunc autem secuti sunt Celsus & Atticus. Nobis neque angusta putatione coercenda semina videntur, nisi si admodum invalida sunt; neque utique verno recidenda. Sed primo quidem anno, quo sunt posita, frequentibus fassionibus, omnibus mensibus dum frondent, ac pampinationibus adjuvanda sunt, ut robur accipiant, nec plus quam uni materiæ serviant quam ut educaverint, autumnus, vel vere si magis competit, abradenda & nepotibus, quos pampinator<sup>d</sup> in superiore parte omiserat, liberanda censemur, atque ita in jugum imponenda. Ea enim levis & recta sine cicatrice vinea est, quæ se primi anni flagello supra jugum extulit, quod tamen apud paucos agricolas & raro contingit. Ideoque prædicti auctores primitias vitis resecare censuerunt. Sed nec utique verno<sup>e</sup> omnibus regionibus melior putatio est: nam ubi cælum frigidum est, ea sine dubio eligenda

a) depluens Goes. Sanger. b) crescere Goes. I. B. R. Sanger.

c) progemmet P. d) pampinatione. I. B. R. Sanger. e) verna Goes. Sanger.

est. Ubi vero aprica loca sunt, mollesque hiemes, optima & maxime naturalis est autumnalis: quo tempore, divina quadam lege & æterna, fructum cum fronde stirpes deponunt.

*Quod sit optimum tempus putandi.*

XI. Hoc facere, sive viviradicem, sive malleolum conserveris, censeo: nam illam veterem opinionem damnavit usus, non esse ferro tangendos <sup>a</sup> anniculos malleolos, quod aciem reformident: quod frustra Virgilius & Saserna, Stolonesque & Catones timuerunt: qui non solum in eo errabant, quod primi anni capillamenta seminum intacta patiebantur, sed & post biennium cum viviradix recidenda erat, omnem superficiem amputabant solo tenus juxta ipsum articulum, ut e duro pullularet. Nos autem magister artium docuit usus, primi anni malleolorum formare incrementa, nec pati vitem supervacuis frondibus luxuriantem silvescere; nec rursus in tantum coercere, quantum antiqui præcipiebant, ut totam superficiem amputemus: nam id quidem maxime <sup>b</sup> contrarium est. Primum quod cum ad terram decideris, semina (velut intolerabili affecta vulnere) pleraque intereunt, & nonnulla etiam, quæ pertinaciter vixerunt, minus fecundas materias afferunt: siquidem e duro, quæ pullulant, omnium

a) frangendos I. B. R. b) rationi *ins.* Goes.

confessione, pampinaria, sæpissime fructu carent. Media igitur ratio sequenda est, ut neque solo tenu malleolum recidamus, nec rursus in longiorem materiam provocemus: sed annotato superioris anni pollice, supra<sup>a</sup> ipsam commissuram veteris sarmenti unam, vel duas gemmas relinquemus, ex quibus germinet.

*Quomodo malleolus resecandus sit.*

XII. Putationem sequitur jam pedandæ vineæ cura: verum hic annus nondum vehementem palum, aut ridicam desiderat: notatum est enim a me plerumque teneram vineam melius adminiculo modico, quam vehementi palo adquiescere: itaque aut veteres (ne novæ radicem agant) arundines binas singulis vitibus applicabimus, aut si regionis conditio permittit, vetera deponemus hastilia, quibus adnectantur singulæ transversæ perticæ in imam partem ordinis: quod genus jugi canterium vocant rustici: plurimum id refert esse, quod paullum<sup>b</sup> infra curvationem vitis prorepens pampinus statim apprehendat & in transversa potius se fundat, quam in edita, ventosque facilius sustineat subnixus canterio. Idque jugum intra quartum pedem conveniet allevari, dum se vinea corroboret<sup>c</sup>.

a) juxta I. B. R. Sanger. b) palum Sanger. c) post corroboret adjiciunt omnes in putationem.

*Quemadmodum pedanda sit vinea, & de  
canterio.*

XIII. Impedationem deinde sequitur alligator  
cujus officium est, ut rectam vitem producat in ju-  
gum: quæ sive juxta palum est posita, ut quibus-  
dam placuit auctoribus, observare debet, (qui ad-  
nectit) ne in alliganda materia flexum pali (si for-  
te curvus est) sequendum putet; nam ea res uncam  
vitem facit: sive (ut Attico, & nonnullis aliis agri-  
colis visum est) inter vitem & palum spatium re-  
linquetur<sup>a</sup>, (quod nec mihi displicet) recta arundo  
adjungenda stirpi est, & ita per crebra retinacula  
in jugum perducenda. Vinculi genus quale sit, que  
<sup>a</sup> religantur semina, plurimum refert. Nam dum no-  
vella vinea est, quam mollissimo necienda est: quia  
si viminibus salicis aut ulmi ligaveris, increscens vi-  
tis seipsam præcidit. Optima est ergo genista, vel  
paludibus desectus juncus, aut ulva: non pessime  
tamen in umbra siccata faciunt in hunc usum arun-  
dinum quoque folia.

*Quomodo vitis alliganda sit.*

XIV. Sed & malleolorum similis cura agenda  
est, ut ad unam aut duas gemmas deputati<sup>b</sup> autum-

<sup>a</sup>) relinquendum est P. <sup>b</sup>) deputatis post L. B. R.

no, vel vere, prius quam germinent, jugentur<sup>a</sup>. Is, ut dixi, canterius propius a terra, quam viti-  
bus ordinariis submittendus est: neque enim editior  
esse debet pedali altitudine, ut sit quo teneri ad-  
huc pampini se capreolis<sup>b</sup> illigent suis, ne ventis  
explantentur. Insequitur deinde fossor, qui crebris  
bidentibus æqualiter & minutim soli terga conver-  
tat<sup>c</sup>. Hanc planam fossuram maxime nos probamus: 2  
nam illa, quam in Hispania hibernam appellant,  
cum terra nitibus detrahitur, & in media spacia in-  
terordiniorum<sup>d</sup> confertur, supervacua nobis videtur;  
quia jam præcessit autumnalis ablaqueatio, quæ &  
nudavit summas, & ad inferiores pervenit radicu-  
las, & hibernos transmisit imbres. Numerus autem  
fossionis, aut idem esse debet, qui primi anni, aut  
una minus: nam utique frequenter solum exercen-  
dum est, dum id incremento suo vites inumbrent,  
nec patiantur herbam subcrescere. Pampinationis 3  
eadem debet esse ratio hujus anni, atque prioris:  
adhuc enim compescenda quasi pueritia seminum est,  
nec plus quam in unum flagellum est submittenda:  
tanto quidem magis, quod tenera ejus ætas non  
sustinet & fœtu & materiis onerari.

a) jungentur *editi præter* I. I. A. b) capulis suis prolixius  
illigent, nec ventis &c. I. B. R. c) comminuat Goes.  
d) internodiorum I. B. R.

*Malleolis jugum imponendum, & quam alto  
canterius allevandus sit.*

XV. Sed cum annicula mensiumque sex ad vin-  
demiam perducta est, sublato fructu protinus fre-  
quentanda est, & præsidarii malleoli propagandi  
sunt, qui in hunc usum fuerant depositi; vel, si  
ne hi quidem sunt, ex ordinaria vite in alterum  
palum mergus est attrahendus: nam plurimum in-  
terest, adhuc nova consitione, pedamen omne ve-  
stiri; nec mox vineam tum subseri, cum fructus  
2 capiendus est. Mergi genus est, ubi supra terram  
juxta<sup>a</sup> adminiculum vitis curvatur, atque ex alto  
scrobe submersa perducitur ad vacantem palum;  
tum ex arcu vehementer citat materiam, quæ pro-  
tinus applicata suo pedamento ad jugum evocatur;  
3 Sequenti deinde anno insecatur superior pars cur-  
vaturæ, usque ad medullam, ne totas vires matris  
propagatum flagellum in se trahat, & ut paullatim  
condiscat suis radicibus ali. Bima deinde præciditur  
proxime palmam, quæ ex arcu submissa est: & id  
quod a matre abscissum retens erit<sup>b</sup>, confestim alte<sup>c</sup>  
circumsoditur, & scrobiculo facto ad imum solum  
præciditur, adobruiturque, ut & radices deorsum  
agat, nec ex propinquo negligenter in summa ter-

a) suum *ins.* Goes. L. a. V. b) recessit I. B. R. Sanger.  
c) a latere I. B. R.



ra resectum progerminet. Tempus autem non aliud <sup>a</sup> magis idoneum est hunc mergum amputandi, quam ab Idib. Octob. in Idus Novemb. ut hibernis mensibus suas <sup>a</sup>radices confirmet: nam si vere id fecerimus, quo gemmare palmites incipiunt, matris alimentis subito destitutus <sup>b</sup>languescit.

*Quemadmodum novella vinea frequentanda,  
& propagines faciendæ sint.*

XVI. Eadem ratio est in transferendo malleolo: nam in secundo autumno, si cæli & loci qualitas patitur, commodissime post Idus Octobris exemptus conseritur<sup>c</sup>: sin autem aliqua terræ vel aeris repugnat injuria, tempestivitas ejus in proximum ver differtur: neque diutius in vineis relinquendus est, ne soli vires absumat & ordinaria semina infestet: quæ quanto celerius liberata sunt consortio vivradicum, tanto facilius convalescunt; at in seminario licet trimam atque etiam quadrimam vitem resectam, vel angustè putatam custodire: quoniam non consulitur vindemiæ. Cum mensem trigesimum ex-<sup>2</sup>cesserit posita vinea, id est tertio autumno, vehementioribus statuminibus statim impedanda<sup>d</sup> est, idque non ut libet aut fortuito faciendum: nam sive prope truncum defigitur<sup>e</sup> palus, pedali tamen spatio

a) sibi *inr.* Goes. b) destituta I. B. R. Sanger. c) consequitur I. B. R. Sanger. d) impedienda I. B. R. e) depositur L. I. B. R.

- recedendum<sup>a</sup> est, ne aut premat, aut radicem vulneret, & ut fossor<sup>b</sup> ab omni parte semina circumfodiat; isque palus sic ponendus est, ut frigorū & Aquilonum excipiat violentiam, vitemque protegat: sive medio interordinio pangetur, vel defodiendus est<sup>c</sup>, vel prius paxillo<sup>d</sup> perforato solo, altius adigendus<sup>e</sup>, quo facilius & jugum & fructum sustineat. Nam quanto propius truncum ridica statuitur, etiam leviter defixa stabilior est: quoniam contingens<sup>f</sup> vitem mutua vice sustinetur, & sustinet.
- 4 Statuminibus deinde firmiora juga sunt alliganda<sup>g</sup>, eaque vel saligneis perticis, vel compluribus quasi fasciculis arundinum connectuntur, ut rigorem habeant, nec pandentur onere fructuum: nam binæ<sup>h</sup> jam materię singulis seminibus submittendę erunt: nisi si tamen gracilitas vitis alicujus angustio rem putationem desiderabit, cujus unus palmet, atque idem paucorum oculorum erit relinquendus.

*Quomodo ex arundinibus jugum faciendum.*

XVII. Perticę jugum firmius<sup>i</sup> faciunt, minusque operosum<sup>k</sup>. Arundines pluribus operis jugantur,

- a) recidendus I. B. R. b) tamen *inseritur* I. B. R. L. Sanger.  
 c) deponendus L. I. B. R. Sanger. d) baxillo P. taxillo Goes.  
 Sanger. e) adfigendus Sanger. f) constringens Goes. I.  
 B. R. Sanger. g) illiganda L. I. B. R. h) vineę jam  
 maturę L. I. B. R. i) fortius L. I. B. R. Sanger.  
 k) onerosum L. I. B. R. Sanger.

quoniam & pluribus locis neſtuntur; cæque inter ſe converſis cacuminibus vinciendæ ſunt, ut æqualis crasſitudo totius jugi ſit: nam ſi cacumina in unum competunt, imbecillitas ejus partis gravata pondere jam maturum fructum proſternit, & canibus ferisque reddit obnoxium. At cum jugum in ſcæcem pluribus arundinibus alterna cacuminum vice ordinatum eſt, fere quinquennii præbet uſum. Neque enim eſt alia ratio putationis, aut cæteræ culturæ, quam quæ primi biennii: nam & autumnalis ablaqueatio ſedulo faciendæ, nec minus vacantibus palis propagines applicandæ: hoc enim opus nunquam intermittendum eſt, quin omnibus inſtauratur annis. Neque enim ea, quæ ſeruntur a nobis, immortalia eſſe poſſunt: attamen æternitati eorum ſic conſulimus, ut demortuis ſeminibus alia ſubſtituamus: nec ad occidionem univerſum genus perducī patimur complurium annorum negligentia. Quin etiam crebræ foſſiones dandæ, quamvis poſſit una detrāhi culturæ prioris anni. Pampinationes quoque sæpe adhibendæ: neque enim ſatis eſt ſemel, aut iterum tota æſtate viti detrāhere frondem ſupervacuam. Præcipue autem decutienda ſunt omnia, quæ infra trunci caput egerminaverint: item ſi oculi ſinguli ſub jugo binos pampinos emiſerint, quamvis largos fructus oſtendant, detrāhendi ſunt eis ſinguli palmites, quo lætior, quæ ſuper eſt ma-

teria consurgat, & reliquum melius educet fructum. Post quadragesimum & alterum mensem perfecta<sup>a</sup> vindemia, sic instituenda est putatio, ut submissis  
 5 pluribus flagellis, vitis in stellam dividatur. Sed putatoris officium est pedali fere spatio circa<sup>b</sup> jugum vitem compescere, ut e capite, quicquid tenerum<sup>c</sup> est per brachia emissum, provocetur, & per jugum inflexum præcipitetur, ad eam mensuram, quæ terram non possit contingere. Sed modus pro viribus trunci servandus est, ne plures palmites submittantur, quam quibus vitis sufficere queat: fere autem prædicta ætas læto solo, truncoque tres materias, raro quatuor desiderat, quæ per totidem  
 6 partes ab alligatore dividi debent: nihil enim refert jugum in stellam decussari, atque diduci, nisi & palmites adjungentur: quam tamen formam non omnes agricolæ probaverunt: nam multi simplici ordine fuere contenti: verum stabilior est vinea, & oneri sarmentorum, & fructui ferendo, quæ ex utraque parte jugo devincta pari libramento, velut ancoris quibusdam, distinetur<sup>d</sup>: tum etiam per plura brachia materias diffundit, & facilius eas explicat undique subnixa, quam quæ in simplici canterio  
 7 frequentibus palmitibus stipatur: potest tamen, si vel parum late disposita vinea, vel parum fructuosa,

a) percepta Sanger. b) contra Sanger. c) teneri I. B. R. Sanger. d) distenditur L. I. B. R. Sanger.

cælumque non turbidum, nec procellosum habeat, uno jugo contenta esse: nam ubi magna vis & incursus est pluviarum, procellarumque, ubi frequentibus aquis vitis labefaciatur, ubi præcipitibus clivis velut pendens plurima præsidia desiderat; ibi quasi quadrato circumfirmanda est agmine: calidis vero & siccioribus locis in omnem partem jugum porrigendum est, ut prorepentes undique pampini jungantur, & condensati cameræ more, terram sitiientem obumbrent: contra<sup>a</sup>, frigidis & pruinosis regionibus simplices ordines instituendi: nam & sic facilius insolatur humus, & fructus percoquitur, perflatumque salubriorem habet: fossores quoque liberius & aptius jactant bidentes, meliusque perspicitur a custodibus fructus & commodius legitur a vindemiatore.

*Quomodo in hortulos vineæ dividendæ sint.*

XVIII. Sed quando vineta placuerit ordinare, centenæ stirpes per singulos hortos semitis distinguantur: vel (ut quibusdam<sup>b</sup> placet) in semijugera omnis modus dirimatur: quæ distinctio præter illud commodum, quod plus solis & venti vitibus præbet, tum etiam oculos & vestigia domini, res agro saluberrimas, facilius admittit, certamque æstimatio-

a) pluviis *inser.* Lips. Goes. Sanger. b) cuidam I. B. R.

nem in exigendis operibus præbet: neque enim falli possumus per paria intervalla jugeribus divisus.

- 2 Quinetiam ipsa hortulorum descriptio, quanto est minoribus modulis concisa, fatigationem velati minuit, &<sup>a</sup> simul eos, qui opera moliuntur, ad festinandum invitat: nam fere VASTITAS instantis laboris animos debilitat. Non nihil etiam prodest, vires & proventum cujusque partis vinearum nosse, ut æstimemus, quæ magis aut minus colenda sint. Vinemiatoribus quoque hæc semitæ, & jugum, pedamentaque sarcientibus<sup>b</sup> opportunam laxitatem præbent, per quam vel fructus, vel statumina portentur.

*De positione jugi & quatenus a terra levandum.*

- XIX. De positione jugi, quatenus a terra levandum sit, hoc dixisse abunde est: humillimam esse quatuor pedum, celsissimam septem: quæ tamen in novellis seminibus vitanda est. Neque enim hæc præna constitutio vinearum esse debet, sed per annorum longam seriem ad hanc altitudinem<sup>c</sup> vitis perducenda est. Cæterum quanto humidius est solum & cælum, placidioresque<sup>d</sup> venti, tanto est altius attollendum jugum. Nam lætitia vitium patitur se celsius evagari, fructusque submotus a terra minus putrescit: & hoc uno modo perflatur ventis, qui

nebu-

a) extimulantque P. I. I. L. b) sarcientibus *al.* c) latitud. L.  
d) humidioresque *omnes al.*

nebulam, & rorem pestiferum celeriter adsiccant, multumque ad deflorescendum, & ad bonitatem vini conferunt. Rursus exilis terra, & acclivis torrensque æstu, vel quæ vehementibus procellis obnoxia est, humilius jugum poscit. At si cuncta competunt voto, justa est altitudo vineæ pedum quinque: nec tamen dubium, quin vites tanto melioris saporis præbeant mustum, quanto in editiora juga consurgunt.

*Quomodo vites alligandæ.*

XX. Pedatam vineam, jugatamque sequitur alligatoris cura, cui antiquissimum esse debet, ut supra dixi, rectam conservare stirpem, nec flexum<sup>a</sup> ridicæ persequi, ne pravitas statuminum ad similitudinem sui vitem configuret. Id non solum ad speciem plurimum refert, sed ad ubertatem & firmitatem<sup>b</sup>, perpetuitatemque. Nam rectus truncus similem sui medullam gerit, per quam velut quodam itinere sine flexu atque impedimento facilius terræ matris alimenta meant<sup>c</sup>, & ad summum perveniunt. At quæ curvæ sunt & distortæ, non æqualiter alliduntur<sup>d</sup>, inhibentibus nodis, & ipso flexu incursum terreni humoris, veluti salebris, retardante. Quare cum ad summum palum recta vitis extenta est, ca-

a) plexum P. b) firmit. & libertatem, perp. P. Goes. Sanger.

c) manant L. I. B. R. Sanger. d) alligantur alii.

pistiro constringitur, ne fœtu gravata subsidat, curveturque: tum ex eo loco, quod proximum jugo ligatum est, brachia disponuntur in diversas partes, palmæque superpositæ deorsum versus<sup>a</sup> curvantur vinculo: itaque id, quod jugo dependet, fructu impletur: rursusque curvatura juxta vinculum materiam<sup>4</sup> exprimit. Quidam eam partem, quam nos præcipitamus, supra jugum porrigunt, & crebris viminibus innexis continent; quos ego minime probandos puto. Nam dependentibus palmitibus, neque pluviz, neque pruinz, grandinesve tantum nocent, quantum religatis & quasi tempestatibus oppositis: iidem tamen palmites prius, quam fructus mitescant, variantibus adhuc & acerbis uvis, religari debent, quo minus roribus queant putrescere, aut ventis ferisque<sup>5</sup> devastentur. Juxta decumanum atque semitas, palmites intrinsecus flectendi<sup>b</sup> sunt, ne prætereuntium incursu lædantur. Et hac quidem ratione tempesta vitis ad jugum perducitur. Nam quæ vel infirma, vel brevis est, ad duas gemmas recidenda est, quo vehementiorem fundat materiam, quæ protinus emicet<sup>c</sup> in jugum.

*Novella vinea quomodo putanda sit.*

XXI. Quinquennis vineæ non alia est putatio,

a) circulo *ins. Goer.* b) plectendi P. Sang. c) emittet I. B. R.



quam, ut figuretur, quemadmodum supra<sup>a</sup> institui-  
mus; neve supervagetur; sed ut caput trunci pe-  
dali fere, spatio sit inferius jugo, quaternisque bra-  
chiis, quæ duramenta quidam vocant, dividatur in  
totidem partes. Hæc brachia sat erit interim<sup>b</sup> sin-  
gulis palmitibus in fructum submitti, donec vineæ  
justi sint roboris: cum aliquot deinde annis, quasi  
juvenilem ætatem ceperint, quot palmites relinqui  
debeant, incertum est. Nam loci læticia plures,<sup>2</sup>  
exilitas pauciores desiderat: siquidem luxuriosa vi-  
tis, nisi fructu compescitur, male deflorescit, &  
in materiam frondemque effunditur: infirma rursus,  
cum onerata est, affligitur. Itaque pingui terra  
singulis brachiis licebit bina jungere<sup>c</sup> flagella, nec  
tamen numerosius onerare, quam ut una vitis octo  
serviat palmitibus; nisi si admodum nimia ubertas  
plureis postulabit: illa enim pergulæ magis, quam  
vineæ figuram obtinet, quæ supra hunc modum  
materiis distenditur. Nec debemus committere,<sup>3</sup>  
ut brachia pleniora trunco sint: verum assidue,  
cum e lateribus eorum flagella licuerit submittere,  
amputanda erunt superiora duramenta, ne jugum  
excedant; sed novellis palmis semper vitis renove-  
tur: quæ si satis excreverint, jugo superponantur:

a) institui dicere supra I. B. R. dicere *habent quoque* Lips.  
& Goes. b) interius P. L. Goes. c) injungere I. B. R.  
L. Goes. *recte*.

sin aliqua earum vel perfracta, vel parum procera fuerit, locumque idoneum obtinebit, unde vitis anno sequenti renovari debeat, in pollicem tondeatur, quem quidam custodem, alii resecem, nonnulli præsidarium appellant, id est, sarmentum gemmarum duarum, vel trium, ex quo cum processere fructiferæ<sup>a</sup> materiæ, quicquid est supra vetusti brachii amputatur, & ita ex novello palmite vitis pululascit. Atque hæc ratio bene institutarum vinearum in perpetuum custodienda erit.

*Quemadmodum veteranæ vineæ restituantur.*

XXII. Si vero aliter formatas acceperimus vineas, & multorum annorum negligentia supervenerint<sup>b</sup> jugum, considerandum erit, cujus longitudinis sint duramina, quæ excedunt prædictam mensuram. Nam si duorum pedum, aut paullo amplius fuerint, poterit adhuc universa vinea sub jugum<sup>2</sup> mitti, si tamen palus trunco est applicitus: is enim a vite submovetur, & in medio spatio duorum duraminum<sup>c</sup> ad lineam pangitur: transversa deinde vitis ad statumen perducitur, atque ita jugo subjicitur. At si duramenta ejus longius excesserint, aut in quartum, vel etiam in quintum statumen prorepserint, majore sumtu restituentur mergis: his

a) frugiferæ I. B. R. Sanger. b) supervenerit Goes, I. B. R. I. I. c) ordinum L. I. B. R.

namque , quod nobis maxime placet , propagata celerissime provenit . Hoc tamen , si vetus & exesa est superficies trunci , majorem : at si robusta & integra , minorem operam desiderat . Quippe hiberno tempore ablaqueata fimo satiatur , angustequē deputatur , & inter quartum ac tertium pedem a terra viridissima parte corticis acuto mucrone feramenti vulneratur . Frequentibus deinde fossuris terra permiscetur , ut incitari vitis possit , & ab ea maxime parte , quæ vulnerata est , pampinum fundere . Plerumque autem germen de cicatrice pro- cedit , quod sive longius prosiluerit , in flagellum submittitur : sive brevius , in pollicem : sive admodum exiguum , in furunculum : is ex quolibet vel minimo capillamento fieri potest . Nam ubi unius aut alterius folii pampinus prorepsit e duro , dummodo ad maturitatem perveniat , sequente vere , si non abnodatus neque abrasus est , vehementem fundit materiam : quæ cum convaluït , & quasi brachium fecit , licet tunc supervagatam partem duramenti recidere , & ita reliquam jugo subjicere . Multi sequentes compendium temporis , tales vineas supra quartum pedem detruncant , nihil reformidantes ejusmodi resectionem : quoniam fere plurimarum stirpium natura sic se commodat , ut juxta cicatricem novellis frondibus repullescant . Sed hæc quidem ratio minime nobis placet : siquidem vastiot

plaga, nisi habeat superpositam valentem materiam, qua possit inolescere, solis halitu torretur: mox  
 6 deinde roribus putrescit & imbris. Attamen cum est utique vinea recidenda, prius ablaqueare, deinde paulum infra terram convenit amputare, ut superjecta humus vim solis arceat, & e radicibus novellos prorumpentes caules transmittat, qui possint vel sua maritare statumina, vel siqua sunt vi-  
 7 dua in propinquo, propaginibus vestire. Hæc autem ita fieri debebunt, si vineæ altius positæ, nec in summo labantes radices habebunt, & si boni generis erunt: namque aliter incassum dependitur opera, quoniam degeneres etiam renovatæ pristinum servabunt ingenium; at quæ summa parte terræ vix adhærebunt, (eæ) deficient ante quam conva-  
 8 lescant. Altera ergo vinea fructuosis potius surculis inserenda erit, altera funditus extirpanda & reserenda, si modo soli bonitas suadebit. At <sup>a</sup> si (cum) ejus vitio consenuit, nullo modo restituendam censemus. Loci porro vitia sunt, quæ fere ad intericionem vineta perducunt, macies & sterilitas, terra salsa vel amara, uligo, præceps & prærupta positio<sup>b</sup>, nimium opaca & soli aversa, valles arenosæ, arenosus etiam tofus, & plus justo jejunos sabulo, nec minus terreno carens ac nuda glareæ, &

a) Cujus cum vitio I. B. R. I. I. Goes. L. Sanger. b) positio *inseri conficit* Broukh.

siqua est proprietas similis, quæ vitem non alit. Cæterum si vacat iis, & horum similibus incommo-  
dis, potest ea ratione fieri restibilis vinea, quam  
priori libro præcepimus. Illa rursus mali generis  
vineta, quæ quamvis robusta sint, propter sterili-  
tatem fructu carent, ut diximus, emendantur insi-  
tione facta, de qua suo loco disseremus, cum ad  
eam disputationem pervenerimus.

*Quemadmodum eadem putentur.*

XXIII. Nunc quoniam parum videmur de puta-  
tione vinearum locuti, maxime necessariam partem  
propositi operis diligentius persequemur. Placet er-  
go, si mitis ac temperata permittit in ea regione,  
quam colimus, cæli clementia, facta vindemia, se-  
cundum Idus Octob. auspicari putationem: cum ta-  
men æquinoctiales pluvie præcesserint, & sarmen-  
ta justam maturitatem ceperint: nam siccitas serio-  
rem putationem facit. Sin autem cæli status frigi-  
dus & pruinosus hiemis violentiam denuntiat, in  
Id. Febr. hanc curam differemus. Atque id lice-  
bit facere, si erit exiguus possessionis modus: nam  
ubi ruris vastitas electionem nobis temporis negat,  
valentissimam quamque partem vineti frigoribus;  
macerrimam vere, vel autumnino: quin etiam per  
brumam<sup>a</sup> meridiano axi oppositas vites; aquiloni per  
a) primam P.

3 ver & autumnum deputari conveniet. Nec dubium, quin sit horum virgultorum natura talis, ut quanto maturius detonsa sint, plus materiæ; quanto serius, plus fructus afferant.

*Quæ bonus vinitor in constituta jam vinea vitare, aut sequi debeat.*

XXIV. Quandocumque<sup>a</sup> igitur vinitor hoc opus obibit, tria præcipue custodiat. Primum, ut quam maxime fructui consulat: deinde, ut in annum sequentem quam lætissimas jam hinc eligat materias; tum etiam, ut quam longissimam perennitatem stirpi acquirat. Nam quicquid ex his omittitur, magnum affert domino dispendium. Vitis autem cum sit per quatuor divisa parteis, totidem cæli regiones aspicit. Quæ declinationes cum contrarias inter se qualitates habeant, variam quoque postulant ordinationem pro conditione suæ constitutionis<sup>b</sup> a parte vitium. Igitur ea<sup>c</sup> brachia, quæ septentrionibus objecta sunt, paucissimas plagas accipere debent, & magis si putabuntur ingruentibus<sup>d</sup> jam frigoribus, quibus cicatrices inuruntur. Itaque una tantummodo materia jugo proxima, & unus infra eam custos erit submittendus, qui vitem mox in annum renovet.

a) quando I. B. R. b) compositionis in partibus Goes. I. B. R. Sanger. c) in I. B. R. Sanger. d) ingredicibus I. B. R. Sanger.

At e contrario per meridiem plures palmites submittantur, qui laborantem matrem fervoribus æstivis opacent, nec patiantur ante maturitatem fructum inarescere. Orientis atque Occidentis haud sane magna est in putatione differentia, quoniam solem pari horarum numero sub utroque axe vitis accipit. Modus itaque materiarum is erit, quem distabit humi atque ipsius stirpis lætitia. Hæc in univ-  
ersum; illa per parteis custodienda sunt. Nam, ut ab ima vite quasi a quibusdam fundamentis incipiam, semper circa crus dolabella dimovenda terra est: & si soboles, quam rustici suffraginem vocant, radicibus adhæret, diligenter explantanda ferroque allevanda est, ut hibernas aquas respuat. Nam præstat ex vulnere sobolem repullescentem vellere, quam nodosam & scabram plagam relinquere. Hoc enim modo celeriter cicatricem ducit, illo cavatur atque putrescit. Percuratis deinde quasi pedibus crura ipsa, truncique circumspiciendi sunt, ne aut pampinarius palmes internatus, aut verucæ similis furunculus relinquantur: nisi si jugo<sup>a</sup> superjecta vitis desiderabit ab inferiore parte revocari. Si vero trunci pars secta<sup>b</sup> solis afflatu peraruit, aut aquis noxiisve animalibus, quæ per medullas irrepunt, cavata vitis est, dolabella conveniet expurgare, quicquid emor-

a) jugum supersecta I. B. R. Sanger. b) senecta P. evecta L. forte pars enecta.

tuum est: deinde falce eradi vivo tenus, ut a viridi codice<sup>a</sup> ducat cicatricem. Neque est difficile, mox allevatas plagas terra, quam prius amurea madefeceris, linire: nam & teredinem formicamque prohibet, solem etiam & pluvias arcet ejusmodi litura, propter quæ celerius coalescit, & fructum viridem conservat. Cortex quoque aridus, fissusque, per summa trunci dependens, corpore tenus delibrandus est: quod & melius vitis quasi sordibus liberata convalescit, & minus vino sæcis affert. Jam vero muscus, qui more compedis crura vitium devincta comprimit, situque & veterno macerat, ferro distringendus & eradendus est. Atque hæc in ima parte  
 7 vitis. Nec minus ea, quæ in capite servanda sint, deinceps præcipiantur. Plagæ, quas in duro vitis accipit, obliquæ rotundæque fieri debent. Nam citius convalescunt<sup>b</sup>, & quamdiu cicatricem non obduxerint, commodius aquam fundunt: transversæ plus humoris & excipiunt<sup>c</sup> & continent: eam culpam maxime vintor fugito. Sarmenta lata, vetera, male nata, contorta, deorsum spectantia, recidito<sup>d</sup>; novella & fructuaria recta submittit. Brachia tenera & viridula servato; arida & vetera falce amputato.  
 8 Ungues custodum annotinos resecato. In quatuor fer-

a) cortice I. B. R. b) coalescunt Goes. I. B. R. Sanger.

c) percipiunt I. B. R. recipiunt Goes. d) decidito Goes. I. B. R. Sanger.



me pedes supra terram vitem elatam totidem brachii componito, quorum singula spectent decussati jugi partes: tum vel<sup>a</sup> unum flagellum, si macrior vitis erit; vel duo, si plenior, brachio cuique submittito, eaque jugo superposita præcipitato. Sed <sup>9</sup> meminisse oportebit, ne in eadem linea, unoque latere brachii esse duas materias, pluresve patiamur: namque id maxime vitem infestat, ubi non omnis pars brachii pari vice laborat, atque æqua portione succum proli suæ dispensat: sed ab uno latere exsugitur: quo fit, ut ea vena, cujus omnis humor assumitur, velut ista fulgure arescat. Vocatur etiam <sup>10</sup> focaneus palmes, qui solet in bifurco medius prorepere, & idcirco eum prædicto vocabulo rustici appellant, quod inter duo brachia, qua se dividit vitis, enatus velut fauces obsidet, atque utriusque dumentib<sup>b</sup> alimenta præripit. Hunc ergo tanquam æmulum diligenter iidem amputant & abnodant, priusquam corroboretur. Si tamen ita prævaluit, ut alterutrum brachium affixerit<sup>c</sup>, id, quod imbecillius est, tollitur, & ipse focaneus submittitur. Reciso <sup>11</sup> enim brachio, æqualiter utrique parti vires mater subministrat. Igitur caput vitis pede<sup>d</sup> infra jugum constituito, unde se pandant quatuor (ut dixi) brachia, in quibus quotannis vitis renovetur, amputa-

a) singulas *add.* Goes. b) trahens *ins.* L. I. B. R. Sanger.

c) affixerit I. B. R. Sanger. d) pede I. B. R. P. pendens *alii*

tis veteribus & submissis novis palmitibus<sup>a</sup>, quorum  
 delectus scite faciendus est. Nam ubi magna mate-  
 riarum facultas est, putator custodire debet, ne aut  
 proximas duro, id est, a trunco & capite vitis re-  
 linquat, aut rursus extremas: nam illæ minimum  
 vindemiæ conferunt, cum exiguum fructum præbent,  
 similes scilicet pampinariis: hæ vitem exhauriunt,  
 quia nimio fœtu onerant, & usque in alterum ac  
 tertium palum, quod vitiosum esse diximus, se ex-  
 12 tendunt. Quare medio in brachio commodissime pal-  
 mæ submittentur, quæ nec spem vindemiæ desti-  
 11 tuant, nec emacient stirpem suam. Non nulli fru-  
 ctus avidius eliciunt, extrema & media flagella  
 submittendo, nec minus proximum duro sarmentum  
 in custodem resecando: quod faciendum, nisi per-  
 mittentibus soli & trunci viribus, minime censeo.  
 Nam ita se induunt uvis, ut nequeant maturitatem  
 capere<sup>b</sup>, si benignitas terræ, atque ipsius trunci læ-  
 13 titia non adsit. Subsidiarius idemque custos in pol-  
 licem resecari non debet, cum palmæ, ex quibus  
 7 proximi fructus sperantur, idoneo loco sitæ sunt:  
 nam ubi ligaveris eas, & in terram spectantes de-  
 14 flexeris<sup>c</sup>, infra vinculum materias exprimes. At si  
 longius, quam ritus agricolarum permittit, & a ca-  
 pite vitis emicuerit, & brachiis in aliena jugorum

a) palmis I. B. R. Sanger. b) facere I. B. R. Sanger.

c) depresseris L.

compluvia perrepserit; custodem validum, & quam maximum juxta truncum duorum articulorum, vel trium relinquemus, ex quo quasi pollice, proximo anno citata materia formetur in brachium: ut sic recisa vitis ac renovata<sup>a</sup> intra jugum contineatur. 11  
Sed ipse submittendo custode hæc maxime sunt obser- 12  
vanda. Primum ne resupina cælum, sed prona potius plaga terram spectet: sic enim & gelicidiis ipsa se protegit, & ab sole obumbratur: deinde ne sagittæ, sed ungulis quidem similis fiat resectio: nam illa celerius & latius emoritur, hæc tardius & angustius reformidat. Quodque etiam usurpari vitiosissime animadverto, maxime vitandum est: nam dum serviunt decori, quo sit brevior custos, & similis pollicis, juxta articulum sarmentum recidunt. Id au- 16  
tem plurimum officit, quoniam secundum plagam posita gemma pruinis & frigore, tum deinde æstu laborat. Optimum est igitur medio fere internodio 17  
subsidiarium tondere palmitem, devexamque resectionem facere post gemmam, ne (ut jam antea diximus) superlacrymet, & gemmantem cæcet oculum. Sed si resecis facultas non erit, circumspi- 17  
ciendus est furunculus, qui, quamvis angustissime præcisus in modum verrucæ, proximo vere materiam exigar, quam vel in brachium, vel in fructua-

a) revocata I. B. R. Sanger. b) sed nec ungulæ similis I. B. R.

rium remittamus. Si neque<sup>a</sup> is reperiatur, saucianda ferro est atque exulceranda vitis in ea parte, qua pampinum studemus elicere. Jam vero ipsos palmites, quos vindemiæ præparamus, claviculis ac ne-  
 18 potibus liberandos magnopere censeo. Sed in iis re-  
 cidendis alia conditio est, atque alia in iis, quæ procedunt e trunco: nam quicquid est, quod e duro prominet, vehementius applicata<sup>a</sup> falce abnodatur atque eraditur, quo celerius obducatur cicatricem. Rursus quicquid e tenero processit, sicut nepos, parcius detondetur: quoniam fere conjunctam gerit ab latere gemmam, cui consulendum est, ne falce destringatur. Pressius enim si abnodes applicato<sup>b</sup> ferro, aut tota tollitur, aut convulneratur; propter quod  
 20 palmis, quem mox in germinatione citaverit, imbecillis ac minus fructuosus erit; tum etiam magis obnoxius ventis; scilicet quia infirmus de cicatrice  
 19 prorepserit. Ipsius autem materiæ, quam submittemus, longitudini modum difficile est imponere. Plerique tamen in tantum provocant, ut curvata & præcipitata per jugum nequeat terram contingere.  
 21 Nos subtilius dispicienda illa censemus: primum vitis habitum; nam si robusta est, ampliores materias sustinet: deinde soli quoque pinguitudinem; quæ nisi adest, quamvis validissimam vitem celeri-

a) applicita Goes. b) applicito I. B. R. Sanger.

ter necabimus procerioribus emaciatam flagellis. Sed 20  
longi palmites non mensura, verum gemmarum  
numero æstimantur: nam ubi majora sunt spatia  
inter articulos, licet eo usque materiam producere,  
dum pene terram contingat: nihilominus enim pau-  
cis frondescet pampinis: at ubi spissa internodia,  
frequentisque oculi sunt, quamvis breve sarmentum  
multis palmitibus virescit, & numero foetu exu-  
berat: quare modus talis generis necessario maxi-  
me est adhibendus, ne procerioribus fructuariis one-  
retur. Et ut consideret vinitor, proximi anni ma-  
gna, necne, fuerit vindemia? Nam post largos 21  
fructus parcendum est vitibus, & ideo anguste pu-  
tandum: post exiguos, imperandum. Super cæte-  
ra illud etiam censemus, ut duris tenuissimisque &  
acutissimis ferramentis totum istud opus exequamur:  
obtusa enim & hebes & mollis falx putatorem mo-  
ratur, eoque minus operis efficit, & plus laboris  
affert vinitori. Nam sive curvatur acies, quod ac-  
cidit molli; sive tardius penetrat, quod evenit in  
retuso & crasso ferramento; majore nisu<sup>a</sup> est opus:  
tum etiam plagæ asperæ atque inæquales vites la-  
cerant. Neque enim uno, sed sapius repetito idu  
res transigitur; quo plerumque fit, ut quod præ- 22  
cidi debeat, perfringatur, & sic vitis laniata, sca-

a) vi I. B. R.

brataque putrescat humoribus, nec plagæ consanentur. Quare magnopere monendus putator est, ut prolixet aciem ferramenti, & quantum possit, novaculae similem reddat. Nec ignoret in quaque re, qua parte falcis utendum sit: nam plurimos per hanc inscitiam vastare vineta comperi.

*Figura falcis.*

XXV. Est autem sic disposita vinitoriæ falcis figura, ut capulo pars proxima, quæ rectam gerit aciem, culter ob similitudinem nominetur; quæ flectitur, sinus; quæ a flexu procurrit, scalprum; quæ deinde adunca est, rostrum appellatur; cui superposita semiformis Lunæ species, securis dicitur; ejusque velut apex pronus imminens, mucro vocatur. Harum partium quæque suis muneribus fungitur, si modo vinitor gnarus est<sup>a</sup>. Nam cum in adversum pressa manu desecare quid debet, cultro utitur; cum autem retrahere, sinu; cum allevare, scalpro; cum incavare, rostro; cum idu cadere, securi; cum in angusto aliquid expurgare, mucrone. Major autem pars operis in vineam ductim potius, quam cæsim facienda est: nam ea plaga, quæ sic efficitur, uno vestigio allevatur: prius enim putator applicat ferrum, atque ita, quæ desti-

a) iis utendis *ins.* Goes. Sanger.

stinavit, præcidit: qui cæsim vitem petit, si frustatus est (quod sæpe evenit) pluribus ictibus stirpem vulnerat. Tutior igitur, & utilior putatio est, quæ (ut retuli) ductu falcis, non ictu, conficitur.

*De cura adminiculandæ jugandæque vineæ.*

XXVI. His peractis, sequitur (ut ante jam diximus) adminiculandæ jugandæque vineæ cura, cui stabiliendæ melior est ridica palo, neque ea quælibet: nam est præcipua cuneis fissa olea, quercus; & suber, ac si qua sunt similia robora: tertium obtinet locum pedamen teres, idque maxime probatur ex junipero & lauru & cupressu: recte etiam faciunt ad eam rem silvestres pinus, atque etiam sambuci probabilis<sup>b</sup> usus. Tamen<sup>c</sup> in his hæc, eorumque similia pedamenta post putationem retractanda sunt, partesque eorum putres dedolandæ<sup>d</sup>: atque alia<sup>e</sup> convertenda, quæ sinceritatem<sup>e</sup> habent: alia submovenda, quæ vel cariosa, vel justo breviora sunt, eorumque in vicem<sup>f</sup> idonea reponenda, jacentia statuenda, declinata corrigenda. Jugo, si non erit opus nova sartura<sup>g</sup>, recentia vincula inserantur: si restituendum videbitur, antequam vitis palo applicetur, perticis vel arundinibus connectatur, ac tum

a) tum ex P. Goes. Sang. b) probabilis usu statuminis Goes.

c) Tantum I. B. R. d) accidendæque ins. Goes. acuendæ

Sanger. e) proceritatem I. B. R. f) invicem junct. R.

g) novo sartore I. B. R. novo b. e. secundo conj. etiam Broukh.

- demum (sicut in novella præcipimus) vitem juxta caput, infraque brachia colligemus cum ridica: idque facere non oportebit omnibus annis eodem loco, ne vinculum incidat, & truncum strangulet.
- 3 Brachia deinde sub stella quadripartito locabimus, tenerosque palmites super jugum ligabimus nihil repugnantes naturæ, sed ut quisquis obsequetur, leviter curvabitur, ne deflexu<sup>a</sup> frangatur, neve jam tumentes gemmæ detergeantur: atque ubi duæ materiæ per unam partem jugi mittentur, media<sup>b</sup> pertica interveniat, diremptæque<sup>c</sup> palmæ per jugorum compluvia decurrant, & velut mersæ cacuminibus
- 4 in terram despiciant. Id ut scite fiat, meminerit alligator, ne retorqueat sarmentum, sed tantum inflexum devinciat, & ut omnis materia, quæ modo potest præcipitari, jugo superponatur, ut potius innixa<sup>d</sup> perticæ, quam e vinculo pendeat<sup>e</sup>. Sæpe enim notavi, per imprudentiam rusticos subjicere jugo palmam, & ita colligare, ut solo vimine suspendeat<sup>f</sup>; quæ vinea cum accipit pampini & uvarum pondus, infringitur.

a) deflexus I. B. R. b) in ea pertica media I. B. R. in ea pertica int. Goes. P. Sanger. c) diremptæque I. B. R. d) innexa I. B. R. e) dependeat P. Goes. f) suspendeat ... Goes. I. B. R. Sanger.



*Quæ bonus vinitor in constituta jam vinea  
vitare aut sequi debeat.*

XXVII. Sic deinde ordinata vineta festinabimus emundare, sarmentisque & calametis liberare. Quæ sicco tamen solo legenda sunt, ne lutosæ humus inculcata majorem fossori laborem præbeat, qui protinus adhuc silentibus vineis inducendus est. Nam si palmis incipientibus progemmantibusque fossorem immiseris, magnam partem vindemiæ decusseris<sup>a</sup>. Igitur ante quam gemment<sup>b</sup>, per divortium veris atque hiemis quam altissime fodiendæ vineæ sunt, quo lætius atque hilarius pullulent, cæque, ubi se frondibus & uvis vestierint, teneris caulibus nec dum adultis modus adhibendus<sup>c</sup> est. Idemque<sup>2</sup> vinitor, qui ante ferro, nunc manu decutiet, umbrasque compescet, ac supervacuos pampinos deturbabit<sup>d</sup>: nam id plurimum refert, non inseite facere, siquidem vel magis pampinatio<sup>e</sup>, quam putatio vitibus consulit: nam illa quamvis multum juvat, sauciat tamen & resecat: hæc clementius sine vulnere medetur, & anni sequentis expeditiorem putationem facit: tum etiam vitem minus cicatri<sup>3</sup> cosam reddit: quoniam id, ex quo viride & tene-

a) decusserit L. I. B. R. Sanger. *recte*. b) germinent L. I. B. R. Sanger. c) habendus Goes. I. B. R. d) decurrabit *con-  
gicet* Broukh. e) pampinationi quam putationi consulit I.  
B. R. Sanger.

rum decerptum est, celeriter consanescit<sup>a</sup>. Super hæc materiæ, quæ fructum habent, melius convalescunt, & uvæ commodius<sup>b</sup> insolatæ percoquantur.

- 4 Quare prudentis est, ac maxime callentis viniferis æstimare, ac dispicere, quibus locis in annum debeant materias submittere; nec orbos tantum detrahære palmites, verum etiam frugiferos, si supra modum se numerus eorum profuderit: siquidem evenit, ut quidam oculi trigeminis palmis egerminent, quibus binos detrahære oportet, quo commodius singulos alumnos educent. Est enim sapientis rustici reputare, num majore fructu vitis se induerit, quam ut perferre eum possit. Itaque non solum frondem supervacuam debet decerpere, quod semper faciendum est, verum interdum partem aliquam fœtus decutere, ut ubere suo gravatam vitem levet. Id quæ faciet variis de causis pampinator industrius, etiam si non erit major fructus, quam ut mature-
- 6 scere queat. Si autem continuis superioribus annis dapsili proventu fatigata vitis fuerit, requiescere ac refici par erit, & sic futuræ materiæ consulendum. Nam cacumina flagellorum confringere, luxuriæ comprimendæ causa, vel e dura parte, aut a truncò surgentes pampinos submovere (oportebit), nisi ad renovandam vitem unus atque alter servan-

a) consanescit L. I. B. R. b) melius in sole percoq. L.

duſ eſt, tum e capite quicquid inter brachia viret explantare, atque eos, qui per ipſa duramenta ſteriles, nequicquam matrem occupant<sup>a</sup>, palmites de-tergere<sup>b</sup>, cujuſlibet vel pueri eſt officium.

*Quomodo pampinari, & quot foſſuris excoli vinea debeat.*

XXVIII. Tempus autem pampinationis ante, quam florem vitis oſtendat, maxime eſt eligendum: ſed & poſtea licet eandem repetere. Medium igitur eorum dierum ſpatium, quo acini formantur, vinearum nobis aditum negat: quippe florentem fructum movere non expedit: pubeſcentem vero, & quaſi adoleſcentem convenit religare, foliisque omnibus nudare, tum & crebris foſſionibus implere: nam ſit uberior pulverationibus. Nec inſitior<sup>c</sup>, ple-rosque ante me ruſticarum rerum magiſtros tribus foſſuris contentos fuiſſe; ex quibus Græcinus, qui ſic refert: poteſt videri ſatis eſſe conſtitutam vineam ter<sup>d</sup> fodere. Celsus quoque & Atticus conſentiunt, tres eſſe motus in vite, ſeu potius in omni ſurculo, naturales: unum, quo germinet; alterum, quo floreat<sup>e</sup>; tertium, quo matureſcat. Hoſ ergo motus cenſent foſſionibus concitari. Non enim

a) opacant P. Goes. L. Sanger. b) deetere I. B. R. c) inſi-  
cior ante Commel. omnes. d) perfodere P. Sanger. e) con-  
floreat I. B. R.

natura, quod vult, satis efficit, nisi eam labore cum studio juveris. Atque hæc colendarum vinearum cura est, quæ finitur<sup>a</sup> vindemia.

*De inserendis vitibus, & insitione tuenda.*

XXIX. Redeo nunc ad eam partem disputationis, qua sum professus vitium inserendarum tuendarumque insitionum præcepta. Tempus inserendi<sup>b</sup> Julius Atticus tradidit ex Calend. Novemb. in Calendas Junias, quoad posse custodiri surculum sine<sup>c</sup> germine affirmat. Eoque debemus intelligere nullam partem anni excipi, si sit sarmentid<sup>d</sup> silentis facultas. Id porro in aliis stirpium generibus, quæ firmioris & succosioris libri sunt, posse fieri sane concesserim. In vitibus nimis temere tot mensium rusticis insitionem permissam dissimulare, non est fidei meæ: non quod ignorem, brumæ temporibus aliquando insitam vitem comprehendere: sed non quid in uno vel altero experimento casu fiat; verum quid certa ratione plerumque proveniat, discantibus præcipere debemus. Etenim si exiguo numero periclitandum sit, in quo major cura temeritatī medetur, possum aliquatenus convenire<sup>e</sup>: cum vero vastitas operis etiam diligentissimi agricolæ curam distendit<sup>f</sup>,

a) fruitur L. b) insertionis L. c) sive gemmam *omnes præter* P. L. & I. I. d) *nobiscum* I. I. sarmentis alendis *rel.* e) me contueri I. B. R. connivete I. I. H. A. Gr. G. St. L. *reliis.* f) distendit atque impedit L.

omnem scrupulum submovere debemus. Est enim contrarium, quod Atticus præcipit: nam idem per brumam negat recte putari vineam: quæ res, quamvis minus lædat vitem, merito tamen fieri prohibetur, quod frigoribus omnis surculus rigore torpet: nec propter gelicidia corticem movet, ut cicatricem consanet. Atque<sup>a</sup> idem Atticus non prohibet eodem ipso tempore inserere, quod tum & totius obtruncatione vitis, & cum ejusdem resectionis fissura, præcipit fieri. Verior itaque ratio est inserendi tepentibus jam diebus post hiemem, cum & gemmas<sup>b</sup> & corticem naturaliter movent, nec frigus ingruit, quod possit aut surculum insitum, aut fissuræ plagam inurere. Permiserim tamen festinantibus<sup>5</sup> autumnno vitem inserere: quia non dissimilis est ejus aeris qualitas vernæ. Sed quocunque quis tempore destinaverit inserere, non aliam sciat esse curam surculis explorandis, quam quæ tradita est priore libro, cum de malleolis eligendis præcepimus: quos ubi generosos & fecundos & quam maturissimos vitis detraxerit, diem quoque tepidum, silentemque a ventis eligat. Tum consideret surculum teretem solidique corporis, nec fungosæ<sup>c</sup> medullæ, crebris etiam gemmis & brevibus internodiis: nam plurimum interest non esse longum sarmentum, quod inseratur;

a) Atqui *conjectis* Broukh. b) gemma se & cortex nat. movet Goss. Sanger. cortex... movet L. B. R. c) rugosæ I. B. R.

& rursus plures oculos, quibus egerminet, inesse.  
 Itaque si sunt longa internodia, necesse est ad unam,  
 vel summum duas gemmas recidere surculum, ne  
 proceriorem faciamus, quam ut tempestates, & ven-  
 7 tos, & imbres immobilis pati possit. Inseritur au-  
 tem vitis vel rescissa<sup>a</sup>, vel integra perforata terebra:  
 sed illa frequentior, & pene omnibus agricolis co-  
 gnita insitio; hæc rarior & paucis usurpata: de ea  
 igitur prius disseram, quæ magis in consuetudine  
 8 est. Reciditur vitis plerumque supra<sup>b</sup> terram, non-  
 nunquam tamen & infra, quo loco magis<sup>c</sup> solida est,  
 atque enodis. Cum juxta<sup>d</sup> terram insita est, surcu-  
 lus adobruitur<sup>e</sup> cacumine tenuis: at cum editior est  
 a terra, fissura<sup>f</sup> diligentèr subactò luto linitur<sup>g</sup>, at-  
 que superposito<sup>h</sup> musco ligatur<sup>i</sup>, quod & calores &  
 pluvias arceat. Temperatur ita surculus, ut cala-  
 mo non absimilis, coagmentet<sup>k</sup> fissuram, sub qua no-  
 dus in vite desideratur, qui quasi alliget eam fissu-  
 9 ram, nec rimam patiatur ultra procedere. Is nodus  
 etiam, si quatuor digitis a resectione<sup>l</sup> abfuerit, illi-  
 gari tamen eum prius, quam vitis findatur, conve-  
 10 niens, ne, cum scalpro factum fuerit iter surculo,  
 plus<sup>m</sup> justo plaga hiet. Calamus autem<sup>m</sup> non amplius

a) recisa Goes. I. B. R. b) juxta P. c) maxime I. B. R.  
 d) supra I. B. R. e) obruitur I. B. R. f) ipsum I. B. R.  
 Sanger. g) linito I. B. R. h) subposito Sanger. i) liga-  
 to I. B. R. k) est purgamentum habens ad Sanger.  
 l) resectionibus fuerit I. B. R. m) ut rarior P. Sanger.

tribus digitis debet allevari, æqualiter<sup>a</sup> ex ea parte, qua raditur, ut sit levis; eaque rasura ita deducitur, ut medullam contingat uno latere; atque altero paullo ultra corticem destringatur, figreturque in speciem cunei, sic ut ab ima parte acutus<sup>b</sup> surculus, latere altero sit tenuior, atque altero plenior: perque tenuiorem partem insertus, eo latere ardetur, quo est plenior, & utrinque contingat fissuram: nam<sup>c</sup> nisi cortex cortici sic applicetur, ut nullo loco transluceat, nequit<sup>d</sup> coalescere. Vinculi<sup>10</sup> genus ad insitionem non unum est: alii viminibus obstringunt; nonnulli circumdant libro fissuram; plurimi ligant junco, quod aptissimum: nam vimen, cum inaruit, penetrat, & insecat corticem: propter quod molliora vincula magis probamus, quæ, cum circumvenere truncum, adactis arundineis cuneolis arctantur. Sed antiquissimum est, & ante hæc ablaqueari vitem radicesque summas, vel soboles amputari; & post hæc adobruī truncum; isque cum comprehendit, aliam rursus exigit curam: nam sæpius<sup>11</sup> pampinandus est, cum germinat; frequentiusque detrahendæ sunt soboles, quæ a lateribus radicibusque prorrepunt: tum quod ex insito profundit, subligan-

a) Atque is ab ea I. B. R. Atque is. ex ea ab ea P. Atque is ex ea p. q. r. ut sit ab ea parte lev. Goes. L. Sanger. *rectius*. b) surculus artus I. B. R. Sanger. c) Nec I. B. R. d) ne quid patiatu coal. I. B. R. Sanger.

dum, ne vento surculus motus<sup>a</sup> labefactetur, aut ex-  
plantetur tener pampinus: qui, cum excrevit, ne-  
potibus orbandus<sup>b</sup> est, nisi si propter penuriam &  
calvitium loci submittitur<sup>c</sup> in propagines. Autumnus  
deinde falcem maturis palmitibus admovet: sed pu-  
tationis insitis custoditur ea ratio, ut, ubi nulla de-  
sideratur propago, unus surculus evocetur in jugum;  
alter ita recidatur, ut adæquetur plaga trunco, sic  
12 tamen, ne quid radatur e duro<sup>d</sup>. Pampinandum non  
aliter est, quam in novella viviradice; putandum  
vero sic, ut usque in quartum annum parcius im-  
peretur, dum plaga trunci ducat cicatricem. Atque  
13 hæc per fissuram insitarum est ordinatio. In illa au-  
tem, quæ sit per terebrationem, primum de vicino  
fructuosissimam oportet considerare vitem, ex qua  
(velut traducem inhærentem matri) palmitem at-  
trahas, & per foramen transmittas: hæc enim tu-  
tior & certior est insitio, quoniam, etsi proximo  
verè non comprehendit, sequente certe, cum incre-  
vit, conjungi cogitur, & mox a matre reciditur,  
atque ita superficies insitæ vitis usque ad receptum  
14 surculum obtruncatur. Hujus traducis si non est fa-  
cultas, tum detractum viti quam recentissimum eli-  
gitur sarmentum, & leviter circumrasum, ut cor-

a) motus *abest* I. B. R. MS. Heins. *ad Ovid. Met.* 3, 729.  
Sanger. b) ordinandus P. Heins. l. c. Sanger. c) sumitur  
*omnes præter* Goes. submittuntur Sang. d) radatur. Nam  
e duro pamp. I. B. R. Sanger.



tex tantum detrahatur, aptatur foramini, atque ita luto circumlinitur resecta vitis, ut totus<sup>a</sup> truncus alieni generis viti<sup>b</sup> serviat: quod quidem non fit in traduce, qui a materno sustinetur ubere, dum inole-scat. Sed aliud est ferramentum, quo priores vitem<sup>15</sup> perforabant, aliud quod ipse usu nunc magis aptum comperi. Nam antiqua terebra, quam solam veteres agricolæ noverant, scobem<sup>c</sup> faciebat, perurebat-que<sup>d</sup> eam partem, quam perforaverat: deusta porro raro revirescebat, vel cum priore coalescebat<sup>e</sup>, in ea-que nec insitus surculus comprehendebat: tum etiam scobis nunquam sic<sup>f</sup> eximebatur, ut non inhæreret foramini. Ea porro<sup>f</sup> interventu suo prohibebat corpus surculi corpori vitis applicari. Nos terebram,<sup>16</sup> quam Gallicam dicimus, ad hanc insitionem com-menti, longe habiliorē utilioremque comperimus: nam sic excavat truncum, ne foramen inurat: quip-pe non scobem, sed ramenta facit, quibus exemptis, plaga levis relinquitur, quæ facilius omni parte se-dentem surculum contingat, nulla interveniente la-nugine, quam excitabat antiqua terebra. Igitur se-<sup>17</sup>cundum vernal æquinoctium perfectam vitium in-sitionem habeto, locisque aridis & siccis nigram vi-tem inserito, humidis albam. Neque est ulla (ejus)

a) ulceratus surculus B. R. b) alienigenis surculis Sanger.

c) scrobem P. Goes. L. d) perferebatque P. Goes. Sanger.

e) convalescebat I. B. R. cum rete convalescebat Sanger.

f) & proprio I. B. R.

propagandi necessitas, si modo tam mediocri est crassitudo trunci, ut incrementum insiti<sup>a</sup> plagam possit contegere; & nisi tamen vacuus locus demortui capitis vitem reposcit: quod cum ita est, alter ex duobus surculis mergitur, alter eductus ad jugum in fructum submittitur. Neque inutile ex ea vite, quam merseris, enascentes in arcu propaginis pampinos educare, quos possis mox, si ita competet, vel propagare, vel ad fructum relinquere.

*De ratione pedaminum ac viminum, & de salicis.*

XXX. Quoniam constituendis colendisque vineis, quæ videbântur utiliter præcipi posse, disseruimus; c) pedaminum, jugorumque & viminum prospiciendorum tradenda ratio est: hæc enim quasi quædam dotes vineis ante præparantur: quibus si deficitur agricola, causam faciendi vineta non habet, cum omnia, quæ sunt necessaria, extra fundum quærenda sint: nec emtionis tantum (sicut ait Atticus) pretium onerat vitis rationem, sed est etiam com-  
paratio molestissima: convehenda sunt enim tempore iniquissimo hiberno. Quare radices viminales<sup>b</sup>, atque arundineta, vulgaresque silvæ, vel consulto consistæ e castaneis, prius facienda sunt<sup>c</sup>. Viminalium

a) insita Goes. I. B. R. insitam conj. Broukh. forte rectius.

b) salices R. Steph. in V. *Viminalis*. c) sunt: licet Viminalibus I. B. R. Sanger.

( ut Atticus putat ) singula jugera sufficere possunt <sup>3</sup> quinis & vigenis jugeribus ligandæ vineæ: arundineti singula jugera vigenis jugandis: castaneti jugerum totidem palandis <sup>a</sup>; quot arundineti jugandis. Salicem vel riguus ager vel uliginosus <sup>b</sup> optime, nec incommode tamen alit planus & pinguis: atque is debet converti bipalio ( ita enim præcipiunt veteres ) in duos pedes & semissem <sup>c</sup>: ( salicis destinatum solum ) nec refert cujus generis vimen seras; dum sit lentissimum: putant tamen tria esse genera præcipue salicis, Græcæ, Gallicæ, Sabinæ, quam plurimi vocant Amerinam. Græca flavi coloris est: Gallica obsoleti purpurei & tenuissimi viminis; Amerina salix gracilem virgam & rutilam gerit. Atque hæ vel cacuminibus, vel taleis deponuntur. Perticæ cacuminiū modicæ plenitudinis, quæ tamen dipondiarîi orbiculi crassitudinem non excedant, optime panguntur eo usque, dum ad solidum demittantur. Taleæ sesquipedales, terreno immersæ, paululum obruuntur. Riguus locus spatia laxiora desiderat, eaque senum pedum per quincuncem recte faciunt; siccaneus spissiora, sic ut sit facilis accessus colentibus ea: quinum pedum interordinia esse abunde est, ut tamen in ipsa linea consitionis alterna, vacuis intermissis bipedaneis spatiis, consistent

a) palmulis I. B. R. b) uliginis abundans P. Sanger.

c) pastinare *inser*, I. B. R. Sanger.

6 semina. Satio est eorum, priusquam germinent, dum silent virgæ, quas arboribus detrahi siccæ conveniet: nam rosidas si recideris, parum prospere<sup>a</sup> proveniunt: ideo pluvii dies in exputanda salice vitantur. Fodienda sunt primo triennio salicæ crebrius<sup>b</sup>, ut novella vineta: cum deinde convaluerint, tribus fossuris contenta sunt, aliter cûlta celeriter deficient<sup>7</sup> unt. Nam quamvis adhibeatur cura, plurimæ salices intereunt: quarum in loco ex propinquo mergis<sup>c</sup> propagari debent, curvatis<sup>d</sup> & defossis cacuminibus, quibus restituatur quicquid intercidit: anniculus deinde mergus decidatur a stirpe, ut suis radicibus tanquam vitis ali possit<sup>e</sup>.

*De genesta.*

XXXI. Perarida loca, quæ genus id virgultorum non recipiunt, genista postulant: ejus cum sit satis firmum, tum etiam lætissimum est vinculum. Seritur autem semine, quod cum est natum, vel defertur bima viviradix, vel relicta cum id tempus excessit, omnibus annis more segetis juxta terram demeti potest: cætera vincula, qualia sunt ex rubo, majorem operam, sed in egeno tamen necessariam 2 exigunt. Perticalis fere salix eundem agrum, quem

a) commodè I. B. R. Sanger. b) id est *inser.* I. B. R. Sanger. c) mergi. I. B. R. d) curvata & defossa cacumina L. I. B. R. Sanger. e) prosit I. B. R. Sanger.

viminalis, desiderat: melior tamen riguo provenit, atque ea taleis conseritur, & cum germinavit, ad unam perticam submittitur, crebroque foditur, atque exherbatur, nec minus quam vinea pampinatur, ut in longitudinem ramorum potius, quam in latitudinem evocetur; sic culta quarto demum anno cæditur. Nam quæ vinculis præparatur, potest annicula præcidi ad semissem supra duos pedes, ut e trunco fruticet, & in brachia velut humilis vinea disponatur, si tamen siccior fuerit ager, bima potius resecabitur.

*De arundinetis.*

XXXII. Arundo minus alte pastinatur, melius tamen hipalio seritur: ea cum sit vivacissima, nec recuset ullum locum, prosperius resoluta, quam denso; humido, quam sicco; vallibus, quam clivis; fluminum ripis, & limitibus ac vepretis<sup>a</sup> commodius, quam mediis agris, deponitur. Seritur bulbus radicis, seritur & talea calami, nec minus toto prosternitur corpore: bulbus tripedaneis intervaccantibus spatiis<sup>b</sup> obrutus anno celerius maturam perticam præbet: talea<sup>c</sup>, & tota arundo serius prædicto tempore evenit: sed sive recisa in dupondium & semissem talea, sive totæ arundines prostratæ deponan-

a) vepribus Goes. I. B. R. Sanger. b) satis obruitur P.

c) Taleæ tota I. B. R.

tur<sup>a</sup>, extent earum cacumina oportet : quod si ob-  
 3 ruta sunt, totæ putrescunt. Sed cultus arundinetis  
 primo triennio non alius est, quam cæteris : cum  
 deinde consenuit, repastinandum est. Ea est autem  
 senectus, cum vel exaruit situ, & inertia plurium  
 annorum, vel ita densatum est, ut gracilis & can-  
 4 næ similis arundo prodeat. Sed illud de integro  
 refodi debet, hoc potest intercidi & disrarari<sup>b</sup>, quod  
 opus rustici castrationem<sup>c</sup> vocant: quæ tamen rese-  
 ctio arundineti cæca est, quia non apparet in ter-  
 ra, quid aut tollendum sit, aut relinquendum: to-  
 lerabilius tamen arundo castratur ante quam cædi-  
 tur : quatenus calami velut indices demonstrant,  
 5 quid eruendum sit. Tempus repastinandi & conse-  
 rendi est prius, quam oculi arundinum egerminent:  
 cæditur deinde post brumam: nam usque in id tem-  
 pus incrementum capit: ac tum compescitur<sup>d</sup>, cum  
 obriguit<sup>e</sup> hiberno frigore. Fodiendum quoties & vi-  
 neta : sed & macies ejus, cinere vel alio stercore  
 juvanda est, propter quod cæsum plerique incen-  
 dunt arundinetum.

*De castaneis & castanetis.*

XXXIII. Castanea roboribus proxima est, &  
 ideo

- a) tota prostrata deponeretur P. Sanger. b) disradari H.  
 c) stipationem I. B. R. Sanger. d) conficitur I. B. R.  
 e) obriguit *conjecerat quoque* Urs. Sanger.

Idco stabiliendis vineis habilis: ejus<sup>a</sup> enim in repastinato nux posita celeriter emicat, & post quinquennium cæsa more salicæ recreatur, atque in palum formata fere usque in alteram cæsiōem perennat. Ea pullam terram & resolutam desiderat; sabulonem humidum, vel refractum tofum non respuit; opaco, & septentrionali clivo lætatur; spissum solum, & rubricosum reformidat. Seritur ab<sup>2</sup> Novembri mense per totam hiemem sicca terra, & repastinata in altitudinem dupondii & semissis: nuces in ordinem semipedalibus; ordines autem quinum pedum spatiis dirimuntur: in altitudinem dodrantis castanea depressis sulcis committitur; qui ubi nucibus sunt consiti, priusquam complanentur, breves arundines ab latere castanearum panguntur, ut per hos sationis indices cautius<sup>b</sup> fodi & runcari possint: simulatque semina stillaverint, etiam bima<sup>3</sup> transferri queunt, intervelluntur, ac bini pedes arbusculis vacui relinquuntur, ne densitas plantas emaciet: spissius<sup>c</sup> autem semen propter varios casus deponitur: nam interdum prius, quam enascatur, aut siccitatibus nux inarescit, aut aquarum abundantia putrescit: interdum subterraneis animalibus, sicuti muribus & talpis, infestatur; propter quæ sæpe

a) tum in F. B. R. Goes. P. Sanger. b) tutius Sanger.

c) ipsius I. B. R.

novella castaneta calvescunt: atque ubi frequentan-  
da sunt, melius ex vicino, si competit (mergi mo-  
4 re) pertica declinata propagatur, quam exemta  
reseritur: hæc enim velut immota sua sede vehe-  
menter germinat. At quæ radicitus<sup>a</sup> exemta & de-  
posita est, biennio reformidat; propter quod com-  
pertum est, commodius nucibus, quam viviradici-  
bus ejusmodi silvas institui. Spatia hujusce sationis,  
quæ supra scripta sunt, capita castanearum reci-  
piunt MMDCCLXXX, cujus summæ (sicut ait Atti-  
cus) ex facili jugera singula præbebunt statuminum  
duodena millia. Etenim taleæ propius stirpem re-  
cisæ quadrifidas plerumque, ac deinde secundæ ta-  
leæ ejusdem arboris bifidas ridicas subministrant:  
5 quod genus fissilis adminiculi manet diutius quam  
teres palus. Cultus idem est fossionis positionisque,  
qui vineæ: supputari debet bima, quin etiam tri-  
ma: nam bis ferro repetenda est veris principio,  
ut incitetur ejus proceritas. Potest etiam quercus  
simili ratione seri, verum biennio tardius, quam ca-  
stanea deciditur; propter quod ratio postulat, tem-  
pus potius lucrari, nisi si dumosi<sup>b</sup> glareosique montes,  
atque ea genera terræ, quæ supra diximus, glandem  
6 magis, quam castaneam postulabunt. Hæc de vi-

a) Atque ubi radicibus L. B. R. radicibus P. Goss.

b) clivosi I. B. R.



neis Italicis, vinearumque instrumentis, quantum reor, non inutiliter & abunde disserui: mox agricolarum provincialium vineaticos, nec minus nostratis & Gallici arbusti cultus traditurus.





L. JUNII MODERATI  
C O L U M E L L Æ  
D E  
R E R U S T I C A  
L I B E R Q U I N T U S .

---

---

B R E V I A R I U M .

I. II. *Quemadmodum datas agrorum formas metiri debeas.* III. *Quotena semina jugerum in ternos pedes, ac deinde usque in denos pedes disposita recipiat.* IV. V. *De cultura provincialium vinearum.* VI. *De ulmariis faciendis.* VII. *De arbutu Gallico.* VIII. *De generibus olearum.* IX. *De seminariis olivarum faciendis.* X. *De arboribus pomiferis.* XI. *De tribus insitionum generibus.* XII. *De cytiso.*

*Quemadmodum datas agrorum formas metiri  
debeas.*

CAP. I. **S**UPERIORIBUS<sup>a</sup> libris, quos ad te de constituendis colendisque vineis, Silvine, scripseram, nonnulla defuisse dixisti, quæ agrestium operum studiosi desiderarent; neque<sup>b</sup> infitior, aliqua me præteritisse, quamvis inquirentem sedulo, quæ nostri sæculi cultores, quæque veteres literarum monumentis prodiderunt: sed cum sim professus rusticæ rei præcepta, nisi fallor, non asseveraveram, quæ vastitas ejus scientiæ contineret, cuncta me dicturum, sed plurima: nam illud in unius hominis prudentiam cadere non poterat: neque enim est ulla disciplina<sup>c</sup> aut ars, quæ singulari consummata sit ingenio: quapropter ut in magna silva boni venatoris est indagantem<sup>c</sup> feras quamplurimas capere, nec cuiquam culpæ fuit, non omnes cepisse: ita nobis satis abundeque est, tam diffusæ materiæ, quam suscepimus, maximam partem tradidisse: quippe cum in ea velut omissa desiderentur, quæ non sunt propria nostræ professionis, ut proxime, cum de commetiendis agris rationem M. Trebellius noster a me requireret, vicinum adeo atque conjunctum esse cen-

a) Prioribus Goes. I. B. R. Sanger. b) ego *int.* Goes. P.

c) indaganter omnes præter P. L.

sebat demonstranti, quemadmodum agrum pastinamus: præcipere etiam, pastinatum quemadmodum  
 3 metiri debeamus: quod ego non agricolæ, sed  
 mensoris officium esse dicebam, cum præsertim ne  
 architecti quidem, quibus necesse est mensurarum  
 nosse rationem, dignentur consummatorum ædifi-  
 ciorum, quæ ipsi disposuerint, modum comprehen-  
 dere, sed aliud existiment professioni suæ conveni-  
 re, aliud eorum, qui jam extructa metiuntur, &  
 imposito calculo perfecti operis rationem compu-  
 tant: quo magis veniam tribuendam esse nostræ di-  
 sciplinæ censeo, si hætenus progreditur, ut dicat,  
 qua quidque ratione faciendum, non quantum id sit,  
 4 quod effecerit. Verum quoniam familiariter a nobis  
 tu quoque, Silvine, præcepta mensurarum deside-  
 ras, obsequar voluntati tuæ, cum eo, ne dubites  
 id opus geometrarum magis esse, quam rusticorum,  
 desque veniam, si quid in eo fuerit erratum, cujus  
 scientiam mihi non vindico. Sed ut ad rem redeam,  
 modus omnis areæ pedali mensura comprehenditur,  
 qui digitorum est xvi: pes multiplicatus in passus &  
 ætus, & climata, & jugera & stadia, centurias-  
 5 que, mox etiam in majora spatia, procedit. *Passus*  
 pedes habet v. *Ætus minimus* (ut ait M. Varro)  
 latitudinis pedes quatuor, longitudinis habet pedes  
 cxx. *Clima* quodquo versus pedum est lx. *Ætus*  
*quadratus* undique finitur pedibus cxx. Hoc dupli-

catum facit *jugerum*, & ab eo, quod erat junctum, nomen jugeri usurpavit: sed hunc actum provinciæ Bæticæ rustici *acnuam* vocant: iidemque triginta pedum latitudinem & CLXXX longitudinem *porcam* dicunt. At Galli *cadetum* appellant in areis ur- 6 banis spatium centum pedum, in agrestibus autem pedum CL: (quod aratores *cadetum* nominant) semi-jugerum quoque *arepennem* vocant. Ergo (ut dixi) duo actus jugerum efficiunt longitudine pedum CCXL, latitudine pedum CXX: quæ utræque summæ inter se multiplicatæ quadratorum faciunt pedum viginti octo millia & octingentos. *Stadium* deinde habet passus 7 CXXV, id est, pedes DCXXV, quæ octies multiplicata<sup>a</sup> efficit mille passus, sic veniunt quinque millia pedum. *Centuriam* nunc dicimus (ut idem Varro ait) du- centorum<sup>b</sup> jugerum modum: olim autem ab centum jugeribus vocabatur centuria; sed mox duplicata nomen retinuit: sicuti tribus dictæ primum a partibus populi tripartito divisi, quæ tamen nunc multiplicatæ pristinum nomen possident. Hæc non aliena, nec procul a ratiocinio, quod tradituri sumus, breviter præfari oportuit: nunc veniamus ad propositum. Jugeri partes non omnes posuimus, sed eas, quæ cadunt in æstimationem facili operis: nam minores persequi supervacuum fuit, pro qui-

a) mensura *ins.* P. I. B. R. Goes. Sanger. b) numero *ins.* I. B. R.

bus nulla merces dependitur. Igitur ( ut diximus )  
 jugerum habet quadratorum pedum viginti octo millia  
 & octingentos: qui pedes efficiunt scripula CCLXXXVIII.

9 Ut autem a minima parte, id est ab dimidio scri-  
 pulo incipiam, pars quingentesima septuagesima sex-  
 ta pedes efficit quinquaginta; id est jugeri dimi-  
 dium scripulum: pars ducentesima octogesima octa-

1 va pedes centum; hoc est scripulum: pars CXLIV  
 pedes CC, hoc est scripula duo: pars septuagesima  
 secunda pedes CD, hoc est sextula, in qua sunt  
 scripula quatuor: pars quadragesima octava pedes DC,

10 hoc est sicilicus, in quo sunt scripula sex: pars vi-  
 gesima quarta pedes mille ducentos, hoc est se-  
 muncia, in qua scripula XII: pars duodecima duo  
 millia & quadringentos, hoc est uncia, in qua sunt

scripula XXIV: pars sexta pedes quatuor millia &  
 octingentos, hoc est sextans, in quo sunt scripula  
 XLVIII: pars quarta pedes septem millia & ducen-  
 tos, hoc est quadrans, in quo sunt scripula LXXII:

11 pars tertia pedes novem millia & sexcentos, hoc est  
 triens, in quo sunt scripula XCVI: pars tertia & una  
 duodecima pedes duodecim millia, hoc est quincunx,  
 in quo sunt scripula CXX: pars dimidia pedes qua-  
 tuordecim millia & quadringentos, hoc est semis,  
 in quo sunt scripula CXLIV: pars dimidia & una duo-  
 decima, pedes sexdecim millia & octingentos, hoc  
 est septunx, in quo sunt scripula CLXVIII: partes

duæ tertiæ pedes decem novem millia & ducentos, hoc est bes, in quo sunt scripula cxcii: partestres quartæ pedes unum & viginti millia & sexcentos, hoc est dodrans, in quo sunt scripula ccxvi: pars 12 dimidia & tertia pedes viginti quatuor millia, hoc est dextans, in quo sunt scripula ccxl: partes duæ tertiæ & una quarta pedes viginti sex millia & quadringentos, hoc est deunx, in quo sunt scripula cclxiv. Jugerum pedes viginti octo millia & octingentos, hoc est As, in quo sunt scripula cclxxxviii. 13

Jugeri autem modus si semper quadraret, & in agendis mensuris in longitudinem haberet pedes ccxl, in latitudinem pedes cxx, expeditissimum esset ejus ratiocinium: sed quoniam diversæ agrorum formæ veniunt in disputationem, cujusque generis species subjiciemus, quibus quasi formulis utemur.

II. Omnis ager aut quadratus, aut longus, aut cuneatus, aut triquetrus, aut rotundus, aut etiam semicirculi, vel arcus, non nunquam etiam plurius angulorum formam exhibet. Quadrati mensura facillima est: nam cum sit undique pedum totidem, multiplicantur in se duo latera, & quæ summa ex multiplicatione effecta est, eam dicemus esse quadratorum pedum. Tanquam est locus quoquo versus C pedum: ducimus centies centenos, fiunt decem millia. Dicemus igitur eum locum 2 habere decem millia pedum quadratorum, quæ ef-

ficiunt jugeri trientem, & sextulam, pro qua portione operis effecti numerationem facere oportebit.

- 3 At si longior fuerit, quam latior, ut exempli causa jugeri forma pedes habeat longitudinis ccxl, latitudinis pedes cxx, ita ut paullo ante dixi: latitudinis pedes cum longitudinis pedibus sic multiplicabis. Centies vices duceni quadragenari sunt viginti octo millia & octingenti. Dicemus jugerum agri tot pedes quadratos habere: similiterque<sup>a</sup> fiet de omnibus
- 4 agris, quorum longitudo major sit latitudine. Sin autem cuneatus ager fuerit, ut puta longus pedes centum, latus ex una parte pedes xx, & ex altera pedes x: tunc duas latitudines componemus<sup>b</sup>, fiet utraque summa pedes xxx. Hujus dimidia pars est quindecim, quam cum longitudine multiplicando efficiemus pedes mille & quingentos. Hos igitur in eo cuneo quadratos pedes esse dicemus, quæ pars erit
- 5 jugeri semuncia & scripula tria. At si tribus paribus lateribus triquetrum metiri debueris, hanc formam sequeris. Esto ager triangulus pedum quoque versus tricentorum. Hunc numerum in se multiplicato, fiunt pedum nonaginta millia. Hujus summæ partem tertiam sumito, id est, triginta millia: item sumito<sup>c</sup> decumam, id est, novem millia, utramque summam com-

2 a) Similiterque omnis longitudinis pedes cum pedibus latitudinis multiplicabimus L. Goes. I. B. R. Sanger. b) computemus I. B. R. c) partem interser. I. B. R. I. I. H. A. G.



posito: fiunt pedes triginta novem millia. Dicemus hanc summam pedum quadratorum esse in eo triquetro, quæ mensura efficit jugerum, & trientem, & sicilicum. Sed si triangulus disparibus fuerit lateribus 6 ager, tanquam in subiecta forma, quæ habet rectum angulum, aliter ratiocinium ordinabitur. Esto unius lateris linea, quæ facit angulum rectum, pedum quinquaginta, & alterius pedum centum. Has duas summas in se multiplicato, quinquagies centeni fiunt quinque millia. Horum pars dimidia duo millia quingeni, quæ pars jugeri unciam & scripulum efficit. Si rotundus ager erit, ut circuli speciem 7 habeat, sic pedes sumito. Esto area rotunda, cujus diametros habeat pedes Lxx. Hoc in se multiplicato, septuagies septuageni fiunt quatuor millia & noningenti. Hanc summam undecies multiplicato, fiunt pedes quinquaginta tria millia nongenti. Hujus summæ quartam decimam subduco, scilicet pedes tria millia octingenti & quinquaginta. Hos esse quadratos in eo circulo dico, quæ summa efficit jugeri sexcunciam, scripula duo & dimidium. Si semicirculus fuerit ager, cujus basis habeat pedes 8 CLx, curvaturæ autem latitudo pedes Lxx: oportebit multiplicare latitudinem cum basi: septuagies centeni quadrageni fiunt novem millia & octingenti. Hæc undecies multiplicata fiunt centum septem millia & octingenti. Hujus summæ quarta decima est

septem millia & septingenti. Hos pedes esse dicemus in semicirculo, qui efficiunt jugeri quadrantem  
 9 scripula quinque. Si autem minus quam semicirculus erit, arcum sic metiemur. Esto arcus, cujus basis habeat pedes xvi, latitudo autem pedes iv. Latitudinem cum basi pono: fit utrumque pedes xx. Hoc duco quater: fiunt lxxx. Horum pars dimidia est xl. Item sexdecim pedum, qui sunt basis pars dimidia viii. Hi viii in se multiplicati, fiunt lxiv. Quartam decimam partem duco, ea efficit pedes iv paullo amplius: hoc adjicies ad quadraginta: fit utraque summa pedes xliv. Hos in arcu quadratos esse dico, qui faciunt jugeri dimidium scripulum, quinta  
 10 & vigesima parte minus. Si fuerit sex angulorum, in quadratos pedes sic redigitur. Esto hexagonum quoquo versus lineis pedum xxx. Latus unum in se multiplico: tricies triceni fiunt dcccc. Hujus summæ tertiam partem statuo ccc: ejusdem partem decimam xc: fiunt cccxc. Hoc sexies ducendum est, quoniam sex latera sunt, quæ consummata efficiunt duo millia trecenteni & quadraginta. Tot igitur  
 2 pedes quadratos esse dicemus. Itaque erit jugeri uncia dimidio scripulo, & decima parte scripuli minus.



*Quotena semina jugerum in ternos pedes, ac  
deinde usque in denos pedes disposita  
recipiat.*

III. His igitur velut primordiis talis ratiocinii perceptis, non difficiliter mensuras inibimus agrorum, quorum nunc omneis persequi species & longum & arduum est. Duas etiam nunc formulas præpositis adjiciam, quibus frequenter utuntur agricolæ in disponendis seminibus. Esto ager longus pedes mille ducentos, latus pedes cxx: in eo vites disponendæ sunt ita, ut quini pedes inter ordines relinquantur. Quæro, quot seminibus opus sit, cum quinum pedum spatia inter semina desiderantur. Duco quintam partem longitudinis, fiunt ccxl: & quintam partem latitudinis, hoc est xxiv: his utrisque summis semper singulos asses adjicio, qui efficiunt extremos ordines, quos vocant angulares. Fit ergo altera summa ducentorum quadraginta unius, altera viginti quinque. Has summas sic multiplicato: quinquies & vices ducenti quadragenique singuli fiunt sex millia & viginti quinque. Totidem dices opus esse seminibus. Similiter inter senos pedes si voles ponere, duces sextam partem longitudinis mille ducentorum, fiunt cc: & sextam latitudinis cxx, id est xx. His summis singulos asses adjicies, quos dixi angulares esse: fiunt cci & xxi. Has summas inter se multiplicabis,

vicies & semel ducentos & unum, atque ita efficies quatuor millia ducentos & viginti unum. Totidem  
 4 seminibus opus esse dices. Similiter si inter septenos pedes ponere voles, septimam partem longitudinis & latitudinis duces, & adjicies asses angulares, eodem modo eodemque ordine consummabis numerum  
 5 merum seminum. Denique quocunque pedum spatia facienda censueris, totam partem longitudinis & latitudinis duces, & prædictos asses adjicies. Hæc cum ita sint, sequitur uti jugerum agri, qui habet pedes cxxl longitudinis, & latitudinis pedes cxx, recipiat inter pedes ternos (hoc enim spatium minimum esse placet vitibus ponendis) per longitudinem  
 6 semina lxxxI, per latitudinem inter quinos pedes semina xxv, qui numeri inter se multiplicati fiunt  
 7 seminum duo millia & viginti quinque. Vel si quoquo versus inter quaternos pedes vinea erit disposita, longitudinis ordo habebit semina lxi, latitudinis xxxi, qui numeri efficiunt in jugero vites mille octingentas & nonaginta unam. Vel si in longitudinem per quaternos pedes, in latitudinem per quinos pedes fuerit disposita, ordo longitudinis habebit  
 7 semina lxi, latitudinis xxv. Quod si inter quinos pedes consitio fuerit, per longitudinem ordinis habebit semina xlix, & rursus per latitudinem semina xxv. qui numeri duo inter se multiplicati efficiunt mille ducentum & viginti quinque. At si per

senos pedes eundem vitibus locum placuerit ordinare, nihil dubium est, quin longitudini dandæ sint xli vites, latitudini autem viginti una : quæ inter se multiplicatæ efficiunt numerum dccclxi. Sin autem inter septenos pedes vinea fuerit constituenda, ordo per longitudinem recipiet capita triginta quinque, per latitudinem xviii, qui numeri inter se multiplicati efficiunt dcxxx. Totidem dicemus semina præparanda. At si inter octonos pedes vinea conseretur, ordo per longitudinem recipiet semina xxxi, per latitudinem autem xvi: qui numeri inter se multiplicati efficiunt ccccxcvi. At si inter novenos pedes, ordo in longitudinem recipiet semina viginti septem, & in latitudinem quatuordecim; hi numeri inter se multiplicati faciunt ccclxxviii. At si inter denos pedes, ordo longitudinis recipiet semina xxv, latitudinis xiii, hi numeri inter se multiplicati faciunt cccxxv: & ne infinitum procedat disputatio nostra, eadem portione, ut cuique placuerint laxiora spatia, semina faciemus. Ac de mensuris agrorum, numerisque seminum dixisse abunde sit: nunc ad ordinem redeo.

*De cultura provincialium vinearum.*

IV. Vinearum provincialium plura genera esse comperi: sed ex iis, quas ipse cognovi, maxime pro-

lantur, velut arbusculæ brevī<sup>a</sup> crure sine adminiculo per se stantes: deinde quæ pedaminibus adnixæ singulis jugis imponuntur; eas rustici canteriatas appellant. Mox quæ defixis arundinibus circummunitæ per statumina calamorum materiis ligatis in orbiculos gyrosque flectuntur; eas non nulli characatas<sup>b</sup> vocant. Ultima est conditio stratarum vitium, quæ ab enata stirpe confestim velut projectæ per humum porriguntur. Omnium autem sationis fere eadem est conditio. Nam vel scrobe, vel sulco semina deponuntur: quoniam pastinationis expertes sunt exterarum<sup>c</sup> gentium agricolæ: quæ tamen ipsa pene supervacua est iis locis, quibus solum putre, & per se resolutum est: *namque hoc imitamur arando* (ut ait Virgilius) quod<sup>d</sup> etiam pastinando. Itaque Campania, quoniam vicinum ex nobis capere potest exemplum, non utitur hac molitione terræ, quia facilitas ejus soli minorem operam desiderat: sicubi autem densior ager provincialis rustici majorem poscit impensam, quod nos pastinando efficimus, ille sulco facto consequitur, ut laxius subacto solo deponat semina.

V. Sed ut singula earum, quæ proposui, vinearum

- a) levi P. Goes. Sanger. b) chareatas P. *adnotaverat Politianus in margine quæ sequuntur*: vulgo apud Insubres & in Æmilia vignæ characiatæ. c) exterarum I. B. R. I. I. Sanger. d) idem L. I. B. R. id est etiam P. Goes. Sanger. aut etiam *conj.* Broukh.

rum genera persequar, prædictum ordinem repetam.  
Vitis, quæ sine adminiculo suis viribus consistit,  
solutiore terra, scrobe; densiore, sulco ponenda est:  
sed & scrobes & sulci plurimum prosunt, si in lo-  
cis temperatis, in quibus æstas non est perfervida,  
ante annum fiant, quam vineta conserantur. Soli  
tamen ante bonitas exploranda est: nam si jejuno  
atque exili agro semina deponentur, sub ipsum tem-  
pus sationis scrobs, aut sulcus faciendus est. Si ante 2  
annum fiant, quam vinea conseratur, scrobs in lon-  
gitudinem altitudinemque defossus tripedaneus a-  
bunde est; latitudine tamen bipedanea: vel si qua-  
ternum pedum spatia inter ordines relicturi sumus,  
commodius habemus eandem quoquo versus dare men-  
suram scrobibus, non amplius tamen quam in tres  
pedes altitudinis depressis. Cæterum quatuor angu-  
lis semina applicabuntur subjecta minuta terra, &  
ita scrobes adobruentur. Sed de spatiis ordinum ea- 3  
tenus præcipiendum habemus, ut intelligant agrico-  
læ, sive aratro vineas culturi sint, laxiora interor-  
dina relinquenda; sive bidentibus, angustiora: sed  
neque spatiosiora, quam decem pedum; neque con-  
tractiora, quam quatuor. Multi tamen ordines ita  
disponunt; ut per rectam lineam binos pedes, aut,  
ut plurimum, ternos inter semina relinquant: trans-  
versa rursus laxiora spatia faciant, per quæ vel fos-  
sor, vel arator incedat, Sationis autem cura non 4

alia debet esse, quam quæ tradita est a me tertio volumine. Unum tamen huic consitioni Mago Carthaginiensis adjicit, ut semina ita deponantur, ne protinus totus scrobs terra compleatur, sed dimidia fere pars ejus sequente biennio paullatim adæquetur: sic enim putat vitem cogi deorsum agere radices. Hoc ego siccis locis fieri utiliter non negaverim; sed ubi aut uliginosa regio est, aut cæli status imbrifer, minime faciundum censeo: nam consistens in semiplenis scrobibus nimius humor, antequam convalescant, semina necat. Quare utilius existimo repleri quidem scrobes, stirpe deposita, sed cum semina comprehenderint, statim post æquinoctium autumnale debere diligenter atque alte ablaqueari, & recisis radiculis, si quas in summo solo citaverint, post paucos dies adobruï: sic enim utrumque incommodum vitabitur, ut neque radices in superiorem partem evocentur; neque immodicis pluribus viis parum valida vexentur semina. Ubi vero jam corroborata fuerint<sup>a</sup>, nihil dubium est, quin cælestibus aquis plurimum juventur. Itaque locis, quibus clementia hiemis permittit, adapertas vites relinquere, & tota hieme ablaqueatas habere eas conveniet. De qualitate autem seminum inter auctores non convenit. Alii malleolo protinus conseri vineam melius

<sup>a</sup>) corroboraverint L. I. B. R. I. I.



existimant, alii viviradice: de qua re quid sentiam, jam superioribus voluminibus professus sum. Et nunc 7 tamen hoc adjicio, esse quosdam agros, in quibus non æque bene translata semina, quam immota respondeant: sed istud rarissime accidere: notandum itaque & diligenter explorandum esse, *Et quid quæque ferat regio, & quid quæque recuset.* Depositam ergo stirpem, id est malleolum, vel viviradicem formare sic convenit, ut vitis sine pedamine consistat: hoc autem protinus effici non potest. Nam 8 nisi adminiculum teneræ viti atque infirmæ contribueris, prorepens pampinus terræ se applicabit: itaque posito semini arundo adnectitur, quæ velut infantiam ejus tueatur, atque educet, producatque in tantam staturam, quantam permittit agricola: ea porro non debet esse sublimis: nam usque in sesquipedem coercendum<sup>a</sup> est. Cum deinde robur accipit, 9 & jam sine adjumento consistere valet, aut capitis, aut brachiorum incrementis adolescit: nam duæ species hujus quoque culturæ sunt: alii capitatas vineas, alii brachiatas magis probant. Quibus cordi est in brachia vitem componere, convenit (ut) a summa parte, qua decisa novella vitis est, quicquid juxta cicatricem citaverit<sup>b</sup>, conservari, & in quatuor brachia pedalis mensuræ dividere, ita ut omnem partem cæli singula aspiciant. Sed hæc brachia non 10

a) coercenda Goes. & plur. al. b) citaverit Goss. Sanger.

statim primo anno procera submittuntur, ne oneretur exilitas vitis; sed compluribus putationibus in prædictam mensuram educuntur: deinde ex brachiis quasi quædam cornua prominentia relinqui oportet, atque ita totam vitem omni parte in orbem diffundi. Putationis autem ratio eadem est, quæ in jugatis vitibus: uno tamen differt, quod pro materiis longioribus pollices quaternum aut quinum gemmarum relinquuntur: pro custodibus autem bigemmes resecas fiunt. In ea deinde vinea, quam capitata diximus, juxta ipsam matrem usque ad corpus sarmentum detrahitur, una aut altera tantummodo gemma relicta, quæ ipsi trunco adhæret. Hoc autem riguis, aut pinguisimis locis fieri tuto potest, cum vires terræ & fructum & materias valent præbere: maxime autem aratris excolunt, qui sic formatas vineas habent, & eam rationem sequuntur detrahendi vitibus brachia, quod ipsa capita sine ulla extantia neque aratro, neque bubus obnoxia sunt: nam in brachiatis plerumque fit, ut aut crure, aut cornibus boum ramuli vitium defringantur: sæpe etiam & stiva, dum sedulus arator vomere perstringere ordinem, & quam proximam partem vitium excolere studet. Atque hæc quidem cultura vel brachiatis vel capitatis vitibus, antequam gemment<sup>a</sup>,

<sup>a</sup>) *progemment* Goes. Sanger,

adhibetur: cum deinde germinaverint, fossor insequitur, ac bidentibus eas partes subigit, quas bubulcus non pōtuit<sup>a</sup> pertingere. Mox ubi materias vitis exigit, insequitur pampinator, & supervacuos deterget<sup>b</sup>, fructuososque<sup>c</sup> palmites submittit, qui cum induruerunt, velut in coronam religantur. Hoc duabus ex causis fit: una, ne libero excursu in luxuriam prorepant<sup>d</sup>, omniaque alimenta pampini absument; altera, ut religata vitis rursus aditum bubulco fossorique in excolenda se præbeat. Pampinandi autem modus is erit, ut opacis locis humidisque 14  
 & frigidis æstate vitis nudetur, foliaque palmitibus detrahantur, ut maturitatem fructus capere possit, & ne situ putrescat: locis autem siccis calidisque & apicis, ut e<sup>e</sup> contrario palmitibus uvæ contegantur; & si parum pampinosa vitis est, advectis frondibus, & interdum stramentis, fructus muniatur. M. quidem Columella patruus meus, vir illustribus disciplinis eruditus, ac diligentissimus<sup>f</sup> agricola Bæ- 15  
 ticæ provinciæ; sub ortu caniculæ palmeis tegetibus vineas adumbrabat, quoniam plerumque diſiſideris tempore quædam partes ejus regionis sic instantur Euro, quem incolæ Vulturum appellant, ut nisi tegminibus vites opacentur, velut halitu flam-

a) puravit P. b) detergit I. B. R. : c) que abest I. B. R.

d) properent I. B. R. e) ut defic. I. B. R.

f) singularissimus L. G. ubi est notandum, quod hic textus est in

meo fructus uratur. Atque hæc capitatæ brachiatæ-  
 que vitis cultura est: nam illa, quæ uno jugo su-  
 perponitur, aut quæ materiis submissis arundinum  
 statuminibus per orbem connectitur, fere eandem  
 16 curam exigit, quam jugata. Non nullos tamen in  
 vineis characatis animadverti, & maxime elvenaci  
 generis, prolixos palmites quasi propagines summo  
 solo adobruere, deinde rursus ad arundines erigere  
 & in fructum submittere, quos nostri agricolæ mer-  
 gos, Galli candosoccos vocant, eosque adobruunt  
 simplici ex causa, quod existiment, plus alimenti  
 terram præbere fructuariis flagellis: itaque post vin-  
 demiam velut inutilia sarmenta decidunt, & a stir-  
 pe submovent. Nos autem præcipimus easdem vir-  
 gas, cum a matre fuerint præcisæ, sicubi demor-  
 tuis vitibus ordines vacent, aut si novellam quis  
 vineam instituere velit, pro viviradice ponere: quo-  
 niam quidem partes sarmentorum, quæ fuerant obru-  
 tæ, satis multas habent radices, quæ depositæ scro-  
 17 bibus, confestim comprehendant. Superest reliqua  
 illa cultura prostratæ vineæ, quæ nisi violentissimo  
 cæli statu suscipi non debet: nam & difficilem la-  
 borem colonis exhibet, nec unquam generosi sapo-  
 ris vinum præbet. Atque ubi regionis conditio so-  
 lam eam culturam recipit, bipedaneis scrobibus mal-  
 léolus deponitur; qui cum egerminavit, ad unam  
 materiam revocatur: eaque primo anno compescitur

in duas gemmas: sequentē deinde, cum palmites profudit, unus submittitur, cæteri decutiuntur; at ille, qui submissus est, cum fructum edidit, in eam longitudinem deputatur, uti jacens non excedat interordinii spatium: nec magna est putationis differentia cubantis, & stantis rectæ vineæ: nisi quod jacenti viti breviores materiæ submitti debent, resces quoque angustius in modum furunculorum relinqui: sed post putationem, quam utique autumno in ejusmodi vinea fieri oportet, (ut) vitis tota deflectatur in alterum interordinium: atque ita pars ea, quæ fuerat occupata, vel foditur, vel aratur, & cum exulta est, eandem vitem recipit, ut altera quoque pars excoli possit. De pampinatione talis vineæ parum inter auctores convenit: alii negant esse nudandam vitem, quo melius contra injuriā ventorum ferarumque fructum abscondat: aliis placet parcius pampinari, ut & vitis non in totum supervacuis frondibus oneretur, & tamen fructum vestire aut protegere possit: quæ ratio mihi quoque commodior videtur.

*De ulmariis faciendis.*

VI. Sed jam de vineis satis diximus; nunc de arboribus præcipiendum est. Qui volet frequens & dispositum arbustum paribus spatiis, fructuosumque habere, operam dabit, ne emortuis arboribus rare-

scat, ac primam quamque senio aut tempestate afflictam submoveat, & in vicem novellam sobolem substituat. Id autem facile consequi poterit, si ulmorum seminarium paratum habuerit: quod & quomodo, & qualis generis faciendum sit, non pigebit deinceps præcipere. Ulmorum duo esse genera convenit, Gallicum & vernaculum: illud Atinia, hoc nostras dicitur. Atiniam ulmum Tremellius Scrofa non ferre sameram (quod est semen ejus arboris) falso est opinatus: nam rariorem sine dubio creat, & idcirco plerisque & sterilis videtur, seminibus inter frondem, quam prima germinatione edit, latentibus: itaque nemo jam serit ex samera, sed ex sobolibus. Est autem ulmus longe lætior & procerior, quam nostras, frondemque jucundiorē bubus præbet: qua cum assidue pecus paveris, & postea generis alterius frondem dare institueris, fastidium bubus affert<sup>a</sup>. Itaque si fieri poterit, totum agrum genere uno Atiniæ ulmi conseremus: si minus, dabimus operam, ut in ordinibus disponendis pari numero vernaculas & Atinias alternemus: ita semper mista fronde utemur, & quasi hoc condimento illæ pecudes fortius jussu cibariorum conficient: sed vitæ maxime opulus videtur alere<sup>b</sup>, deinde ulmus, post etiam fraxinus. Opulus<sup>c</sup>, quia raram, neque

a) afferes Goes. Sanger. b) trahere conj. Broukh. c) populus I. B. R. L. Goes. Sanger. sape.

idoneam frondem pecori præbet, a plerisque reputata est. Fraxinus, quæ capris & ovibus gratissima est, nec inutilis bubus, locis asperis, montosis, quibus minus lætatur ulmus, recte scriitur. Ulmus, quod & vitem commodissime patitur, & jucundissimum pabulum bubus affert, variisque generibus soli provenit, a plerisque præfertur. Itaque cui arbustum novum instituere cordi est, seminaria ulmorum vel fraxinorum parentur ea ratione, quam deinceps subscripsimus: nam opuli<sup>a</sup> melius cacuminibus in arbusto protinus deponuntur<sup>b</sup>. Igitur pingui solo<sup>6</sup> & modice humido, bipalio terram pastinabimus, ac diligenter occatam & resolutam verno tempore in aream componemus. Sameram deinde, quæ jam rubicundi coloris erit, & compluribus insolata diebus jacuerit, ut aliquem tamen succum & lentorem habeat, injiciemus areis, & eas totas seminibus spisse contegemus, atque ita cribro putrem terram duos alte digitos incernemus, & modice rigabimus, stramentisque areas cooperiemus, ne prodeuntia cacumina seminum ab avibus prærodantur. Ubi deinde<sup>7</sup> proresperint plantæ, stramenta colligemus, & manibus herbas carpemus: idque leviter & curiose, faciendum est, ne adhuc teneræ brevesque radiculæ ulmorum convellantur. Atque ipsas quidem areas

a) populi L. Gots. I. B. R. Sanger. & sic per totum caput.

b) disponuntur Sanger.

ita anguste compositas habebimus, ut qui runcaturi sunt, medias partes earum facile manu contingant: nam si latiores fuerint, ipsis seminibus, quæ proculcata erunt, noxam capient. Æstate deinde prius, quam sol oriatur, aut ad vesperum, seminaria conspergi potius, quam rigari debent: & cum ternum pedum plantæ fuerint, in aliud seminarium transferri, ac ne radices altius agant (quæ res postmodum in eximendo magnum laborem affert, cum plantas in aliud seminarium transferre volumus<sup>a</sup>) oportebit non maximos scrobiculos, sesquipede inter se distantes, fodere: deinde radices in nodum, si breves; vel in orbem coronæ similem, si longiores erunt, inflecti, & oblitas fimo bubulo scrobiculis deponi, ac diligenter circumculcari<sup>b</sup>. Possunt etiam collectæ cum stirpibus plantæ eadem ratione disponi: quod in Atinia ulmo fieri necesse est, quæ non seritur e samera. Sed hæc ulmus autumnī tempore melius, quam vere disponitur; paullatimque ramuli ejus manu detorquentur, quoniam primo biennio, ferri reformidat iclum: tertio demum anno acuta falce abraditur, atque ubi translationi jam idonea est, ex eo tempore autumnī, quo terra imbris permaduerit, usque in vernum tempus, antequam radix ulmi in eximendo delibretur, recte seritur.

a) transferemus L. I. B. R. I. I. Sanger. b) circum calcari Goes.



Igitur in resoluta terra ternum pedum quoquo ver- 10  
sus faciendi scrobes: at in densa, sulci ejusdem al-  
titudinis<sup>a</sup>, qui arbores recipiant præparandi. Sed  
deinde in solo rosido & nebuloso conserendæ sunt  
ulmi, ut earum rami ad orientem & in occidentem  
dirigantur, quo plus solis mediæ arbores, quibus  
vitis applicata & religata innititur, accipiant. Quod 11  
si etiam frumentis consulemus, uberi solo intra qua-  
draginta pedes; exili (ubi nihil seritur) intra vi-  
ginti, arbores disponantur: cum deinde adolescere  
incipient, falce formandæ & tabulata instituenda  
sunt: hoc enim nomine usurpant agricolæ ramos  
truncosque prominentes<sup>b</sup>, eosque vel propius ferro  
compescunt, vel longius promittunt, ut vites laxius  
diffundantur: hoc in solo pingui melius, illud in  
gracili. Tabulata inter se ne minus ternis pedibus 12  
absint, atque ita formentur, ne superior ramus in  
eadem linea sit, qua inferior: nam demissum ex eo  
palmitem germinantem inferior atteret, & fructum  
decutiet. Sed quamcunque arborem severis, eam  
biennio proximo putare non oportet: post deinde  
si ulmus exiguum incrementum recipit, verno tem-  
pore, antequam librum demittat, decacuminanda est  
juxta ramulum, qui videbitur esse nitidissimus, ita  
tamen, uti supra eum trunco<sup>c</sup> stirpem dodrantalem<sup>d</sup>

a) & latitudinis Goes. Sanger. b) promittentes L. I. B. R.

c) truncum L. I. B. R. Sanger. d) dodrantem Sanger.

c. relinquo, ad quam ductus & applicatus ramus alli-  
 13. getur, & correptus<sup>a</sup> cacumen arbori præbeat. De-  
 inde stirpem post annum præcidi & allevari opor-  
 tet. Quod si nullum ramulum arbor idoneum ha-  
 buerit, sat erit novem pedes a terra relinqui, &  
 superiorem partem detruncari, ut novæ virgæ, quas  
 14. emiserit, ab injuria pecoris tutæ sint: sed si fieri  
 poterit, uno ictu arborem præcidi; si minus, serra  
 desecari, & plagam falce allevari oportebit, eam-  
 que plagam luto paleato contegi, ne sole aut plu-  
 14. viis infestetur. Post annum, aut biennium, cum  
 enati ramuli recte convaluerint, supervacuos depu-  
 tari, idoneos in ordinem submitti conveniet. Quæ  
 ulmus a positione bene provenerit<sup>b</sup>, ejus summæ  
 virgæ falce debent enodari. At si robusti ramuli  
 erunt, ita ferro amputentur, ut exiguum stirpem  
 prominentem trunco relinquo. Cum deinde arbor  
 convaluerit, quicquid falce contingi poterit, expu-  
 tandum est, allevandumque eatenus, ne plaga cor-  
 15. poris matris<sup>c</sup> applicetur. Ulmum autem novellam sic  
 formare conveniet. Loco pingui octo pedes a terra  
 sine ramo relinquendi, vel in arvo gracili septem  
 pedes: supra quod spatium deinde per circuitum in  
 tres partes arbor dividenda est, ac tribus lateribus

a) collectus marg. Asc. b) provenerit, virgæ ejus simæ MS.  
 Heins. ad Ovid. Fasti 3, 754 quid si imæ? c) maturius  
 L. I. B. R. Sanger.

singuli ramuli submittendi primo tabulato assignentur. Mox de ternis pedibus superpositis, alii rami 16 submittendi sunt, ita ne iisdem lineis, quibus in superiore<sup>a</sup>, positi sint: in eademque ratione usque in cacumen ordinanda erit arbor; atque in frondatione cavendum, ne aut prolixiores pollices fiant, qui ex amputatis virgis relinquuntur, aut rursus ita alleventur, ut ipse truncus lædatur, aut delibretur: nam parum gaudet ulmus, quæ in corpus nudatur: vitandumque, ne de duabus plagis una fiat, cum talem cicatricem non facile cortex comprehendat. Arboris autem perpetua cultura est, non so- 17 lum ante diligenter eadem disponere, sed etiam truncum circumfodere, & quicquid frondis enatum fuerit, alternis annis aut ferro amputare, aut astringere, ne æmula<sup>b</sup> umbra viti noceat<sup>c</sup>. Cum deinde arbor vetustatem fuerit adepta, propter rami-um vulnerabitur ita, ut excavetur usque in medullam, qua sit<sup>d</sup> exitus humori, quem ex superiore parte conceperit. Vitem quoque, antequam ex toto arbor prævalescat, conserere convenit. At si tene- 18 ram ulmum maritaveris, novam<sup>e</sup> sufferet: si vetustam<sup>f</sup> vitem applicueris, conjugem necabit: ita sibi

a) inferiore Sanger. b) ulla Lips. nimia Goes. Sanger.

c) vitis enoceat I. B. R. d) deturque exitus Goes. Sanger.

e) onus nam non Goes. Sanger. onus tunc non conj. Broukh.

f) vetustate Goes. vetustæ conj. Broukh.

pares<sup>a</sup> esse ætate & viribus arbores vitesque con-  
 venit. Sed arboris maritandæ causa scrobis vivira-  
 dici fieri debet, latus pedum duorum, altus levi  
 terra, totidem pedum; gravi, dupondio & dodran-  
 te; longus pedum<sup>b</sup> sex<sup>c</sup>, aut minimum quinque :  
 absit autem hic ab arbore, ne minus sesquipedali  
 spatio. Nam si radicibus ulmi junxeris<sup>d</sup>, male vitis  
 comprehendet, & cum tenuerit, incremento arbo-  
 19 ris opprimetur. Hunc scrobem, si res permittit, au-  
 tumno facito, ut pluviis & gelicidiis maceretur.  
 Circa vernalium deinde æquinoctium binæ vites, quo  
 celerius ulmum vestiant, pedem inter se distantes  
 scrobibus deponendæ<sup>e</sup>: cavendumque, ne aut se-  
 ptentrionalibus ventis, aut rorulentæ, sed siccæ se-  
 20 rantur. Hanc observationem non solum in vitium  
 positione, sed in ulmorum cæterarumque arborum  
 præcipio: & uti cum de seminario eximuntur, ru-  
 brica notetur una pars, quæ nos admoneat, ne ali-  
 ter arbores constituamus, quam quemadmodum in  
 seminario steterint: plurimum enim refert, ut eam  
 partem cæli spectent, cui ab tenero consueverunt:  
 melius autem locis apricis, ubi cæli status neque  
 prægelidus, neque nimium pluvius est, autumnii  
 tempore, & arbores & vites post æquinoctium de-

a) supares Goes. Sanger. & Victor. in emendandis. b) pe-  
 des I. B. R. I. I. Sanger. Ita hic aliquoties pro pedum  
 marg. Asc. c) sex habet minimum I. B. R. d) vinxeris  
 I. B. R. e) disponendæ Sanger.

ponuntur. Sed eæ ita conserendæ sunt, ut sum- 21  
mam terram, quæ aratro subacta sit, semipedem  
alte substernamus, radicesque omnes explicemus,  
& depositas<sup>a</sup> stercoremus, ut ego existimo; si mi-  
nus, terra subacta operiamus<sup>b</sup>, & circumcalcemus  
ipsum seminis codicem: vites in ultimo scrobe de-  
poni oportet, materiasque earum per scrobem por-  
rigi, deinde ad arborem erigi; atque ab injuria pe-  
coris caveis emuniri. Locis autem fervidis<sup>c</sup> semina 22  
septentrionali parte arbori applicanda sunt: locis  
frigidis a meridie, temperato statu cæli, aut ab  
oriente, aut ab occidente, ne toto die solem vel  
umbram patiantur. Proxima deinde putatione me-  
lius existimat Celsus ferro abstineri, ipsosque coles,  
in modum coronæ contortos, arbori circumdari, ut  
flexura<sup>d</sup> materias profundat, quarum validissimum  
sequente anno caput vitis faciamus. Me autem lon- 23  
gus docuit usus, multo utilius esse primo quoque  
tempore falcem vitibus admovere, nec supervacuis  
sarmentis pati silvescere. Sed eam quodque, quæ  
primo submittetur, materiam ferro coercendam cen-  
seo usque in alteram vel tertiam gemmam, quo ro-  
bustiores palmites agat: qui cum primum tabulatum

a) deposita stercorata I. B. R. stercorata Sanger. b) sic semi-  
pedem alte substernamus *ins. L. quæ duabus syllabis vocis*  
*vacat inclusis secunda manus.* c) præfervidis P. Goes-  
Sanger. d) flexuram materiam profundant I. B. R. plexu-  
ram materiam Goes. Sanger.

apprehenderint, proxima putatione disponetur omnibus annis: alioquin in superius tabulatum excitabitur relicta semper una materia, quæ applicata  
 24 trunco cacumen arboris spectet. Jamque viti constitutæ certa lex ab agricolis imponitur: plerique ima tabulata materiis frequentant, uberiorem fructum & magis facilem cultum sequentes. At qui bonitati vini student, in summas arbores vitem promoveant: ut quæque materia se dabit, ita in celsissimum quemque ramum extendunt, sic, ut summa vitis summam arborem sequatur, idest, ut duo palmites extremi trunco arboris applicentur, qui cacumen ejus spectent, & prout quisque ramus con-  
 25 valuit, vitem accipiat. Plenioribus ramis plures palmites, alius ab alio separati, imponantur, gracilioribus pauciores; vitisque novella tribus toris ad arborem religetur, uno, qui est in crure arboris, a terra quatuor pedibus distans; altero, qui summa parte vitem capit; tertio, qui mediam vitem complectitur. Torum imum<sup>a</sup> imponi tum<sup>b</sup> oportet, cum vires viti adimit: interdum enim<sup>c</sup> necessarius habetur, cum<sup>d</sup> aut arbor sine ramis truncata est, aut  
 26 vitis prævalens in luxuriam evagatur. Cætera putationis ratio talis est, ut veteres palmites, quibus

a) unum I. B. R. vivum Sanger. b) tamen I. B. R. tum  
 reliquæ editt. non Goes. c) tamen Goes. I. B. R. Sanger.  
 d) quoniam Sanger.

bus proximi anni fructus pependit, omnes recidantur: novi, circumcisis undique capreolis, & nepotibus, qui ex his nati sunt, amputatis<sup>a</sup>, submittantur: & si læta vitis est, ultimi potius palmites per cacumina ramorum præcipitentur; si gracilis, trunco proximi; si mediocris, medii; quoniam ultimus palmes plurimum fructum affert, proximus minimum vitem exhaurit atque attenuat. Maxime autem prodest vitibus, omnibus annis resolvi: nam & commodius enodantur & refrigerantur, cum alio loco alligatæ sunt, minusque læduntur, ac melius convalescunt. Atque ipsos palmites ita tabulatis superponi convenit, ut a tertia gemma vel quarta religati dependeant, eosque non constringi, ne sarmentum vimine<sup>b</sup> præcidatur. Quod si ita longe tabulatum est, uti materia parum commode in id perducì possit, palmitem ipsum viti alligatum<sup>c</sup> supra ternam gemmam religabimus: hoc ideo fieri præcipimus, quia quæ pars palmitis præcipitata est, fructu induitur: at quæ vinculo adnexa, sursum tendit, ea materias sequente anno præbet. Sed ipsorum palmitum duo genera sunt: alterum, quod ex duro provenit, quod quia primo anno plerumque frondem sine fructu affert, pampinarium vocant: alterum, quod ex anniculo palmite procrea-

a) amputati committantur *omnes*. b) vineæ Goes. L. I, B. R. Sanger. c) mite allevatum *conj.* Broukh.

tur: quod quia protinus creat, fructuarium appellant: cujus ut semper habeamus copiam in vinca, palmitis partes ad tres gemmas religandæ sunt, ut  
 30 quicquid intra vinculum est, materias exigit. Cum deinde annis & robore vitis convaluit, traduces in proximam quamque arborem mittendæ, easque post biennium amputare simul atque alias teneriores transmittere convenit: nam vetustate vitem fatigant. Nonnunquam etiam cum arborem totam vitis comprehendere nequit, ex usu fuit partem aliquam ejus deflexam terræ immergere, & rursus ad eandem arborem duas vel tres propagines excitare, quo  
 31 pluribus vitibus circumventa celerius vestiatur. Viti novellæ pampinarium dimitti<sup>a</sup> non oportet, nisi necessario loco natus est, ut viduum ramum maritet. Veteribus vitibus loco<sup>b</sup> nati palmites pampinariii utiles sunt, & plerique ad tertiam gemmam resecti optime submittuntur: nam insequenti anno ma-  
 32 terias fundunt<sup>c</sup>. Quisquis autem pampinus loco natus in exputando vel alligando fractus est, modo ut aliquam gemmam habuerit, extolli<sup>d</sup> non oportet: quoniam proximo anno vel validiorem materiam ex  
 33 una creabit. Præcipites palmites dicuntur, qui de hornotinis<sup>e</sup> virgis enati in duro alligantur. Hi plu-

a) immitti I. B. R. Goes. Sanger. b) quovis loco ad nati conj. Broukh. c) effundunt Goes. d) ex toto tolli Goes. Sanger. e) annotinis L. P. Sanger.



rimum fructus afferunt, sed plurimum matri nocent. Itaque nisi extremis ramis, aut si vitis arboris cacumen superaverit, præcipitari palmitem non oportet. Quod si tamen id genus colis propter fructum 34 submittere quis velit, palmitem intorqueat. Deinde<sup>a</sup> alliget & præcipitet: nam & post eum locum, quem intorseris, lætam materiam citabit, & præcipitata minus virium in se trahet, quamvis fructu exuberet. Præcipitem vero plus anno pati non 35 oportet. Alterum est genus palmitis, quod de novello nascitur, & in tenero alligatum dependet: (materiam vocamus) ea & fructum & nova flagella bene procreat: &<sup>b</sup> jam si ex uno capite duæ virgæ submittantur, tamen utraque materia dicitur<sup>c</sup>, nam pampinarius quam vim habeat, supra docui. Focaneus est, qui inter duo brachia velut in furca de medio nascitur. Eum colem deterrimum esse comperi, quod neque fructum ferat, & utraque brachia, inter quæ natus est, attenuet: itaque tollendus est. Plerique vitem validam & luxurio- 36 sam falso crediderunt feraciorem fieri, si multis palmitibus submissis oneretur: nam ex pluribus virgis plures pampinos creat, & cum se multa fronde cooperit, pejus defloret, nebulasque & rores diutius continet, omnemque uvam perdit. Validam ex-

a) ita *ins.* Goes. Sanger. b) *forte* etiamsi. c) deciditur P. L. Sanger.

go vitem in ramos diducere censeo, & traducibus dispergere atque diradiare, cæterosque vinearios co-  
 fæs præcipitare, & si nimis<sup>a</sup> luxuriabitur, solutas  
 materias relinquere, ea ratione<sup>b</sup> vitem feraciorem  
 37 facere<sup>c</sup>. Sed ut densum arbustum commendabile  
 fructu & decore est, sic ubi vetustatē rarescit, pa-  
 riter inutile & invenustum est. Quod ne fiat, di-  
 ligentis patrisfamilias est, primam quamque arbo-  
 rem, senio defectam, tollere, ut in ejus locum no-  
 vellam restituere (vitem) queat, nec tam vivira-  
 dice frequentare (ea etsi sit facultas) quam (quod  
 est longe melius) ex proximo propagare. Cujus  
 utriusque ratio consimilis est ei, quam tradidimus.  
 Atque hæc de Italico arbusto satis præcepimus.

*De arbusto Gallico.*

VII. Est & alterum genus arbusti Gallici, quod  
 vocatur rumpotinum. Id desiderat arborem humi-  
 lem, nec frondosam. Cui rei maxime videtur ido-  
 nea opulus<sup>d</sup>: ea est arbor corno<sup>e</sup> similis: quin etiam  
 cornus & carpinus & ornus, non nunquam & salix  
 a plerisque in hoc ipsum disponitur. Sed salix nisi  
 in aquosis<sup>f</sup> locis, ubi aliæ arbores difficiliter com-  
 prehendent, ponenda non est, quia vini saporem

a) minus I. B. R. b) ratio P. L. Goes. Sanger. c) faceret  
 Goes. Sanger. d) populus Goes. L. I. B. R. e) acerno  
 conj. Broukh. f) aquosissimis Goes. P. L.

infestat. Potest etiam ulmus sic disponi, ut adhuc tenera decacuminetur, ne altitudinem quindecim pedum excedat. Nam fere ita constitutum rumpotinetum animadverti, ut ad octo pedes locis siccis & clivosis; ad duodecim, locis planis & uliginosis tabulata disponantur. Plerumque autem ea arbor in tres ramos dividitur, quibus singulis ab utraque parte complura brachia submituntur, tum omnes pene virgæ, ne umbrent eo tempore, quo vitis putatur, abraduntur. Arboribus rumpotinis si frumentum non inseritur<sup>a</sup>, in utramque partem viginti pedum spatia interveniunt: at si segetibus indulgetur, in alteram partem quadraginta pedes, in alteram viginti relinquuntur. Cætera simili ratione, atque in arbusto Italico administrantur, ut vires longis scrobibus deponantur, ut eadem diligentia curetur, atque in ramis deducatur, ut novi traduces omnibus annis inter se ex arboribus proximis connectantur<sup>b</sup>, & veteres decidantur. Si tradux traducem non contingit, media virga inter eas deligetur. Cum deinde fructus pondere urgebit, subjectis adminiculis sustineatur. Hoc autem genus arbusti cæteræque omnes arbores, quanto altius arantur & circumfodiuntur, majore fructu exuberant, quod an expediat patrifamilias facere, cultus docet.

a) interseritur *conj.* Broukh.  
R. Sanger.

b) committantur Goes. I. B.

*De generibus olearum.*

VIII. Omnis tamen arboris cultus simplicior ,  
 quam vinearum est , longeque ex omnibus stirpibus  
 minorem impensam desiderat olea , quæ prima om-  
 2 nium arborum est . Nam quamvis non continuis an-  
 nis , sed fere altero quoque fructum afferat , exi-  
 mia tamen ejus ratio est , quod levi cultu sustine-  
 tur , & cum se non induit , vix ullam impensam  
 poscit ; sed & si quam recipit , subinde fructus mul-  
 tiplicat : neglecta compluribus annis non , ut vinea ,  
 deficit , eoque ipso tempore aliquid etiam interim  
 patrifamilias<sup>a</sup> præstat , & cum adhibita cultura est ,  
 uno anno emendatur . Quare etiam nos in hoc gene-  
 3 re arboris diligenter præcipere censuimus . Olearum ,  
 sicut vitium , plura genera esse arbitror , sed in  
 meam notitiam decem modo<sup>b</sup> pervenerunt : Pausia ,  
 Algiana , Liciniana , Sergia , Nevia , Culminia , Or-  
 4 chis , Regia , Circites<sup>c</sup> , Murtea . Ex quibus bacca  
 jucundissima est Pausiæ , speciosissima est Regiæ<sup>d</sup> ,  
 quæ potius escæ , quam oleo est idonea<sup>e</sup> . Pausiæ  
 tamen oleum saporis egregii , dum viride est , ve-  
 tustate corrumpitur . Orchis quoque & Radius me-  
 lius ad escam , quam in liquorem stringitur . Oleum

a) patrifamilie I. B. R. & ita semper Goes. Sanger. b) an-  
 no P. omnino Goes. Sanger. quod verius puto. c) cercites  
 Morgagni in proxima nota. d) regia etiam virga , quæ I.  
 B. R. e) ea utraq; Goes.

optimum Licinia dat, plurimum Sergia: omnisque olea major fere ad escam, minor oleo est aptior. Nulla ex his generibus, aut perfervidum<sup>a</sup>, aut gelidum statum cæli patitur. Itaque æstivosis<sup>b</sup> locis septentrionali colle, frigidis meridiano gaudet. Sed neque depressa loca, neque ardua, magisque modicos clivos amat, quales in Italia Sabinorum, vel tota provincia Bætica videmus. Hanc arborem plerique existimant ultra milliarium sexagesimum<sup>c</sup> a mari, aut non vivere, aut non esse feracem: sed in quibusdam locis recte valet. Optime vapores sustinet Pausia, frigus Sergia. Aptissimum genus terræ est oleis, cui glarea subest, si superposita creta sabulo admista est. Non minus probabile est solum, ubi pinguis sabulo est; sed & densior terra, si uvida<sup>d</sup> & læta est, commode recipit hanc arborem. Creta ex toto repudianda est, magis etiam scaturiginosa, & in qua semper uligo consistit. Inimicus est etiam ager sabulo macer & nuda glarea. Nam etsi non emoritur in ejusmodi solo, nunquam tamen convalescit. Potest tamen in agro frumentario seri, vel ubi arbutus<sup>e</sup>, aut ilex steterant. Nam quercus etiam excisa radices noxias oliveto relinquit, quarum virus enecat oleam. Sed

a) præfervidum P. Goes. Sanger. b) æstivosis I. B. R.

c) centesimum Goes. Sanger. d) vivida I. B. R. & MS. Heinsii ad Ovid. Fast. 3, 238. Goes. L. e) arbustus Goes. I. B. R. arbustum L.

hæc in universum de toto genere hujus arboris habui vobis dicere. Nunc per partes culturam ejus exsequar.

*De seminariis olivarum faciendis.*

IX. Seminarium oliveto præparetur cælo libero, terreno modice valido, sed succoso, neque denso, neque soluto solo, potius tamen resoluto: id genus terræ fere nigræ est: quam cum in tres pedes pa-  
stinaveris, & alta fossa circumdederis, ne aditus  
2 pecori detur, fermentari sinito. Tum ramos novellos proceros & nitidos, quos comprehensos manus possit circumvenire (hoc est manubrii crassitudine) feracissimos arboribus adimito, & ex his quam recentissimas taleas recidito; ita ut ne corticem, aut ullam aliam partem, quam qua serra præciderit, lædas. Hoc autem facile contingit, si prius varam<sup>a</sup> feceris, & eam partem, supra quam ramum secaturus es, fœno aut stramentis texeris, ut molliter & sine noxa corticis taleæ superpositæ  
3 secentur. Taleæ deinde sexquipedales serra præciantur, atque earum plagæ utraque parte falce levantur, & rubrica notentur, ut sic quemadmodum in arbore steterat ramus, ita parte<sup>b</sup> ima terram, & cacumine cælum spectans deponatur: nam si in-

a) arcam *margo* Asc. b) pars recte & cacum. L. I. B. R.

versa mergatur, difficulter comprehendet, & cum validius convaluerit, sterilis in perpetuum erit. Sed oportebit talearum<sup>a</sup> capita, & imas partes misto fimo cum cinere oblinire, & ita totas eas immergeri; ut putris terra quatuor digitis alte<sup>b</sup> superveniat. Sed binis indicibus ex utraque parte huius<sup>4</sup> mantur: hi sunt de qualibet arbore brevi spatio juxta eas positi, & in summa parte inter se vinculo connexi, ne facile singuli dejiciantur. Hoc facere utile est, propter fossorum ignorantiam, ut cum bidentibus aut sarculis seminarium colere institueris, depositæ taleæ non lædantur. Quidam<sup>5</sup> melius existimant<sup>c</sup> oculis excolere, & chorda simili ratione disponere: sed utrumque debet post verum æquinoctium seri, & quam frequentissime seminarium primo anno sarriri: postero & sequentibus, cum jam radiculae seminum convaluerint, rastris excoli. Sed biennio a putatione abstineri, tertio anno singulis seminibus binos ramulos relinqui, & frequenter sarriri seminarium conveniet. Quarto<sup>6</sup> anno ex duobus ramis infirmior amputandus est. Sic excultæ quinquennio arbusculæ habiles translationi sunt. Plantæ autem in oliveto disponuntur optime siccis minimeque uliginosis agris per autum-

a) palorum L. I. B. R. Sanger. b) altius perveniat conj. Broukh. c) existimant ex radicibus oculis silvestrium olearum hortulos excol. I. I.

num, lætis & humidis verno tempore, paullo ante, quam germinent. Atque ipsis scrobes quaternum pedum præparantur anno ante: vel si tempus non largitur, prius quam deponantur arbores, stramentis<sup>a</sup> incendantur scrobes, ut eos ignis putres faciat<sup>b</sup>, quos sol & pruina facere debuerat. Spatium<sup>c</sup> inter ordines minimum esse debet pingui & frumentario solo sexagenum pedum in alteram partem, atque in alteram quadragenum: macro, nec idoneo segetibus, quinum & viceum pedum. Sed in Favonium dirigi ordines convenit, ut æstivo

8 proflatu<sup>d</sup> refrigerentur. Ipsæ autem arbusculæ hoc modo possunt transferri: antequam explantes arbusculam, rubrica notato partem ejus, quæ meridiem spectat, ut eodem modo, quo in seminario erat, deponatur. Deinde ut arbusculæ spatium pedale in circuitu relinquatur, atque ita cum suo cæspite planta eruatur. Qui cæspes in eximendo, ne resolvatur, modicos surculos virgarum inter se conexos facere oportet, eosque pilæ<sup>e</sup>, quæ eximitur<sup>f</sup>, applicare, & viminibus itanectere, ut constricta

9 terra velut inclusa teneatur. Tum subruta parte ima leviter pilam commovere, & suppositis virgis alligare, atque plantam transferre. Quæ antequam

a) sarmentis *conj.* Broukh. b) efficiat Sanger. c) Spatium vitis metiri pingui &c. I. B. R. d) perfatu Sanger.

e) pila L. I. B. R. palæ Asc. Sanger. f) eximuntur L. I. B. R. Sanger.



deponatur, oportebit solum scrobis imum<sup>a</sup> fodere bidentibus: deinde terram aratro subactam ( si tamen pinguior erit summa humus ) immittere , & ita<sup>b</sup> ordei semina substernere , & si constet in scrobibus aqua , ea omnis haurienda est , antequam<sup>c</sup> demittantur arbores : deinde ingerendi minuti lapides , vel glarea mista pingui solo , depositisque seminibus latera scrobis circumcidenda , & aliquid stercoreis interponendum. Quod si cum sua terra plan-<sup>10</sup>ta non convenit , tum optimum est omni fronde privare truncum , atque levatis plagis , fimoque<sup>d</sup> & cinere oblitis<sup>e</sup> , in scrobem vel sulcū deponere . Truncus autem aptior translationi est , qui brachii crassitudinem habet . Poterit etiam longe majoris incrementi & robustioris transferri: quem ita convenit poni , ut si non periculum a pecore habeat , exiguus admodum supra scrobem emineat: lætius enim frondet . Si tamen incursus pecoris aliter vitari non poterit , celsior<sup>f</sup> truncus constituitur , ut sit innoxius ab injuria pecorum . Atque etiam rigandæ sunt<sup>11</sup> plantæ , cum siccitates incesserunt , nec nisi post biennium ferre tangendæ ; ac primo sarculari<sup>g</sup> debent , ita ut simplex stilus altitudinem maximi scrobis ex-

a) copia L. I. Bs R. Sanger. b) ita seminibus subster. I. B. R. Sanger. c) nusquam I. B. R. Sanger. d) cœnoque Sanger. e) obrutis L. Goes. I. B. R. f) i. e. depressior Goes. g) sarculari B. R. marg. Asc. it. conj. Sylburgius in Ind.

- cedat: deinde <sup>a</sup>arando, ne coxam bos, aliamve partem corporis offendat: optimum est etiam constitutas plantas circummunire <sup>b</sup>caveis; deinde constitutum jam, & maturum olivetum in duas partes dividere, quæ alternis annis fructu induantur; neque enim
- 12 olea continuo biennio uberat. Cum subjectus ager consitus non est, arbor coliculum agit: cum seminibus repletur, fructum affert, ita sic divisum olivetum omnibus annis æqualem redditum adfert. Sed id minime bis anno arari debet, & bidentibus alte circumfodiri. Nam post solstitium cum terra æstibus hiat, curandum est, ne per rimas sol ad radi-
- 13 ces arborum penetret. Post æquinoctium autumnale ita sunt arbores ablaqueandæ, ut a superiore parte, si olea in clivo sit, incilia excitentur, quæ limosam aquam ad codicem deducant. Omnis deinde soboles, quæ ex imo stirpe nata est, quotannis extirpanda est, ac tertio quoque fimo (vel) pabulandæ sunt oleæ. Atque eadem ratione stercorebitur olivetum, quam in secundo libro proposui, tamen segetibus
- 14 prospicietur. At si ipsis tantummodo arboribus satis servieris<sup>c</sup>, singulis stercoreis caprini sex libræ, stercoreis sicci modii singuli, vel amurcæ in singulis congius (Stercus) autumnno debet injici, ut permi-

a) dein P. Goes. Sanger. dein ne ar. conj. Broukh. b) circumvenire. Gaudeas deinde L. I. B. R. circumvenire placet Heins. ad Virg. Æn. 6, 132. c) servaveris omnes præter. Goes. & Sanger. qui servari.

stum hiemi radices oleæ calefaciat. Amurca valentibus infundenda est : nam<sup>a</sup> per hiemem si vermes atque alia suberunt animalia, hoc medicamento necantur. Plerumque etiam locis siccis & humidis, 15 arbores musco infestantur: quem nisi ferramento rescueris, nec fructum, nec lætam frondem olea inducet. Quin etiam compluribus interpositis annis olivetum putandum est: nam veteris proverbii meminisse convenit, eum qui aret olivetum, rogare fructum; qui stercoret, exorare; qui cædat, cogere. Quod tamen satis erit octavo anno fecisse, ne fructuarii rami subinde amputentur. Solent etiam quamvis 16 lætæ arbores fructum non afferre. Eas terebrari gallica terebra convenit, atque ita in foramen viridem taleam oleastri demitti; sic velut inita arbor foecundo semine fertilior extat. Sed & sine ablaqueatione adjuvanda est amurca insulsa cum suilla vel nostra urina vetere, cujus utriusque modus servatur: nam maximæ arbori, ni tantundem aquæ miscetur, urna abunde erit. Solent etiam vitio soli fructum oleæ negare<sup>b</sup>. Cui rei sic medebimur: altis 17 gyris ablaqueabimus eas, deinde calcis, pro magnitudine arboris, plus minusve circumdabimus; sed minima arbor modium postulat. Hoc remedio si nihil fuerit effectum, ad præsidium insitionis confugien-

a) ejus *inser.* I. B. R. nam si per hiemem *conj.* Broukh.

b) necare *omnes præter* Goes. *qui* negare.

dum erit: quemadmodum autem olea inserenda sit,  
 18 postmodum dicemus. Non nunquam etiam in olea  
 unus ramus cæteris aliquanto est lætior: quem nisi  
 recideris, tota arbor contristabitur. Ac de olivetis  
 hæcenus dixisse satis est. Superest ratio pomifera-  
 rum arborum, cui rei deinceps præcepta<sup>a</sup> dabimus.

*De arboribus pomiferis.*

X. Locum<sup>b</sup> pomarii, priusquam semina seras,  
 circummunire<sup>c</sup> maceris oportet<sup>d</sup>, vel sepe, vel fos-  
 sa præcipiti<sup>e</sup>, ut non solum pecori, sed & homini  
 transitum negare valeat; quoniam si sæpius<sup>f</sup> cacu-  
 mina hominis manu tractata<sup>g</sup> aut a pecoribus præ-  
 rosa sunt, in perpetuum semina incrementum cape-  
 2 re nequeunt. Generatim autem disponere arbores  
 utile est, maxime etiam ne imbecilla<sup>h</sup> a valentiore  
 prematur, quia nec viribus, nec magnitudine par  
 est, imparique spatio temporis adolescit. Terra,  
 quæ vitibus apta est, etiam arboribus est utilis. An-  
 te annum, quam seminare voles, scrobem fodito<sup>i</sup>:  
 ita sole pluviisve<sup>k</sup> macerabitur, & quod<sup>l</sup> positum

- a) præceptabimus P. præcepta videamus L. b) Modum L. I.  
 B. R. Sanger. c) circumvenire I. B. R. Sanger. v. Heins-  
*ad Virg. Æn.* 132. b. v. *defendentem*. d) oportet *abest*  
 Sanger. e) præcipio nec Sanger. f) prius *conj.* Ursin.  
 g) detracta I. B. R. Goes. Sanger. & Cæsenas, *quem laudat*  
 & *hic probat* Ponted. præfracta L. h) imbecillis *conj.* Ur-  
 sin. i) fodies I. B. R. Sanger. k) pruiniisve *conj.* Broukh.  
 l) qua pedes L. P. Sanger.

est, cito comprehendet. At si eodem anno & scro- 3  
bem facere, & arbores serere voles<sup>a</sup>, minimum ante  
duos menses scrobes fodito, postea stramentis<sup>b</sup> in-  
censis calefacito: quos si latiores patentioresque fe-  
ceris, lætiores uberioresque fructus percipies. Sed 4  
scrobis clibano similis fiat, cujus imum summo pa-  
tentius est, ut laxius radices vagentur, ac minus  
frigoris hieme, minusque æstate vaporis per angu-  
stum os penetret, etiam ut clivosis locis terra,  
quæ in eum congesta est, a pluviis non abluatur.  
Arbores raris intervallis serito, ut cum creverint, 5  
spatium habeant, quo ramos extendant: nam si spisse  
posueris, nec infra serere quid poteris, nec ipsæ  
fructuosæ erunt, nisi intervulseris<sup>c</sup>: itaque inter or-  
dines quadragenos pedes, minimumque tricenos re-  
linquere convenit. Semina lege crassa non minus 6  
quam manubrium bidentis, recta, levia, procera,  
sine ulceribus, integro libro: ea bene & celeriter  
comprehendent. Si ex veteribus ramis sumes, de  
iis quoque, qui quotannis bonos & uberiores fructus  
afferunt, eligito: ac illos magis, qui sunt contra  
solem, quam qui umbris, ramis, aut plantis conti-  
nentur. Sed ante quam arbusculas transferas, nota, 7  
quibus ventis antea fuerant constitutæ, postea ma-

a) prohibes L. P. Sanger. peribis Goes. Sanger. unde propera-  
bis conj. Broukh. b) sarmentis P. Sauger. c) interraseris  
I. B. R.

nus admoveto<sup>a</sup>, ut de clivo & sicco in humidum agrum transferas. Trifurcam maxime ponito. Ea extet minime tribus pedibus. Si eodem scrobe duas aut tres arbusculas voles constituere, curato, ne inter sese contingant<sup>b</sup>: quoniam mutuo contactu aut  
 8 computrescent, aut vermibus interibunt. Cum semina depones, dextera sinistraque usque in imum scrobem fasciculos sarmentorum brachii crassitudinis demittito, ita ut supra terram paullulum extent, per quos æstate parvo labore aquam radicibus subministrare<sup>c</sup> possis. Arbores ac semina cum radicibus autumnno serito,  
 9 hoc est circa Calendas & Idus Octobris. Primo vere, antequam germinent, arbores<sup>d</sup> deponito: ac ne tinea molesta sit seminibus ficulneis, in imum scrobem lentisci taleam inverso cacumine demittito. Ficum frigoribus ne serito. Loca aprica, calculosa, glareosa, interdum & saxosa<sup>e</sup> amat. Ejusmodi arbor cito convalescit, si scrobes amplos patentisque fe-  
 10 ceris. Ficorum genera, etsi sapore atque habitu distant, uno modo, sed pro differentia agri seruntur. Locis frigidis autumnii temporibus, & aquosis præcoques ponito, ut ante pluviam fructum deligas: locis calidis hibernas serito. At si voles ficum, quamvis non natura, seram facere, tum grossulos, prioremve

a) adhibeto Goes. Sanger. b) se constringant L. Goes. I. B. R.  
 c) sumministra I. B. R. sumministres Goes. Sanger. d) alteras conj. Broukh. b. e. sine radicibus. e) saxeta Goes.

remve fructum decutito, iterum alterum edet, quem in hiemem differet. Non nunquam etiam, cum frondere cœperunt<sup>a</sup> cacumina fici, ferro summa prodest amputare, sic firmiores arbores & feraciores fiunt, ac semper conveniet, simulatque folia agere cœperint, ficus, rubricam amurca diluere, & cum stercore humano ad radicem infundere. Ea res efficit<sup>11</sup> uberiores fructum, & fardum<sup>b</sup> fici pleniores ac meliores. Serendæ sunt autem præcipue Livianæ, Africanæ, Chalcidicæ, sulcæ, Lydiæ, callistruthiæ, topiæ, Rhodiæ, Libycæ, hibernæ, omnes etiam biferae & triseræ flosculi. Nucem Græcam serito circa Calend. Febr. quæ prima gemmascit: agrum durum, calidum, siccum, desiderat. Nam in locis di-<sup>12</sup>versis nucem si deposueris, plerumque putrescit. Antequam nucem deponas, in aqua mulsa<sup>c</sup>, nec nimis<sup>d</sup> dulci macerato; ita jucundioris saporis fructum, cum adoleverit, præbebit, & interim melius atque celerius frondebit. Ternas nuces in trigonum sta-<sup>13</sup>tuito, ut nux<sup>e</sup> a nuce minime palmo absit, & anceps ad Favonium spectet. Omnis autem nux unam radicem mittit, & simplici stilo<sup>f</sup> prorepit: cum ad scrobis solum radix pervenit, duritia humi coercita recurvatur, & ex<sup>g</sup> summo duum ramorum ambas

<sup>a</sup>) arbores *ins.* L. I. B. R. <sup>b</sup>) partum Goes. Sanger. I. B. R. <sup>c</sup>) mulsea P. Sanger. <sup>d</sup>) ac nimis L. nec minus *rel.* <sup>e</sup>) nux genimine pal. I. B. R. <sup>f</sup>) stolone I. B. R. <sup>g</sup>) ex se in modum ramorum alias Sanger.

- 14 radices emittit. Nucem Græcam , & Avellanam Tarentinam facere hoc modo poteris. In quo scrobe destinaueris nuces serere, in eo terram minutam pro modo semipedis ponito , ibique semen ferulæ repangito. Cum ferula fuerit enata, eam fūdito , & in medulla ejus sine putamine nucem Græcam aut Avellanam abscondito, & ita adobruito . Hoc ante Calend. Martias facito, vel etiam inter Nonas & Idus Mart. Eodem tempore juglandem, &
- 15 pineam, & castaneam serere oportet. Malum Punicum ab eodem tempore usque in Calend. Aprilis recte seritur. Quod si acidum , aut minus dulcem fructum feret, hoc modo emendabitur. Stercore suillo, & humano, urinaque vetere radices rigato: ea res & fertilem arborem reddet, & primis annis fructum vinosum, & post quinquennium dulcem & apyrenum facit. Nos exiguum admodum laseris vino diluimus, & ita cacumina arboris summa oblevimus ;
- 16 ea res emendavit<sup>a</sup> acorem malorum. Mala Punica ne in arbore<sup>b</sup> rumpantur, remedio sunt lapides tres, si, cum seres arborem, ad radicem ipsam collocaueris. At si jam arborem satam habueris , scillam secundum radicem arboris serito. Alio modo, cum jam matura mala fuerint, antequam rumpantur, ramulos, quibus dependent, intorqueto: eodem modo

<sup>a</sup>) emendabit *omn. prat. L. qui nobiscum.* <sup>b</sup>) arbore ventre medio rumpantur I. B. R.



servabuntur incorrupta etiam toto anno. Pirum au- 17  
 tumno ante brumam serito, ita ut minime dies xxv  
 ad brumam supersint: quæ ut sit ferax, cum adole-  
 verit, alte eam ablaqueato, & juxta ipsam radicem  
 truncum findito, & fissuram cuneo tedæ pinæ adi-  
 gito, & ibi relinquito: deinde absumta<sup>a</sup> ablaqueatio-  
 ne, cinerem supra terram injicito. Curandum est 18  
 autem, ut quam generosissimis piris pomaria conse-  
 ramus. Ea sunt Crustumina, regia, Signina, Ta-  
 rentina, quæ Syria dicuntur, purpurea, superba,  
 ordeacea, Aniciana, Næviana, Favoniana, laterita-  
 na, Dolabelliana, Turrana, volema, mulsa, præ-  
 cocia, venerea, & quædam alia, quorum enumera-  
 tio nunc longa est. Præterea malorum genera ex- 19  
 quirenda maxime Scandiana, Matiana, orbiculata,  
 Sextiana, Pelusiana, Amerina, Syrica, melimela,  
 cydonia: quorum genera tria sunt, struthia, chry-  
 someliana, mustea. Quæ omnia non solum volupta-  
 tem, sed etiam salubritatem afferunt. Sorbi quoque  
 & Armeniaci, atque Persici non minima est gratia.  
 Et mala, sorba, pruna, post mediam messem us-  
 que in Idus Febr. serito. Mororum<sup>b</sup> ab Idib. Febr. 20  
 usque ad æquinoctium vernalis satio est. Siliquam  
 Græcam, quam quidam *καρδάμον* vocant, & Persi-  
 cum ante brumam per autumnum serito. Amygdala,

a) adobruta Goes. Sanger. b) Malorum L. P. Sanger.

si parum ferax erit, forata arbore lapidem adigito,  
 21 & in librum arboris inolescere sinito. Omnium autem  
 generum ramos, circa Cal. Martias in hortis,  
 subacta<sup>a</sup> & stercoreata terra, supra pulvinos arearum  
 disponere convenit. Danda est opera, ut dum teneros  
 ramulos habent, veluti pampinentur, & ad  
 unum stilum primo anno semina redigantur; & cum  
 autumnus incesserit, ante quam frigus cacumina adu-  
 rat, omnia folia decerpere expedit, & ita crassis  
 arundinibus, quæ ab una parte nodos integros ha-  
 beant, velut pileis<sup>b</sup> induere, atque sic a frigore &  
 22 gelicidiis teneras adhuc virgas tueri. Post viginti  
 quatuor deinde menses sive transferre & disponere  
 in ordinem voles, sive inserere, satis tute utrum-  
 que facere poteris.

*De tribus insitionum generibus.*

XI.<sup>c</sup> Omnis surculus omni arbori inseri potest,  
 si non est ei, cui inseritur, cortice dissimilis: si  
 vero etiam similem fructum, & eodem tempore af-  
 fert, sine scrupulo egregie inseritur. Tria genera  
 porro insitionum<sup>d</sup> antiqui tradiderunt. Unum, quo  
 resecta & fissa arbor resectos surculos accipit. Alte-  
 rum, quo resecta inter librum & materiam semina  
 admittit: quæ utraque genera verni temporis sunt.

a) structa Sanger. b) quasi tilia P. L. Sanger. c) Sed præ-  
 pon. L. I. B. R. Sanger. d) incisionum L. & ita sapo.

Tertium, quò ipsas gemmas cum exiguo cortice in partem sui delibratam recipit; quam vocant agricolæ emplâstrationem; vel, ut quidam, inoculationem. Hoc genus insitionis æstivo tempore optime usurpatur. Quarum insitionum<sup>a</sup> rationem cum tradiderimus, a nobis quoque repertam docebimus. Omnes arbores, simulatque gemmas agere cœperint, luna crescente inserito, olivam autem circa æquinoctium vernum, usque in Idus Aprilis. Ex qua arbore inserere voles, & surculos ad insitionem sumturus es, videto, ut sit tenera & ferax, nodisque crebris: & cum primum germina<sup>b</sup> tumbunt, de ramulis anniculis, qui solis ortum spectabunt, & integri erunt, eos legito crassitudine digiti minimi: sureuli sint bifurci, vel trifurci. Arborem, quam inserere voles, serra diligenter exsecato ea parte, qua maxime nitida & sine cicatrice est, dabisque operam, ne librum lædas. Cum deinde truncum<sup>c</sup> recideris, acuto ferramento plagam levato: deinde<sup>d</sup> cuneum tenuem ferreum vel osseum inter corticem & materiem ne minus digitos tres, sed considerate, demittito, ne lædas aut rumpas corticem. Postea surculos, quos inserere voles, falce acutâ ex una parte deradito tantum; quantum cuneus demissus spatii dabit, atque ita, ne medullas, neve alterius partis

a) consitionum I. B. R. b) germinatum ibunt L. I. B. R. Goes.  
c) truncam reddideris P. Goes. d) quasi inser. Goes. I. B. R.

5 corticem lædas. Ubi surculos paratos habueris<sup>a</sup>, cuneum vellito, statimque surculos in ea foramina, quæ cuneo adacti inter corticem & materiam feceris, demittito. Ea autem sine, qua adraseris, surculos sic inserito, ut semipede, nec amplius de arbore extent<sup>b</sup>: (in una arbore duos, vel si truncus vastior est, plures calamos recte inseres<sup>c</sup>, quatuor digitorum inter eos sit spatium: pro arboris  
6 magnitudine & corticis bonitate hæc facito. Cum omnes surculos, quos arbor ea patietur, demiseris, libro ulmi, vel junco, aut vimine arborem constringito: postea paleato luto bene subacto; oblinito totam plagam & spatium, quod est inter surculos, usque eo<sup>d</sup>, dum minime quatuor digitis insita extent): supra deinde muscum<sup>e</sup> imposito, & ita ligato, ne pluvia dilabatur. Quosdam tamen magis delectat in trunco arboris locum seminibus serra facere, insectasque partes tenui scalpello levare, atque ita surculos aptare. Si pusillam arborem insectare voles, imam abscindito, ita ut sesquipede e terra extet: & cum deinde præcideris, plagam diligenter levato: & medium truncum acuto scalpello<sup>f</sup> permodice findito, ita ut fissura digitorum trium sit in ea: deinde cuneum, quo diducatur, inserito,

a) straveris L. P. Sanger. b) ima Goes. c) inseres, dum ne minus quat: Sanger. d) eo ut duobus *lib. de arb.*

e) deinde ramusculum Pol. f) scalpro modice Goes. scalpro Sang.

& surculos ex utraque parte derasos<sup>a</sup> demittito, sic ut librum seminis libro arboris æqualem facias. Cum surculos diligenter aptaveris, cuneum eximito, & arborem, ut supra dixi, alligato: deinde terram circa arborem adaggerato usque ad ipsum insitum. Ea res a vento & calore maxime tuebitur. Hoc<sup>b</sup> tertium genus insitionis<sup>c</sup> cum sit subtilissimum, non omni generi arborum idoneum est, sed fere recipiunt talem insitionem, quæ humidum, succosumque, & validum librum habent, sicut ficus. Nam & lactis plurimum mittit, & corticem robustum habet: optime itaque inseritur (caprifici ramus<sup>d</sup>). Ex arbore, de qua inserere voles, novellos & nitidos ramos eligito, in iisdemque<sup>e</sup> observato gemmam, quæ bene apparebit, certamque spem germinis habebit: eam duobus digitis quadratis circumsignato, ut gemma media sit: & ita acuto scalpello circumcidito delibratoque diligenter, ne gemmam lædas<sup>f</sup>: postea item alterius arboris, quam emplastraturus es, nitidissimum ramum eligito, & ejusdem spatii corticem circumcidito, & materiam delibrato: deinde in eam partem, quam nudaveris, præparatum emplastrum aptato, ita ut alteræ delibratæ parti conveniat.

a) adrasos L. P. Sanger. b) Nos I. B. R. Goes. c) invenimus, quod *inser.* I. B. R. d) ratione Goes. Sanger.

e) ils dein quærto Goes. Sanger. f) circumcisam eam diligenter, ne lædas, delibrato Sanger.

- 11 Ubi ita hæc feceris, circa gemmam bene alligato, cavetoque ne lædas ipsum germen: deinde commissuras & vincula luto oblinito, spatio relicto, ut gemma libera vinculo non urgeatur: arboris autem insitæ sobolem & ramos superiores præcidito, ne quid sit, quo possit succus evocari, aut ne cui magis quam insito serviat: post XXI diem solvito emplastrum: & hoc genere optime etiam inseritur olea.
- 12 Quartum illud genus insitionis jam docuimus, cum de vitibus disputavimus: itaque supervacuum est hoc loco repetere traditam rationem terebrationis. Sed cum antiqui negaverint, posse omne genus surculorum in omnem arborem inseri, & illam quasi finitionem, qua nos paullo ante usi sumus, velut quandam legem sanxerint, eos tantum surculos posse coalescere, qui sint cortice, ac libro, & fructu consimiles iis arboribus, quibus inseruntur; existimavimus errorem hujus opinionis discutiendum, tradendamque posteris rationem, qua possit omne genus surculi omni generi arboris inseri. Quod ne longiore exordio legentem fatigemus, unum quasi exemplum subjiciemus, quo possit omne genus surculi omnibus arboribus inseri. Scrobem quoquoversus pedum quatuor ab arbore olivæ tam longe fodito, ut extremi rami oleæ possint eam contingere,

a) ex illa definitione, quam Goes. Lips. B. R. Sanger.

b) dimissis P. L. dissimilis Sanger.

re : in scrobem deinde fici arbusculam deponito ,  
 diligentiamque adhibeto , ut robusta & nitida fiat .  
 Post triennium<sup>a</sup>, cum jam satis amplum incremen- 14  
 tum ceperit , ramum olivæ , qui videtur nitidissi-  
 mus , deflecte , & ad crus arboris ficulneæ religa :  
 atque ita amputatis cæteris ramulis , ea tantum ca-  
 cumina , quæ inserere voles , relinque : tum arbo-  
 rem fici detrunca , plagamque leva , & mediam cu-  
 neo finde : cacumina deinde olivæ , sicuti matri 15  
 cohærent , ex utraque parte abraide , & ita fissuræ  
 fici insere , cuneumque exime , diligenterque ra-  
 mulos colliga , ne qua vi revellantur : sic interpo-  
 sito triennio convalescit<sup>b</sup> ficus cum olea , & tum  
 demum quarto anno , cum bene coierint , velut  
 propagines , ramulos olivæ a matre resecabis : hoc  
 modo omne genus in omnem arborem inseres . At  
 prius quam finem libri faciamus , quoniam fere spe-  
 cies surculorum omnium persecuti sumus prioribus  
 libris , de cytiso dicere nunc tempestivum est .

*De cytiso .*

XII. Cytisum in agro esse quam plurimum , ma-  
 xime referet<sup>c</sup>, quod gallinis , apibus<sup>d</sup>, capris , bubus  
 quoque & omni generi pecudum utilissimus est :  
 quod ex eo cito pinguescit , & lactis plurimum præ-

a) biennium L. Goes. I. B. R. Sanger. b) coalescet Goes.

c) refert a. V. d) ovibus inser. Goes.

bet ovibus: tum etiam quod octo mensibus viridi  
 eo pabulo uti, & postea arido possis: præterea in  
 quolibet agro, quamvis macerrimo, celeriter com-  
 2prehendit: omnem injuriam sine noxa patitur. Mu-  
 lieres quidem si lactis inopia premuntur, cytisum  
 aridum in aquam macerari oportet, & cum tota  
 nocte permaduerit, postero die expressi succi ter-  
 nas heminas permisceri modico vino, atque ita po-  
 tandum dari: sic & ipsæ valebunt, & pueri abun-  
 3dantia lactis confirmabuntur. Satio autem cytisi vel  
 autumno circa Idus Octobris, vel vere fieri potest.  
 Cum terram bene subegeris, areolas facito, ibique  
 velut ocimi semen cytisi autumno serito. Plantas  
 deinde vere disponito: ita ut interse quoquoersus  
 quatuor pedum spatia distent. Si semen non ha-  
 bueris, cacumina<sup>a</sup> cytisorum vere deponito, & ster-  
 coratam terram circumaggerato. Si pluvia non in-  
 cesserit<sup>b</sup>, rigato quindecim proximis diebus: simul-  
 atque novam frondem agere cœperit, sarrito, &  
 post triennium deinde cædito, & pecori præbeto:  
 4equo abunde est viridis pondo xv, bubus pon-  
 do vicena, cæterisque pecoribus pro portione vi-  
 rium. Potest<sup>c</sup> etiam ante Septembrem satis com-  
 mode ramis cytisi seri, quoniam facile compre-  
 hendit, & injuriam sustinet. Aridum si dabis, par-

a) ima *inser.* I. B. R. b) ingesserit I. B. R. c) autem *ins.*  
 L. P. Goes.



cius præbeto, quoniam vires majores habet, prius-  
que aqua macerato, & exemptum paleis permisceto.  
Cytisum cum aridum facere voles, circa mensem  
Septembrem, ubi semen ejus grandescere incipiet,  
cædito, paucisque horis, dum flaccescat, in sole  
habeto: deinde in umbra exsiccat, & ita condito.  
Hactenus de arboribus præcepisse abunde est, red-  
dituro pecoris curam & remedia sequenti volumine.





L. JUNII MODERATI  
COLUMELLÆ  
DE  
RERUSTICA  
LIBER SEXTUS.

---

BREVIARIUM.

I. De bubus parandis atque emendis, eorumque forma. II. De bubus domandis. III. De boum cura & cibariis. IV. De vitiis boum & medicinis. V. Ubi gregibus pestilentia ingruit, quæ remedia adhibenda sint. VI. Quod remedium adhibeatur bovi cruditate laboranti. VII. Quo remedio sedetur dolor ventris & intestinorum pecoris. VIII. De vitiosis incrementis linguæ. IX. De tussi boum. X. Suppurationis remedia. XI. Claudicanti bovi quod remedium adhibeatur. XII. Ad scabiem remedia, & ad morsum rabiosi canis vel lupi, nec

non & ad coriaginem . XIII. Ad exulcerationem pulmonis, & ad tumorem palati . XIV. Ad tumorem cervicis . XV. Ad convulsos armos, & cornua perfracta . XVI. Ad ictus serpentis & noxiarum animalium . XVII. Remedia ad haustam birudinem . XVIII. De machina facienda, qua clausa jumenta curentur . XIX. De tauri forma . XX. De forma vaccae . XXI. Quotannis delectus faciendus . XXII. De conceptis & stabulis faciendis . XXIII. Quae aetas idonea ad admissuram . XXIV. Remedia ad lumbricos vitulorum . XXV. De castrandis vitulis . XXVI. De equis . XXVII. De aetate admissarii, & quis pullus generetur . XXVIII. De indole & forma equi . XXIX. De cura & medicina equorum . XXX. Ad tussim . XXXI. Ad intertriginem & scabiem . XXXII. Ad muscas & oculorum dolores . XXXIII. Ad fastidia ciborum & labem pestiferam remedia . XXXIV. De equarum rabie . XXXV. De mulis . XXXVI. Ad temperandam saevitiam admissarii in libidinem furentes . XXXVII. De medicinis eorum .

## PRÆFATIO.

**S**CIO quosdam, Publi Silvine, prudentes agricolas pecoris gregariorumque pastorum abnuisse curam, & eam velut inimicam professionis suae disci-

- plinam constantissime repudiasset: neque infitior, id eos aliqua ratione fecisse, quasi sit agricolæ contrarium pastoris propositum: cum ille quam maxime subactio & puro solo gaudeat, hic novali, graminosoque; ille fructum e terra speret, hic e pecore: ita fit, ut quod arator abominatur, contra
- 2 pastor optet, herbarum proventum. Sed in his tam discordantibus votis est tamen quædam societas, atque conjunctio: quoniam & pabulum e fundo plerumque domesticis pecudibus magis, quam alienis depascere ex usu sit, & copiosa stercoratione, quæ contingit e gregibus, terrestres fructus exuberant.
- 3 Nec tamen ulla regio est, in qua modo frumenta gignantur, quæ non, ut hominum, ita armentorum adjumento juvetur<sup>a</sup>: unde etiam jumenta<sup>b</sup> nomen a re traxere, quod nostrum laborem, vel onera subvectando<sup>c</sup>, vel arando juvarent. Itaque sicut veteres Romani præceperunt, ipse quoque censeo tam
- 4 pecorum quam agrorum cultum pernoscere. Nam in rusticatione vel antiquissima est ratio pascendi, eademque quæstuosissima; propter quod nomina quoque & pecuniæ & peculii tracta videntur a pecore: quoniam id solum veteres possederunt, & adhuc apud quasdam gentes unum hoc usurpatur divitiarum genus: & nunc apud nostros quidem colonos

a) adjutorio colatur Sanger. b) & armenta *ins.* L. Goss. Sang.  
c) subjectando Sanger.

alia res uberior nulla est; ut etiam M. Cato credidit, qui consulenti, quam partem rei rusticæ exercendo celeriter locupletari posset? respondit, si bene pasceret: rursusque interroganti, quid deinde faciendo satis uberes fructus percepturus esset? affirmavit, si mediocriter pasceret. Cæterum de tam sapiente viro piget dicere, quod eum quidam auctores memorant, eidem quærenti, quodnam tertium in agricolatione quæstuosum esset? asseverasse, si quis vel male pasceret: cum præsertim majus dispendium sequatur inertem & inscium<sup>a</sup> pastorem, quam prudentem diligentemque compendium. De secundo tamen responso dubium non est, quin mediocrem negligentiam domini fructus pecoris exuperet<sup>b</sup>. Quam ob rem<sup>c</sup> nos quoque hanc partem rei rusticæ, Silvine, quanta valuimus industria, majorum secuti præcepta, posteritati mandavimus. Igitur cum sint duo genera quadrupedum, quorum alterum paramus in consortium operum, sicut bovem, mulam, equum, asinum; alterum voluptatis, ac redditus & custodiæ causa, ut ovem, capellam, suem, canem: de eo genere primum dicemus, cujus usus nostri laboris est particeps: nec dubium, quin (ut ait Varro) cæteras pecudes bos honore superare debeat, præsertim autem<sup>d</sup> in Italia, quæ

a) sævum I. B. R. b) exuberet I. B. R. c) causam Goes. I. B. R. Sanger. d) & plur.

ab hoc nuncupationem traxisse creditur, quod olim Græci tauros ἱεροὺς vocarent; & in ea urbe, cuius in<sup>a</sup>mœnibus condendis mas & fœmina aratro terminum signaverunt, velut pecus<sup>b</sup>: quod item Athenis Cereris & Triptolemi fertur minister: quod inter fulgentissima sidera particeps cæli: quod deinde laboriosissimus adhuc hominis socius in agricultura: cuius tanta fuit apud antiquos veneratio, ut tam capitale esset bovem necasse, quam civem. Ab hoc igitur promissi operis capiamus exordium.

*De bubus parandis atque emendis, eorumque  
forma.*

CAP. I. **Q**UÆ in emendis bubus sequenda, quæque vitanda sint, non ex facili dixerim; cum pecudes, pro regionis cælique statu, & habitum corporis, & ingenium animi, & pili colorem gerant. Aliæ formæ sunt Asiaticis, aliæ Gallicis, Epiroticis aliæ: nec tantum diversitas provinciarum, sed ipsa quoque Italia partibus suis discrepat. Campania plerumque boves progenerat albos & exiles, labori tamen & culturæ patrii soli non inhabiles. Umbria vastos & albos; eademque rubros: nec minus probabiles animis, quam corporibus: Hetruria & Latium

a) in *deest* I. B. R. b) *metam conjj.* Heins.

tium compactos, sed ad opera fortes: Appenninus durissimos omnemque difficultatem tolerantes, nec ab aspectu decoros: quæ cum tam varia & diversa sint, tamen quædam quasi communia & certa præcepta in emendis juvencis arator sequi debet, eaque Mago Carthaginensis ita prodidit, ut nos deinceps<sup>a</sup> memorabimus. Parandi sunt boves novelli, quadra-<sup>3</sup> ti, grandibus<sup>b</sup> membris, cornibus proceris, ac nigrantibus & robustis, fronte lata & crispa, hirtis auribus, oculis & labris<sup>c</sup> nigris, naribus resimis patulisque, cervice longa & torosa, palearibus amplis & pene ad genua promissis, pectore magno, armis vastis, capaci & tanquam implente utero, lateribus porrectis, lumbis latis, dorso recto planoque, vel etiam subsidente, clunibus rotundis, cruribus compactis ac rectis, sed brevioribus potius quam longis, nec genibus improbis, ungulis magnis, caudis longissimis & setosis pilosisque, corpore denso brevique, colore rubeo vel fusco, tactu corporis mollissimo.

*De bubus domandis.*

i. II. Talis notæ vitulos oportet, cum adhuc teneri sunt, consuescere manu tractari, ad præsepia religari, ut exiguus in domitura labor eorum, & minus sit

a) deinde I. B. R. b) grandes I. B. R. c) labiis I. I. H. A. G. St.

periculi. Verum neque ante tertium, neque post  
 quintum annum juvencos domari placet, quoniam illa  
 ætas adhuc tenera est, hæc jam prædura: eos au-  
 tem, qui de grege feri comprehenduntur, sic subigi  
 2 convenit. Primum omnium spatiosum stabulum præ-  
 paretur, ubi domitor facile versari, & unde digre-  
 3 di sine periculo possit. Ante stabulum nullæ angu-  
 stiæ sint, sed aut campus, aut via late patens: ut  
 cum producentur juvenci, liberum habeant excur-  
 sum, ne pavidī aut arboribus, aut objacenti cuilibet  
 rei se implicent, noxamque capiant. In stabulo sint  
 ampla præsepia, supraque<sup>a</sup> transversī asseres in mo-  
 dum jugorum a terra septem pedibus elati configan-  
 tur, ad quos religari possint juvenci. Diem dein-  
 de, quo domituram auspiceris, liberum a tempesta-  
 tibus & a religionibus matutinum eligito, cannabi-  
 4 nisque funibus cornua juvencorum ligato. Sed jacu-  
 li<sup>b</sup>, quibus capulantur<sup>c</sup>, lanatis pellibus involuti sint,  
 ne tenera fronte<sup>d</sup> sub cornua lædantur. Cum dein-  
 de buculos comprehenderis, perducito ad<sup>e</sup> stabulum,  
 & ad stipites religato ita, ut exiguum laxamenti  
 habeant, distentque inter se aliquanto spatio, ne in  
 colluſtatione alter alteri noceat. Si nimis asperi  
 erunt, patere unum diem noctemque desæviant; si-

a) superque Goes. L. Sanger. b) laquei I. B. R. Goes. L.  
 Sanger. c) copulantur *omn. præter* P. d) teneræ frontes  
 Goes. e) extra stabulum producito *post* I. B. R.



mulatque iras contuderint, manu<sup>a</sup> producantur, ita ut & aliquis ante, & a tergo complures, qui sequantur, retinaculis eos contineant, & unus cum clava saligne procedens modicis ictibus subinde impetus eorum coerceat. Sin autem placidi & quieti<sup>5</sup> boves erunt, vel eodem die, quo alligaveris, ante vesperum licebit producere, & docere per mille passus composite ac sine pavore ambulare: cum domum perduxeris<sup>b</sup>, arte ad stipites religato, ita ne capite moveri possint: tum demum ad alligatos boves, neque a posteriore parte, neque a latere, sed adversus, placide & cum quadam vocis adulatione venito, ut accedentem consuescant aspicere: deinde naros perfricato, ut hominem discant odorari. Mox<sup>6</sup> etiam convenit tota tergora & tractare, & respergere mero, quo familiiores bubulco fiant: ventri quoque, & sub femina manum subicere, ne ad ejusmodi tactum postmodum pavescant, & ut ricini, qui plerumque feminibus inhærent, eximantur: itaque<sup>c</sup> cum sit, a latere domitor stare debet, ne calce contingi possit. Post hæc diductis malis educito<sup>7</sup> linguam, totumque eorum palatum sale defricato, libralesque ossas in præulsæ adipis liquamine tinctas, lingula demittito, ac vini singulos sextarios per cornu faucibus infundito: nam per hæc blandi-

a) mane Goes. Sanger. b) reduxeris Goes. c) idque Goes.

menta triduo fere mansuescunt, jugumque quarto die accipiunt, cui ramus illigatur, & temonis vice trahitur<sup>a</sup>: interdum & pondus aliquod injungitur<sup>b</sup>, ut  
 3 majore nisu laboris exploretur patientia. Post ejusmodi experimenta vacuo plostro subjungendi, & paulatim longius cum oneribus producendi sunt. Sic perdomiti mox ad aratrum instituantur, sed in subacto agro, ne statim difficultatem operis reformident, neve adhuc tenera colla dura proscissione terræ contendant<sup>c</sup>. Quemadmodum autem bubulcus in arando bovem instituat, primo præcepi volumine. Curandum, ne in domitura bos calce aut cornu quemquam contingat: nam nisi hæc caveantur, nunquam ejusmodi vitia, quamvis subacto<sup>d</sup>, eximi  
 9 poterunt. Verum ista sic agenda præcipimus, si veteranum pecus non aderit: nam si aderit, expeditior tutiorque ratio domandi est, quam nos in nostris agris sequimur. Nam ubi plostro, aut aratro juvenum consuescimus, ex domitis bubus, valentissimum, eundemque placidissimum cum indomito jungimus; qui & procurrentem retrahat, & cunctan-  
 10 tem producat. Si vero non pigeat jugum fabricare, quo tres jungantur, hac machinatione consequemur, ut etiam contumaces boves gravissima opera non recusent: nam ubi piger juvenus medius inter duos

a) trajicitur Goes. b) infigitur L. c) tundantur B. R.

d) subacta *add.* subactis *conj.* Broukh.

veteranos jungitur, aratroque injuncto<sup>a</sup> terram moliri cogitur, nulla est imperium respuendi facultas; sive enim efferatus prosilit, duorum arbitrio inhibetur: seu consistit, duobus gradientibus etiam obsequitur<sup>b</sup>: seu conatur decumbere, a valentioribus sublevatus trahitur: propter quæ undique necessitate contumaciam deponit, & ad patientiam laboris paucissimis verberibus perducitur. Est etiam post domit<sup>11</sup>uram mollioris generis bos, qui decumbit in sulco: eum non sævitia, sed ratione censeo emendandum: nam qui stimulis, aut ignibus, aliisque tormentis id vitium eximi melius judicant, veræ rationis ignari sunt: quoniam pervicax contumacia plerumque sævientem fatigat; propter quod utilius est citra corporis vexationem fame potius & siti cubitorem bovem emendare: nam eum vehementius afficiunt naturalia desideria, quam plagæ. Itaque, <sup>12</sup> si bos decubuit, utilissimum est, sic pedes ejus vinculis obligari, ne aut insistere, aut progredi, aut pasci<sup>c</sup> possit: quo facto inedia & siti compulsus deponit ignaviam; quæ tamen rarissima est in pecore vernaculo: longeque omnis bos indigena melior est quam peregrinus: nam neque aquæ, nec pabuli, nec cæli mutatione tentatur, neque infestatur conditione regionis, sicut ille, qui ex planis & cam-

a) injecto P. L. Goes. Sanger. b) inhibetur P. invitus obsequitur Goes. Sanger. c) per hoc *im.* Sanger.

pestribus locis in montana & aspera perductus est,  
 13 vel ex montanis in campestria. Itaque etiam, cum  
 cogimur ex longinquo boves arcessere, curandum  
 est, ut ex similibus patriis locis traducantur. Item  
 custodiendum est, ne in corporacione<sup>a</sup>, vel statura,  
 vel viribus impar cum valentiore jungatur: nam utra-  
 14 que res inferiori celeriter affert exitium. Mores hu-  
 15 jus pecudis probabiles habentur, qui sunt propio-  
 res placidis, quam concitatis; sed non inertes: qui  
 sunt verentes plagarum & acclamationum; sed fidu-  
 cia vitium, nec auditu, nec visu pavidi, nec ad in-  
 gredienda flumina aut pontes formidolosi: multi cibi  
 edaces; verum in eo conficiendo lenti: nam hi me-  
 lius concoquunt, ideoque robora corporum citra ma-  
 ciem conservant, qui ex commodo, quam qui fe-  
 15 stinanter mandunt. Sed tam vitium est bubulci,  
 pinguem quam exilem bovem reddere: habilis<sup>b</sup> enim  
 & modica corporatura pecoris operarii debet esse,  
 nervisque & musculis robusta, non adipibus obesa,  
 ut nec sui tergoris mole, nec labore operis degra-  
 vetur. Sed quoniam, quæ sequenda sunt in emen-  
 dis domandisque bubus tradidimus, tutelam eorum  
 præcipiamus.

a) incorporatione *conj.* Gr. *Com.* in comparatione G. b) ha-  
 bilis Goes. L. Pol. Uts. I. B. R. I. J. humilis *al.*

*De boum cura & cibariis.*

III. Boves calore sub divo, frigoribus intra tetum manere oportet: itaque hibernæ stabulationi eorum præparanda sunt stramenta, quæ mense Augusto intra dies triginta sublatæ messis præcisa, in acervum extrui debent. Horum desectio cum pecori, tum agro est utilis: liberantur arva sentibus, qui æstivo tempore per Caniculæ ortum recisi, plerumque radicitus intereunt, & stramentis pecoris<sup>a</sup> subiecti plurimum stercoris efficiunt. Hæc cum ita curaverimus, tum & omne genus pabuli præparabimus, dabimusque operam, ne penuria cibi macrescat pecus. Boves autem recte pascendi non una<sup>2</sup> ratio est: nam si ubertas regionis viride pabulum subministrat, nemo dubitat, quin id genus cibi cæteris præponendum sit: quod tamen nisi riguis aut roscidis locis non contingit. Itaque in iis ipsis vel maximum commodum est, quod sufficit una opera duobus jugis, quæ eodem die alterna temporum vice vel arant, vel pascuntur<sup>b</sup>. Siccioribus agris ad 3 præsepia boves alendi sunt, quibus pro conditione regionum cibi præbentur: eosque nemo dubitat, quin optimi sint vicia in fascem ligata, & cicercula, itemque pratense scænum. Minus commode tue

a) pecori subiectis *conj.* Bronkhi. b) Ita distinguunt vet. edd. & Lips. Aliæ interpungunt post agris.

mur armentum paleis, quæ ubique, & quibusdam regionibus solæ, præsidio sunt: eæ probantur maxime ex milio, tum ex ordeo, mox etiam ex tritico. Sed jumentis justam<sup>a</sup> operam reddentibus, ordeum præter has præbetur. Bobus autem pro temporibus anni pabula dispensantur. Januario mense singulis fresi & aqua macerati ervi quaternos sextarios mistos paleis dare convenit, vel lupini macerati modios, vel cicerculæ maceratæ semodios, & super hæc affatim paleas. Licet etiam, si sit leguminum inopia, & eluta & siccata vinacia, quæ de  
 5 lora eximuntur, cum paleis miscere; nec dubium est, quin ea longe melius cum suis folliculis, ante quam eluantur, præberi possint: nam & cibi, & vini vires habent, nitidumque & hilare, & corpulentum pecus faciunt. Si grano abstinemus, frondis aridæ corbis pabulatoria<sup>b</sup> modiorum viginti sufficit, vel fœni pondus triginta, vel si non, modius viridis laureæ & iligneæ frondis: sed his, si regionis copia permittat, glans adjicitur: quæ nisi ad satietatem detur, scabiem parit. Potest etiam, si proventus utilitatem facit, semodius fabæ fresæ præberi. Mense Febuario  
 6 plerumque eadem cibaria<sup>c</sup> sufficiunt. Martio & Aprili debet ad fœni pondus adjici, quia terra proscinditur: sat autem erit pondus quadragesa singulis da-

a) juxta *b. e.* justa operum *L. recte.* b) pabulatoribus *L. I. B. R.* c) sunt cibaria *I. B. R. Goes. Lips. Sanger.*

ri: ab Idibus tamen mensis Aprilis usque in Idus Junias viride pabulum recte secatur: potest etiam in Calendas Julias frigidioribus locis idem præstari: a quo tempore in Calendas Novemb. tota æstate, & deinde autumno satientur fronde; quæ tamen non ante est utilis, quam cum maturuerit vel imbribus, vel assiduis roribus: probaturque maxime ulmea, post fraxinea, & ab hac populnea: ultimæ sunt ilignea, & querneæ & lauræ: sed<sup>a</sup> post æstatem necessariæ deficientibus cæteris. Possunt etiam & folia ficulnea probe dari, si sit eorum copia, aut stringere arbores expediat. Ilignea tamen (vel) melior est querneæ, sed ejus generis, quod spinas non habet: nam id quoque, uti juniperus<sup>b</sup>, respuitur a pecore propter aculeos. Novembri mense<sup>8</sup> ac Decembri, per sementem, quantum appetit bos, tantum præbendum est: plerumque tamen sufficiunt singulis modii glandis & paleæ ad satietatem datæ, vel lupini macerati modii, vel ervi aqua conspersi sextarii vii permisti paleis, vel cicerculæ similiter conspersæ sextarii xii misti paleis, vel singuli modii vinaceorum, si iis, ut supra dixi, large paleæ adjiciantur; vel si nihil horum est, per se sæni pondo quadraginta.

a) ex *int.* Goes. b) ervis Goes. Sanger.

*De vitiis boum & medicinis.*

IV. Sed non proderit cibus satiari pecora, nisi omni<sup>a</sup> adjuventur diligentia, ut salubri sint corpore, viresque conservent: quæ utraque custodiuntur large dato per triduum medicamento, quod componitur pari pondere tritici<sup>b</sup> lupini, cupressique, & cum aqua nocte una sub divo habito; idque quater anno fieri debet ultimis temporibus veris, æstatis, autumn<sup>2</sup> ni, hiemis: sæpe etiam languor & nausea discutitur, si integrum gallinaceum crudum ovum jejunis<sup>c</sup> faucibus inseras, ac postero die spicas ulpici vel alii cum vino conteras, & in naribus infundas: neque hæc tantum remedia salubritatem faciunt. Multi & largo sale miscent pabula; quidam marrubium dederunt<sup>d</sup> cum oleo & vino, quidam porri fibras, alii grana thuris, alii sabinam herbam rutamque cum mero diluunt: eaque medicamenta potanda præbeant. Multi caulibus vitis albæ, & valvulis ervi<sup>e</sup> bubus medentur: nonnulli pellem serpentis obtritam cum vino miscent. Est etiam remedio, cum dulci vino tritum serpillum, & concisa & in aqua macerata scilla. Quæ omnes prædictæ potiones trium heminarum, singulis diebus per triduum datæ, al-

a) omnis adhibeatur Goes. Sanger. b) tristis Goes. Sanger.

c) jejuni L. Sanger. *recte*. d) forte deterunt. e) albis L. B. R. Sanger.



vum purgant; depulsisque<sup>a</sup> vitiis, recreant vires: maxime tamen habetur salutaris amurca, si tantum- 4  
dem aquæ misceas, & ea pecus insuescas; quæ protinus dari non potest, sed primo cibi asperguntur; deinde exigua portione medicatur aqua, mox pari mensura mista datur ad satietatem<sup>b</sup>.

*Ubi gregibus pestilentia ingruit, quæ remedia  
adhibenda sint.*

V. Nullo autem tempore, & minime æstate utile est boves in cursum concitari: nam ea res aut cit alvum, aut movet febrem: cavendum quoque est, ne ad præsepia sus aut gallinæ perrepat. Nami hoc quod decidit, immistum pabulo, bubus affert necem: & id præcipue, quod egerit sus ægra, pestilentiam facere valet: quæ cum in gregem incidit, confestim mutandus est cæli status, & in plures partes distributo pecore. longinquæ regiones petendæ sunt, atque ita segregandi a sanis morbidi, ne quis interveniat, qui contagione cæteros labefaciat<sup>c</sup>. Itaque cum ablegabuntur, in ea 2  
loca perducendi sunt, quibus nullum impascitur pecus, ne adventu suo etiam illis tabem afferant. Evincendi sunt autem quævis pestiferi morbi, & exquisitis remediis propulsandi. Tunc panacis &

a) repulsisque I. B. R. b) saturitatem I. B. R. c) labefaciet Sanger.

eryngii radices fœniculi seminibus miscendæ, &  
 2 cum defruti ac moliti tritici farina, candenti (que)  
 aqua conspergendæ, eoque medicamine salivandum  
 3 ægrotum pecus. Tunc paribus casia, myrrhæque  
 & thuris ponderibus, ac tantumdem sanguinis ma-  
 rinæ testudinis miscetur potio cum vini veteris sex-  
 tarius tribus, & ita per nares infunditur. Sed ip-  
 sum medicamentum ponderis sexcunciae divisum,  
 portione æqua per triduum cum vino dedisse sat erit.  
 Præsens etiam remedium cognovimus radicula, quam  
 pastores consiliginem vocant: ea in Marsis monti-  
 bus plurima nascitur, omni que pecori maxime est  
 salutaris. Læva manu effoditur ante solis ortum:  
 4 sic enim lecta majorem vim creditur habere. Usus  
 ejus traditur talis: ænea subula<sup>a</sup> pars auriculæ la-  
 tissima circumscribitur, ita ut manante sanguine  
 tanquam O literæ ductus appareat orbiculus. Hoc  
 & intrinsecus, & ex superiore parte auriculæ cum  
 factum est, media pars descripti orbiculi eadem su-  
 bula<sup>a</sup> transuitur, & facto foramini prædicta radícula  
 inseritur; quam cum recens plaga comprehendit,  
 ita continet, ut elabi non possit: in eam deinde au-  
 riculam omnis vis morbi, pestilensque virus elicitur,  
 donec pars, quæ subula<sup>a</sup> circumscripta est, demor-  
 tua excidit, & minimæ partis jactura caput conser-

a) fibula I. B. R. Goes. L. Sanger.

vatur. Cornelius Celsus etiam visci folia cum vino 5 trita per nares infundere jubet. Hæc facienda, si gregatim pecora laborant: illa deinceps, si singula.

*Quod remedium adhibeatur bovi cruditate laboranti.*

VI. Cruditatis signa sunt crebri ructus, ac ventris sonitus, fastidia cibi, nervorum intentio, hebetes oculi. Propter quæ bos neque ruminat, neque lingua se deterget. Remedio erunt aquæ calidæ duo congii, & mox triginta brassicæ caules modice cocti, & ex aceto dati, sed uno die abstinendum est alio cibo. Quidam clausum intra testâ continent, ne pasci possit: tum lentisci oleastrique cacuminum pondo 1v, & libram mellis una trita permiscent aquæ congio, quam nocte una sub dio habent, atque ita faucibus infundunt. Deinde interposita hora macerati ervi quatuor libras objiciunt, aliaque potione prohibent. Hoc per triduum fieri debet, dum omnis causa languoris discutiatur. Nam si neglecta cruditas est; & inflatio ventris, & intestinorum major dolor insequitur, qui nec capere cibos sinit, gemitus exprimit, locoque stare non patitur, sæpe decumbere & agitare caput, caudamque crebrius agere cogit. Manifestum remedium est, proximam clunibus partem caudæ

vinculo vehementer obstringere, vinique sextarium cum olei hemina faucibus infundere, atque ita citatum per mille & quingentos passus agere. Si dolor permanet, ungulas circumsecare, & uncta<sup>a</sup> manu per anum inserta fimum extrahere, rursusque agere currentem. Si nec hæc<sup>b</sup> profuit res, caprifici aridæ conteruntur, & cum dodrante aquæ calidæ dantur. Ubi nec hæc medicina processit, myrti sylvestris foliorum duæ libræ deligantur, totidemque sextarii calidæ aquæ misti per vas ligneum faucibus infunduntur: atque ita sub cauda sanguis emititur: qui cum satis profluxit, inhibetur papyri ligamine. Tum concitate agitur pecus eo usque, dum anhelet. Sunt & ante detractionem sanguinis illa remedia; tribus heminis vini tres unciae pinsiti allii permiscuntur, & post eam potionem currere cogitur. Vel salis sextans cum cepis decem conteritur, & admisto melle decocta collyria immittuntur alvo, atque ita citatus<sup>c</sup> hos agitur.

*Quo remedio sedetur dolor ventris & intestinorum pecoris.*

VII. Ventris quoque & intestinorum dolor sedatur visu nantium, & maxime anatis: quam si conspexerit, cui intestinum dolet, celeriter tor-

a) cuncta MS. Heins. *ad Ovid. A. A. 1, 661. it. Goes.*

b) hoc profuit, tres Goes. Sanger. c) citatius Goes. Sanger.

mento liberatur. Eadem anas majore profectu mules & equinum genus conspectu suo sanat. Sed interdum nulla prodest medicina. Sequitur terminum vitium, quorum signum est cruenta & mucosa ventris proluvies. Remedia<sup>a</sup> sunt cupressini quindecim<sup>2</sup> coni, totidemque gallæ, & utrorumque ponderis<sup>b</sup> vetustissimus caseus: quibus in unum tunsis admiscentur austeri vini quatuor sextarii, qui pari mensura per quatrimum dispensati dantur: nec desint lentisci, myrtique, & oleastri cacumina viridis<sup>c</sup>. Alvus, corpus ac vires carpit, operique inutilem reddit: quæ cum accident, prohibendus erit bos portione per triduum<sup>d</sup>, primoque de cibo abstinendus: sed mox cacumina oleastri, & arundinis, item bac-<sup>3</sup> cæ lentisci & myrti dandæ; nec potestas aquæ, nisi quam parcissime facienda est. Sunt qui teneræ laurus caulium libram, cum abrotoni macerati pari portione dent<sup>e</sup>, cum aquæ calidæ duobus sextariis, atque ita faucibus infundant, eademque pabula, ut supra diximus, objiciant. Quidam vinæorum duas<sup>4</sup> libras torrefaciunt & ita conterunt, & cum totidem sextariis vini austeri, potandum medicamentum præbent, omnique alio humore prohibent, nec minus cacumina prædictarum arborum objiciunt. Quod si

a) Remedio Goes. I. B. R. Sanger. b) pondere *conj.* Ursinus.  
c) viridia *conj.* Ursinus. d) biduum I. B. R. e) deterant Sanger.

neque ventris restiterit<sup>a</sup> citata proluvies, neque intestinorum ac ventris dolor, cibosque respuet; & prægravato capite, si sæpius, quam consuevit, lacrymæ ab oculis, & pituita a naribus profluent: usque ad ossa frons media uratur, auresque ferro scindantur<sup>b</sup>. Sed vulnera facta igne dum sanescunt, defricare bubula urina convenit: at ferro rescissa melius pice & oleo curantur.

*De vitiosis incrementis linguæ.*

VIII. Solent etiam fastidia cibo<sup>c</sup> afferre vitiosa incrementa linguæ, quas ranas veterinarii vocant. Hæc ferro reciduntur, & sale cum allio pariter trito vulnera defricantur, donec lacessita pituita decidit. Tum vino perluitur<sup>d</sup> os, & interposito unius horæ spatio virides herbæ, vel frondes dantur, dum facta ulcera<sup>e</sup> cicatrices ducant. Si neque ranæ fuerint, neque alvus citata, & nihilo minus cibos non appetet, proderit allium pinsitum cum oleo per nares infundere, vel sale, vel cunela defricare fauces, vel eandem partem allio tunso & hallicula linire. Sed hæc, si solum fastidium est<sup>f</sup>.

*Quale*

- a) creverit I. B. R. crescit L. b) deciduntur I. B. R. L. Goes.  
 c) cibi *vel* ciborum *conj.* ex Veget. d) proluitur Goes. Sanger.  
 e) vulnera Veget. f) tollunt I. I. est *reliqui*.

*Quale remedium febricanti bovi conveniat.*

IX. Febricanti bovi convenit abstinere cibo uno die, postero deinde exiguum sanguinem jejuno sub cauda emitti, atque interposita hora modicæ magnitudinis coctos brassicæ coliculos triginta ex oleo & garo salivati more demitti, eamque escam per quinque dies jejuno dari: præterea cacumina lentisci, aut oleæ, vel tenerrimam quamque frondem, aut pampinos vitis objici, tum etiam spongia labra detergeri, & aquam frigidam ter die præberi potandam. Quæ medicina sub testæ fieri debet, nec ante sanitatem bos emitti. Signa febricantis, manantes lacrymæ, gravatum caput, oculi compressi, fluidum salivis os, longior & cum quodam impedimento tractus spiritus, interdum & cum gemitu.

*De tussi boum.*

X. Recens tussis optime salivato farinæ ordeaceæ discutitur. Interdum magis prosunt gramina concisa, & his admista fresa faba. Lentis quoque valvulis exemptæ & minute<sup>a</sup> molitæ, miscentur aquæ calidæ sextarii duo, factaque sorbitio per cornu infunditur. Veterem tussim sanant duæ libræ hyssopi

<sup>a</sup>) minute H. recte, puto: minutæ al.

macerati sextariis aquæ tribus. Nam id medicamentum teritur, & cum lentis minute<sup>a</sup>, ut dixi, molitæ sextariis quatuor more salivati datur, ac postea <sup>2</sup> aqua hyssopi per cornu infunditur. Porri etiam succus oleo, vel ipsa fibra cum ordeacea farina contrita, remedio est. Ejusdem radices diligenter lotæ, & cum farre triticeo pinsitæ, jejunoque datæ, vetustissimam tussim discutiunt. Facit idem pari mensura ervum sine valvulis cum torrefacto<sup>b</sup> ordeo molitum, & salivati more in fauces demissum.

*Suppurationis remedia.*

XI. Suppuratio melius ferro rescinditur, quam medicamento. Expressus deinde sinus ipse, qui eam continebat, calida bubula urina eluitur, atque<sup>c</sup> linamentis pice liquida & oleo imbutis colligatur. Vel si colligari<sup>d</sup> ea pars non potest, lamina candenti sebum caprinum aut bubulum instillatur. Quidam, cum vitiosam partem inusserunt, urina vetere eluunt, atque ita æquis ponderibus incocta pice liquida cum vetere axungia linunt.

a) *ut supra*. b) torreo Goes. L. I. B. R. Sanger. torrido *conj.* N. Heins. *ad Ovid. Fast.* 2, 24. c) ita *inser.* P. Goes. Sanger. d) collui *omnes, prat.* Goes.



*Claudicanti bovi, quod remedium adhibeatur.*

XII. Sanguis demissus<sup>a</sup> in pedes claudicationem affert; quod<sup>b</sup> cum accidit, statim ungula inspicitur: tactus autem fervorem demonstrat, nec bos vitiatam partem vehementius premi patitur. Sed si sanguis adhuc supra ungulas in cruribus est, fricatione<sup>c</sup> assidua discutitur; vel cum ea nihil profuit, scarificatione demitur. At si jam in ungulis est, inter<sup>a</sup> duos ungues cultello leviter aperies. Postea linamenta sale atque aceto imbuta applicantur, ac solea spartea pes induitur<sup>d</sup>, maximeque datur opera, ne<sup>e</sup> in aquam pedem mittat, & ut sicce stabuletur. Hic idem sanguis, nisi emissus fuerit, saniem creabit, qui si suppuraverit, tarde percurabitur: ac primo ferro circumcisis & expurgatus, deinde pannis aceto & sale & oleo madentibus inculcatis, mox axungia vetere & sevo<sup>f</sup> hircino pari pondere decoctis, ad sanitatem perducitur. Si sanguis in inferior<sup>3</sup> re parte ungulæ est, extrema pars ipsius unguis ad vivum resecatur, & ita emittitur, ac linamentis pes involutus spartea munitur. Mediam ungulam ab inferiore parte non expedit aperire, nisi eo loco jam suppuratio facta est. Si dolore nervorum

a) dimissus *omnes prat.* Goes. & Ursin. b) quæ I. B. R.  
c) frictione Sanger. d) inducitur P. Sang. e) bos *ins.* Goes.  
Sanger. f) sebo Goes. Sanger.

claudicat, oleo & sale gēua poplitesque & crura  
 4 confricanda sunt, donec sanetur. Si gēua intumue-  
 rint, calido aceto fovenda sunt, & lini semen aut  
 milium detritum, conspersumque aqua mulsa, im-  
 ponendum: spongiæ quoque ferventi aqua imbutæ  
 & expressæ, atque melle litæ, recte genibus ap-  
 plicantur, ac fasciis circumdantur. Quod si tumori  
 subest aliquis humor, fermentum, vel farina ordea-  
 cea ex passo aut aqua mulsa decocta, imponitur:  
 & cum maturuerit suppuratio, rescinditur ferro,  
 eaque emissa, ut supra docuimus, linamentis cura-  
 5 tur. Possunt etiam (ut Cornelius Celsus præcipit)  
 lilii radix, aut scylla cum sale, vel sanguinalis her-  
 ba, quam πολύγονοι Græci appellant, vel marrubium  
 ferro reclusa sanare. Fere autem omnis dolor cor-  
 poris, si sine vulnere est, recens melius fomentis  
 discutitur; vetus uritur, & supra ustum butyrum,  
 vel caprinus instillatur adeps.

*Ad scabiem remedia, & ad morsum rabiosi canis  
 vel lupi, nec non & ad coriaginem.*

XIII. Scabies extenuatur trito allio defricto, eo-  
 demque remedio curatur rabiosæ canis vel lupi mor-  
 sus, qui tamen & ipse imposito vulnere vetere sal-  
 samento, æque bene sanatur. Et ad scabiem præ-  
 sentior alia medicina est: cunila<sup>a</sup> bubula & sulphur  
 a) cunicula bub. Goes. Sanger. *Vera lectio debetur Beroaldo.*

conteruntur, admistaque amurca cum oleo, aqua, aceto incoquantur: deinde tepidius scissum alumen tritum spargitur: id medicamentum candente sole illitum maxime prodest. Ulceribus gallæ tritæ remedio sunt; nec minus succus marrubii cum fuligine. Est & infesta pestis bubulo pecori, coriaginem rustici appellant, cum pellis ita tergori adhæret, ut apprehensa manibus deduci a costis non possit. Ea res non aliter accidit, quam si bos aut ex languore aliquo ad maciem perductus est; aut sudans in opere faciendo refrixit, aut si sub onere pluvia madefactus est. Quæ quoniam perniciosæ sunt, custodiendum est, ut, cum ab opere boves redierint, adhuc æstuantes anhelantesque vino aspergantur, & offæ adipis faucibus eorum inserantur. Quod si prædictum vitium inhæserit, proderit decoquere laurum, & ea calda fovere terga, multoque oleo & vino confestim subigere, ac per omnes partes apprehendere & attrahere pellem; idque optime fit sub dio, sole fervente. Quidam fraces<sup>a</sup> vino & adipe commiscent, eoque medicamento post fomenta prædicta utuntur.

*Ad exulcerationem pulmonis, & ad tumorem palati atque cervicis.*

XIV. Est etiam illa gravis pernicies, cum pul-

<sup>a</sup>) floctes I. B. flores R. flaces Goes. Sanger. feces Veget.

mones exulcerantur: inde tussis & macies, & ad ultimum phthisis invadit. Quæ ne mortem afferant, radix consiliginis<sup>a</sup> ita, ut supra docuimus, perforatæ auriculæ inseritur, tum porri succus instar heminæ pari olei mensuræ miscetur, & cum vini sextario<sup>2</sup> potandus datur diebus compluribus. Interdum & tumore<sup>b</sup> palati cibos respuit, crebrumque suspirium facit, & hanc speciem præbet, ut bos in latus pendere videatur: ferro palatum opus est sauciare, ut sanguis profluat, & exemtum valvulis eruvum maceratum, viridemque frondem, vel aliud<sup>3</sup> molle pabulum, dum sanetur præbere. Si in opere collum contusum erit<sup>c</sup>, præsentissimum est remedium sanguis de aure emissus: aut si id factum non erit, herba, quæ vocatur avia, cum sale trita & imposita. Si cervix mota & dejecta est, considerabimus quam in partem declinet, & ex diversa auricula sanguinem detrahemus. Ea porro vena, quæ in aure videtur esse amplissima, sarmento prius verberatur: deinde cum ad ictum intumuit, cultello solvitur; & postero die iterum ex eodem loco sanguis emittitur, ac biduo ab opere datur vacatio: tertio deinde die<sup>d</sup>, levis<sup>e</sup> iungitur labor, & paulatim<sup>4</sup> ad justa perducitur. Quod si cervix in neu-

a) consitus in his P. coryli inusta *reliqui*. b) tumor Goes. I. B. R. Sanger. c) contuderit Goes. L. I. B. R. Sanger. d) die *negligitur* I. B. R. e) levis L. I. B. R. Morg. III. 2; .  
*al. levius.*

tram partem dejecta est, mediaque intumuit, ex utraque auricula sanguis emittitur. Qui cum intra biduum<sup>a</sup>, cum bos vitium cepit, emissus non est, intumescit collum, nervique tenduntur, & inde nata duricies jugum non patitur. Tali vitio comperimus aureum<sup>b</sup> esse medicamentum ex pice liquida, & bubula medulla, & hircino sevo, & vetere oleo æquis ponderibus compositum, atque incoctum. Hac compositione sic utendum est: cum disjungitur ab opere, in ea piscina, ex qua bibit, tumor cervicis aqua madefactus subsiccatur<sup>c</sup>, prædictoque medicamento defricatur & illinitur. Si ex toto propter<sup>6</sup> cervicis tumorem jugum recuset, paucis diebus requies ab opere danda est: tum cervix aqua frigida defricanda, & spuma argenti illinenda est. Celusus quidem tumentis cervici herbam, quæ vocatur Avia, ut supra dixi, contundi & imponi jubet. Clavorum, qui fere cervicem infestant, minor molestia est: nam facile operanti<sup>d</sup> lucerna instillatur<sup>e</sup>. Potior tamen ratio est custodiendi, ne nascantur, 7 neve colla calvescant, quæ non aliter glabra fiunt, nisi cum sudore aut pluvia cervix in opere madefacta est: itaque cum id accidit, veteri lateri la-

a) triduum L. Goes. I. B. R. Sanger. b) autem L. I. B. R. Sanger. aptum Goes. c) subjicitur I. B. R. L. Goes. Sanger. d) per ardentem Sanger. e) operanti lucernam instillato L. I. B. R. instillato Sanger. nam facit eo per lucernam medentem instillatio paratior est Goes. vid. Veget. paratior Sanger.

ter<sup>a</sup> conteritur, eoque intrito prius, quam disjunctantur, colla conspergi oportet: deinde cum id siccum erit, subinde oleo imbui.

*Ad convulsos armos, & cornua præfracta.*

XV. Si talum aut ungulam vomer<sup>b</sup> læserit, picem duram & axungiam cum sulfure & lana succida involutam candente ferro supra vulnus inurito. Quod idem remedium optime facit exemta stirpe, si forte surculum calcaverit, aut acuta testa vel lapide ungulam pertuderit<sup>c</sup>, quæ tamen si altius vulnerata est, latius ferro circumciditur, & ita inuritur, ut supra præcepi: deinde sparteæ calceatæ<sup>a</sup> per triduum suffuso aceto curatur. Item si vomer crus sauciaverit, marina lactuca, quam Græci *τιθύμακον* vocant, admisto sale imponitur. Subtriti pedes eluuntur calefacta bubula urina: deinde fasce sarmentorum incenso, cum jam ignis in favillam recidit, ferventibus cineribus cogitur insistere, ac pice liquida cum oleo vel axungia cornua ejus linuntur. Minus tamen claudicabunt armenta, si<sup>d</sup> opere disjunctis multa frigida laventur pedes; & deinde suffragines, coronæ<sup>e</sup>, ac discrimen ipsum, quo divisa est bovis ungula, vetere axungia defricetur.

a) latericio trito prius L. Goes. & P. pulvere latericio trito Veget. b) vomere L. I. B. R. Sanger. c) perculerit L. I. B. R. d) ab *ini. ex* Veget. Morg. e) quo venæ Sang.

XVI. Sæpe etiam<sup>a</sup> vel gravitate longioris<sup>b</sup>, vel (cum) in proscindendo, aut duriori solo, aut obviæ radici obluctatus, convellit armos. Quod cum accidit, e prioribus cruribus sanguis mittendus est: si dextrum armum læsit, in sinistro; si lævum, in dextro; si vehémentius utrumque vitiavit, item in posterioribus cruribus venæ solventur. Præfractis<sup>2</sup> cornibus linteola sale atque aceto & oleo imbuta superponuntur, ligatisque per triduum eadem infunduntur. Quarto demum<sup>c</sup> axungia pari pondere cum pice liquida, & cortice pineo, levigato (que) imponitur. Et ad ultimum cum jam cicatricem ducunt, fuligo infricatur. Solent etiam neglecta ulcera scatere vermibus: qui si mane perfunduntur aqua frigida, rigore contracti decidunt; vel si hac ratione non possunt eximi, marrubium aut porrum conteritur, & admisto sale imponitur: id celerrime necat prædicta animalia. Sed expurgatis ulceribus,<sup>3</sup> confestim adhibenda sunt linamenta cum pice & oleo; veteraque axungia, & extra vulnera eodem medicamento circumlinienda; ne infestentur a muscis, quæ ubi ulceribus insederunt, vermes creant.

a) bos *inser.* Juntt. b) longiore I. B. R. longi laboris I. I. *quam læsionem probat* Morg. III. 28. c) die *ex Veg. ins.* Morg. III. 29.

*Ad idus serpentis & noxiorum animalium.*

XVII. Est etiam mortifer<sup>a</sup> iis serpentis idus, est & minorum<sup>b</sup> animalium noxium virus: nam & viperæ, & cæcilia sæpe cum in pascuo<sup>c</sup> bos improvide supercubuit, laecessita onere morsum imprimit. Musque araneus, quem Græci *μυγαλὴν* appellant, quamvis exiguis dentibus, non exiguam pestem molitur. Venena viperæ depellit super scarificationem ferro factam herba, quam vocant personatam, trita &  
 2 cum sale imposita. Plus etiam ejusdem radix contusa prodest, vel Simonianum<sup>d</sup> trifolium: quod invenitur confragosis locis, efficacissimum traditur, odoris gravis, neque absimilis bitumini, & idcirco Græci eam *ἄσφαλτον* appellant; nostri autem propter figuram vocant acutum trifolium: nam longis & hirsutis foliis viret, caulemque robustiorem fa-  
 3 cit, quam pratense. Hujus herbæ succus vino mistus infunditur faucibus, atque ipsa folia, cum sale trita malagmatis more, scarificationi intenditur<sup>e</sup>: vel si hanc herbam viridem tempus anni negat, semina ejus collecta, & levigata cum vino dantur potanda,

a) mortiferus serp. I. B. R. L. Goes. Veget. Morg. III, 30.

b) magnorum *omnes*. c) pascuo Goes. Sanger. pascuis Veget. pascua *al.* d) vel si montanum trifolium invenitur, quod confragosis locis efficacissimum nascitur Goes: si montanum Sanger. nascitur P. L. Veg. e) malagmatis incendunt L. I. B. R. Sanger.



radicesque cum suo caule tritæ, & farina<sup>a</sup> & sale commistæ ex aqua mulsa scarificationi superponuntur. Est etiam præsens remedium, si conteras fra-  
xini tenera cacumina quinque librarum, cum totidem vini & duobus sextariis olei, expressumque succum faucibus infundas; itemque cacumina ejusdem arboris cum sale trita læsæ parti superponas. Cæcilie morsus tumorem suppurationemque molitur: idem facit etiam muris aranei; sed illius sanatur noxa subula<sup>b</sup> ænea, si locum læsum compungas, cretaque cimolia ex aceto linas. Mus perniciem,<sup>5</sup> quam intulit, suo corpore luit: nam animal ipsum oleo mersum necatur, & cum imputruit, conteritur, eoque medicamine<sup>c</sup> morsus muris aranci linitur. Vel si id non adest, humorque<sup>d</sup> ostendit injuriam dentium, cuminum conteritur, eique adjicitur exiguum picis liquidæ & axungie, ut lentorem malagmatis habeat. Id impositum perniciem commovet<sup>e</sup>. Vel si antequam tumor discutiatur, in sup-  
purationem convertitur, optimum est, ignea lamina conversionem resecare, & quicquid vitiosi est, inurere, atque ita liquida pice cum oleo linire. Solet etiam ipsum animal vivum creta figulari circumdari; quæ cum siccata est, collo boum suspenditur:

a) hordeacea farina Goes. Sanger. Veg. b) fibula Goes. L. I. B. R. Sanger. c) quandoque *ins.* Goes. d) forte tumor-  
que *Vid. Not.* e) submovet Veg. *recte.*

ea res innoxium pecus a morsu muris aranei præ-  
 7 bet . Oculorum vitia plerumque melle sanantur :  
 8 nam sive intumuerunt , aqua mulsa triticeæ farinæ  
 conspergitur & imponitur : sive album in oculo est ,  
 montanus sal , Hispanus , vel ammoniacus , vel etiam  
 Cappadocus , minute tritus & immistus melli , vitium  
 extenuat : facit idem trita sepiæ testa , & per fistu-  
 lam ter die oculo inspirata : facit & radix , quam  
 Græci σίλφιον vocant , vulgus autem nostra consue-  
 8 tudine laserpitium appellant : hujus quantocunque  
 9 ponderi decem partes salis ammoniaci adjiciuntur ,  
 eaque pariter trita oculo similiter infunduntur , vel  
 eadem radix contusa<sup>a</sup> , & cum oleo lentisçi inuncta  
 vitium expurgat . Epiphoram supprimit polenta cons-  
 persa mulsa aqua , & in supercilia genasque im-  
 posita , pastinacæque<sup>b</sup> agrestis semina , & succus armo-  
 raceæ , cum melle conlinita<sup>c</sup> oculorum sedant dolo-  
 9 rem . Sed quotiescunque mel , aliusve succus reme-  
 10 diis adhibetur , circumliniendus erit oculus pice li-  
 quida cum oleo , ne a muscis infestetur : nam & ad  
 dulcedinem mellis , aliorumque medicamentorum non  
 hæ solæ , sed & apes advolant .

a) tunsa Sanger. b) pastinacæ quoque Goes. & Veget.

c) conlevata Goes. L. I. B. R. circum levata MS. S. Germ.  
 circumlevigata conj. Heins. circumlita conj. Burm. ad Quintil.  
 Ded. 15, § p. 277.

*Remedia ad haustam hirudinem.*

XVIII. Magnam etiam perniciem sæpe affert hirudo hausta cum aqua: ea adhærens faucibus sanguinem ducit, & incremento suo transitum cibis præcludit: si tam difficili loco est, ut manu detrahi non possit, fistulam, vel arundinem inserto, & ita calidum oleum infundito: nam eo contactu animal confestim decedit. Potest etiam per fistulam<sup>a</sup> deusti cimicis nidor<sup>a</sup> immitti: qui ubi superponitur igni, fumum emittit, & conceptum nidorem fistula usque ad hirudinem perfert; isque nidor depellit hærentem. Si tamen vel stomachum, vel intestinum tenet, calido aceto per cornu infuso necatur. Has medicinas quamvis bubus adhiberi<sup>b</sup> præceperimus; posse tamen ex his plurima etiam omni majori pecori convenire, nihil dubium est.

*De machina facienda, qua clausa jumenta curentur.*

XIX. Sed & machina fabricanda est, qua clausa, jumenta bovesque curentur, ut & propior accessus ad pecudem medentibus<sup>c</sup> sit, nec in ipsa curatione quadrupes reluctando remedia respuat: est

a) odor P. I. Goes. Sanger. b) adhiberi *om.* L. I. B. R. adhibendas præceperim Goes. Sanger. præceperim I. B. R.  
c) totus I. B. R.

autem talis machinæ forma. Roboreis axibus<sup>a</sup> compingitur solum, quod habet in longitudinem pedes novem, & in latitudinem pars prior dupondium se-  
<sup>2</sup> missem, pars posterior quatuor pedes: huic solo septenum pedum stipites recti ab utroque latere quaterni applicantur: ii autem in ipsis quatuor angulis affixi sunt, omnesque transversis sex temonibus quasi vacerræ inter se ligantur, ita ut a posteriore parte, quæ latior est, velut in caveam quadrupes possit induci, nec exire alia parte prohibentibus adversis axiculis. Primis autem duobus statuminibus imponitur firmum jugum, ad quod jumen-  
<sup>3</sup> ta capistrantur, vel boum cornua religantur: ubi possunt etiam numelli<sup>b</sup> fabricari, ut inserto capite descendantibus per foramina regulis cervix<sup>c</sup> teneatur: cæterum corpus laqueatum & distentum temonibus obligatur, sicque immotum animal medentis arbitrio est expositum. Hæc ipsa machina communis erit omnium majorum quadrupedum.

*De tauri forma.*

XX. Quoniam de bubus satis præcepimus, opportune de tauris vaccisque dicemus. Tauros maxime membris amplissimis, moribus placidis, media<sup>d</sup> ætate, probandos censeo: cætera fere eadem om-

a) assibus I. B. R. asseribus L. *e gloria*. b) numellæ B. R. Sanger. c) cervicæ P. catenetur Sang. d) medietate Goes.

nia in his observabimus, quæ in bubus eligendis: neque enim alio distat bonus taurus a castrato, nisi quod huic torva facies est, vegetior aspectus, breviora cornua, torosior cervix, & ita vasta, ut sit maxima portio corporis, ventre paullo substrictiore, qui magis rectus<sup>a</sup>, & ad ineundas fœminas habilis sit.

*De forma vaccæ.*

XXI. Vaccæ quoque probantur altissimæ formæ, longæque, maximis uteris, frontibus latissimis, oculis nigris & patentibus<sup>b</sup>, cornibus venustis & levibus & nigrantibus, pilosis auribus, compressis malis, palcaribus & caudis amplissimis, ungulis modicis, & modicis<sup>c</sup> cruribus. Cætera quoque fere eadem in fœminis, quæ & in maribus, desiderantur, & præcipue, ut sint novellæ: quoniam, cum excesserint annos decem, fœtibus inutiles sunt: rursus minores bimis iniri non oportet. Si ante tamen conceperint, partum earum removeri placet, ac per triduum, ne laborent, ubera exprimi, postea mulctra prohiberi.

*Quotannis delectus faciendus.*

XXII. Sed & curandum est omnibus annis in

a) treus Goes. Sanger. *quid si teres?* b) patentissimis I. B. R. Sanger. c) modicis om. Goes. Sanger. L. I. B. R. Junr.

hoc æque atque in reliquis gregibus pecoris, ut delectus habeatur: nam & enixæ, & vetustæ, quæ gignere desierunt, summovendæ sunt, & utique tauræ, quæ locum fœcundarum occupant, ablegandæ, vel aratro domandæ; quoniam laboris & operis non minus quam juvenci, propter uteri sterilitatem, patientes sunt. Ejusmodi armentum maritima & aprica hiberna desiderat; æstate, opacissima nemorum, ac montium alta<sup>a</sup> magis, quam plana pascua: nam melius nemoribus herbidis, & fructetis, & carectis, quam lapidosis locis durantur ungulæ. Nec tam fluvios rivosque desiderant, quam lacus manu factos; quoniam fluvialis<sup>b</sup> aqua, quæ fere frigidior est, partum abigit, & cælestis<sup>c</sup> jucundior est. Omnis tamen externi<sup>d</sup> frigoris tolerantior equino armento vacca est, ideoque facile sub dio hibernat.

*De conseptis & stabulis faciendis.*

XXIII. Sed laxo spatio consepta facienda sunt, ne in angustiis conceptum altera alterius elidat, & ut invalida fortioris ietus effugiat. Stabula sunt optima saxo aut glarea strata, non incommoda tamen etiam sabulosa: illa, quod imbres respuant; hæc,

a) ac læta I. B. R. b) pluvialis L. c) cælesti L. d) externi L. P. Goes. Sanger. *pl. extremi.*

hæc, quod celeriter sorbeant, transmittantque: sed utraque devexa sint, ut humorem effundant, spectentque ad meridiem, ut facile siccentur, & frigidis ventis non sint obnoxia. Levis autem cura pascui est: nam ut lætior herba consurgat, fere ultimo tempore æstatis incenditur: ea res & teneriora pabula recreat, & sentibus ustis fruticem surrecturum in altitudinem compescit. Ipsi vero corporibus affert salubritatem juxta conseptum saxi & canalibus sal superjectus, ad quem saturæ pabulo libenter recurrunt, cum pastoralis signo quasi receptui canitur: nam id quoque semper crepusculo fieri debet, ut ad sonum buccinæ pecus, si quod in silvis substerit, septa repetere consuescat: sic enim recognosci grex poterit, numerusque censeri, si veluti ex militari disciplina intra stabularii castra manserint. Sed non eadem in tauros exercentur imperia, qui freti viribus per nemora vagantur, liberosque egressus reditusque habent, nec revocantur, nisi ad coitus scæminarum.

*Quæ ætas idonea ad admissuram.*

XXIV. Ex his, qui quadrimis minores sunt, majoresque quam duodecim annorum, prohibentur admissura: illi, quoniam quasi puerili ætate semi-

a) Hic Goes. L. I. B. R. b) constare L. I. B. R. Sanger.

c) stabulorum Goes. L. I. B. R. Sanger.

- nandis armentis parum habentur idonei; hi, quia senio sunt effecti. Mense Julio foeminae maribus plerumque permittendae, ut eo tempore conceptos
- 2 proximo vere adultis jam pabulis edant. Nam decem mensibus ventrem perferunt, neque ex imperio magistri, sed sua sponte marem patiuntur. Atque in id fere, quod dixi, tempus, naturalia congruunt desideria, quoniam nimietate<sup>a</sup> verni pabuli pecudes exhilaratae lasciviunt. Quod<sup>b</sup> si aut foemina recusat, aut non appetit taurus, eadem ratione, qua fastidientibus equis mox praecipiemus<sup>c</sup>, elicitur cupiditas odore genitalium admoto naribus.
- 3 Sed & pabulum circa tempus admissurae subtrahitur<sup>d</sup> foeminis, ne eas steriles reddat nimia corporis obesitas; & tauris adjicitur, quo fortius ineant: unumque marem quindecim vaccis sufficere abunde est: qui ubi juveneam supervenit, certis signis comprehendere licet, quem sexum generaverit: quoniam si parte dextra desiluit, marem seminare manifestum est; si laeva, foeminam: id tamen verum esse non aliter apparet, quam ubi post unum coitum forda non admittit taurum: quod & ipsum
- 4 raro accidit. Nam quamvis plena foetu non expletur libidine, adeo ultra naturae terminos etiam in

a) stierate Goes. stierate L. *forte* satietate. b) in Venerem, quam Sanger. c) *male hic interpungebatur ante Com. vid. Morg. I, 31.* d) subtrahitur: foeminas ne steriles L. B. R.



pecudibus plurimum<sup>a</sup> pollent blandæ voluptatis illecebræ. Sed non dubium est, ubi pabuli sit lætitia, posse omnibus annis partum educari; at ubi penuria est, alternis submitti: quod maxime in operariis<sup>b</sup> fieri placet, ut & vituli annui temporis spatium lacte satientur, nec forda simul operis & uteri gravetur onere: quæ cum partum edidit, nisi cibus fulta est, quamvis bona nutrix, labore fatigata nato subtrahit alimentum. Itaque & fœtæ cytisus viridis & torrefactum ordeum, maceratumque ervum præbetur, vel<sup>c</sup> tenero olere, commisto torrido molitoque<sup>d</sup> milio, & per unam<sup>e</sup> noctem lacte macerato<sup>f</sup>, salivatur<sup>g</sup>. Melius etiam in hos usus Altinæ vaccæ probantur<sup>h</sup>, quas ejus regionis incolæ Cervas<sup>i</sup> appellant: eæ sunt humilis staturæ, lactis abundantes, propter quod remotis earum fœtibus, generosum pecus alienis educatur uberibus: vel si hoc præsidium non adest, faba fresa, & vinum recte tolerat, idque præcipue in magnis gregibus fieri oportet.

- a) pluribus Sanger. b) vaccis *add.* Goes. c) & tenerius olus torrido L. I. B. R. & tennem vitulus torrido Goes. Sanger. d) mollitoque L. I. I. H. A. G. e) permixto Goes. Sanger. f) macerato *em.* Goes. L. I. B. R. Goes. Sanger. g) *Sic* Goes. P. Col. Sanger. salviatur *reliqui.* h) parantur Goes. Sanger. i) gevas Sanger.

*Remedia ad lumbricos vitulorum.*

XXV. Solent autem vitulis nocere lumbrici, qui fere nascuntur cruditatibus. Itaque moderandum est, ut bene concoquant: aut si jam tali vitio laborant, lupini semicrudi conteruntur, & offæ salivati more faucibus ingeruntur. Potest etiam cum arida fico & ervo conteri herba Santonica, & formata in offam, sicut salivatum demitti. Facit idem axungię pars una tribus partibus hyssopi permixta. Marrubii quoque succus & porri valet ejusmodi necare animalia.

*De castrandis vitulis.*

XXVI. Castrare vitulos Mago censet, dum adhuc teneri sunt, neque id ferro facere, sed fissa ferula comprimere testiculos, & paulatim confringere: idque optimum genus castrationum putat, <sup>2</sup> quod adhibetur ætati teneræ sine vulnere: nam ubi jam induruit, melius bimus, quam anniculus castratur: idque facere vere vel autumno, luna decrescante, præcipit, vitulumque ad machinam deligare<sup>a</sup>: deinde prius quam ferrum admoveas, duabus angustis ligneis regulis (veluti forcipibus) apprehendere<sup>b</sup> testium nervos, quos Græci κατὰ τὴν ἀκρότητα

a) religare L. b) & ipsos nervos L. I. B. R. Sanger.

ab eo appellant; quod ex illis genitales partes dependent: quibus comprehensis, statim testes ferro resecare, & expressos ita rescindere<sup>a</sup>, ut extrema pars eorum adhærens prædictis nervis relinquantur. Nam hoc modo nec eruptione sanguinis periclitatur<sup>3</sup> juvençus, nec in totum effrematur adempta omni virilitate; formaque<sup>b</sup> servata maris<sup>c</sup>, generandi vim deposuit, quam tamen ipsam non protinus amittit: nam si patiaris eum a recenti curatione<sup>d</sup> scæminam inire, constat ex eo posse generari; sed minime id permittendum, ne profluvio sanguinis intereat. Verum vulnera ejus sarmentitio cinere cum argenti spuma linenda sunt, abstinendusque eo die ab humore, & exiguo cibo alendus. Sequenti triduo velut<sup>4</sup> æger cacuminibus arborum, & desecto viridi pabulo oblectandus, prohibendusque multa potione. Placet etiam pice liquida & cinere, cum exiguo oleo ulcera ipsa post triduum linire, quo & celerius cicatricem ducant, nec a muscis infestentur. Hactenus de bubus dixisse abunde est.

*De equis.*

XXVII. Quibus cordi est educatio generis equini, maxime convenit providere auctorem industrium,

a) recidere I. B. R. Sanger. b) formamque servat Goes. L. I. B. R. Sanger. c) cum *ins.* Goes. Sanger. d) castratione Mörg. I, 32.

& pabuli copiam, quæ utraque vel mediocria possunt aliis pecoribus adhiberi: summam sedulitatem, & largam satietatem desiderat equinum<sup>a</sup> pecus: quod ipsum tripartito dividitur. Est enim generosa materies, quæ circo, sacrisque certaminibus equos præbet: est mularis, quæ pretio fœtus sui comparatur generoso; est & vulgaris, quæ mediocres fœminas maresque progenerat. Ut quæque est præstantior,  
 2 ita ubere campo pascitur. Gregibus autem spatiosa & palustria, nec ( non ) montana pascua eligenda sunt, rigua, nec unquam siccanæ, vacuaque<sup>b</sup> magis, quam stirpibus impedita, frequenter mollibus potius  
 3 quam proceris herbis abundantia. Vulgaribus equis passim maribus ac fœminis pasci permittitur, nec admissuræ certa tempora servantur. Generosis circa vernal æquinoctium mares jungentur, ut eodem tempore, quo conceperint, jam lætis & herbidis campis post anni<sup>c</sup> messem parvo cum labore fœtum educant: nam mense duodecimo partum edunt. Maxime itaque curandum est prædicto tempore anni, ut tam fœminis quam admissariis desiderantibus coeundi fiat potestas, quoniam id præcipue armentum si prohibeas, libidinis extimulatur furiis, unde etiam

a) equitium Goes. Sanger. pecus om. L. I. B. R. Goes. Sang.

b) vacuæ omnes præter Goes. & Ursin. c) annum menssem L. Goes. Sanger. unde annum emensum conj. Broukh.

Quid si post undenum mensem?

veneno inditum est nomen ἵππομανίς, quod equi-  
 næ cupidini similem mortalibus amorem accendat .  
 Nec dubium, quin aliquot regionibus tanto flagrent <sup>4</sup>  
 ardore coeundi sceminæ, ut etiam si marem non ha-  
 beant, assidua & nimia cupiditate figurantes<sup>a</sup> sibi  
 ipsæ venerem (cohortalium more avium) vento con-  
 cipiant. Quæ<sup>b</sup> enim poeta licentius dicit : *Scilicet* <sup>5</sup>  
*ante omnes furor est insignis equarum. Et mentem*  
*Venus ipsa dedit, quo tempore Glauci Potniades*  
*malis membra absumsere quadrigæ. Illas ducit amor*  
*trans Gargara, transque sonantem Ascanium, supe-*  
*rant montes & flumina tranant, Continuoque avi-* <sup>6</sup>  
*dis ubi subdita flamma medullis, Vere magis, quia*  
*vere calor redit ossibus<sup>c</sup>, ille Ore omnes versæ in*  
*Zephyrum stant rupibus altis, Exceptantque leveis*  
*auras, & sæpe sine ullis Conjugiis, vento gravidæ*  
*(mirabile dictu) Saxa per & scopulos, & depres-*  
*sas convalles Diffugiunt, non Eure tuos neque so-*  
*lis ad ortus; In Boream, Caurumque, aut unde*  
*nigerrimus Auster Nascitur & pluvio contristat*  
*frigore calum. Cum sit notissimum etiam in Sacro* <sup>7</sup>  
*monte Hispaniæ, qui procurrit in occidentem juxta*  
*Oceanum, frequenter equas sine coitu ventrem per-*  
*tulisse, foetumque educasse, qui tamen inutilis est,*  
*quod triennio, prius quam adolescat, morte absumi-*

a) figurantibus I. figurando Sanger. b) Neque Goes. Sanger,  
 c) omnibus L. I. B. R.

cur. Quare, ut dixi, dabimus, operam, ne circa æquinoctium vernum equæ desideriis naturalibus an-  
 8 gantur. Equos autem pretiosos reliquo tempore anni remove-  
 re oportet a feminis, ne aut cum volent, ineant, aut si id facere prohibeantur, cupidine sollicitati<sup>a</sup> noxam contrahant. Itaque vel in longinqua  
 9 pascua marem placet ablegari, vel ad præsepia contineri: eo-  
 que tempore, quo vocatur<sup>b</sup> a fœminis, roborandus est largo cibo, & appropinquante vere or-  
 deo ervoque saginandus, ut veneri supersit, quantoque fortior inierit, firmiora semina præbeat futuræ  
 10 stirpi. Quidam etiam præcipiunt eodem ritu, quo mulos<sup>c</sup>, admissarium saginare, ut hac sagina hilaris plurimis fœminis sufficiat: verum tamen nec minus quam quindecim, nec rursus plures quam viginti, unus debet implere, isque admissuræ potest<sup>d</sup> trimus adhiberi, & usque ad annos viginti plerumque idoneus esse. Quod si admissarius iners in venerem est, odore perfricatur<sup>e</sup> deter-  
 sis spongia fœminæ locis, & admota naribus equi: rursus si equa marem non patitur, detrita scilla naturalia ejus linuntur, quæ res accendit libidinem. Nonnunquam ignobilis quoque<sup>f</sup> vulgaris elicit cupidinem coeundi. Nam ubi admotus

a) sollicitationis Goes. Sanger. b) vacatur L. recte puto.

c) mulas Goes. L. Sanger. tauros conj. Ponted. d) post trimatum Goes. Sanger. e) proritatur deter- . . . naribus.

f) Equa rursus si qua marem Goes. proritatur Sanger.

g) copulam add. conj. Morg. I, 11.

fere tentavit obsequium, fœmina abducitur<sup>a</sup>, & jam patientiori generosior equus imponitur. Inde major prœgnantibus adhibenda cura est, largoque pascuo firmandæ. Quod si frigore hiemis herbæ defecerint, testis continerantur, ac neque opere, neque cursu exerceantur, neque frigori committantur, nec in angusto clausove, ne aliæ aliarum conceptus elidant: nam hæc omnia incommoda fœtum labiunt: Quod tamen si aut partu, aut abortu equa laboravit, remedio erit filicula trita, & aqua tepida permista, dataque per cornu. Sin autem prospere cessit, minime manu contingendus pullus erit: nam læditur etiam lævissimo contactu. Tantum<sup>b</sup> cura adhibebitur, ut & amplo & calido loco cum matre versetur, ne aut frigus adhuc infirmo noceat, aut mater in angustiis eum obterat. Paulatim deinde producendus erit, providendumque, ne stercore ungulas adurat. Mox cum firmior fuerit, in eadem pascua, in quibus mater est, dimittendus, ne desiderio partus sui laboret equa: nam id præcipue genus pecudis amore natorum, nisi fiat potestas, noxam trahit. Vulgari fœminæ solenne est omnibus annis parere, generosam convenit alternis continere, quo firmior pullus lacte materni laboribus certaminum præparetur.

a) adducitur I. B. R. Sang. b) Tanta I. B. R. Sanger.

*De ætate admissarii, & quis pullus generetur.*

XXVIII. Marem putant minorem trimo non esse idoneum admissuræ, posse vero usque ad vigesimum annum progenerare; fœminam bimam recte concipere, ut post tertium annum enixa fœtum educet: eamque<sup>a</sup> post decimum non esse utilem, quod ex<sup>b</sup> annosa matre tarda sit atque iners proles: quæ sive ut fœmina, sive ut masculus concipiatur, nostri arbitrii fore. Democritus affirmat, qui præcipit, ut cum progenerari marem velimus, sinistrum testiculum admissarii lineo funiculo, aliove quolibet obligemus; cum fœminam, dextrum: idemque in omnibus penè pecudibus faciendum censet<sup>c</sup>.

*De indole & forma equi.*

XXIX. Cum vero natus est pullus, confestim licet indolem æstimare, si hilaris, si intrepidus, si neque conspectu, novæque rei auditu terretur, si ante gregem procurrit, si lascivia & alacritate interdum & cursu certans<sup>d</sup> æquales exuperat, si fossam sine cunctatione<sup>e</sup> transilit, pontem<sup>f</sup> flumenque transcendit: hæc erunt honesti animi documenta. Corporis vero forma constabit exiguo capite,

a) eandemque Goes. Sanger. b) sex annos a matre tardavit L. I. B. R. c) censeo L. d) cerraminis I. B. R. Sanger. e) contractione Gymn. f) pontones male legi ait Heins. ad Virg. Georg. 3, 78.



nigris oculis, naribus apertis, brevibus auriculis & arrectis, cervice molli lataque nec longa, densa juba & per dextram partem profusa, lato & muscutorum toris numeroso pectore, grandibus armis & rectis, lateribus inflexis, spina duplici, ventre substricto, testibus paribus & exiguis, latis lumbis & subsidentibus<sup>a</sup>, cauda longa & setosa crispaeque, æ<sup>3</sup> qualibus<sup>b</sup> atque altis rectisque cruribus, tereti genu parvoque neque introrsus spectanti, rotundis clunibus, feminibus torosis ac numerosis, duris ungulis & altis & concavis rotundisque, quibus coronæ mediocres superpositæ sunt: sic universim<sup>c</sup> corpus compositum, ut sit grande, sublime, erectum, ab aspectu quoque agile, & ex longo, quantum figura permittit, rotundum. Mores autem laudantur, qui sunt<sup>4</sup> ex placido concitati, & ex concitato mitissimi: nam hi & ad obsequia reperiuntur habiles, & ad certamina<sup>d</sup> laborum patientissimi. Equus bimus ad usum domesticum recte domatur; certaminibus autem, expleto triennio: sic tamen, ut post quartum decimum annum labori committatur. Annorum notæ cum corpore mutantur: nam dum bimus & sex mensium est, medii dentes superiores & inferiores cadunt: cum quartum agit annum, lis, qui canini ap-

a) subrigentibus L. b) mollibus Goes. B. R. Junct. Sanger.

c) universum I. B. I. I. H. A. G. d) certaminum laborem. Equus I. B. R. Sanger. certamina laboremque promptissimi Goes.

5 pellantur, dejectis, alios affert: intra sextum deinde annum, molares superiores<sup>a</sup> cadunt: sexto anno, quos primos mutavit, exæquat: septimo omnes explentur æqualiter, & ex eo cavatos gerit: nec postea quot annorum sit, manifesto comprehendi potest: decimo tamen anno tempora cavari incipiunt, & supercilia nonnunquam canescere, & dentes prominare. Hæc, quæ ad animum, & mores, corpusque & ætatem pertinent, dixisse satis habeo. Nunc sequitur curam recte, & minus valentium demonstrare.

*De cura & medicina equorum.*

XXX. Si sanis est macies, celerius torrefacto tritico, quam ordeo reficitur: sed & vini, potio danda est, ac deinde paullatim ejusmodi cibi subtrahendi immistis ordeo furfuribus, dum consuescat faba & puro ordeo ali. Nec minus quotidie corpora pecudum, quam hominum defricanda sunt: ac sæpe plus prodest pressa manu subegisse terga<sup>b</sup>,  
 2 quam si largissime cibos præbeas. Multum autem refert, robur corporis ac pedum servare<sup>c</sup>: quod utrumque custodiemus, si idoneis temporibus ad præsepia, ad aquam, ad exercitationem pecus duxerimus, curæque fuerit, ut stabulentur sicco lo-

a) & inferiores *ins.* Goes. Sanger. *recte*. b) equi P. c) conservare Goes. Sanger.

to, ne humore madescant ungulæ: quod facile evitabimus, si aut stabula roboreis axibus<sup>a</sup> constrata; aut diligenter subinde emundata fuerit humus; & paleæ superjectæ<sup>b</sup>. Plerumque jumenta<sup>c</sup> morbos concipiunt lassitudine; & æstu, nonnunquam & frigore, & cum suo tempore urinam non fecerint; vel si sudant, & a concitatione confestim biberint; vel si cum diu steterint, subito ad cursum extimulata sunt. Lassitudini quies remediū est, ita ut in fauces oleum, vel adeps vino mista infundatur: frigori fomenta adhibentur<sup>d</sup>, caputque & spina tepenti adipe vel vino liniuntur: si urinam non facit, eadem fere remedia sunt: nam oleum immistum vino super ilia & renes infunditur: & si hoc parum profuit, melle decocto, & sale, collyrium tenue inditur foramini, quo meat<sup>e</sup>urina, vel musca viva, vel thuris mica, vel de bitumine collyrium inseritur naturalibus. Hæc eadem remedia adhibentur<sup>f</sup>; si urina genitalia decusserit: capitis dolorem indicant lacrymæ, quæ profluunt, auresque flaccidæ, & cervix cum capite aggravata, & in terram summissa. Tum rescinditur vena, quæ sub oculo est, & os calda fovetur, ciboque abstinetur primo die.

a) assibus I. B. R. asseribus L. & ex conjectura Sylb. in Indi

b) palea superjecta I. B. R. concitati int. Goes. alii non habent. c) medicina jumentorum inters. P. d) & calefacto oleo. lumbi rigantur, add. Goes. e) manat Goes. f) adhibebuntur I. B. R. Sanger.

In postero autem potio jejuno tepidæ aquæ præbe-  
tur, ac viride gramen, tum vetus scœnum, vel mol-  
le stramentum substernitur, crepusculoque aqua ite-  
rum datur, parumque ordeï cum viciæ<sup>a</sup> lib. ii. s. ut  
6 perexigua portione cibi ad justa perducantur. Si  
equo maxillæ dolent, calido aceto fovendæ, &  
axungia vetere confricandæ sunt, eademque medi-  
cina tumentibus adhibenda est. Si artus læserit,  
aut sanguinem demiserit, medio fere in utroque  
crure venæ solvantur, & thuris polline cum eo,  
qui profluit, sanguine immisto, artus linantur, &  
ne plus justo exinaniantur<sup>b</sup>, stercus ipsius jumenti,  
7 fluentibus venis admotum<sup>c</sup>, fasciis obligetur. Postero  
quoque die ex iisdem<sup>d</sup> sanguis detrahatur, eo-  
demque modo curetur, ordeoque abstineatur, exi-  
guo fœno dato. Postridie<sup>e</sup> deinde usque in diem  
sextum porri succus instar trium cyathorum mistus  
cum olei hemina faucibus per cornu infundatur.  
Post sextum diem lente ingredi cogatur, & cum  
ambulaverit, in piscinam demitti cum conveniet,  
ita ut natet: sic paulatim firmioribus cibis adjutus<sup>f</sup>,  
8 ad justa perducetur. At si bilis molesta jumento  
est, venter intumescit, nec emittit ventos. Manus

a) vicialibus I. B. R. *Lectionem nostram habent* Goes. L. Juntt. b) exanimetur Sanger. c) ad motum *divis. pene omnes perperam. Vid. Morg. I, 34. it. III, 38.* d) locis *inser.* Goes. Sanger. e) Post triduum L. I. B. R. I. I. f) adhibitis *conj.* Broukh.

uncta inseritur alvo, & obsessi<sup>a</sup> naturales exitus adaperiuntur, exentoque stercore, postea cunila bubula & herba pedicularis cum sale trita & decocta melli miscentur, atque ita facta collyria subjiciuntur, quæ ventrem movent, bilemque omnem deducunt. Quidam myrrhæ tritæ quadrantem cum hermina vini faucibus infundunt, & anum liquida pice oblinunt. Alii marina aqua lavant alvum, alii recenti muria. Solent etiam vermes quasi<sup>b</sup> lumbrici nocere intestinis, quorum signa sunt, si jumenta cum dolore crebro volutantur, si admovent caput utero, si caudam sæpius jactant. Præsens medicina<sup>10</sup> est, ita ut supra scriptum est, inserere manum & finum eximere; deinde alvum marina aqua, vel muria dura lavare; postea radicem capparis tritam cum sestario aceti faucibus infundere, nam hoc modo prædicta intereunt animalia.

*Ad tussim.*

XXXI. Omni autem imbecillo pecori alte substernendum est, quo mollius cubet. Recens tussis celeriter sanatur, pinsita lente & a valvulis separata minuteque molita. Quæ cum ita facta sunt, sextarius aquæ calidæ in eandem mensuram lentis miscetur, & faucibus infunditur; similisque medici-

a) obsepti *malit* Heins. *ad Ovid.* AA. 1, 662. b) in qua L. Goes. Sanger. *forte* inquam P.

na triduo adhibetur, ac viridibus herbis, cacumini-  
 busque arborum recreatur ægrotum pecus. Vetus  
 autem tussis discutitur porri succo trium cyathorum  
 cum olei hemina faucibus infuso, iisdemque, ut su-  
 2 pra monuimus, cibis præbitis. Impetigines, &  
 quicquid scabies occupat, aceto & alumine defri-  
 cantur. Nonnunquam, si hæc permanent, paribus  
 ponderibus permistis nitro & scisso alumine, cum  
 aceto linuntur. Papulæ ferventissimo sole usque eo  
 strigile raduntur, quoad eliciatur sanguis: tum ex  
 æquo miscentur radices agrestis<sup>a</sup> herbæ, sulfurque  
 & pix liquida cum alumine: & eo medicamine præ-  
 dicta vitia curantur.

*Ad intertriginem & scabiem.*

XXXII. Intertrigo bis in die subluitur aqua ca-  
 lida. Mox decocto ac trito sale cum adipe defrica-  
 tur, dum saniei<sup>b</sup> vis emanat. Scabies mortifera huic  
 quadrupedi est, nisi celeriter succurritur: quæ, si  
 levis est, inter initia candenti<sup>c</sup> sub sole vel ce-  
 dria<sup>d</sup> vel oleo lentisci linitur, vel urticæ semine &  
 oleo detritis; vel unguine ceti, vel quod in lanci-  
 2 bus salicus thynnus remittit: præcipue tamen huic  
 noxæ

a) agrostis conj. Ursin. b) sanguis emanet I. B. R. Goes.  
 Sanger. c) candenti sole MS. Heins. ad Ovid. Trist. 1, 1,  
 5. forte sebo. d) cedro Goes. Sanger. quod pro cedria ponit  
 zult Heinsius.

noxæ salutaris est adeps marini vituli. Sed si jam inveteraverit, vehementioribus opus est remediis; propter quod bitumen, & sulfur, & veratrum pici liquidæ, axungięque veteri commista, pari pondere incoquantur, atque ea compositione curantur, ita ut prius scabies ferro erasa, perluatur urina. Sæpe etiam scalpello usque ad vivum resecare & amputare scabiem profuit, atque ita factis ulceribus mederi liquida pice, atque oleo, quæ expurgant<sup>a</sup>, & replent vulnera æque: quæ cum expleta sunt, ut celerius cicatricem & pilum ducant, maxime proderit fuligo ex ahenis ulceri infricata.

*Ad muscas & oculorum dolores.*

XXXIII. Muscas quoque, vulnera infestantes, summovebimus pice & oleo, vel unguine mistis & infusis: cætera ervi farina recte curantur. Cicatrices oculorum jejuna saliva & sale defricatæ<sup>b</sup> extenuantur: vel cum fossili<sup>c</sup> sale trita sepiæ testa, vel semine agrestis pastinacæ pinsito, & per linteam super oculos expresso. Omnisque dolor oculorum inunctione succi plantaginis cum melle acapno<sup>d</sup>, vel si id non est, utique thymino celeriter levatur. Nonnunquam etiam per nares profluvium

a) purgant Goes. Sanger. b) defricatæ Goes. Sanger. c) fossili Goes. al. fusili. d) Attico editi.

sanguinis periculum attulit, idque repressum est in-  
fuso naribus viridis coriandri succo.

*Ad fastidia ciborum & labem pestiferam remedia.*

XXXIV. Interdum & fastidio ciborum langu-  
escit pecus. Ejus remedium est genus seminis, quod  
git appellatur: cujus duo cyathi triti adjunguntur<sup>a</sup>  
olei cyathis tribus, & vini sextario, atque ita fau-  
cibus infunduntur. Et<sup>b</sup> nausea discutitur etiam, si  
caput allii tritum cum vini hemina sæpius potan-  
dum præbeas. Suppuratio melius ignea lamina,  
quam frigido ferramento reseratur<sup>c</sup>, & expressa  
<sup>2</sup> postea linamentis curatur. Est etiam illa pestifera  
labes, ut intra paucos dies equæ subita macie, &  
deinde morte corripiantur: quod cum accidit, qua-  
ternos sextarios gari singulis per nares infundere,  
utile est, si minoris formæ sunt: nam si majoris,  
etiam congios: ea res omnem pituitam per nares  
elicit, & pecudem expurgat.

*De equarum rabie.*

XXXV. Rara quidem, sed & hæc est equarum  
nota rabies, ut cum in aqua imaginem suam vide-  
rint, amore inani capiantur, & per hunc oblitæ  
pabuli, tabe cupidinis intereant. Ejus vesaniæ signa

a) diluuntur Goes. Sang. b) Det forte sed ut conjicit Polit.  
c) resecatur I. B. R.



sunt, cum per pascua veluti extimulatæ concursant, subinde ut <sup>a</sup> circumspicientes requirere <sup>b</sup> ac desiderare aliquid videantur <sup>c</sup>. Mentis error discutitur, <sup>2</sup> si deducas ad aquam. Tum demum speculatæ deformitatem suam, pristinæ imaginis abolent memoriam. Hæc de universo equarum genere satis dicta sunt. Illa proprie præcipienda sunt iis, quibus mularum greges curæ est submittere.

*De mulis.*

XXXVI. In educando genere mularum antiquissimum est diligenter exquirere atque explorare parentem futuræ prolis, fœminam & marem: quorum si alter non est idoneus, labat etiam, quod ex duobus fingitur. Equam convenit <sup>d</sup> in annos decem, quousque amplissimæ atque pulcherrimæ formæ sit, membris fortibus, patientissimam laboris eligere, ut discordantem utero suo generis alieni stirpem insitam facile recipiat ac perferat, & ad fœtum <sup>e</sup> non solum corporis bona, sed & ingenii <sup>f</sup> conferat: nam cum difficulter injecta genitalibus locis animentur semina, tum etiam concepta diutius in partum adolescunt, ut quæ peracto anno mense

a) ut *abest* I. B. R. b) requirunt I. B. R. c) videntur I. B. R. d) convenit (quoniam usque in an. dec. ampl. at. pulch. for. est) I. B. R. quousque & sit *om.* Goes. Sanger. *est legendum censet* Ursin. e) secundam L. f) ingenium I. B. R. g) dilatius Goes. Sanger.

tertiodecimo vix eduntur, natisque inhæret plus so-  
 3 cordiæ paternæ, quam vigoris materni. Verunta-  
 men ut equæ dictos in usus minore cura reperiun-  
 tur, ita major est labor eligendi maris: quoniam  
 sæpe iudicium probantis frustratur experimentum.  
 Multi admissarii specie tenus mirabilissimam<sup>a</sup> sobo-  
 lem forma vel sexu progenerant: nam sive parvi  
 corporis fœminas fingant; sive etiam speciosi plures  
 mares, quam fœminas: redditum patrisfamiliae mi-  
 nuunt. At quidam contemti ab aspectu pretiosis-  
 simorum seminum feraces sunt. Nonnunquam aliqui  
 generositatem suam natis exhibent, sed hebetes vo-  
 4 luptate, rarissime sollicitantur ad venerem. Hujus-  
 cemodi mari sensim magistri subadmoveere debent  
 gēneris ejusdem fœminam, quoniam similia simili-  
 bus familiariora fecit natura. Ita enim<sup>b</sup> efficitur,  
 ut ejus objectu, cum mas etiam subjectu eblanditus  
 est<sup>c</sup>, velut incensus & obcæcatus<sup>d</sup> cupidine, sub-  
 tracta quam petierat, fastiditæ imponatur<sup>e</sup> equæ.

*Ad temperandam sævitiam admissarii  
 in libidinem furentis.*

XXXVII. Est & alterum genus admissarii fu-  
 rentis in libidinem, quod nisi astu inhibeat, af-

a) Mirabiles pessimam conj. Ursin. *quid si* mirabiles imam? Gesn. b) Ita objectu asinæ plur. c) eblanditi sunt L. I. B. R. Sanger. d) incensum & occæcaturum L. I. B. R. Sanger. e) imponunt I. B. R. Sanger.

fert gregi perniciem. Nam & sæpe vinculis abruptis gravidas inquietat, & cum admittitur, cervicibus dorsisque fœminarum imprimit morsus: quod ne faciat, paulisper ad molam victus<sup>a</sup> amoris sævitiam labore temperat, & sic veneri modestior admittitur. Nec tamen aliter admittendus est<sup>2</sup> etiam clementioris libidinis, quoniam multum refert naturaliter sopitum pecudis ingenium modica exercitatione<sup>b</sup> concuti, atque excitari, vegetioremque factum marem fœminæ injungi, ut tacita quadam vi semina ipsa principiis agilioribus figurentur. Mula autem non solum ex equa & asino, sed ex<sup>3</sup> asina & equo, itemque onagro & equa generatur. Quidam vero non dissimulandi auctores, ut Marcus Varro, & ante eum Dionysius ac Mago prodiderunt, mularum fœtus regionibus Africæ adeo non prodigiosos haberi, ut tam familiares sint incolis partus earum, quam sint nobis equarum. Neque tamen ullum est in hoc pecore aut animo<sup>4</sup> aut forma præstantius, quam quod seminabit asinus; quanquam possit huic aliquatenus comparari, quod progenerat onager, nisi & indomitum, & servitio<sup>c</sup> contumax silvestri more, strigosum patris præferat habitum. Itaque ejusmodi admissarius nepotibus (magis) quam filiis utilior est: nam ubi asina

a) junctus Goes. b) excitatione P. c) servire I. B. R.

& onagro natus admittitur equæ, per gradus infra-  
 cta feritate quicquid ex eo provenit, paternam for-  
 mam & modestiam, fortitudinem celeritatemque  
 5 avitam refert. Qui ex equo & asina concepti ge-  
 nerantur, quamvis a patre nomen traxerint, quod  
 hinni vocantur, matri per omnia magis similes sunt.  
 Itaque commodissimum est asinum destinare mula-  
 rum generi seminando, cujus (ut dixi) species ex-  
 6 perimento est speciosior<sup>a</sup>. Veruntamen ab aspectu  
 non aliter probari debet, quam ut sit amplissimi  
 corporis, cervice valida, robustis ac latis costis,  
 pectore musculoſo & vasto, feminibus lacertosis,  
 cruribus compactis, coloris nigri vel maculosi<sup>b</sup>: nam  
 murinus cum sit in asino vulgaris, tum etiam non  
 7 optime respondet in mula. Neque nos universa  
 quadrupedis species decipiat, si qualem probamus,  
 conspiciamus: nam quemadmodum arietum, quæ sunt  
 in linguis & palatis maculæ, plerumque in velleri-  
 8 bus agnorum deprehenduntur: ita si discolors pilos  
 asinus in palpebris aut auribus gerit, sobolem quo-  
 que frequenter facit diversi coloris, qui & ipse,  
 etiam si diligentissime in admissario exploratus est,  
 sæpe tamen dominum<sup>c</sup> decipit: nam interdum etiam  
 citra prædicta signa dissimiles sui mulas fingit: quod  
 accidere non aliter reor, quam ut avitus color pri-

a) pretiosior L. b) macilis I. B. R. magilis Goes. Sanger.

c) domini spem Goes. Sanger.

mōrdiū<sup>a</sup> seminis mistu reddatur nepotibus. Igitur<sup>8</sup>  
 qualem descripsi asellum, cum est a partu statim  
 genitus, oportet matri statim subtrahi, & ignorantē  
 equæ subijci. Ea optime tenebris fallitur; nam ob-  
 scuro loco partu ejus amoto<sup>b</sup>, prædictus quasi ex ea  
 natus alitur. Cui deinde cum decem diebus insue-  
 vit equa, semper postea destinanti<sup>c</sup> præbet ubera.  
 Sic nutritus admissarius equas diligere condiscit.  
 Interdum etiam, quamvis materno lacte sit educatus,  
 potest a tenero conversatus equis familiariter earum  
 consuetudinem appetere. Sed non oportet minorem<sup>9</sup>  
 quam trimum admitti; atque idipsum si conceda-  
 tur, vere fieri conveniet, cum & desecto viridi  
 pabulo, & largo ordeo firmandus, nonnunquam  
 etiam salivandus<sup>d</sup> erit. Nec tamen teneræ fœminæ  
 committetur: nam nisi prius ea marem cognovit<sup>e</sup>,  
 adsilientem admissarium calcibus proturbat, & in-  
 juria depulsum etiam cæteris equis reddit inimicum.  
 Id ne fiat, degener & vulgaris asellus admovetur,  
 qui sollicitet obsequia fœminæ: neque is tamen ini-  
 re sinitur. Sed, si jam est equa veneris patiens,  
 confestim abacto viliori, pretioso mari jungitur<sup>f</sup>.  
 Locus est ad hos usus extructus (machinam vocant<sup>10</sup>

a) primordiis seminum mixtus I. B. R. Goes. Sang. b) admo-  
 to post Vi&. c) desideranti Goes. Sanger. d) saginandus  
 I. B. R. e) concivit Goes. Sanger. f) injungitur P. sub-  
 jungitur Goes.

rustici) qui duos parietes adverso clivulo inædificatos habet, & angusto intervallo sic inter se distantes<sup>a</sup>, ne fœmina conluclari, aut admissario ascendenti avertere se possit. Aditus est ex utraque parte, sed ab inferiore clatris munitus: ad quæ capistrata<sup>b</sup> imo clivo constituitur equa, ut & prona melius ineuntis semina recipiat, & facilem sui tergoris ascensum ab editiori parte minori quadrupedi præbeat: quæ cum ex asino conceptum edidit, partum sequenti anno vacua nutrit: id enim utilius est, quam quod quidam faciunt, ut & fœtam nihilominus admissio equo impleant. Annicula mula recte a matre repellitur, & amota montibus aut feris locis pascitur, ut ungulas duret, sitque postea<sup>c</sup> longis itineribus habilis: nam clitellis aptior mulus: illa quidem<sup>d</sup> agilior: sed uterque sexus & viam recte graditur, & terram commode proscindit; nisi<sup>e</sup> pretium quadrupedis rationem rustici oneret, aut campus gravi gleba robora boum deposcat.

*De medicinis eorum.*

XXXVIII. Medicinas hujus pecoris plerumque jam in aliis generibus edocui: propria tamen quæ-

a) distant Goes. I. B. R. b) in *add.* Goes. Sang. c) postmodum L. I. B. R. Sanger. d) *viz conjecit.* Ursin. e) si *interpon.* I. B. R.

dam vitia mularum non omittam, quorum remedia subscripsi. Febrienti<sup>a</sup> mulæ cruda brassica datur. Suspiriosæ sanguis detrahitur, & cum sextario vini atque olei thuris semuncia, marrubii succus instar heminæ mistus infunditur. Suffraginosæ ordeacea<sup>2</sup> farina imponitur, mox suppuratio ferro reclusa linamentis curatur: vel gari optimi sextarius cum libra olei per narem sinistram demittitur, admisceturque huic medicamini trium vel quatuor ovorum albus liquor, separatis vitellis. Femina secari, &<sup>3</sup> interdum inuri solent. Sanguis demissus in pedes, ita ut in equis, emittitur: vel si est herba, quam veratrum vocant rustici, pro pabulo cedit. Est *ὄσχυρος*, cujus semen detritum & cum vino datum prædicto vitio medetur. Macies & languor submovetur sæpius data potione, quæ recipit semunciam triti fursuris, ovumque crudum, & tritæ myrrhæ pondus denarii. Hæc tria<sup>b</sup> vino admiscuntur, atque ita faucibus infunduntur. Sed & tussi, do-<sup>4</sup>lorique ventris eadem ista æque medentur. Ad maciem nulla res tantum, quantum Medica potest: ea herba viridis, nec<sup>c</sup> tarde tamen<sup>d</sup> arida fœni vice saginat jumenta: verum modice danda, ne nimio sanguine stranguletur pecus. Lassæ & æstuantī mu-

a) Equienti I. B. R. Goes. L. b) trita P. L. Goes. c) non *ins. ex conj.* Ursin. d) tantum I. B. R.

læ adeps in fauces demittitur, merumque in os suffunditur. Cætera exequemur in mulis, sicut prioribus hujus voluminis partibus tradidimus, quæ curam boum equarumque continent.

**FINIS PARTIS PRIMÆ.**





IN L. JUNII MODERATI  
C O L U M E L L Æ  
SEX PRIORES LIBROS

N O T Æ.

---

IN LIBRUM PRIMUM.

PRÆF. 2 *Fecunditate donavit*) *Dotavit* videtur legendum Ursino: deinde *sterilitatis*, non *sterilitate*.

3 *Atqui ego*) Buchnerus malit *atque*. Pro illo *quid ita dicendi cupidi*, Gesnerus malit *quid sit, quod dicendi cupidi*: ea certe sententia est.

3 *Placita disciplina consueſcentur magiſtrum*) Hæc otiosa esse, ac e margine in contextum venisse, ceteris minime coherencia, putat Pontedera.

5 *Gulosius*) *Gulosis*... & *luxuriosis* videtur legendum Ursino.

6 *Cum etiam si . . . egeret*) Almeloveenius suspicatur, *si sine . . . egeret*.

6 *Nam sine ludicris*) Edd. pr. non habent *nam*, rectius; & ante *olim* addendum *ut*. Sic placeo Pontedera.

7 *Minimam*) In hoc priscum excusum *minime* ab Aldo male verum existimat Ponted.

7 *Alienis*) Hoc verbum bene rejicit MS. Lips. observante Pontedera.

9 *Caninum . . . studium*) *Caninum facundia studium* conjicit Buchnerus.

9 *Mendacissimum aucupium*) *Mendicissimum* malit Ursinus, sed & *mendacissimum* optime quadrare mihi videtur.

9 *Rumoribus inaurantis*) Si *somnium* legamus, intelligendum illud parasicum pro divinatione venditare; si vero *somnum*, explicandus videtur hic locus, *somnum regis sui* (sc.

A a 2

- patroni) h. e. an illo dormiat, ex *rumoribus* & sermonibus inertis populi, qui salutatum venit, *augurantis* h. e. conjicientis. Ita melius cohære, quæ sequuntur, censet Gesn.
- 12 *Qui vestigialis esse non possit*) Hæc verba ideo clausit Gesnerus, quod præcedentium glossema esse putavit.
- 17 *Persequitur*) *Prosequitur* malit Ursinus, quod non video necessarium.
- 17 *Ut enim qui in villis*) Duo vel tria verba excidisse putat Gesnerus. Alioquin quorsum pertineret infinita cum quarto casu constructio?
- 24 *Quando cuique*) „ Vel *quotocunque* legendum videtur, „ vel *quantocunque*, eodem intellectu: utriusque lectionis „ manifesta vestigia in Mediceo. Ita conjecerat Heinsius, „ qui sic deinde reperit in MS. Germ. V. Obs. Misc. VII. „ p. 281. „ Gesnerus.
- 24 *Numidia*) Vel per glossam additum hoc verbum, vel legendum *Numidiaque* putat Heins. l. c.
- 25 *Habere cognitum*) „ Goes. I. B. R. *haberet*; unde Brouk- „ husius ex conjectura emendat *habere debet*; quod sensum „ commodum suppeditat. „ Schoettg.
- 25 *Quid siccus & spurcus*) Verbum *spurcus* mutandum in *purus*, recte arbitratur Pontedera.
- 27 *Tot generibus ficorum*) Pro *ficorum* Gesnerus malit *florum*.
- 27 *Cultus exercere*) *Exerceret* habent vett. Edd. Ita omnino legendum videtur etiam Cl. viro Jac. Facciolato. Pro *holerumque* Pontedera malit *olearumque*: de arboribus enim, non de herbis, sermo est.
- 28 *Quemque describimus*) *Describemus* habent V. C. & Ed. Bon., quod Pontederæ magis placet; nam non hoc loco, sed postea Cap. 11. agricolam instruere incipit Columella.
- 30 *An Latia*) Hoc & altero loco *An ne minoris* &c. Facciolatus pro *an* vult legi *ac*, ingeniose sane, sed ut vere, nonnihil veretur Gesnerus.
- 30 *Nec Brutum . . . Catulo*) Rhegienses & Jensoniani libri pro *nec* habent *non*, quod de *num* depravatum suspicatur Pontedera. Idem e Codd. ram Pol. quam Goes. pro *Catulo* legit *Calvo*, qui etiam lib. XII a Columella celebratur.
- CAP. 1, 2 *Voluntas profuerit*) *Facultas voluntasque prof.* conjiciendo augeat Ursinus. Vid. hujus capituli num. 18.
- 1, 6 *Pani ex Africa*) Quis putidum hoc additamentum ex *Af.* ferre potest? „ Proculdubio, ait Ponted., id notius „ erat Romanis, quam Atheniensibus vespertiliones.

- 2, 4 *Materiam, lapidemque*) „Ante hæc verba excidisse vi-  
detur *alii*: certe intelligendum.“ Gesnerus.
- 2, 5 *Viva aquæ salientes demittant*) Goesianam & Lipsien-  
sem lectionem hic præfert Pontedera, qui malit etiam *emit-*  
*tant* cum Jenonio.
- 3, 3 *Vexationem*) *Vexationem* frustra conjicit Almelooveenius.
- 3, 8 *Emere velit*) *Emere velint*, malit Pontedera; nam re-  
fertur ad *acturis*, sed & *agrum paraturis*. Ad eundem  
modum & cap. 4. Columella locutus est.
- 3, 10 *Vetereta*) *Vervæta* legendum vix dubitat Gesnerus; at  
Pontedera *verveta* pluribus tueret, vervetumque a vervæto  
ita distinguit, ut alterum sit, quod per aliquod tempus ara-  
tum non est, cui opponitur *novale*; alterum, quod vere  
aratum est.
- 3, 10 *Tanta quidem*) „Nisi hic peccatum est a librariis, quod  
suspicio, *tanta* referendum ad *victoria*.“ Gesnerus.
- 3, 10 *Quinquaginta soli jugera*) Hic & infra omnino est  
*quingenta*; siquidem per legem Liciniam D jugera posside-  
re civi Romano licebat.
- 3, 10 *Putavit esse . . . populari, hac plebeja*) *Putavit sa-*  
*tis esse* ex Goesiano libro, & *populari ac plebeja*, ex pri-  
mis excusis compluribus, rescribit Pontedera.
- 3, 11, *Quia superbum videbatur*) „h. e. parum civile, &  
regiæ libidini proximum: de qua significatione Burm. ad  
Petron. c. 18.“ Gesnerus.
- 3, 12 *Circumire equis quidem valent*) *Equis*, ab Aldi officina  
profectum, stultam sententiam reddit. Primi impressi  
& Codd. bene habent *circuire quoque valent*. Postea ac *po-*  
*pulandos* aliud Aldinum nefas est.
- 3, 12 *Nexu civium*) „h. e. civibus ob æs alienum nexis.  
Nam apud Romanos, qui liberi erant, & ære alieno gra-  
vati, in carcerem conjici a creditoribus, & ad operas ma-  
nuarias adigi poterant. Vide quæ habet Godelevæus ad  
*Liv.* 2, 23. Barth. *Adv.* 46, 13. Gronovius *Obs.* 1, 8,  
p. 76.“ Schoettgenius. Hæc adeo clara sunt, ut expli-  
cari opus non esset, nisi conjectura Ursini, qui legi male-  
bat *crurum* pro *civium*, in re tam aperta difficultatem ali-  
quam iniecisset.
- 4, 5 *Præstare*) Ex Goesiano libro Pontedera reponit *præsta-*  
*ri*, nempe quod maxime fieri possit. Sic posteriora cum su-  
perioribus melius congruunt.
- 4, 6 *Memoria prodidit*) „Primus est casus, & notat histori-  
cam famam, aut tale quid.“ Schoettgenius.

- 4, 8 *Utique vero, si*) *Utique viro si*, legi malit Pontedera.
- 4, 8 *Area idem*) *Pro idem* ex Goes. & Pol. *pedem* indubitante legit Pontedera.
- 4, 10 *Fere medius . . . collis . . . tarret*) Varias lectiones *medios . . . colles . . . torretur* adeo probat Pontedera, ut eorum, qui Aldum adversus Ursinum patrocinantur, *ad sanos* jubeat abire *tutela propinquos*.
- 4, 10 *Perexiguus ventorum motibus*) Intellige non perexiguos in montosis ventorum motus esse, sed qui *perexigui* sunt in plano ventorum motus, eosdem *in montibus sapere*. Montes autem intelligendi, quales vulgo sunt. „Alia enim ratio est celsissimorum, & supra nubium regionem elevatorum montium; Athonis v. g. & Olympi, ubi ne cineres quidem in altaribus subdivalibus imbre aut vento abiguntur, si verum prodidere de illo Mela 2, 3; de hoc, quantum conjectura licet assequi, Solinus c. 9. “ Gesnerus.
- 5, 2 *Si deficient*) „Videtur legendum *deficiet*; nam refertur ad unda: deinde: *huic proxima fluens e montibus oriunda* &c. “ Ursinus.
- 5, 2 *In Guarcano*) *Guarcenum* quis novit? Forte legendum *in Gaurano*. Plin. 3, 5 §. 9. *Gauranos montes* inter *Mes-sicos Surrentinosque* in Campania omnes collocat.
- 5, 3 *Vel qua non infima*) „Si *collina* haberi non potest, certe talis sit aqua putcalis, quam neque in *infima valle*, quem *cardinem* convexitatis vocat Plin. 31, 3 §. 26. confluerit, ubi stando illam vitium capere necesse est. “ Gesnerus.
- 5, 4 *Caterum astatum*) „Si Columellæ malueris quam *Aldina*, pro *astutum* vel *astivos*, a primis impressis libris sumito, vel melius ex Politiani Goesiique exemplis, *astatum*. “ Pontedera.
- 5, 5 *Sed paulum*) *Aut paulum* legendum ait Gesnerus. *Seu* forte scriptum erat, ex quo *sed* depravatum.
- 5, 7 *Nec in via, nec pestilenti &c.*) Hic inutilia, aliena, falsa immiscuisse Aldum observat Pontedera. Vetus ea vera Mss. & Edd. pr. lectio est: *nec in via, sed alio procui editiore situ condere, sic ut* &c.
- 5, 9 *Ad superiorem partem applicabuntur*) Si ædificandi rationem species, lectio Goesiana, quam in varietate dedimus, ut Pontedera, tibi quoque probabitur.
- 5, 10 *Novum . . . rimosque*) Hæc duo verba (alterum ab Aldo, alterum ab ineptissimo scriba) redundare apertum est. *Novum* abest I. B. R. *rimosque* omittit MS. Lips. „Quis

- „ tam excors, interrogando inquit Pontedera, veteri rimosque ædificio novum applicabit? “
- 5, 10 *Surgenti . . . cedit*) „ Si nihil aliud certe pro *surgenti* sine cunctatione *urgenti* legendum arbitror. Prætere, rea pro *cedit* malim *cedet*, ut *imminet*, *attrahetur*. “ Gesnerus.
- 6, 2 *Meridiem æquinoctialem*) Inaudita certe appellatio, rationi certe adversa, cum *meridies*, ut Plinii in hoc ipso argumento verbis utar, *semper sit idem* . . . Quid ergo? an plane, & tribus quidem locis (Taceo, quod & 2, 8 & 9, 5, 1. *hibernam* & *brumalem meridiem* commemoratur) expungemus? vel ipsum Columellam imperitiæ postulabimus in re non obscura? Neutrū opus est. Scilicet analogia quadam & proportionē usus, *æquinoctialem meridiem* vocat ipsum cardinem, nusquam ad orientem, neque ad occidentem, declinantem: ut *orientis æquinoctialis* est ipse decumanus limes, nihil vel ad septentrionem, vel ad meridiem inflexus &c. “ Gesnerus.
- 6, 4 *Duplicia bubilia sint, hiberna*) Hæc ab Aldo depravata. Codd. & primi escusi habent recte: *duplicia* (sc. *stabula*): *bubulo sint hibernacula*.
- 6, 5 *Et ut quisque*) Pro his verbis Gesnerus malit, *utque is*.
- 6, 6 *Lata bubilia*) Scribendum hic esse *cubilia* vel puer videat; & sic MS. Lips. nam tam parva bubilia nulli usui essent.
- 6, 6 *Bos aut jumentum*) „ Aliud subintellige: nam & bos pertinet ad jumenta. “ Schoettg.
- 6, 7 *Procuratori*) „ Is in familia urbana erat fiscalis sive rationalis, qui rationes ducebat eorum, quæ quotidie impendebantur, cui adjunctus erat dispensator, qui pecunias servabat & expendebat. Vide Interpp. Petronii c. 30. & Pignorium de *Servis* p. 330. Idem ejus officium erat in villa &c. “ Schoettgenius.
- 6, 18 *Vapore*) Calore conjiciebat Broukhadius; male, ut videtur Gesnero.
- 6, 18 *Oleum, quod minus provenit &c.*) Hic locus ita videtur emendandus Ursino: *Oleum (quod minus sape evenit) si congelatur, frasciscit &c.*
- 6, 20 *Fumus . . . exoritur*) Exeritur magis placet Ursino.
- 6, 20 *Fumi quodam tenore*) Variam, quam dedimus, lectionem præfert Pontedera, *quodam genere* intelligens quodam modo. Pro *tenore* Broukhadius & Facciolatus maluit *sepe*, a Gesnero improbari.

- 6, 21 *Pavimentumque solum habeat*) Hic locus pristinum nitorem recipere videtur Pontedera; una tantum literula apposita lectioni Goesianæ: *pavimentumque sola habeant*.
- 6, 22 *Superpositis virgeis cratibus* (C.) Ab Aldo interpolata ac fucata hæc sunt, ut e MS. Lips. & Edd. pr. patet: *superpositis virgis tegunt, nec arescere solis incursu patiuntur*. Hanc, puro & naturali decore ornata, unice veram lectionem agnoscit Pontedera.
- 6, 24 *Oleis expressa*) Primum excusum *ollis* reponendum censeat Pontedera.
- 8 Ineptum argumentum huic capiti, a superiori non sejungendo, præfixum fuisse arbitratur Pontedera. Si quis tamen receptam divisionem retinere velit, hoc aut quod aliud ejusmodi præponat: *De patrisfamilias in servos cura*.
- 2, 3 *Ad imperium*) Hæc verba suspecta sunt Pontedera, qui legi malit *ab imperio* s. *de imperio*: sed receptam lectionem tuetur Gesnerus, subaudiens *necessariam*.
- 2, 5 *Idemque actori*) Pontedera rescribendum putat *itemque*.
- 2, 8 *In operis servorum*) In *operis servorum atorandis*, ex ejusdem Columellæ lib. XI, c. 1. libenter augeret Morgagnus, Epist. I. §. 1.
- 2, 9 *Vel sagis cucullis*) Idem Cl. vir legi malit *Sagis aut cucullis*, vel cum Ferrario (de Re Vest. Part. II. lib. I. c. 22) *sagis cucullatis*.
- 6, 9 *Pellibus manicatis*) i. e. tunicis scorteis manuleatis. Ita explicat Ferrar. de Re Vest. ubi supra.
- 2, 14 *Jam res ipsa decoxit*) „Desiderari fortasse potest vox „domino sic: *jam res ipsa domino decoxit*. Hæc enim „iisdem omnino verbis 11, 1 a Columella rursus inculcantur. “ Pontedera.
- 2, 16 *Recognoscant, ut explorent*) *Recognoscantur, ut explorentur*, malit Ursinus.
- 2, 16 *Domino nesciente*) *Domini me nesciente*, rescribit idem e conjectura.
- 2, 18 *Panis potionisque bonitatem*) Vetus lectio *probitatem* Aldum offenderat, qui eam ex libidine immutavit. Vallæ sc. Elegantiis totam ille latinitatem claudere nitebatur.
- 2, 20 *Institueris*) Non abs re Ursino videtur legendum *institueris*.
- 9, 1 *Corporis statura*) Libri vett. habent *status*, e quo cur Aldus faceret *statura* non esse, recte animadvertit Ponted.
- 9, 4 *Nam bis habitus*) *His* redundare ac delendum esse putat Gesnerus. Operarum culpa apud nos legitur *hic*; sed

- casu bene erratum existimamus, ac in errore optimam correctionem agnoscimus.
- 9, 6 *Ideoque labori*) *Ideoque* egregium Manutii facinus est. *Liberque* scribendi contractione antiqui libri habent, ex quo *libenterque* recte conficit Pontedera.
- 9, 6 *Nec tamen virisim*) Legendum *tam* suspicatur Gesn.
- 9, 6 *Et vinisores ab aratoribus*) Hæc plane supervacua absumt MS. Polikiani.
- 9, 8 *Deducenda sunt*) „Forte legendum *diducenda*. Sed „perpetua prope *τὸν de ac di* est confusio. “ Gesnerus.

## IN LIBRUM SECUNDUM.

- 1, 3 *Magno fenore cessationis*) Antiquam lectionem *cessatorum* restituit Pontedera, *temporum* adjiciens, quod excidisse putat. *Cessata tempora* dixit Ovid. Met. X, 669.
- 2, 8 *Duplex ratio*) *Duplex tractatio*, i. e. duplex modus soli tractandi, antiqua & optima lectio est ab Aldo vitata.
- 2, 9 *Ita ut in patentes ora &c.*) Hæc Aldi pigmentis oblita esse nullus dubitat Pontedera, qui ex vetustis Editionibus I. B. R. P. rescribit: *ita ut in eas ora biantium fossarum competant, sed latius apertas &c.*
- 2, 11 *Humoris illapsu atque exitu*) Inepta hæc est lectio. „Fossa igitur permeante humore præcludetur. Cur ergo „aquæ recipiendæ & remittendæ paratur? “ Pontedera. Optima & genuina illa est, quam in varietate invenies.
- 2, 13 *Convulsa moriuntur*) *Convulsa moritur* P., si circumposita attendas, rectius.
- 2, 17 *Ex colore*) Prisca lectio *excolere* Gesnero magis placet.
- 2, 21 *Quare antiquissimi*) „Ubi, o boni viri, antiquissimi „isti, de quibus silet Columella, qui hujus operis formam „tradidere? Quo nunc profecti sunt? ubi latent? “ Pontedera. In Aldino cerebello nati ac mortui sunt. Optima lectio Jensoniana, quæ est in varietate.
- 2, 22 *Arte junctos*) Improvidi bubulci esset *arte* junctos boves in opere habere, ut placuit Aldo. *Apse*, vel *arte*, ut impressum est ab antiquis, legi vult Pontedera. Existimat iste præcipitem in vitium abiisse Aldum, cum apud Plinium lib. XVIII. hæc prava invenisset: *Araturus boves*

quam arētissimæ jangi oportere; prava sc. quam arētissi-  
me pro quam aptissimæ.

- 2, 23 *Moluntur qui... plurimum confort*) A Cod. Goesiano  
quia & confortur; ut hunc locum ab Aldi vulneribus sa-  
net, mutatur Pontedera.
- 2, 24 *Quam stipendii*) De hac voce *stipendii* dubitabat  
olim Pontedera; omni postea dubitatione exsolutus, cum  
Lips. Cod. lectio *impendii* illi innotuisset.
- 2, 26 *Truncum delibet*) *Delibret*, conjicit Pontedera. Con-  
jecturæ favet Ed. Jenson. *delibereet*.
- 2, 27 *Versura*) „ Bene hic adnotavit Buchnerus, *versus* le-  
gendum videri. In versum enim consistere & interquie-  
scere licet bubus, quod noster statim admonet, & ex  
Pall Jan. 3, 1. Sed *in medio versu* stare bovem ara-  
torem consultum non est. Si quis tamen religione, quam  
non damno, discedere a scriptura vetere nolit, is poterit  
*medium partem versurae* interpretari locum inter utram-  
que versuram mediantem. Sic satisfit etiam Salmasio *ad*  
*Mod. Usur.* p. 294. qui vult emendari *in media parte*  
*versus*. “ Gesnerus.
- 2, 28 *Assidue refrigerentur*) Edd. pr. *stringantur*. MS.  
Goesii lectionem *restringantur*, i. e. relaxentur, resolvantur  
(quo sensu eo verbo & alii veterum usi sunt, Plautus,  
Lucretius, Ovidius &c.) veram pntat Pontedera.
- 4, 4 *Nonum vel octavum Cal. Julias*) VII vel VI Cal. Jul.  
emendat Pontedera.
- 4, 4 *Cum id tempus*) Lectio I. B. R. it. L. *cum in id*,  
vel Goes. *quantum in id*, magis placet Pontederæ.
- 4, 5 *Sementi aut... sationi*) „ Differunt igitur hæc duo. Cre-  
do ita ut sementis ad frumenta pertineat proprie, satio  
pateat latius, ac de plantarum omne genus positione ad-  
hibeatur. “ Gesnerus.
- 4, 6 *At qua siccitatibus*) *At qui*, sc. agri, legit cum Goesio  
Pontedera, qui & reliqua Goesiana in hoc capite probat.
- 4, 7 *Ratio rustici*) Cur vetuseum ac optimum *ratio rusti-*  
*ca* ab Aldo immutatum? nisi ut se rustice atque inurba-  
ne in Columellam gereret.
- 4, 9, 10 *Talis agri. Sed in arando*) *Sed tali agro in aran-*  
*do*, Goesiana est lectio, quæ Pontederæ magis probatur.
- 4, 11 *Solo est, eo quod*) Pueriliter hic labi Aldum, dum ni-  
mia cura vetera nititur emendare, observat Pontedera.  
Amens fuerit, si talia scripserit, Columella. Unica vera le-  
ctio est Jensoniana: *soli est, eoquo*: nempe quia exilis &



soluta terra facile colitur, propterea pauciores operæ impenduntur; non quia pauciores adhibentur, propterea expeditius colitur.

- 6, 3 *Candoris nitidi*) *Candidioris* & *nitidi* Goes. L. I. B. R. Hanc lectionem præfert Pontedera, sed *grani* excidisse putat.
- 6, 3 *Far . . . vennuculum*) *Farris vennuculi* nemo prætere, quod sciam, mentionem fecit. *Vennaculum* vocatur a nostro 11, 2, 9. Forte utroque loco restituenda est lectio, quam hic habent pr. Edd., *vermiculum*, cujus glossam crediderim *vutilum*. *Vermiculum* nempe mediæ ævi scriptoribus rubrum notare (a cocci *vermiculis*) notum est, servatque Gallorum ac Italorum lingua, quibus *vermeil* & *vermiglio* rubrum generatim significat. Sed vel antiquitus idem significasse censet Salmasius, qui Lucilii *vermiculatum* opus interpretatur pictum, rubricatum. Ad rem quoque facit, quod Colum. III, 2, 2 Codex Lipsiensis *vermiculas* uvas h. e. purpureas, agnoscit. Hæc omnia Gesnero debemus.
- 7, 2 *Ut locis frigidis*) „Hoc monitum, ut legitur, sine ul-  
la dubitatione rejicerem. Locane *frigida novissime* con-  
serenda sunt, *calida ocissime*? Quare vitiosa ista censen-  
da. Siquidem & ratio, & ab omnibus, qui agriculturæ  
prudentiam jure ac merito sibi vindicant, receptus usus,  
ut alio modo legamus, non postulat modo, sed cogit et-  
iam &c. &c. Sic autem videtur legendum, *ut locis fri-  
gidis ocissime, tepidis celerius, calidis novissime sara-  
mus*: ab imperitis enim librariis de suo loco mota hæc  
existimo. “ Pontedera.
- 8, 2 *Abiscunduntur autem altero*) „Scripsisse opinor XLIV,  
& mox pro *nono* Calend. Oct. *sexto*: deinde pro *sex* &  
*quadraginta*, XLIV: & pro *ante diem IX. Calend.*  
mallem *a. d. IV Idus*. “ Ponted.
- 8, 2 *Non ambigimus*) Pol. & Goes. lectionem *non abnuimus*  
probat, & Aldinam respuit Pontedera: nam *non ambigimus*  
de certis, non abnuimus, cum dubitamus.
- 8, 4 *Tempestive*) „Bronkhusius eleganter conficit *tam fe-  
stive*. Sed nec recepta lectio non bona est. “ Gesnerus.
- 9, 4 *Nullam mediocritatem*) „Schwarzius Ep. II, conficit  
*nudam*: nempe, quia sequentia legebat, ut plerique Al-  
dum secuti. Nulla hic correctione opus est. “ Gesnerus.
- 9, 6 *Quintam partem seminis*) H. e. si quinque modii occupa-  
nt jugerum agri vacui & aperti, sex satisfacient jugero  
agri consiti arbusto: nam, ut Gesnerus explicat, propter um-

bram & radices arborum quod soli bonitati decedit, semine copiosiore pensandum est.

- 9, 8 *Et halic astrum*) „Halic astrum ad hordeum nequaquam spectat, sed ad far adorem, ut ipse monet Columella, hujus libri 6, 3. Quare libenter adjicerem far, videlicet, „& hordeum Galaticum, & far halic astrum.“ Ponted.
- 9, 14 *Hexastichum*) Cum inter cereales stirpes nullum aliud plantæ genus habeamus, quod propius ad hanc hordei speciem accedat, facile adducitur Pontedera, ut credat, id esse secale, quod una voce recentiores ignotum fuisse veteribus tradunt.
- 9, 17 *Nec in sabuloso solo, sed &c.*) *Nec in sabulosis solum, sed &c.*, legit Ursinus. „Ex Palladio, qui hæc transcripsit, mendis hic locus inquinatus apparet, nempe „sabuloso solo, pro sabulone solum legi, verbumque serantur quod riguo solo annectendum desiderari. Verba Palladii extant 4, 3.“ Sic Pontedera. Aliter tamen videtur Gesnero.
- 9 extr. *Quavis inopia*) Aldinum vitium hoc est, quod eximit simul & conculcat Pontedera. Optimam primorum ex-cusorum lectionem, rationi consentaneam, codicumque auctoritate constantem, dedimus in varietate.
- 10, 13 *Longissimum...mediumque spatium*) *Area* sc. *potissimum rotunda* Varr. I, 51, 1. Itaque longissimum idem est medium, sive diametros, ut recte observat Gesnerus.
- 10, 17 *Idem etiam*) „Pluralis est, & legi posset *iidem*.“ Gesn.
- 10, 20 *Arietinum*) *Arietillum* habent P. Goes. Sanger. Et tuetur analogiam hujus flexionis Heins. ad Petr. c. 39, ut *bovillum, ovillum, suillum*. Gesnerus quoque recepturus erat *arietillum*, nisi Plinium, aliosque veteres *ariesinum* dixisse, sine variatione appareret.
- 10, 20 *Punicum*) *Puniceum*, a colore scilicet, malit Dalechampsius ad Plinium.
- 10, 21 *Rusticos implent*) Videlicet eorum marsupia, interpretatur Schoettgenius. Sed quis non videt proclivius esse simpliciter intelligere saturos faciunt, famem explent? Quoties interpretes, ut ingeniosi videantur, longe quærun, quod sub oculis tenent!
- 11, 1 *Pabulorum genera*) Hæc etiam a superioribus discerpta in aperto magis magisque ponunt capitum, quæ vocant, divisionem a Columella non esse, qui profecto aliud orationis initium fecisset.

- 11, 1 *Libris, quos de . . . surcul.*) Intelligit libros, qui nunc sunt tertius, quartus, quintusque. Peculiariter autem respicit ad V, 12.
- 11, 5 *Postea quam voles*) *Posteaquam* nullo sensu omnes legebant. Disjunctionem hanc sibi tribuit Gesnerus; sed Morgagno, Epist. I. §. 6. ipsam debemus.
- 11, 9, 10 *Satio . . . ratione*) Hæc duo verba loca permittasse patet. Lectionem Goesianam ac Sangermanensem ideo præfert Pontedera. Idem n. 12, in *potest & autumno*, redundare & arbitratur, quod omittit Pol. Pro eo Edd. pr. habent *autem*, non *etiam*, ut ap. Pontederam Epist. LV. pag. 494 caligantibus oculis legit Ernestus.
- 11, 11 *Cerebrosos*) *Gravedinosos* interpretatur Dalechampius ad Plinium 18, 15. Ervum Martio satum boves reddere *insanos* ait Pall. III, 7, 1. Alias *cerebrosus* idem est, quod ad iram facilis. V. Acron. ad Horat. Serm. 1, 5, 21.
- 11, 6 *Sed mihi videtur pessimi agricolæ &c.*) Frigidum hoc esse atque ineptum, animadvertit Pontedera, quod nihilominus cuncti editores suscipiunt & foveant. Petit ille, ut sibi liceat rescribere: *pessime agricolas committere, ut in satis herba proveniat* (vel *præveniat* absque *in*); *frug. n. pl. det., si rel. runca*. *Pessime* e Pol. est; *agricolas* ex ejusdem *agricola* productum; *in* a nostro emendatore *satis* superadditum; *runca* denique e Goesiano Cod. retentum: putat enim Cl. vir ita herbam appellari, quæ runcando tollitur. Particulam *in* male vidit Ernestus in Politiani libro extare a Pontedera affirmari Epist. LV. p. 494. quin veretur iste, ne Maranus suus ipsam interponere nimix tribuat audaciæ. Hoc eodem loco necessarium habet Pontedera verbum *ejus*, ac mox illud *etiam*, quæ inserunt MSS. Goes. & Sangerm.
- 11, 10 *Quicquid non duplici semine est*) „ V. Pall. Mai. 1, 1. „ Duplex semen intelligo, quod maceratum vel terræ mandatum in duos lobos (utur enim voce Græca, cum Latina æque commoda non occurrat) satis distinctos abit, inter quos germen, quod adhuc delituerat, jam explicatum prodit, ita quidem, ut deinde lobi utrinque, binorum foliorum instar, plantæ adhærescant. “ Gesnerus.
- 11, 1 *Summa . . . & dimidia*) *Summam . . . & dimidiam* anneant & verbo *occupant* moderantur præsci editores I. B. R.; quod si placet Pontederæ, ut etiam Aldo corrupti adversetur, & nobis perplacere debet. Item sic corrigendum proximo n. 2., ubi eadem verba ab *exigunt* pendent. His interjicitur *sesami*, quod ex depravatis libris

sumptum ac in *adorei* ( vel *sic seminis*, e Pol. *sisseminis*; ob præstantiam namque *adoreum* vocatur tantum *semen* a Plinio ) convertendum esse pluribus ostendit Pontedera . Fides penes auctorem, cujus rationes expendere nobis non vacat, nec operæ pretium esset .

- 13, 3 *In vetereto* ) „ Retinui hanc lectionem reverentia quam codicis Medicei & Victorii, qui in Emendandis etiam Gryphianæ editionis hoc posuit; non quo non verioremi putem *vervæto*.“ Gesnerus. Sed vide quæ adnotavimus I, 3, 10.

- 13, 4 *Quot operis carpantur, incertum est* ) „ Cur incertius hoc sit reliquis, de quibus præcipit, quot operis vellantur sive carpantur? Vereor, ne annotatio sit lectoris alii, cujus, qui observavit, vel ab auctore vel a librario alii, quo, omissam mentionem, quot operis carpatur milium. Vid. tamen n. 6. ubi similis incertitudo. “ Gesnerus.

- 13, 5 *Decem operarum* ) Quid impulit Aldum, ut contra Codicum, ac priorum Editionum fidem, undecimam demeret?

- 13, 6 *Occantur operis quatuor . . . metuntur duabus* ) Hunc locum depravatum, partim e vetustis libris, partim e conjectura, sic emendat Pontedera: *Occantur operis tribus . . . runcantur una, velluntur duabus*. Nimirum occatio aut eundem, aut minorem, quam pro aratione, operarum numerum exigit. Præterea runcatio ad colendum sesamum est necessaria, ne semen ad maturitatem accedens sarculis discutatur. Denique sesamum non demeritur, sed manu vellitur, & hac de causa inter legumina collocatum.

- 13, 8 *Semina . . . & conseritur XL* ) Numeri fere sunt vitiosi, quos rationibus de media agricultura sumptis corrigit Pontedera. Sed otii nostri non est hæc minutatim persequi. Quare consulat cui libuerit Antiqq. Epist. LVI. pag. 496. Interim nos ad alia transeamus.

- 13, 9 *Cætera . . . quibus non aratur* ) *Cætera* deest P. quibus non aratur deficiat. P. Goes. Alterum locus respuit, nam legumen neque nomine, neque natura, neque cultu cum frumentis convenit: reliqua vero sunt pluvialium dierum & feriarum interpretatio. „ Sed cur hoc tibi probare pergo, „ inquit Pontedera? Nonne satis constat esse rejiciendum, „ quod optimi Goesii & Politiani libri rejiciunt? “

- 13, 1 *Palustribus, aut nantibus . . . id noxium quoque est* ) *Palustribus ac nantibus* e Varrone ac Plinio rescribit Pontedera; nam omne quod natat palustre est. Item post I. B. R. ipse

- cōrripit: *inde quod noxium est*. Hæc minima jure dicerentur, nisi cuncta magna essent, quæ vera sint.
- 15, 3 *Oblaqueata*) „*Oblaqueare* contrarium quæ *ablaqueare*, quod est terram refodere, & radices arborum nudare. „*Oblaqueare* ergo est radices arborum obtegere terra & fi- „mo.“ Schoettg. Sed si apud Columellam locum habere possit hæc significatio, apud Catonem tamen nequit, ubi simpliciter pro *ablaqueare* positum apparet, ut recte observat Gesnerus.
- 15, 6 *E tepribus compitisque*) E v. & e viis comp. optima est lectio Sanger. Goesius omittit, vel forte exscribendo neglexit, *compitisque*. „Revera colligere e viis latius patet, „quam e compitis; quoniam ubique viæ, non ubique com- „pita. Propterea, dum illud non prætermittas, hoc alterum „non morabor.“ Pontedera.
- 15, 6 *Serpentum noxam latere*) Hic locus etiam ab Aldo vel Jucundo injucunde vexatus est. *Latere* Mediceo Codici desesse monet Pol. Pontedera *noxam* aut *noxiam* depravatam putat ex *nasci*, quod ipse reponens: „Hoc pacto, inquit, „& sibi convenientia scribit Columella, & Varro, quem „sequitur atque imitatur.“
- 15, 7 *Culina* & *caseale*) *Caseale* alii latrinam interpretantur; alii cellam, ubi casei vel conficiebantur, vel adservabantur. Pontedera ex Cod. Lips. legi malit *caprile*, cui *coerile* librorum Goes. & Sanger. proximum est.
- 16, 1 *Jugum duodecim . . . saturus*) *Duodeviginti* ex accurata supputatione, & *araturus* ex *arcturus* Pol. rescribit. Pontedera: nam ex eodem capite, mox post stercorationem arandum est.
- 17, 5 *Aut si quis eam*) „Quid si legamus, *At?* Opposita „enim; *diutius immorari*, & *lentius proropere*.“ Gesn.
- 18, 1 *Quoniam demergunt*) Optima ac necessaria lectio vel Pol. vel Goes. & Sangerm. Quousque tandem ergo ignavi rhetorum diligentiam inscitissime damnaverunt in lectionum varietate exhibenda? Scholasticas Editiones vel suo periculo unice isti cognoscunt atque amant, quæ expeditius evolvuntur, etsi errores ac monstra perpetuent in ævum.
- 18, 4 *Dissipabimus*) Aldi vel Jucundi fallacia hæc est. Priora excusa habent; *despiciamus*; Pol. *artificamus*; Pontedera credit *disjiciemus*.
- 18, 5 *Fanisecam messorum*) Quorsum in prætu messor? Amoveatur, sic jubente Cod. Pol., ac ad fruges demetendas reservetur.

- 19, 1 *Colligatur* ) „ Redeat, hoc remoto, ex Lipsiensi Codice in suam sedem *condatur*. „ Pontedera.
- 19, 2 *Ut aut in villam.....aut in manipulos colligatur, certe.* ) Hunc locum ex Ggesiano libro sic rescribit Pontedera: *Ut in villam.....at in man. colligatum certe*, &c. Videant agricolæ, utra lectio magis probanda sit.
- 20, 1 *Extergatur* ) Pœnitet Pontederam legisse olim *exteratur*. Postea legit *extrigetur*, vel *extringatur*, quod est distringendo resolvatur. „ Quid si propius ad antiquam scripturam legamus, *permistisque p., amurca, q. s. n. acceperit, irrigetur*. In mentem veniebat *exturgeatur*. Sed de hoc mox sequitur, *equata ... paviculis condensetur*. „ Gesnerus.
- 21, 4 *Pecudibus* ) Manifestum erratum hoc putavit Ursinus, qui male emendabat *pedibus*. Attamen videbat Vir Cl. & pecudes sive animantia ad trituram sua quoque ætate adhiberi.
- 21, 5 *Favonius habetur eximius* ) Cum sit siccissimus, oppido miratur hanc sententiam Plinius ( magnus Columellæ insectator ) 18, 30, s. 73. Zephyrum certe immittendum frumentis vult etiam Tarentinus Geop. 2, 27.
- 21, 6 *Reputgari* ) Si Columellæ sententia satis tibi est, recte Aldino hoc eandem tenes; sin autem auctoris verbum desideras, MS. Politiani *reperiri* in *repoliri* cum Pontedera convertes. Hoc verbum tamen citius recurrit, quam nostri felix dicendi ubertas, ac varietatis studium pati videatur.

## IN LIBRUM TERTIUM.

LIB. III. ) *Hic surcularis prior* in Florentino MS. vocatur, non male. In editionibus, quæ Juntinam 1515 præcesserant, ipsisque Mediceis Codd. & Lips. quartus erat: tertii namque locum occupabat, qui de *arboribus* nunc inscriptus, post XII Columellæ nostri lioros collocari exinde cœpit. Recte quidem & ordine factum, alibi docebitur.

- 1, 2 *Palma campestris* ) *Rosa campestris*, aut e libro de *arboribus* c. 1, 2. *rosa, arundines*, malit Pontedera.
- 1, 7 *Uva deflorescant* ) E Palladio, qui sæpe non solum sententias, sed & verba a Columella mutuatur, Pontedera libenter auget: *uva securius deflorescant*.

- 2, 7 *Et caterat*) Ursino videbatur legendum *at cat.* Sed Gesnerus feliciter habet conjecturam Broukhusii, quam damus in Var. Lect.
- 2, 9 *Uvida terra*) E Goesiano Cod. *vivida* s. legendum demonstrat Pontedera, & sic alibi.
- 2, 9 *Prolixarum frequentia* &c.) Cl. Pontedera, rejectis & *acinorum*, quæ omittunt primi editores I. B. R., interpungit *ravior. Largis fructibus* &c.
- 2, 10 *Dua gemina*) *Dua aminea germana*, malit Ursinus ex Plin. 14. 20.
- 2, 11 *Cum prædictis regionibus* &c.) Ponted., ut commodam ac perfectam sententiam habeat, punctum statuit post *sustineat*, sumitque *geris* pro *egris* ab Ursino. Ursinus præterea totam sententiam sic reconcinnat: *majori germana geris, sicut major gemella minori germana*. Gesnerus autem veretur, ut bene locus restitutus sit. „Duplices (verba Gesneri „hæc sunt) esse gemellas dixit Colum. 3. 10. de minore „hæcenus egit. De majori brevius & per comparisonem „quam ita putaverim commodius institui, si legamus, si- „cut *major gemina majori germana: quæ tamen minore hoc „melior est*. Ita parallelæ erunt *major germana & major „gemina*, itemque *gemina minor & minor germana*. “
- 2, 12 *Lanatum*) „Foliis, ne quis de uva cogitet: huic op- „ponitur n. 17. *quæ nudis foliis est*. “ Gesnerus.
- 2, 12 *Levioris*) Aldinum est. *Lenioris* ergo, ut ap. Goesium; si tamen asperum leni opponitur, atque antiqua recentibus præstant, ait Pontedera.
- 2, 13 *Majori gemina*) *Germana* pro *gemina* omnino legendum est, quod habent Goes. L. I. B. R., maximeque probatur Ursino ac Pontederæ.
- 2, 14 *Ut Amineis*) Optima lectio est Goesiani Codicis, *ut majoris*, quam gestiens amplectitur Pontedera.
- 2, 14 *Rubelliana*) *Rubellas* vocat Plinius, & ita quoque legit Goesius.
- 2, 17 *Cariam vetustatis*) Hanc non ad vites trahendam esse *cariam*, sed ad *fluxuram*, quam hic vocat, h. e. vinum ipsum, recte observat Gesnerus.
- 2, 18 *Capiti, nervis, venisque*) *Venisque* non esse a Columella nullus dubitat Pontedera, Pol. & Lips. Codd. auctoritate fretus.
- 2, 18 *Apibus afferunt prædam*) Vix dubium est Gesnero, quin legendum sit *offerunt*. *Appiana* vites ab *apibus* dictæ scilicet, quod difficulter ab iis custodiuntur. Eandem uvam

*muscatellam* dici a muscarum telis, quibus impetitur, observatio est Harduini ad Plin. 14, 2, §. 3.

- 2, 19 *Est Biturica, qualis basilica*) Pro *basilica* in MSS. hic, & alibi post, est *Balisca* vel *Valisca*, forte *Vibisca* a Vibiscis, ut *Biturica* a Biturigis, Aquitaniae populis, nuncupata. Ita opinatur Pontedera. „ Quot etiam, ille inquit, alia „ viciū genera a regionibus vel genibus nomen non in- „ venere? Pompejana, Aminea, Rhodia, Lybica, Thasia, „ Fregellana, Allobrogica hac de causa non vocarunt Ro- „ mani? “
- 2, 22 *Materiam & latum folium*) Confirmant Plinius, & ipse Columella alibi, Goesianam lectionem *m. durum & l. f.*, qua Pontedera summopere delectatur.
- 2, 23 *Sed hac sapore pretiosior*) *quod hac* ad utram referatur, nigrioremne an albiorem (nam ad aliquid proximum pertinet) non recte perspectum habet Pontedera, nisi pro *illa* legendum sit, vel nisi quicquam vetustate amissum.
- 2, 27 *At spionia*) Legendum *ut spionia*, sequentia docent. De nomine quoque ambigi posse, animadvertit Pontedera, quod in tribus Codd. Lips. Medic., quo usus creditur Politianus, & Goesiano *ut Scipionia* notatur, vel a gente Cornelia, ut in oleis Liciniana, Sergia, in piris Aniciana, Dolabelliana, Næviana, Turrana; vel ab uvarum longitudine.
- 3, 8 *De lapide noxium*) *Lapis Romæ* dicebatur lapideus suggestus, unde servi per præconem vendebantur. Conf. inter alios Pignorium de *servis* pag. 49.
- 3, 8 *Totidem mill.*) „ H. e. VII, quot sunt jugera, ne quis „ forte *ad octo millia* referat vinitoris pretium. “ Gesn.
- 3, 12 *Minus quatuor millibus*) „ Non simpliciter, sed res- „ pectu superioris numeri. Disponit sc. Atticus XVI. M. Ad- „ de infra 3, 16, 3, & opus esse hac animadversio, „ intelliges. “ Gesnerus.
- 3, 13 *Millia sextertia*) Pol. & Lips. Cod. lectio, *millia sextertiorum*, digna erat, quæ reciperetur, nisi mallet Gesnerus in eam partem peccare, quæ cautior est: magno enim consensu *millia sextertia* literis expresserunt librarii. Neque nihili habenda sunt, quæ Gronovio patri reposuit Perizonius ad Sanct. 4, 4, 78, & 4, 8, 2. incertam fere facit librorum lectionem ratio veterum scribendi per compendium aut notam IIS, vel HS.
- 3, 13 *Prædiximus*) „ Paulo ante s. 8. nimirum *vinæ* hic „ sunt vites *cum sua dote* h. e. pedamentis & vinculis. “ Gesnerus.



- 3, 15 *Cohortari nos debet &c.*) Ipse Columella, recte observante Gesnero, vineta sua cædit, cum mox c. 4, 1 præcipit, *ne mercemur aliunde viviradicem*. Si huic omnes obsequentur, ubi tota vicinia jam vineas institutas habuerit, quis tum vendet? Sunt nimirum quæstus quædam genera primis duntaxat inventoribus, & paucis forte, qui eos sequuntur, utilia, quæ posteaquam vulgata res est, cessant.
- 4, 2 *Qui conserueris ea*) *Conseuerit* videtur legendum Ursino; sed miscere sæpius hæc verba vel auctores, vel librarios, Gesnerus animadvertit.
- 4, 3 *In otio tractare*) *Tractaret* legi vult Ursinus, ne sic quidem integra sententia. Idcirco totum locum regei malit Gesnerus: *quoniam in eo consistis, melius an is terre mand. pat. pec., an qui in otio tractarit?*
- 5, 3 *Quæ est altitudo*) „Quæ uncis inclusimus, ea ex glossa irrepsisse videbantur Broukhusio; non injuria.“ Gesnerus.
- 6, 4 *Ἀποκατάρσις*) Ipsa est hæc Juliani anni ratio; sed quid ad fecunditatem stirpium conferat, nemo intelliget.
- 7, 1 *Ac ne...quæ vulgo non*) *Anne* pro *ac ne*, & *nunc* pro *non*, recipit ex Goesiano libro Pontedera.
- 8, 4 *Pluribus locis urbis*) Quomodo igitur id fugit Plinium, qui 16, 30 in septentrionali tantum Italiæ plaga casiam nasci testatur?
- 8, 4 *Jam tuream plantam*) Post hæc, forte e margine aliqujus libri, Editiones I. B. R. inferciunt verba *mature ampliatam*, quæ Codices non habent, & Aldus, tandem aliquando, feliciter omisit.
- 9, 2 *Denas amphoras*) H. e. vicens urnas, quæ a superioribus ternis nimis fere longe recedunt. Pro *denas* Gesnerus putat scriptum *renas*, vel *quinas*, vel *binas* adeo. In numeris summa librariorum negligentiaprehenditur.
- 9, 3 *Plane longinquis*) Heinsius e *paleæ* aliquorum Codd. suspicatur legendum *talen e l.*, quod improbat Gesnero.
- 9, 4, 5 *Nihil...voluerit: unde &c.*) Pro *unde* legi ut, ac *Noram*, ex Virgilio translaturum, quod omittunt Goes. L. I. B. R., hic abesse malit Pontedera.
- 10, 1 *Dum ad ultimum*) *Ad ultimam* videtur legendum Ursino.
- 10, 3 *Stirpes, quæ a duro citantur, duplici ex causa probata sunt*) Immo *probata non sunt*, contenderet Pontedera, nisi verba hæc illi insititia viderentur. Existimat vir doctissimus pro *citantur* scriptum fuisse *vitantur*, ac sic totum

- locum constituit: *stirpes, quæ e duro, vitantur dupl. ex c.*
- 10, 3 *Illinc a se tractus humor*) Melior videtur Gesnero Pol. ad se. Intellectus idem: mediis stirpibus intercipitur humor ab infimis, detrahiturque a summis ad se illum trahentibus.
- 10, 4 *Ultimum flagellum*) Sive summum sit, sive imum, explicat Gesnerus.
- 10, 6 *Infirmissimi*) Gesnero intelliguntur hi, qui fide vacillantes non satis constantiæ habent ad laborem perferendum, quo seisu passim *firmus* aut *infirmus* exercitus dicitur.
- 10, 7 *Ut & sciat*) Goesiana, *quod sciat sequatur*, & mox, *acceperis pro accepit*, Gesnero mirifice placent.
- 10, 10 *Prædita ratione*) *Prædita* legendum omnino cum Lips. & construendum cum verbis, *elementa sp.* eo magis quod suffragantur etiam Editiones vetustissimæ, docet Schoetgenius.
- 10, 12 *Membra genitalia*) Ita *lumbos vitis* appellat de Arb. 3, 1.
- 10, 14 *Careat, carituram*) In diversis verbi temporibus quærendam esse oppositionem, non in *fructu* atque *fetu*, monet Gesnerus.
- 10, 17 *Jam toto fructu*) „Scipes ac caudex videtur quicumque que Goesiana, *jam dato fructu*, non amplectitur.“ Pont.
- 10, 18 *Indulget*) *Inculet* Ursinus absque Goes. & Sangerm. ac Morgagnus Epist. I. §. 7. absque Ursino, conjectura sunt assecuti.
- 10, 18 *Sed in totam agricolationis rationem dictum*) Goesianam lectionem: *sed de tota agricolatione spatioso dictum* &c. longe præfert Pontedera.
- 10, 22 *Nequam fuitset*) Pro *nequam* Pontedera malit *nunquam*, vel *nequaquam*: sed bona pace viri celeberrimi eripi Gesnerus non patitur Columellæ vocem *nequam*, quæ non modo quæ frugi opponitur recte, sed etiam *frugifero*. Sic *nequam hostium* Catonis & Varronis habuimus.
- 11, 4 *Totum solum sicco fimo &c.*) Hic aliquid deesse apparet Cl. Morgagno.
- 11, 4 *Reforsas omnes radices*) „Consentiunt in solæcismo libri: & potest fieri, ut ipse Moderatus pro verbo *debet*, quod posuerat, *oportet* in mente habuerit.“ Gesnerus.
- 11, 6 *Sed hoc in totum ad illud*) *Sed hoc in totum: ad illud*, legit, ut in vetustis codicibus, Pontedera.
- 12, 1 *Limitatio*) Pugnat pro hoc verbo Gesnerus; sed Goesianum *imitatio* non deserit Pontedera.

- 12, 2 *Eademque*) *Eadem* vult legi Ursinus, ut sententia constet. Gesnerus vero *eadem* servandum putat, adverbiall intellectu pro simul: *eadem* qualitate, opera, ratione, cet. qua densa humus aquas cœlestes & ventum excludit, qua rimas agit, etiam strangulat semina.
- 13 Non injucundum fuerit observare, quomodo hoc caput in suas areolas transtulerit Pall. Jan. 13.
- 13, 2 *Perque duos in altitud.*) *Perque duos & dodrantem in altitud.* ex superioribus augendum censet Pontedera.
- 13, 3 *Relicto spatio*) „Non eo quod *scamna* modo vocavit, sed alio, quod parallelum sit ordini modo descripto.“ Gesnerus.
- 13, 3 *Vineas colenti*) Videtur legendum *colendi* Ursino; & Gesnero pruriebant digiti, ut emendaret: sed quidni referatur ad *cuique*?
- 13, 5 *Quod emissum est*) „Ita libri omnes, seu pro *omni*, sum ipse Columella posuerit, seu antiquissimus librarius.“ Gesnerus.
- 14, 1 *Rursus autumnalis*) „Desunt secundi intervalli dies: non enim totidem in utroque: illi, comprehensis extremis, XL, hi XLVIII.“ Pontedera.
- 14, 3 *Nam minus interit &c.*) Incurata ulcera hic latent; sed *sæpius* in *semen* converso, omnia integra & clara futura existimat Pontedera.
- 15, 5 *Per biemem frigentem & humidam &c.*) Si Pontederam audiamus, stultissimi hominis est hæc Aldina frigidissima approbare. Itaque ille ex primis excusis, leviter immutatis, rescribit *per biemem frigentemque humum*, vel *per biemem fugiente humo*; ac pro *tempestivum* legit *tempestate*, i. e. temperato ac tranquillo tempore, quale verum & autumnale. Porro *tempestate* placidum tempus aliquando significari non eum præterit, qui Cæsare, M. Tulio, Virgilioque paullo familiarius utatur.
- 16, 2 *In eadem deinde linea...distent.*) Sententia dissipata, & prave distorta, ut suis numeris insistat, partim ex Goesianis, partim ex primis impressis, sic ordinanda atque adeo purganda Cl. Pontederæ videtur. *In eadem deinde linea, in qua viviradix obtinet ordinem suum, prædicii causa quorum ex numero propagare* (sator nempe vel agricola, vel tu, si possis legeris) *possit in locum demortua vitis, quinque malleoli pangendi sunt per spatium pedale;isque per ita a medio interordinio sumitur, ut ab utraque vite paribus intervallis distent.*

- 16, 3 *Nor tamen plus* ) „*Plus quatuor & viginti millibus* „ vult legi Ursinus. Sed non intellexit rationem loquendi „ Columellæ vir doctissimus, quam nos interpretatos ad 3, „ 3, 12 jam non pœnitet, qui parum aberat, quin induce- „ remus animadversionem illam, cœu nimis facilem atque „ obviam. „ Gesnerus. In re tam plana summus ille vir hallucinatus est, quod animadvertisse juvabit, ut & foveatur in eruditorum animis modestia, & minuatur etiam erga alios cœca illa reverentia, quæ auctoritatem gignit, rationi, ac literarum progressibus adeo inimicam.
- 16, 3 *Interitu sœminum* ) *Interitu* vox hic nihili est Gesnero, qui petit sibi concedi, ut legatur *intersitu*, vel *interjectu*. Sed prius magis illi placet, quod habet intellectum commodissimum: nam ubi manu quædam seruntur, impedimento sunt, ne herbæ aliæ invalescant. Forte insolentia nominis fecit, ut notius substitueret librarius. *Interserere* tamen hoc ipso capite Columella dixit.
- 18, 3 *Fructus medii* ) *Fructum edî*, legendum arbitratu Gesnerus.
- 18, 4 *Ut quod in saliceto conservando vitaverimus.* ) Pro *saliceto*, quo totius sententiæ vis exstinguitur, legerat olim Pontedera *sarmento*, quod postea damnavit, ac, ipsius partem, *sagittam* substituit, hoc pacto: *in sagitta non serenda vitaveramus*: nam a satione sagittæ repudiatur.
- 19, 2 *Situ serimus* ) Goesianam lectionem, *situs patitur*, anteferendam ducit Pontedera.
- 19, 3 *An plurium generum* ) „ Quidt-si varietates, quas in- „ dicavimus, coniungendæ, & ita legendum sit: *Uniusne* „ *an plurium generum vites habenda sint*; & si plurium „ *vites separata*. Sed nec vulgata lectio absurda, quin „ brevitate ipsa concinnior. „ Gesnerus. *Uniusne* ex Goesiano libro restituendum non dubitat Pontedera. Extant etiam apud Pol. hujus reliquæ: *ne an plurium*; deperdito *unius*.
- 20, 4 *Nec quod ipse potueram* ) Gesnero locus non satis sanus hac emendatione atque interpretatione juvari posse videbatur. *Nec* ideo non dubito distinguendas has esse vites, quod ( h. e. quo vel quasi ) *ipse potuerim a meis familiaribus* ( villicis, servis, operis ) *obtinere* ut distinguerent semina, *aut* quod *quisquam eorum, qui quam maxime id probaverint, effecerit*.
- 20, 6 *Ut nigri vini stirps careant* ) Contra quod Pontedera statuit, extremum hoc membrum fœde inquinatum esse, legendumque, *stirpem callant*, Gesnerus collerandam lectionem.

nem vulgatam censet, jam non amplius de scientia sermonem intelligens, sed de ejus effectu. Quisquis attente legat atque perpendat, intolerandum, arbitror, hoc Gesneri judicium facile agnoscat.

- 21, 3 *Illinc arcella* ) Non *arcella*, sed *arcelaca* legendum esse, ut cap. 2, observat Pontedera.
- 21, 3 *Velut aeterno* ) *Velut aeterno quodam puerperio feta mortalibus* . . . *letis palm.* rescribendum videtur Ursino.
- 21, 4 *Quod indescriptis* ) „Videndum sitne potius *indiscre-*  
*tis*: nam, si *discreta semina* hoc capite vocat vites Co-  
 lumella, quæ separatæ digestæ sunt, cur non *indiscretæ*,  
 quæ confusæ & mixtæ panguntur. “ Ponted. Idem legi malebat Ursinus.
- 21, 5 *Cum praeoque elevet.* ) Forte *levet*, verbum usurpatum in tali re Palladio. Intellige cum Gesnero capiat, auferat. Quam late patuerit vocis *levare* usus in provinciis, Italorum, Hispanorum, Gallorum, qui hodie sunt, consuetudo declarat.
- 21, 6 *Annonam expedire* ) Si vel auctoritate Codicum ac priorum editorum Pontedera destitueretur, dignus tamen Columella censeret *annonam experiri*, quam eandem, ut depravavit Jucundus aut Aldus, *expedire*.
- 21, 7 *Neque folium notabile* ) Tum, quod vitis magis fructu dignoscitur quam foliis, tum etiam, quod *neque* alterum *neque* exigere solet, facile se adduci ait Pontedera ut suspiceretur, hæc desiderari: *neque fructum*. Gesnerus vero (fortasse rectius) putabat *neque* hic poni, ut alias pro *ne quidem*, ubi alterum *neque* non desideratur.
- 21, 8 *Neque enim omne* ) *Omne* pro *omni* sc. *genus* contrâ cunctorum sive Codicum, sive Editorum fidem, rescripsit Gesnerus, qui, Ursino ac Pontederæ morem gerens, duorum certe doctissimorum hominum judicio, rationique ipsæ, quod magis est, literulam unam condonare non dubitavit.
- 21, 8 *Quia rigore vitiuntur* ) Priorum excusorum lectionem ruetur Pontedera, ac Aldinum putat *neque vitiuntur*. Quod si antiquum duceret, & de eodem non ambigeret ( quoniam Aldi persona illi semper suspecta, qui tam temere a priscis editoribus aberravit ) nobiliorem sententiam tibi compararet, videlicet: *quia, nisi calidiore, vitiuntur*.
- 21, 10 *Per potus tamen* ) Mendum manifestum existimabat Ursinus, cui videbatur legendum: *per vetustatem nobilitantur*, vel *perpetuitate nob.* *Perpetue* habent antiquæ Edd. I. B. R.

## IN LIBRUM QUARTUM.

LIB. IV.) Hic liber *secundus, surcularis* vocatur in Cod. Mediceo.

1, 1 *Geminis diductis*) Integram recipiendam fuisse Goesianam lectionem, *gem. materiis did.*, satis clare ostendit Pontedera.

1, 4 *Exigui pulveris*) Tum Gesnero, tum mihi placet Ursini conjectura: *Exiguum pulveris*.

1, 5 *Terraque desiderat*) *Desiderat* Gesnero legendum videtur.

1, 7 *Soluta laxaque*) *Laxataque* legeret Pontedera etiam absque Goesiani libri, ac priorum excusorum auctoritate.

2, 1 *Seminis flagellis*) Pro *flag.* in Vatic. Cod. legi *materiis* observat Pontedera. *Alterum illud* respicit ad duas objectiones, quas motas suis præceptis esse, 4, 31 commemoravit.

2, 1 *Sæpe venit*) *S. evenit* ingeniose conjicit Pontedera, cui, ut observavimus, concinit liber Goesianus. Ex eodem *tenuit* pro *vixit* retinendum censet.

3, 6 *Quo quid conjicit?*) Quis conjicit, Græcinus an Columella? Et quis præterea, in re tam patenti, conjecturæ locus? Legatur ergo (sic jubente etiam Pontedera) ex vetustis libris: *Quod quid convincit?*

4, 1 *Priore . . . exordio*) *Exordium* esse nostro integrum tractatum, pluribus comprobatur exemplis, quod, ante Forcellinum, lexicographis omnibus inobservatum mireris.

4, 1 *Erigatur*) Insulsum, frigidum, & inter sordes obruendum dum concalescat, verbum hoc præ illo, quod in varietate habes, Pontederæ videtur.

4, 2 *Postea quum ablaqu.*) Ita rescripsit Gesnerus pro vulgato *posteaquam*, quod hic locum habere posse non putavit.

4, 2 *Orbem ablaqueationis*) Adversus Ursinum, qui *orbem* manifestum erratum dixerat, legeratque *scrobem*, vulgatam lectionem præclare tuetur Gesnerus ad h. l. *Fortius* abesse, ut in P. & Goes. monumentis, vel ex eo *altius* fieri, malit Pontedera.

4, 3 *Sic enim malleoli*) Abeat etiam male auspicatum istud *malleoli*, quod priora impressa non exhibent, atque ipsius sedem repetat Goesianum *optime*, in *optimi* versum ab edi-

- toribus I. B. R. Nam post viviradices & malleolos *reliqua semina* comprehendunt, ut recte Pontedera animadvertit.
- 7, 1 *Summum rejiciuntur*) Ex Lips. *fundum* Schoettgenius conjiciebat *furum*; sed Columellam ipsum, verbis quæ proxime sequuntur, huic mutationi repugnare, arbitratur Gesnerus.
- 7, 2 *Vestigium fecit*) „ *Fixita* habet Codex Arundellianus. „ Sed Cicero & Virgilius receptam lectionem tuentur. Was. „ se ad Sall. lib. 1. fragm. p. 192. “ Schoettg.
- 7, 2 *Inarescit*) *Increscit* legendum videbatur Ursino, cui non assentitur Gesnerus. „ Hæc est, iste ait, noxa scilicet vul- „ neris, quod locus sauciatus *inarescit*, & quidem larius „ etiam, quam vulnus ipsum pertineat. Vulnerata stirpe „ exstillant humores per aperta venarum oscula; continens „ non amplius est comex; quæ res ariditatem inducit utra- „ que. “
- 8, 1 *Quos in re rustica*) Hæc ab Aldo; antiqua & vera le- ctio est in varietate: non enim rei rusticæ tantum scientia hi duo, Celsus præsertim, inclaruerunt.
- 8, 1 *Adopertar*) Intelligi debet, monente Gesnero, ante abla- queationem. Alioquin clarius est altera lectio, quam supra indicamus, *adopertas*.
- 8, 2 *Recedere ab ipso codice*) „ Ita legendum etiam censet „ Ursinus. Recte, nisi fallimur: quis enim putet, eloquen- „ tissimum virum ita *πυμλεγειν*, ut dicat *recidere ab ipso* „ *codice* . . . *atque ita pracidere*. “ Gesnerus.
- 8, 2 *Instar unius digiti spatium*) „ Duriuscula videri potest „ illa conjunctio. Verum solent nostri vocabulo *instar* ita „ uti, ut simpliciter notet quod alias circiter. Deinde illud „ spatium referendum est ad vocabulum *recedere*. “ Gesn.
- 10, 3 *Nec utique verno*) *Verna* cum Goesiano libro legen- dum est, ut respondeat voci, quæ consequitur, *autumna- lis*. Morgagno tamen videtur Ep. I. §. 10, vel hic, vel paucis quoque ante versibus, *tempore* Columellam intellexisse, & similiter Palladium lib. III, tit. 12, §. 7.
- 13, 2 *Paludibus desectus juncus*) Pro *desectus* Pontedera „ rescribit *delectus*, quoniam omnes junci, ille inquit, in „ paludibus nascentes vitibus necandis nequaquam apti „ sunt. “ Acutior quam vellem, mihi hæc emendatio vi- detur; nam quantumvis deligendi sint junci, semper & de- secandi erunt, nec scribenti unum potissimum vel alterum rei accidenis designare opus fuerat.
- 14, 1 *Ut dixi*) „ Aut I majusculum intelligitur pro gemi- „ no *ii* positum, aut *iii* vel *his* scribendum: illa verba

- „ enim, *quam vitibus ordinariis*, satis indicant præcessis-  
 „ se dativum. “ Gesnerus.
- 15, 1 *Vineam tum subteri*) Ex una voce duas fecisse libra-  
 rium, legendumque esse, *vinorum sub.*, censuit Ursinus.
- 15, 3 *Recens eris*) Loco cedat Aldinum hoc, ut antiquum *re-*  
*cessit* recipiatur.
- 15, 3 *Ad imum solum*) „ Scrobiculi ut videtur, cui opponi-  
 „ tur deinde *summa terra*, i. e. soli superficies. Id agitur  
 „ nimirum, ut radices ante omnia confirmantur. “ Ges-  
 nerus.
- 16, 3 *Propius truncum ridica*) Unus Politiani liber optimam  
 hanc lectionem, exhibet, quam conjectura Ursinus & Ges-  
 nerus assequebantur. Cæteris omnibus vel scriptis vel ex-  
 cussis legitur, *truncus cum ridica*; & Goes. Codex pro *quan-*  
*to* habet *quando*.
- 16, 4 *Nec pandentur*) Maculam cunctorum librorum, qui  
*pandantur* habent, feliciter eluit Ursinus.
- 17, 1 *Arundines*) „ Quid? si pro *arundines* legamus *arun-*  
 „ *dine*. Neque enim tam *arundines* iungantur, quam vites  
 „ *arundine* vel *arundinibus*. “ Gesnerus.
- 17, 1 *Et canibus, ferisque*) „ Pedesne canum metuit, an ro-  
 „ stra? Fateor me laborasse aliquantum circa hunc locum:  
 „ *manibus* placeret, sed hoc forte nimis abit a scriptura  
 „ consentiente librorum; *manibus* propius abest; sed neque  
 „ jugum, quale hic describitur, ita altum, ut *manus* ar-  
 „ ceat transeuntium. “ Gesnerus.
- 17, 2 *Neque enim est alia*) „ Non optime ista videntur co-  
 „ hætere. Viderint qui possunt. Quid si pro *enim* legamus  
 „ *vero*? “ Gesnerus.
- 17, 4 *Trunci caput*) Hic intelligitur, sic explicante Gesnero,  
 ipsum diverticulum brachiorum, ubi nodus aliquis & quasi  
 caput esse solet. Ita etiam 4, 21, 1.
- 17, 5 *Circa jugum*) *Citra* legi vult, & recte, ut videtur,  
 Ursinus. Conf. omnino 4, 24, 11.
- 17, 8 *Iungantur*) Factum hoc esse *ex injungentur*, verbo ob-  
 scuriori, existimat Ursinus.
- 17, 8 *Contra frigidis*) *Contra pluvii & frig.* de antiquis li-  
 bris exscribi jubet Pontedera.
- 19, 1 *Quat. 1 lev. sit*) Hæc verba videntur Ursino ad-  
 jecta ab expositoribus.
- 19, 2 *Nam lat. vit. pat. se cel. evag.*) Suspecta hæc sunt  
 Schoettgenio, qui ante *placidioresque* rescripsit ex Cod. Lips.  
 Pro *evagari* Mediceæ chartæ indicio legi malit Gesnerus *ovo-*



- cari*, verbum elegans, & Columellæ in tali re alias quoque usurpatum.
- 20, 2 *Alliduntur*) Si cui magis placeat, potest etiam legi *al-luduntur*, quod utrumque est præterlabente humore rigantur.
- 20, 3 *Quod proximum*) „ Relativa *quod* non habet, quo re-feratur commode: quid si legamus *quo?* & referatur ad „ *locum*. “ Gesnerus.
- 21, 7 *At qua . . . adhar. ea*) *Atque . . . adhar. & defic.* omnes tum scripti, tum editi libri habebant. Ex *atque* reſinxit *at qua*, ac *in ea*, ut commodam sententiam redderet, Gesnerus. Idem, insciente adhuc Gesnero, fecerat Cl. Pontedera.
- 22, 8 *At si (cum) ejus vitio*) Locum ex vetustis impressis & manu exaratis reformari omnino vult Patavinus Professor: *Cujus cum vitio &c.*
- 22, 8 *Macies & sterilitas*) Ursinus favet lectioni I. B. R. *mac. & steril. terra salsa vel amara*, quæ mihi quoque magis placet.
- 24, 2 *A parte vitium*) Vetustum *in partibus vit.* libenter se complecti ait Pontedera.
- 24, 4 *Ab ima vite*) Ursini & Schoettgenti conjecturæ, pro *una*, verbo nihili, quod habent omnes, legendum esse *ima*, accedit Florentini Cod. auctoritas.
- 24, 5 *Si vero trunci pars secla*) *Si vero trunci pars senecta vel s.* legit Pontedera: senio enim membra in stirpibus eniori atque exsiccari sæpenumero videmus.
- 24, 6 *Fructum viridem*) *Truncum vir.* scripsisse Columellam suspicatur Gesnerus.
- 24, 7 *Convalescunt*) *Coalescunt*, ut in Goesianis, Columellianum pro certo habet Pontedera; & sic V, 11, 15 legit *coalescet*.
- 24, 17 *Quamvis angustissime præcisus*) „ Ubinam gentium „ *geniam* ( nam *gemma furunculus*, & quidem *angusta* „ & *brevis*) putari & præcidi vidisti? *Vitium ergo præcisus?* „ Sic autumo: id in Politiani scriptis *percisus* dicitur, ex „ quo *percisus* deducebam, videlicet protrusus; materiam „ enim, & *palmitam citari & excitari*, i. e. enitti, sæpe „ apud Columellam leges. “ Pontedera.
- 26, 1 *Tertium obtinet locum*) Si Pontederam audias, rectius *alteram vel secundum* pro *tertiium* subrogares. Pedamenta enim apud Columellam ad duo tantum revocantur genera, ad *ridicam* nempe & *palum*. De *ridica* primo loco egit. *Pedamen* veto *teres*, de quo nunc, quid aliud erit nisi *palus*.

- 26, 1 *Tamen in bis*.) Voces *in bis* concoquere non poterat Gesnerus, cum commodum offertur Goesiani codicis lectio, quam veram arbitratur. Vix dubitavit, quin ipsam reciperet; sed maluit tamen in eam partem peccare, quæ tutior est. Quis hanc ratiocinationem intelligit? Ego certe minus probabilem nunquam tutiorem partem dixerim.
- 27, 1 *Palms incipientibus...gemment*) Ex Pol. *incipientibus* facit *incientibus* Pontedera, ac legit *germinant*. Idem 24, 16 pro *gemmantem* malit *germinantem*. Animadvertere oportet *gemmo* & *gemmasco* ab antiquis sæpe pro *germino* usurpari, sæpius a librariis pro eodem confundi & misceri,
- 27, 4 *Quibus binos*) „ *Binas* legendum ex V.C. monet Ur- „ sinus: recte arbitror; refertur enim ad *palmas*. Sed cum „ etiam *alumnos* possit respicere, nihil mutavi. “ Ges- nerus.
- 27, 6 *Vel e duraparte, aut a trunco &c.*) Deleto *oportebit*, quod in vetustis libris non apparet, hæc etiam ex uno vel altero codice sic ad pauciora redigit Pontedera: *vel dum parte trunci ritos pampinos submovere, nisi*. Denique, pro inauspicato illo *Aldino occupant*, antiquum & optimum opacant rescribendum arbitratur.
- 28, 1 *In omni surculo*) Hic *surculi* nomine virgultum, sive potius arborem, quæ de *surculo* crescit (ut censet verissime & Cl. Morgagnus) intelligi, idque etiam aliis locis comprobari, nos docet Pontedera. Vid. 2, 15, 7; 4, 29, 3; 7, 12, 10; 9, 4, 2.
- 29, 2 *Major cura*) *Minor cura*, emendat Pontedera, quoniam ad exiguum numerum referuntur.
- 29, 4 *Quod tum & totius*) Illud *tum* eo minus putat Gesnerus huic loco convenire, quod proxime præcessit: *eodem ipso tempore*. Quid si legamus *tamen*?
- 29, 4 *Gemmas & corticem naturaliter movent*) Qui hæc vulgata amplectuntur, metas nugas agere monet Pontedera, cum Aldum, non Columellam intueantur. Recte hic motus in stirpibus significatur: quare Goesium ex veteri libro exscribentem sequamur: *gemma se & cortex naturaliter movet*.
- 29, 11 *Submittitur in propagines. Autumnus*) Legebatur ante *sub. in propagines autumnus*. Huic loco Gesnerus, post *propagines* cum primis Editoribus interpungendo, mederi putavit, ut Pontederæ correctionem eluderet, qui pro *autumnus* legi malebat *alumnus*. Sed iste, opinionem suam novis confirmans rationibus, nominique Gesneri parcens, osten-

dit (Ep. LVIII, p. 520.) hac membrorum sectione, etsi veri specie blandiatur, locum ipsum minime sanari, eamque „ placere non potuisse nisi quibus insitorum natura incom- „ perta est atque ignota. Insita namque tardius germinant, „ quam quæ insita non sunt, tardius etiam insitorum sar- „ menta maturescunt. Quæ igitur sub hiemem perficiuntur, „ autumnō non sunt putanda, sed vere. “ Nic. Heins. ad Ovid. Her. 4, 111, e membranis rescribat *submituntur*, deque suo *autumnas* pro *autumnus*, adjectivo more positum, conjiciebat. Videant modo eruditiores, non grammatici tantum, vel critici, sed rei agrariæ haud vulgariter periti, quid potissimum sequantur.

29, 11 *Institit*) Aut omittendam hanc vocem cum primis Editionibus, aut adjiendum *in*, ut sit *in institit*, arbitratur Gesnerus.

29, 17 *Excitabat antiqua terebra... necessitas*) Altissimum huic loco vulnus illatum esse patet; sed quæ fuerint Colu- mellæ verba, quibus gradibus facta sit corruptio, nemò facile divinabit. Illa *locisque aridis & siccis &c.* quam diversa sunt ab his, quæ tradit noster 3, 1, 4! Pontedera censet ex libro *de Arb.* lacunam expleram fuisse, quæ ex eodem libro 8, 4 melius hisce aliis expleri poterat: *Itaque cavatum foramen... coalescit.*

30, 3 *Salitō destinatum solum*) Hæc verba Broukusio, Pontederæ ac Gesnero glossam sapere. Quidni nobis homunculis idem sapiant?

30, 4 *Eo usque dum ad solidum demittantur*) Hæc verbâ a se non intelligi fatetur, gratiam habiturus interpretanti, Gesnerus. An illud forte, ipse quærit, eo usque imprimenda sunt cacumina, dum solum æquent, nullaque adeo eorum sit superficies?

31, 1 *Vel defertur*) Gesneri suspicio est *differtur*. Certe id significat aut transfertur.

31, 2 *Ramorum*) Hoc verbum, a Pol. omissum, eximit Pontedera. „ Contraria confundi, ille ait, quis non videt? Ramus enim non aliud est quam arboris latitudo, quæ pinando prohibetur. “

32, 1 *Minus alte pastinatur*) Lethale vulnus hoc est ab Aldo infictum. *Min. alto pastinato*, i. e. minus profunda pastinatione, ex Pol. & primis excusis reponit Ponted.

33, 1 *Ejus enim Tum*, i. e. deinde ex MSS. & pr. Edd. *mox neque pro utque* cum Pol. scribit Pontedera.

33, 1 *Uique in alteram cessionem*) „ H. e. quinquenniū,

- „quo exacto cædi denuo castanetum potest.“ Gesnerus.  
 33, 3 *Stillaverint*) *Stilaverint* malit Gesnerus, ac stilum,  
 i. e. tenuem surculum, emisierint, interpretatur. De *stilo*  
 scilicet *stilare* dictum putat, ut a *gemma gemmare*, a *ra-*  
*dio radiare*, a *germine germinare*, & hoc genus alia.  
 33, 4 *Radicitus exempta*) Etsi nil refert, utrum *radicitur*,  
 an *radicibus* legas, tamen, si Columelliana mavis quam  
 Aldina, posterius, Pontedera auctore, ex MSS. & pr. Edd.  
 tibi probandum erit.

## IN LIBRUM QUINTUM.

- LIB. V.) Hic liber *surcularis tertius* in Mediceo codice recte  
 vocatur.  
 1, 4 *Præcepta mensurarum*) Numerorum hisce tribus capiti-  
 bus manifestaria sunt peccata, quæ in MSS. & quasdam an-  
 tiquas Edd. irreperant. Veram & sanam hic lectionem pro-  
 poni, ipsa res (ut Gesnerus affirmat) si quem ad calculos  
 sedere non pigeat, docebit.  
 1, 6 *Quæ oëties multiplicata*) Non apparet quo hæc refe-  
 rantur, nisi addatur mensura ex Ms. Goes. Ita clarum to-  
 tum est.  
 1, 7 *Ab centum jugeribus*) „Quidni potius a totidem *hero-*  
*diis*, quæ Varronis ratio est 1, 10, 3? “ Gesnerus.  
 1, 10 *Pars duodcima*) *P. d. pedes*, ut in reliquis, vult le-  
 gi, ex Jensonio, Pontedera.  
 1, 11 *Et una duodecima*) Hic & paullo post atque iterum  
*una* adverbium esse, non casum rectum ad *pars* relatum,  
 Pontedera, Gesnero & ( nisi CC. VV. auctoritati pondus  
 magis detrahare quam augere censendi simus ) nobis quo-  
 que videtur.  
 2, 6 *Quæ facit angulum rectum*) Merito hæc in prioribus  
 impressis & Codd. Pol. & Lips. non inveniuntur. Quare Al-  
 do Jucundove restituit Pontedera.  
 4, 2 *Quod etiam pastinando*) Conjecturam Broukusii, quam  
 damus in varietate, sensum facere optimum putat Schoett-  
 genius. Pontedera Pol. & Goes. lectionem approbat.  
 4, 3 *Quoniam vicinum*) „Qui attenderit, videbit, senten-  
 tiam postulare *quamquam*. “ Gesnerus.

- 5, 1 *Earum, quæ proporiui*) Apud Jens. & Bruschium legitur *eorum*, vid. *generum*, quod Pontedera magis arridet.
- 5, 1 *Solutiore terra*) *Terra* habent omnes tum editi, tum scripti libri, insigni, ut Pontedera autumat, erratu: quo suffragatore tantillam mutationem suscipere non dubitavit Gesnerus.
- 5, 15 *Uno jugo*) *Uni j.* esse oportere, ut in MS. Goes., Pontederam monitorem habemus.
- 5, 16 *Quoniam quidem partes*) Apparet, credit Gesn., longe commodius hic legi *quando quidem*. Alias etiam in hac voce peccare librarium observabat Vir Cl. paullo ante 5, 4, 3. Quoties vero *quoniam* & *quando* misceantur, hic adnotare & longum est & supervacaneum.
- 5, 18 *Occupata*) „Intellige a jacente in ipsa vite. “ Gesn.
- 6, 3 *Bubus affert*) Goesianum *affert* sententiam opportunius absolvere Pontedera videtur.
- 6, 6 *In aream*) Pontedera ex Goes. legit *areas*; nam & in proximis verbum hoc pl. num. viget.
- 6, 7 *Ipsis seminibus*) *Ex ipsis seminibus*, malit Pontedera, nescio quid contra obganniente Gesnero.
- 6, 8 *Conspergi potius*) Pro *potius* ex Pol. *seminis* Pontedera *cominus* legendum censet. Edd. pr. habent *sapius*, quod non male mutavit Aldus.
- 6, 8 *Circumculari*) Si Goesiano Codici fides habenda est, non firmo loco inniti, qui *circumculco* & *circumcalco* latina putant, & Columellam auctorem laudant, recte animadvertit Pontedera.
- 6, 10 *Sunt ejusdem altitudinis*) MS. Goes., ut vidimus, addit *et laris*. Utrumque necessarium & conjungendum opinatur Pontedera.
- 6, 11 *Quæ uncinis coercita vides*, ea ineptum glossema arbitrat<sup>ur</sup> Pontedera.
- 6, 12 *Stirpem dodrantalem*) *Stipitem dodr.* putat Pontedera, a quo dissentit Gesnerus.
- 6, 12 *Correptus cacumen*) „Quomodo correptus? Scripsit omni- „no Columella *correctus*, ad quam vocem alludit Ascen- „sianus margo, ut indicavimus. Hanc emendationem haud „cunctanter in textum, quem vocamus, recepissem, nisi „mea esset. “ Gesnerus.
- 6, 17 *Ante . . . eadem . . . amula*) *Ante* Aldinum ejicit Pontedera, quod si Goesianum esset, retineri, & ad ordinem, non ad tempus, referri deberet. Pro *eadem*, Aldino etiam, *eandem* ex primis impressis, ac denique *nimia* ex MS. Goes.

- legit idem Cl. Vir, cui *amula*, non *elegans metaphora*, ut Gesnero, sed *puerile blandimentum* videtur.
- 6, 17 *Propter ramum*) Hæc duo verba suspecta habet Pontedera, qui mox Goesiana malit *deturque exitus* quam vulgata.
- 6, 18 *Novam sufferet*) E vetusta lectione, *nam n. s.* Pontedera conjicit *eam n. s.* Vulgatam quoque lectionem ita posse emendari ait: *noxam s.* Verum illa habet potiora. Gesnerus receptam lectionem se intelligere profitetur; & omnes, credo, intelligunt: sed quæstio est de facto, antiquane ac vera sit.
- 6, 20 *Hanc observationem*) Plinius 17, 11, s. 16, quem alias Columellæ iniquum esse observavimus, hanc observationem contemnit non alia causa prolata, quam quod Cato eam omiserit. Sed habet etiam Theophr. 2, 7 & Virg. Ge. 2, 265.
- 6, 21 *Depositæ stercoremus*) Perpensa lectione I. B. R. Gesnerus arbitratur Columellam scripsisse, *depositæ stercorata... si minus, certe subacta* (intellige e superioribus terra) *operiamus*.
- 6, 23 *Cum primum*) Adverbia hæc esse monet Gesnerus.
- 6, 23 *Omnibus annis*) Sine dubio legendum esse *ramis pro annis*, censet Ursinus.
- 6, 24 *Materia se dabit, ita*) Hæc Aldinis, *materia se de-vellet*, sed non Goesianis *materia sedebit ita*, meliora putat Pontedera. „ His namque eleganter declarat auctor matias inferiori loco natas ad summa esse promovendas. „ Eodem sensu *sedeo* effert Lucanus & Silius. “
- 6, 25 *Torum imum... necessarius*) Post *viti* Pontedera adjicit negationem *non*, quam ponit Gesnerus ante *oportet*, ac pro *cum* legit *quoniam*. Uterque sic veram & claram sententiam elicere sibi videtur.
- 6, 26 *Qui ex his nati sunt amputatis*) Inutilia ac insititia hæc primo obrutu existimanda esse non dubirat Pontedera; cujus opinio a Palladio & Plinio, reliqua exscribentibus, nec ex illis quicquam commemorantibus, valde roboratur.
- 6, 26 *Proxim... medii*) Ex emendatione Cl. Pontederæ ita rescripsit Gesn.: omnis antea legebant *proximis... mediis*.
- 6, 28 *Sequente anno*) „ Nonne commodius *sequenti*? casu tertio. “ Gesnerus.
- 6, 29 *Creat... in vinea... palmitis*) Duo prima, quæ MS. Goes. omittit, abundare, ac tertium legendum esse *palmitum*, ut ex eodem Goesiano, nec non ex auctoris mente comprobatur, pluribus ostendit Pontedera.
- 6, 31 *Dimitti*) Vetustum *immiti* præfert Gesnerus.

- 6, 32 *Extolli non oportet*) Nemo sanus hoc fecerit. Sequenda omnino lectio Goesiana.
- 6, 33 *Præcípites palmítes*) „Noli conjungere verba, *enati in duro*; hi enim non essent hornotini; sed *in duro* vitis *alligantur*, ne fiant præcípites. “ Ita Gesnerus, qui ante *qui* & post *enati* distinguendo, hac annotatione abstinere poterat.
- 6, 36 *Validam ergo... vitem feraciorem facere*) „Quid re, feram, quanta siccum jecur (Pontedera) ardeat ira? “ nobilis sc. ac sapiens. Plura etiam quam soleat hic Aldus vel suus Jucundus viriavit. Primum vetus elegansque verbum, rectum & proprium sensum in vite habens, i. e. *durare*, unde vitium brachia *duramina* & *duramenta* vocantur, summa impudentia ira neglexit atque abjecit, ut alienum & barbarum *diradiare* in ejus locum subrogaret. Deinde, antiquo pariter *si minus* in *si nimis* verso, optimum Columellæ monitum depravavit. Tertium denique (etsi hæc duo peccata cum aliis, qui eum præcesserant, Editoribus Aldus communia habet) *certos & ea ratio v. f. faciet* MS. Politiani pessime non retinuit. Trium præterea Codicum, Lipsiensis, Goesiani, Sangermanensis, consensu hæc lectiones comprobantur; itaque omnia ad priscam imaginem sunt redacta.
- 6, 37 *Ut in ejus locum... ex proximo propagare*) Hinc enoto *vitem*, quod utique Lipsiensis codex præterit, quippe de arbustis, non de vitibus agit Columella, reliqua sic restituere conatur Pontedera. Ex Politiani commentariis legitur pro *ut*, quo immutato verbi *queat* usus ac vis evanescunt. Id tamen scias in MS. Lipsiensi esse *querat*, e monito forte studiosi cujusdam natum. Denique *eam pro tam*, & *sed pro quam*, repudiatis Aldinæ, ab antiquis Editoribus accipit.
- 7, 1 *Ea est arbor corno similis*) Hæc deleri vult Pontedera, quia nulla inter opalum & cornum est similitudo. Hanc observationem Ernestus, oscitanter legendo, putavit ad c. V pertinere, ubi eam recensuit.
- 7, 2 *Ne umbrent eo tempore*) Distinguendum erat post *umbrent*, ut Pontedera animadvertit.
- 7, 3 *Curetur.... deducatur*) *Curentur.... deducantur*, legimulit Morgagnus Ep. I. §. 13.
- 7, 4 *Cultus docet*) Primas Editiones monere, an forte legendum sit *dicta docent*, observat Gesnerus. Pontedera ex Goesiano *facereditus* autumat *reditus*, ex quo impensæ ponderantur.

- 2, 3 4 *Pausia, Algiana* &c.) Quærit Morgagnus Ep. I. §. 14 cur *radiur* inter decem olivarum genera non memoretur, ac sibi respondet; aut Columellam posuisse illum, sed alio quodam nomine, puta *Algianæ*, vel *Neviæ*, aut genus aliud aliquod perperam a librariis duplicatum fuisse, & sic radii nomen (quod a Virgilio, Plinio, Palladio, Columella ipso continuo post *Orchitem* subjici solet) ut *denarius* ille numerus constare, temere expunctum. Porro *cercites*, non *circites*, ut male in editis libris occurrit, legi debere aperte idem Vir Cl. comprobavit.
- 2, 4 *Bacca jucundissima est Pausia*) Burm. ad Virg. Ge. 2, 86 valde laborat in hoc conciliando cum Virgilii: *amara Pausia bacca*, inclinaturque ad legendum ibi *amata*.
- 2, 4 *Qua potius*) *Utraque* p. ex Goes. & Lips. MSS. conjicit Pontedera.
- 2, 4 *Vetustate corrumpitur*) Et hæc ab Aldo sunt. Vetera habent, *Jensoniana*, *nam rumpitur*, *Lipsiensia*, *ina rumpitur*, *Goesiana* (quæ magis laudat & probat Pontedera) *in annum rumpitur*, videlicet depravatur, & a pristina qualitate recedit. *Rumpere* porro apud antiquos jurisperitos depravationem significabat, unde *corrumpo*.
- 2, 7 *Habui vobis dicere*) *o vobis* vitiosum judicat Pontedera, malitque *habui qua dicerem*. At non potuit Columella momento temporis *Silvinum* oblivisci, & lectores in universum suos compellare?
- 9, 1, 2 *Id genus terra.....adimito*) *Carcerem*, quo Gesnerus clausit verba, *hoc est manubrii crassitudine*, reseratur Pontedera, qui eadem germana & antiqua autumat. Præterea post *Ursinum feracissimis* pro *feracissimos* legit, & pro *detur*, *fermentari sinito*. Tum *ramos*, quod repudiat, ex *Goesiano* libro elicit: *pecori detur*, *inseratur*. *Ramos*: etenim terra bene culta & munita quid aliud expectat, nisi semen?
- 9, 3 *Immergeri*) Antiqua lectio I. B. R. *immederi*, unde Pontedera conficit *ex humo dari*, h. e. inhumari, quo utitur Plinius lib. xviii. ad id opus significantum.
- 9, 4 *Humantur*) „ Quid si *muniantur*? quæ vox ab *uniantur* levissime distat. Pro *hi sunt* malim etiam *sunto*? “ Gesnerus?
- 9, 8 *Pala, qua eximitur*) „ *Pilamne* vocat cespitem, cum „ sua terra? an verior lectio *pala*, qua eximitur surculus? „ Ita paullo post legendum erit etiam *palam commovere*. “ Gesnerus.



- 9, 10 *Truncus autem aptior translationi*) Quo auctore istud translationis Aldus affinxit? Pontedera ex antiquis rescribit: *Truncus autem aptus magis is est.*
- 9, 11 *Altitudinem maximi scrobis*) Vocem postremam Gesnerus concoquere non potest; quare totum locum sic legendum censet: *surculari debent* (h. e. ramis omnibus & surculis acutis purgari) *ita ut simplex stilus* (sc. stirps arboris) *altitudinem maximi bovis excedat, ne deinde arando coxam bos... offendat.*
- 9, 12 *Sed id minime*) Pro *minimum* vel librariorum culpa, vel idiotismo Moderati nostri, aliquoties esse in his libris, Gesnerus monet etiam, ne quis forte ad emendandum nimis prævolet. Similis ratio est ejus, quod sequitur, *circumfodiri* pro *circumfodi*.
- 9, 13 *Ac tertio quoque fimo vel*) *Vel* non abundare, sed *amurca* deesse contendit Pontedera. Locum tam corruptum & luxatum veretur Gesnerus ut sola *amurca* sanari possit; ipse tamen non hæreret, si pro *Atque* sibi modo daretur legere; *Atque si* (vel *ac si*, vel *ac quum*) *eadem ratione... tantum segetibus &c.*
- 9, 14 *Satis servieris*) *S. servaveris* ex Goes. legit Pontedera. Mox corrigit *sex libras... modior singulos... congium*, & pro *stercoris sicci* cum Palladio *cineris* rescribendum putat.
- 9, 14 *Permistum biemi*) *P. bieme* legi vult Ursinus, & certe sexto casu vocem intelligendam esse ad questionem *quando?* fatetur quoque Gesnerus.
- 9, 15 *Inducet*) *Indues*, quod Columellæ solemne est, malit Gesnerus.
- 9, 16 *Ni tantundem*) Olim pro *ni* Pontedera legebat *si*; quod postea ex Goesiano Codice mutavit in *ut*, pro *dummodo* acceptum.
- 10, 1 „ Ab hujus inde capitis initio ad finem libri reperita „ sunt omnia ex libro *de Arboribus* a cap. 18 ad 28, ita „ quidem, ut subinde quædam inter describendum mutata, „ ut fit, ab auctore opus suum retractante, appareant. „ Gesnerus.
- 10, 2. *Hominis manu tractata*) Inducatur *ad hominis*, quod Aldus posuit, forte verius, ne manus pecoribus attribueretur; & pro Aldino *tractata* legatur omnino *præfracta* ex libro *de Arb.* vel *detracta* ex MS. Goesiano. Sic jubet Ponted.
- 10, 3 *Serere vobis*) Aldinum est *vobis*. Optima est lectio Goesiana *peribis*, h. e. properabis, primigenio significatu.

- 10, 6 *Semina lege crassa . . . continentur*) Quæ hic interposita sunt, si ex veteribus ramis, a Pontedera mutantur ita: si ex arboribus, suffragante lib. de Arb. c. 20. Quoque, ut Aldinum, furcillis ejiciatur; & pro continentur cum eodem Cl. Viro ex Palladio ponentur rescribamus.
- 10, 7 *Nota, quibus ventis . . . agrum transferas*) Hic aliqua deesse, quæ supplenda sunt ex compari loco libri de Arb. cap. 20. Morgagnus autumat Ep. I. §. 15. Pontedera autem e vestigiis MS. Pol. & Edd. pr. legit: notabis ventos, quibus antea steterant, ut iisdem constitui possint, vel brevius ex Lips. nota, ut ventis, quibus antea steterant, constitui possint. Mox postea e possint depravatum putat; ac, pro manus admoveo, e Goesiano & lib. de Arb. reponit curam adhibeto: manibus enim hic non opus est, sed diligentia.
- 10, 9 *Germinant, arbores dep.*) „Distinguendum esse post „arbores, docet Pontedera; nam non arbores primo vere „deponuntur, sed semina, antequam arbores germinant.“
- 10, 10 *Prioremve fructum* Recte enim ve ad priorem adjectam omitti arbitratur Gesnerus.
- 10, 11 *Sulca . . . topia*) Ista ficorum genera ignota sunt: quare depravata nomina existimat Pontedera, conjicitque legendum: *marisca* & *Chia*, voces celebres ac frequentes.
- 10, 11 *Flosculi*) Hæc vox merito suspecta est Gesnero; nam florem ficis negat Plinius, & quod maximum experientia. Superest ut *flosculus* intelligatur prima ficus erumpentis cyma,
- 10, 11 *Serito circa Cal. Febr.*) *Serito arcturi signo vel circa* &c. ex lib. de Arb. c. 21. hunc locum necessario augendum ostendit Pontedera.
- 10, 13 *Nuces . . . ad Favonium*) Hæc ex l. de Arb. c. 22 Pontederæ interponenda videntur: *parsque acutior inferior sit, quia inde radices mittet.*
- 10, 13 *Ex summo duum ramorum ambas*) Vix dubitare potest Morgagnus, quin hæc ex corruptione istorum nata sint, quæ in lib. de Arb. habentur: *extensa in modum variorum alias.*
- 10, 17 *Dies XXV ad brumam*) Plinius habet XV. Neuter numerus justus est. Pontedera rescribit XX: nam coloni hoc intervallo ante brumam ab omni rustica opera cessant,
- 10, 19. *Mala, sorba, pruna*) *Mala æstiva, cydonæa, sorba pruna*, omnino emendandum esse ex lib. de Arbor. c. 24. Morgagnus arbitratur.
- 11, 3 *Cum primum germina tumebunt*) Accipe veriora ex

varietate: nemo enim, ut observat Pontedera, nisi rationis expertus, in surculorum germinatum insitionem distulerit.

11, 4 *Truncum recideris*) Optimam lectionem habes in varietate; ad arborem enim referri Pontedera animadvertit.

11, 5 *In una arbore &c.*) Quæ uncis inclusa sunt, ex lib. *de Arb.* c. 26 4 & 5, huc reponebant Schoettgenius & Morgagnus, veluti necessaria, antequam in Goesiano extare compertum esset. Mox n. 8. ad hæc ipsa verba auctor nos remittit. Tamen, uno excepto, cunctis aberant libris sive editis sive manu exaratis. Repetitio verbi *extant* manifeste ostendit, quo factum sit, ut interciderint.

11, 7 *Medium truncum . . . inserito*) Longe meliora esse, quæ habentur in lib. *de Arb.* c. 26. n. 6. Morgagnus autumat Ep. I. §. 22.

11, 9 *Caprifici ramus*) *Tali ratione* cum lib. *de Arb.*, vel cum Goes. *optime igitur ea inseritur ratione*, legendum esse existimant Schoettgenius & Pontedera. Undecunque sint hæc duo verba, huc ea minime convenire putat etiam Gesnerus. Forte sunt ex seq. n. 10.

11, 12 *Illam quasi finitionem*) Lectionis varietatem probat Pontedera, eamque velit transferri ad lib. *de Arb.*, nedum dicat ab hoc ipso firmari, ut perperam legit Ernestus.

12, 1 *Gallinis, apibus*) *Ovibus* pro *apibus* legendum conjiciebat Ursinus: sed utrumque necessarium esse ex Goesiano Cod. nec non ex lib. *de Arb.* affirmat Pontedera. Hic quoque male vidit Ernestus, qui vel compendiaria diligentia Cl. Viri Epistolas in compendium redegit.

12, 3 *Quatuor pedum spatia*) Gesnerus melius credit *spatio*, ut est in *de Arb.*

12, 4 *Potest etiam ante Septembrem &c.*) Vitium hic ex lib. *de Arb.* irrepsisse putat Pontedera, qui ut optimam laudat & probat lectionem Goesiani libri: *Potest etiam circa septem agri commode seri*; cui haud absimilis, etsi in uno verbo mendosa, illa Politiani est: *circa septem agri*. Non-nihil me pudet hæc in varietate omisisse.

## IN LIBRUM SEXTUM.

PRÆF. 3 *Pigret dicere*) „Piguit & Plinium, qui cum 18, 5  
 „§. 6 duas quæstiones retulisset, de tertia tacet, cum sit  
 „hyperbolarum amantissimus. At non piguit Ciceronem,  
 „qui Offic. 2, 23 *tertium, male pascere, & quartum, a-*  
 „*rare* adjicit. Nec abhorret illa tertia responsio ab ingenio  
 „Cætonis, quam imitatus est ejus pronepos, qui interro-  
 „gantibus, quem maxime amaret, respondit *fratrem*;  
 „quem secundum, iterum *fratrem* dixit; quem tertium,  
 „iterum *fratrem*. Plut. in Vit. Cat. p. 1396. Ed. Steph.  
 „Similia de hypocrisi oratoris Quintil. 11, 3, 6. “ Gesnerus.  
 7 *Velut pecus*) Aldinum hoc est, pro quo, e vestigiis veterum  
 librorum, *velut murum & portam* conjicit Pontedera.  
 Eodem fere modo emendabat Ursinus.

CAP. 1, 2 *Eademque rubros*) Quis *rubros* boves unquam vidit?  
*Robios* vel *rubeos*. ex Goes. MS. legit Pontedera.

1, 3 *Implente utero*) Incipit rescribendum Ursinus. Sed fieri posse, ut intransitive dixerit, elliptice certe  
 Columella, dubitat Gesnerus, qui aliquid mutare ausus  
 non est.

1, 3 *Pilosisque, corpore denso*) Hujusmodi boves ab omnibus  
 improbantur: quare ex Palladii loco hæc ita castiganda putat  
 Pontedera: *pilo totius corporis denso &c.*

2, 3 *Liberum a tempestatibus & a religionibus*) Hæc ut no-  
 vitia ac depravata damnat Pontedera, qui antiquiora & sa-  
 niora recipit ex Goes. L. I. B. R. *bonum temp. & rel.*

2, 4 *Jaculi . . . tenera fronte*) Miratur Pontedera ut misere  
 laboret Gesnerus, quo *jaculi* tueatur, quod Aldus peperit.  
 Sic, eodem Cl. Viro auctore, *tenera frontes* ex Goesiano le-  
 gendum est.

2, 7 *Lingula demittito*) „Quid *lingula* opus ad offam, adi-  
 „patam præsertim & lenem? Legendum ex Pall. Mart.  
 „12, 3 *in gulam demittito*. “ Gesnerus.

2, 7 *Illicatur, & temonis*) Illicatur *temonis* unico spiritu in  
 antiquis Goes. I. B. R. proferuntur, quæ Pontederæ ma-  
 gis placent.

2, 8 *Quamvis subactis*) Ita rescripsit Gesnerus ex emenda-  
 tione Morgagni Ep. I. §. 23.

- 1, 10 *Etiā obsequitur*) Eripuisse ævum *invitus*, quod inter Goesiana servatur, non dubitat Pontedera.
- 2, 13 *In corporatione*) Lectioni Gymnici *in comparatione* favet Ursinus, & verbi *comparare* significatio, quatenus ad arenam & gladiatores pertinet. Monet Facciolatus rationem latini sermonis hic postulare *incorporationem*: sed eam rationem non explicat; nec Gesnero, vel mihi succurrit, quæ sit.
- 2, 14 *Quam concitatis*) Si vel unum Commelini suffragatorem invenisset Gesnerus, pro sphalmate non haberet *conci-tati*: videtur enim reconditæ cujusdam elegantiae. Sed quid suffragatore opus est, ut quod minime erratum appareat, errore non arguamus?
- 3, 5 *Modius viridis*) *Modus is*, vel *modus dictus laurea*, suspicabatur Gesnerus; sed rectius Pontedera ex antiquis L. I. B. R. legit *modo viridis laurea iligeneque frondes*.
- 3, 5 *Que nisi ad satietatem detur*) Gesnerus malit: *si ad satietatem detur*: videtur enim in glande potius copia vitanda bubus, quam modus.
- 3, 7 *Nam id quoque, uti juniperus*) Aldi audacia retusa, e vestigiis Ed. Jens. & MSS. sic emendat Pontedera: *nam id quod asperius &c.*
- 4, 1 *Sub divo habito*) Hoc extremum *habetur* est in Goesianis & primis excusis.
- 5, 1 *Contagione... labefaciat*) „Quid si *tabefaciat*? ut statim, „*tabem afferant*. Sed neque alterum damnare ausim. “ Gesnerus.
- 5, 3 *Tantundem sanguinis*) „Legendumne *ad tantundem* „*sanguinis*, an *tantundem* αὐτὸν hic est intellectu „ablativi casus positum? “ Gesnerus.
- 5, 4 *Tanquam O litera*) Beroaldus conjiciebat: *tanquam litura*.
- 6, 4 *Nec hac profuit res, caprifici arida*) *Nec hoc profuit, res caprifici aridi*, reponit ex Goes. Pontedera.
- 6, 4 *Deligantur*) Hoc verbum vix concoquit Gesnerus, & alienum a sententia putat Morgagnus. *Levigantur* iste legit, quod satis indicant Vegetii verba, *tunduntur in pila*.
- 6, 5 *Ita citatur*) Goesianum *citatus* magis probatur Pontedera.
- 7, 4 *Restiterit citata*) *Erit cit.* malit Morgagnus ex loco parallelo Vegetii.
- 7, 4 *Si sæpius quam consuevit, lacryma*) *Sæpius lacrymaque ab oculis*, ex Vegetio emendat Pontedera, deletis *si &*

- quam, quæ nec edidit Jensonius, nec Goesius de veteri monumento exscripsit. Porro *consuevit* totam sententiam evertere, alienaque manu esse interpositum, idem Pontedera arbitratur.
- 11, *Colligatur. Vel si colligari*) „ Ut minime non dubito ,  
 „ quin, ita sententia postulante, recte Vegetium ex Colu-  
 „ mella emendaverim, reponens *collui* pro *colligari* ; sic  
 „ contra non liquet, sitne ex Vegetio Columella emendan-  
 „ dus, scribendo *curatur* pro *colligatur*. “ Morgagnus. Ges-  
 nero tamen *colligari* ex Goesiano Codice recipere non  
 fuit religio, ratione ipsa, ut ille ait, huic lectioni suppe-  
 tias ferente.
- 12, 2 *Saniem creabit*) *Ramicem* pro *saniem* malit ex Vege-  
 tio Morgagnus, & *famicem* ex Pol. Pontedera. Sanies certe  
 ab hoc loco alienissima est.
- 12, 2 *Decoctis*) Disertius longe Vegetius 3, 4, 11 *ferro can-*  
*dentis stillantibus*, quod vix dubitat verum esse Gesnerus.
- 13, 1 *Tritum spargitur*) *Inspargitur* a Columella scriptum  
 fuisse, præter lectionem Goesianam, Vegetius docet.
- 14, 2 *Ut bor in laius pendere*) Mire hic dissentiunt Editio-  
 nes, & frustra laborant Critici in depravato hoc loco resti-  
 tuendo. Vid. Pontedera Epist. LX, p. 542 & Morgag. Ep.  
 III, §. 21. Gesnerus coniceret *or in flatur pandere*, nisi  
 hæc nimis forte a recepta lectione recederent.
- 14, 3 *Herba, quæ vocatur avia*) Pro *avia* Pontedera legit  
*Lamium* sive *Lamia* ex Goesiano & Celso, idemque ante  
*contuderit* pro Aldino *contusum erit*.
- 14, 5 *Hircino sevo, & vetere oleo*) Morgagnus Ep. III, §.  
 24. ex Vegetio hunc locum augeri velit: *hircino sevo, &*  
*vetere axungia atque oleo*.
- 14, 5 *Subriccatur*) Scilicet in hoc verbum Aldus, veterno  
 mentis occupatus, priscum impressum *subjicitur* vertit, ex  
 quo *subigitur* efformandum ait Pontedera.
- 14, 6 *Facile operanti lucernam instillatur*) Nihil hoc Aldino  
 ab homine dici posse stultius, autumat Pontedera. Ipse ve-  
 ro, ex Goesianis sententiam sic redintegrari censet: *facile*,  
*oleo per lucernam ardentem instillato, reparatio est, nempe*  
*molestia*.
- 14, 7 *Dirjungantur*) Placet Gesnero Vegetianum *dejungan-*  
*tur*.
- 15, 1 *Exemta stirpe*) *Exempto stipite* malit Pontedera.
- 15, 2 *In favillam recidit*) Nic. Heinsius ad Ovid. Her. 17,  
 190 legi vult *residis*.

- 15, 2 *Cornua ejus*) *Corona* ex Vegetio suspicatur Morgagnus Ep. III, §. 27. Sed vid. ad Varr. 2, 7, 2.
- 16, 1 *Gravitate longioris*) *Longi itineris*, quod habet Vegetius, pro *longioris* legendum putat Pontedera.
- 17, 2 *Simonianum trifolium*) *Aldina lues hæc* est, qua affectus Gesnerus non vidit, quanta luce ex Goesiano libro hic locus perfundatur.
- 17, 3 *Intenditur*) Sententiam postulare *intenduntur* post Morgagnum I, §. 29 & III, §. 32, admonet Gesnerus. Vocabulum *more*, ut Aldinum, abjiciendum est.
- 17, 4 *Subula aenea*) Codex Vatic. legit *fibula abena*, & Vegetius habet *acu urea*.
- 17, 5 *Humorque ostendit*) Vix dubitat Gesnerus, quin legendum sit *tumor*, quod visum etiam Ursino, & Morgagnio maxime probatur.
- 17, 6 *Conversionem reseccare*) Ursino videtur legendum *reseccare*. Morgagnus rescribit *collectionem* (i. e. tumorem vel vomitum) *reseccare*. Vegetius habet *aperire*.
- 17, 7 *Montanus sal*) *Fossilem* dicit Vegetius, & pro *Armeniacum* substituit.
- 17, 8 *Imposita, pastinacæque &c.*) Pontedera interpungit post *imposita*, ac pro Aldino *conclinita*, quod in Vegetio est *trita*, malit *conlevata*.
- 20 *Magis rectus*) Ex Goesiano *treus* Pontedera conficere velit *strenuus*.
- 22, 1 *Enimæ, & vetustæ*) Alteram vocem vitiosam censet Pontedera, nisi aliquid addatur e. g. *sape* vel *male*; ac pro altera ex pr. Edd. legit *vetustate*. Gesnerus suspicabatur *enixæ* hic dici ut *effetas*.
- 22, 2 *Ejusmodi armentum*) „Intellige *fecundam* quod par-tus & fructus causa habetur, ut indicant quæ sequuntur.“ Gesnerus.
- 22, 2 *Nam melius memoribus &c.*) Falsam & absurdam hanc sententiam esse quis non videt? *Durantur ungula* Pontedera libenter immutaret in *saturantur juvenca*; sed forte propius ad literas vulgatæ lectionis accedere *durant juven-cula*, Gesnerus observat.
- 23, 3 *Intra stabularii castra*) Satis est, ait Pontedera, ut codices, in quibus *stabulorum* legitur, inspicias, quocirca rursus *stabularii* pœniteat approbasse.
- 24, 5 *Vel tenero olera, commisto &c.*) Aldina hæc corruptissima ita purgavit Pontedera: *Et tener vitulus torrida mo-*

*litoque milio & permisso cum lacte salivatur.* Nec dubium est Gesnero, quin recte curatus locus sit: sed, ne restitutionem lectionem reciperet, fecit nimia, ut solet, hominis verecundia. <sup>3792</sup>

24, 5 *Alsina vasis*) Legi vult Harduinus ad Plin. 8, 49 *Alpine*; nam si ab *Alsino* Italiæ oppido nomen haberent, *Alsinates* dicerentur, ut ipse Columella 7, 2 *Alsinates oves* commendat.

26, 2 *Ferro reserare*) Legendum esse *reserare* satis aperte intelligi videtur Ursino, cui favet ratio Moderati nostri VI, 34, 1 *Reseratur suppuratio*, & VI, 12, 5 *reclusa ferro*. Favet etiam pluribus locis Vegetius.

26, 3 *Formaque servata &c.*) Hæc ab Aldo vel a Jucundo potius, cui, ut Pontedera inquit, in votis erat Horatianum illud: *Pulchra Laverna, Da mihi fallere*. Optima lectio est Goesiana & Sangermanensis, quæ est in varietate.

26, 4 *Desecto*) *Delecto* mavult Barth. Advers. 37, 3 Sed *desecto* etiam esse VI, 17, 9, & posse ad copiam & minorem laborem pecudis referri, meminit Gesnerus.

27, 1 *Auctorem industrium*) Intelligi equum marem, sc. admissarium, putat Schoettgenius. Gesnerus autem putabat legendum *auctorem*, & illud sorvorum genus intelligi, de quo non uno loco noster mentionem facit.

27, 1 *Equinum pecus*) Aldi munus est *pecus*, & *equitium* legi malit cum Goes. Pontedera.

27, 1 *Post anni mersem*) Ex pf. Edd. & MSS. *post annum mersem* conjicit Pontedera.

27, 9 *Isque admissura potest trimis adhiberi*) *Isque admissura post trimatum ad annos viginti &c.* omnino legendum cum Goes. arbitratur Pontedera. Illud *adhiberi* forte ab Jucundo Aldus accepit.

27, 10 *Odore perfricatur deteris &c.*) Pro *perfricatur* Ursinus malit *vellicatur*. Præterea ipsa legit *deteris*. . . loci, vocemque *equi* putat abundare. Pontedera & Gesnero perplacet lectio Goesiani ornatiores atque elegantior.

27, 11 *Clausove*) Demenda est particula *ve*, quam Jucundus Aldo largitus est. *Clauso* habet Goes. I. B. R. substantivo more positum, quod & alibi apud Columellam invenies.

29, 11 *Datague*) Codex Arundel. habet *addisa*, & recte quidem, ait Wasse ad Sallust. Catil. c. 60. sed aliter Schoettgenio videtur.

29, 3 *Equalibus*) Aldus stulte id excudit. *Mollibus* dixit



Columella, Virgilium imitatus de eodem pullo canentem : *Continuo pecoris generosi pullus in arvis Alsius ingreditur, & mollia crura reponit.*

29, 4 *Ex placido concitati*) Antequam medicinam huic loco felicissimam attulisset Schoettgenius, qui ex Goesiano codice addidit *concitati*, quod omittunt omnes, non male coniciebat Ursinus legendum : ex *placido & concitato misti*.

29, 4 *Patientissimi*) Hic etiam tenetur Aldus. Columellianum est *promptissimi*.

30 „ In hoc caput & aliquot sequentia amplissimi commentarii instar est Vegetii liber tertius, quem semel hic laudasse satis est. “ Gesnerus.

30, 3 *Fomenta adhibentur*) Quæ post hæc adduntur in Goesiano, ex proximis vera statui, animadvertit Pontedera.

30, 9 *Vermes quasi lumbrici*) Pro *quasi* Pontedera *sineola* malit ex Vegetio.

31, 1 *Lentis miscetur*) *Lenti* videtur legendum Ursino.

31, 2 *Agrestis herba*) Pro *agrestis* aliud legendum putat, sed quid, se nescire fatetur Pontedera. Multa tamen eruditione Vir Cl. ignorantiam suam approbat.

32, 1 *Dum saniei vis emanat*) Vetuscam lectionem *sanguis emanet* præfert Pontedera.

33, 1 *Pastinacæ*) Cum adversus oculorum cicatrices acriora apta sint, hæret Pontedera sitne legendum potius *sinapi*, ut tradidit Veget. II, 22, 10.

34, 1 *Adjunguntur*) Goesianum *diluuntur* præstabilius ducit Pontedera, legitque ex P. L. *gis* pro *git*.

36, 2 *Quousque . . . sit*) Hæc ab Aldo. Mox ejusdem furfuris sunt *peractio* anno, quæ Goesianus omittit.

36, 3 *Mirabilissimam sobolem . . . progenerant*) Ut omnia recte inter se cohæreant, & quid doceat Columella, perfecte assequamur, legamus oportet cum Pontedera : *mirabilissimi sob. degenerant* : sive *mirabili pessimam sob. progenerant*.

36, 4 *Hujusmodi mari . . . equæ*) In his falluntur, qui tanquam cuncta Columelliana habent, cum Aldinis misceantur. Vetera & germana ex primis excusis & Codicibus repetita sic ordinanda censet Pontedera : *H. m. s. m. subadmota g. e. femina ( q. s. s. f. f. n. ) itaque objecta, cum superjectis eblanditi sunt, velut incensum & obcacatum cupid., s. q. p., f. i. equæ.*

37, 4 *Strigorum patris præferat habitum*) Aptiorem sententiam confari videtur Pontederæ, si Politiani & Lipsiæ Co-

- diçes & prisca impressa secuti legamus: *strigorumque patris  
preferret habitum.*  
 37, 6 *Maculori*) De hac Aldina voce suspicatur Pontedera,  
 qui legi malit *magis rubei*.  
 37, 7 *Primordii seminis mistu*) Hæc respuens, antiqua im-  
 pressa eademque Goesiana amplectitur Pontedera.  
 37, 8 *A partu*) Hæc manifesto depravata. Forte legebatur  
*protinus*, quo vitiato, *statim* ex proximo reperitum videtur.  
 37, 8 *Prædictus . . . destinanti*) *Prædictus* esse malit Pon-  
 tederæ, qui item cum Goesiano legit *desideranti*.  
 37, 9 *Salvandus*) Quo morbo incitatus vetustum impressum  
 Aldus mutaverit, Pontedera assequi non potest.  
 37, 9 *Teneræ*) De hoc verbo tanquam de *temere* depravato  
 ambigit Pontedera; & niox pro *cognovit*, vetus vitium,  
 quod cunctis excusis inest, Goesianum *concivit*, i.e. in ve-  
 nereum illexit, optimum arbitratum.  
 38, 1 *Febrienti*) Et hic reperit Aldus, quod deterius redde-  
 ret. Veram lectionem habes in varietate.  
 38, 3 *Semunciam triti furfuris* &c.) Locum hunc ab Aldi  
 corruptione sic vindicat Pontedera: *Semunciam sulphuris*,  
*ovumque crudum, & myrrha pondo denarii. Hæc trita*  
*vino &c.*

## ERRATA

## CORRIGE

|         |         |            |            |
|---------|---------|------------|------------|
| Pag. 41 | lin. 24 | cunabilis  | cunabulis  |
| 72      | 17      | Eoæ        | Eoæ        |
| 154     | 25      | istam      | ipsam      |
| 186     | 23      | laxatoque  | laxataque  |
| 224     | 25      | utendis    | utendi     |
| 230     | 26      | connivete  | connivere  |
| 364     | 1       | illo       | ille       |
| 376     | 28      | Hic        | Hic        |
| 383     | 12      | panguntur. | panguntur? |



172

11/11/11

S.N. VI 1

